



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

1901
1902
1903

84
7-60

ՊԱՏԿԵՐԱԶՍՐԴ ՄԱՏԵՆԱԴԱՐԱՆ

ԷՕԺԷՆ ՍԻԻ

ԵՕԹՆ ՄԱՀԱՑՈՒ ՄԵՂՔԵՐ

Թ. Ա. Բ. Գ. Մ. Ա. Ն. Ի. Զ.

ՊԵՏՐՈՍ ԱՏՐՈՒՆԻ

ՀՐԱՏԱՐԱԿԻԶՔ

Յ. ԶԷՆՃԻՐՃԵԱՆ ԵՒ ՆՃԱՆ Կ. ՊԵՐՊԵՐԵԱՆ

Բ

ԲՂՋԱԽՈՆՆՈՒԹԻԽՆ

معارف نظارت جلیله سنک رخصتیه طبع اولمشدر — ۲ شباط سنه ۹۸ — نومرو ۱۰۷۷

Կ. ՊՕԼԻՍ

ՏՊԱԳՐ. ՆՇԱՆ Կ. ՊԵՐՊԵՐԵԱՆ

1885

RECEIVED BY THE DIRECTOR

NOV 10 1894

REPORT OF THE DIRECTOR

OF THE

UNITED STATES

DEPARTMENT OF AGRICULTURE

WASHINGTON, D. C.

11

FOR SALE BY THE SUPERINTENDENT OF PRINTING

AT THE FOLLOWING PRICE

PER COPY

10

7

ՊԱՅԿԵՐԱԶՍՐԴ ՄԱՏԵՆԱԴԱՐԱՆ

ԷՕԺԷՆ ՍԻԻ

ԵՕԹՆ ՄԱՀԱՑՈՒ ՄԵՂՔԵՐ

ԹԱՐԳՄԱՆԻԶ

ՊԵՏՐՈՍ ԱՏՐՈՒՆԻ

ՀՐԱՏԱՐԱՆԻԶՔ

Յ. ԶԷՆՃԻՐՃԵԱՆ ԵՒ ՆՅԱՆ Կ. ՊԵՐՊԵՐԵԱՆ

Բ

ԲՂՋԱԽՈ ՀՈՒԹՈՒՆ

معارف نظارت جايله سنك رخصتيله طبع اولمشدر — ۲ شباط سنه ۹۸ — نومرو ۱۰۷۷

Կ. ՊՕԼԻՍ
ՏՊԱԳՐ • ԶԱՐԴԱՐԵԱՆ

1985

2B-74456

300-2003

Ե Օ Թ Ն Մ Ա Հ Ա Ց Ո Ւ Մ Ե Ղ Ք Ե Ր

Բ Ղ Ջ Ա Խ Ո Ն Ո Խ Թ Ի Խ Ն

Մ Ա Տ Լ Է Ն

Ա.

Էլիզէ — Պուրպօնի ապարանը (Բօմբատուրի մարքիդուհւոյն նախկին ապարանքը) որ Սէնթ—Օնօրէ արուարձանին մէջ տեղն է, փետրուարի յեղափոխութենէն առաջ, գերմանական դաշնակցութեան իշխաններէն սկսեալ մինչեւ Իպրահիմ—բաշայ, բոլոր օտար արքայազուներու և իշխանազանց իջեւանն էր :

Անցեալ տարիներէն մէկուն յուլիս ամսուն վերջերը, առաւօտեան ժամը Մի միջոցին, վեց շաբաթէ ի վեր Էլիզէ բնակող Ն. Ա. Վ. Լէօբօլտ Մաքսիմիլիէն արքիդքսին քանի մը ազնուականներն ու երիտասարդ քարտուղարները պալատին սրահներէն մէկուն մէջ ժողուուած էին :

« Եան տը Մաուսի մէջ Նորին արքունի վեհափառութեան ի պատիւ տրուած գորահանդէսն երկար տեւեց —, կ'ըսէր մին : — Այս առտու իշխանին ներկայանալու անձինք շատ պիտի խոնին : — Արդէն, յարեց ուրիշ մը, Յ-Յ հոգի կէս ժամէ ի վեր կը սպասեն : — Եւ իշխանը, որ զինուորական ճշգրտագահութեան այնքան

նախանձախնդիր է, շատ պիտի ցաւի ապամայ ուշ մնալուն » :

Այն պահուն սրահին մէկ դուռը բացուեցաւ . առ առաւելն քսան տարեկան երիտասարդ մը, որ պալատին մէջ կը բընակէր, սրահէն անցաւ եւ գնաց քով սենեակը . տեսակ մը բարութեամբ և ամօթխածութեամբ բարեւելով մեր յիշած անձինքը, որք, զինքը տեսնելուն պէս, անանկ յարդանք մը ցոյց տուին անոր, որու արժանի չէր երեւնար իւր տարիքովն ու դիրքովը :

Երբ նա աներեւութացաւ, ազնուականներէն մին սրահէն անցնող երիտասարդն ակնարկելով՝ ըսաւ .

— Խեղճ կոմս Ֆրանց, միշտ միևնոյն ամօթխածն է . վանքէն ելնող ՆՅ տարեկան աղջիկ մը իրմէ աւելի համարձակ կ'ըլլայ . . . : Իւր այս վիճակը տեսնողը կրնայ հաւատալ որ երեք տարի կովկասու մէջ նշանաւոր քաջութեամբ մը պատերազմած ըլլայ . . . և Վիէնայի մէջ ալ կատաղի մենամարտութիւն մ'ըրած ըլլայ, որմէ յաղթութեամբ դուրս ելաւ : Ես այնպէս կը կարծեմ որ, պարոններ, Ֆրանց կոմսը աչքերն անմեղօրէն խոնարհելով սուրբ հարուածներ կուտար Չէքքէզներուն :

— Եւ կարծեմ թէ Ն. արքունի վեհափառութիւնն գոհ է որ իւր . . .

— Սը՛սս , անխոհեմութիւն չուզեր , սիրելիս :

— Թողէ՛ք որ խօսքս լինցնեմ : Կըսէի թէ իշխանը շատ գոհ է իւր սանին անաղայլ ամօթխածութենէն :

— Ես ալ ձեզի պէս անանկ կը կարծեմ որ իշխանը ի սկզբան շատ վախցաւ թէ մի՛ գուցէ այս գեղեցիկ տղան սաւանայական Բարիգու փորձութեանց ենթարկուի : Ինչո՞ւ կը ծիծաղիք , սիրելիս :

— Ո՛չինչ :

— Կը կարծէ՞ք որ Ֆրանց կոմսը , իւր առերեւոյթ անմեղութեանն հակառակ , սիրահարութիւն մ'ըրած ըլլայ :

— Տեսէ՛ք , պարոններ , ժպիտ մը ի՛նչ նշանակութիւններ կրնայ եղեր ունենալ , փասն զի դուք վկայ էք որ ես միմիայն ծիծաղեցայ :

— Առանց կատակի , սիրելիս , կը կարծէ՞ք որ Ֆրանց կոմսը . . .

— Ես բան մը չեմ կարծեր , բան մը չեմ բսեր , և լուռ կը մնամ նման այն քաղաքագէտին , որու շահը լռել կը պահանջէ , կամ այն նորատի ազնուական ըսպային , որ առաջին անգամ ըլլալով իշխանին կը ներկայանայ :

— Իշխանն ալ անանկ նայուածք մ'ունի որ , ամենէն լիրբերն անգամ կը քաշուին : Բայց դալով Ֆրանց կոմսին . . .

Սրահին մէջ խմբուող անձանց մէկ պաշտօնակիցն այս խօսակցութիւնն ընդմիջեց :

Այս նորեկն Ֆրանց կոմսը մոռցնել առաւ և երեք հոգի միաձայն հարցուցին իրեն .

— Է՛յ , նայինք սա ձեր հրաշալիքը , Սէն-Մարսօ արուարձանին հռչակաւոր գործարանը կ'արժէ՞ որ մարդ երթայ տեսնէ :

— Ինձ համար , պարոններ , որ մեքեւայից շինութեանը շատ հետաքրքիր եմ ,

պատասխանեց նոր եկողն , այս առաւօտ շատ նշանաւոր առաւօտ մ'էր , և կը վերկայեմ որ այս գործարանին տէրը , պարոն Շարլը Տիւթէրթըը ճանչցած ամենէն վարպետ և գիտուն մեքենագէտներէն մին է , առանց նկատելու որ իրեն պէս սիրուն մարդ ալ քիչ կայ . կը յուսամ թէ իշխանը կը համոզեմ որ երթայ անոր գործարանը աչքէ անցնէ :

— Սիրելիս , դուք ձեր ժամանակը չնչին բաներու չէք վատներ . ես այդպիսի բարձր յատկութիւններ չունիմ , և իմ յաւակնութիւնս ալ դեռ պարզապէս յոյս մ'է :

— Այդ յոյսն ի՛նչ է տեսնենք :

— Հռչակաւորն ասքթօր կասթէրինեի տունը ճաշի հրաւիրուիլ :

— Այո՛ , Եւրոպայի ամենէն մեծանուն և հմուտ որկրամոլին տունը :

— Կըսեն թէ իւր սեղանը որկրամուլաց Արքայութեանը մէկ օրինակն է :

— Աւա՛ղ , չեմ գիտեր թէ այս Արքայութիւնն ալ միւսին պէս պիտի փախչի մի ձեռքէս , բայց կը յուսամ :

— Ես ալ իմ մեղքս խոստովանիմ : Բարիգու մէջ զիս ամենէն աւելի հրապուրողը , շրջնողը , հիացնողը , մինչեւ իսկ ինձ բան սովրեցնողն . . .

— Ի՛նչ է նայինք :

— Է , (այս հայհոյութիւնն թո՛ղ խըպնեցնէ , եթէ կուզէ , մեր ամչկոտ և հրպարտ Գերմանիան) այդ բան է . . .

— Չըսե՛ս . . .

— Մապիլի պարահանդէսն է :

Այս անկեղծ խոստովանութենէն յառաջ եկած խնդուքներն ու քահ քահները դեռ կը շարունակուէին , երբ արքիդքսին քարտուղարներէն մին ներս մտաւ՝ ձեռքը երկու նամակ բռնած և զուարթութեամբ գոչեց .

— Պարոններ, Պօլօնեաէն և Վենետիկէն նոր նոր լուրեր :

— Կեցցե՛ս, սիրելիս իւրիք . ի՞նչ լուր կայ :

— Ամենահետաքրքրական եւ տոտալրոց լուրեր :

— Իրա՞ւ :

— Շո՛ւտ, պատմեցէ՛ք մեզ նայի՛նք, սիրելիս :

— Նախ Պօլօնեա եւ ապա Վենետիկ

— Այո՛, եթէ այդ կինը սատանան է՛ :

— Իւրի՛ք, սրտերնիս մի՛ հատցներ և բացատրէ՛ :

— Կը յիշէ՞ք, պարոններ, որ անցեալ տարի Գեյ մանիոյ մէջ Մերանտայի Մարքիզուհի անուամբ նորատի այրի կնկան մը խօսքը կ'ըլլար :

— Անշո՛ւշտ, մեր Մօզէր — Հարթմանն բանաստեղծը սքանչելի և բոցավառ ու



Բայց, պա՛րոն, ո՞ր կ'երբար : (Երես 8)

բաւական օրեր անհաւատալի խառնաշփոթութեան մը մէջ ինկեր են : Ոչ նուազ անհաւատալի դէպքերու պատճառաւ :

— Բեղափոխութի՞ւն մ'է ծագեր :

— Իտալացի՞ք ապստամբեր են :

— Պապը նոր հրամա՞ն մ'է հաներ :

— Ո՛չ, պարոններ, խնդիրը կնկան մը վրայ է :

— Կնկա՞ն մը :

տանաւորներ գրեց իւր վրայ՝ նոր Ափրոզիտէ անուամբ :

— Հա՛, հա՛, հա՛, ի՛նչ ծիծաղելի սըխալ, ըսաւ խօսակցաց մին բարձրաձայն խնդալով . Մօզէր — Հարթման, այն կրօնական բանաստեղծը, այն անբիժ մարդը, որ անարատ ձեան նման մաքուր և ցուրտ է, հրավառ ոտանաւորներ գրէ Ափրոզիտէի վրայ : Այդ իրաւցնէ սքանչելի ոտաւ

նաւորներն լսեցի, բայց անշուշտ անոնց հեղինակն ուրիշ Հարթման մ'է:

— Եւ ես, սիրելիս, կը հաստատեմ թէ այդ քերթուածն, զոր իրաւամբ Սափովի ամենէն գեղեցիկ տաղերուն հաւասար կը դռնեն, Մօղէր — Հարթմանի շինածն է, և Իւլրիք ալ կրնայ վկայել ասոր:

— Եստ իրաւ է, յարեց Իւլրիք. ես այս հնութեան արժանի ոտանաւորները նոյն իսկ Մօղէր — Հարթմանի բերնէն լսեցի:

— Քանի որ այդպէս է կը հաւատամ, բայց այս անհասկնալի փոփոխութիւնը ի՞նչպէս մեկնելու է:

— Բանաստեղծին երգած կիներ, այսինքն Միրանտայի մարքիզուհին յառաջ բերաւ այդ փոփոխութիւնը, որով տաղանդաւոր՝ բայց ցուրտ մարդն եղաւ հզօր հանճար մը, որու անունն այսօր տարածուած է ամբողջ Եւրոպայի մէջ:

— Ես անկարելի կը կարծէի Մօղէր — Հարթմանի այսպէս փոխուիլն:

— Պա՛հ, յարեց Իւլրիք, մարքիզուհին դեռ ի՞նչ փոփոխութիւններ ըրեր է ո՛ր . . . : Ահաւասիկ Պօլօնեաէն իւր նըշանաւոր մէկ խաղը գրեր են ինձ: Այդ քաղքին մէջ պատուիրակ կարդինալ մը կայ եղեր, զոր ժողովուրդը կատէ և միանգամայն կը վախնայ եղեր իրմէ:

— Ադ Օրսենին ըլլալու է, որ շատ ատելի մարդ մ'է:

— Ես Լօմպարտիոյ մէջ տեսայ զինքը, ի՞նչ դիականման և գարշելի դէմք: Ես հաւատարմնիչներն միշտ այդ դէմքով կ'երեւակայեմ:

— Լա՛ւ, մարքիզուհին զինքը Պօլօնեաի Բաղինօին պարահանդէսը տարեր է, Բանաստեղծի հագուստով և դիմակով:

— Կարդինալը Բանաստեղծի հագուստով, գոչեցին ամէնքը միաձայն:

— Օ՛ն անդր, Իւլրիք, ադ սուտ է:

— Սա նամակը կարդացէք, եւ երբ ստորագրութիւնը տեսնէք, ա՛լ չ'էք տարակուսիր, թերահաւատներ, յարեց Իւլրիք: Այո՛, մարքիզուհին Օլսենիի հետ պարահանդէս դացեր է. ապա, բազմութեան մէջ, անոր դիմակը քաշեր և բարձրաձայն գոչեր է. «Գիշեր բարի, կարդինալ Օրսենի». ապա քահ քահ խնդալով՝ աներեւութացեր է, կարդինալն ժողովրդեան նախատանացն և ետեւներուն մէջ թողլով: Անշուշտ գլխուն վտանգ մը պիտի գայ եղեր, եթէ ոստիկանութիւնը զինքը չի պաշտպաներ. յաջորդ օրն ամբողջ քաղաքն Օրսենիի պաշտօնանկութիւնը պահանջեր է, և կարդինալն, երկուօր վերջը, ստիպուեր է գիշերանց քաղքէն փախչիլ: Նոյն երեկոյին բոլոր տուններն լուսավարութիւններ ըրեր են ի նըշան ուրախութեան. խել մը կանթեղներու վրայ իրարու մէջ անցած երկու Մ դրուած են եղեր, որ մարքիզուհւոյն անուանը սկզբնատառերն են:

— Էյ ինքն ի՞նչ է եղեր:

— Ա՛լ քաղքին մէջ չ'է երեւցեր եւ վենետիկ դացեր է, յարեց Իւլրիք՝ երկրորդ նամակ մը ցոյց տալով. հոն ալ ուրիշ դէպքեր:

— Ի՞նչ կին, ի՞նչ կին:

— Ի՞նչ տեսակ կին է:

— Տեսե՞ր էք:

— Ո՛չ:

— Ես ալ չ'եմ տեսեր:

— Կ'ըսեն թէ բարձրահասակ եւ նիհար է:

— Ես ալ լսեր եմ որ հասակը բաւական երկայն է:

— Թուխ ըլլալն ստոյգ է, վասն զի Մօղէր — Հարթման կ'ըսէ թէ աչքերն ու յօնքերը սեւ են:

— Սա միայն կրնամ ըսել որ, յարեց իւրիք, Վենետիկէն եկած նամակին մէջ բանաստեղծօրէն խորտալ կոչեր են զինքը, ինչ որ կարծել կուտայ թէ այդ տարօրինակ կինը խարտեաչ է: Վենետիկէն ալ ճամբայ ելեր է, իբր թէ Թրանսա գալու համար:

— Բայց Վենետիկի մէջ ի՞նչ է ըրեր:

— Շիտակը պատասխանեց իւրիք, անանկ դէպք մը պատահեր է որ, թէ նախկին հեթանոսութեան եւ թէ՛ միջին դարու իտալիոյ բարուց հետ վերաբերութիւններ ունի:

Իժբաղդաբար, ի վրաս իւրիքի ունկընդորաց, թմբուկին ձայնը Լէօբօլտ արքիդքսին վերագարձը ծանուցանելով, ամէն ոք իւր պաշտօնին գլուխը գնաց եւ պատրաստուեցան Ն. արքունի վեհափառութիւնն ընդունելու:

Արդարեւ էլիզէ — Պուրպօնի պահնորդը, Թրանսայի թագաւորին զինանշանովը խել մը կառքերու սրնթաց գալը տեսնելով « ի զէն » գոչեր էր: Պահնորդ զինուորք, իրենց սպային հետ միասին, շարուեր էին, և այն պահուն որ արքունի կառքերն հետզհետէ կը մտնէին էլիզէի ընդարձակ բակն, թմբուկը զարկաւ եւ զօրագունդն զէնքի կայնեցաւ:

Առաջին կառքը պալատին առջև կանգ առաւ. կարմիր համազգեստով սպասաւորները դռնակը բացին, և Ն. վեհափառութիւն Լէօբօլտ — Մաքսիմիլիէն արքիդքսն ծանր ծանր սկսաւ սանդուղէն վեր ելնել՝ խօսակցելով գնդապետի մը հետ, որ իրեն կ'ընկերանար. իշխանին ետեւէն կուգային իւր զինակիրներն՝ ճոխ զգեստներ հագած:

Արքիդքսն, որ 39 տարու կար, բարձր և բարեձև հասակ մ'ունէր. աննական վայելչութեամբ մը հագեր էր մեծ-մարա-

ջախտի համազգեստն, որ ոսկի ուննոցներով ճերմակ հագուստ մ'է կարմիր ասուի տափատ, որու վրայ խիստ գեղեցիկ կ'երևնար իւր փոշոտ մեծ կօշիկներն, վասն զի ձիով ներկայ գտնուեր էր ի պատիւ իրեն տրուած զօրահանդէսի մը. մեծ կարմիր երիզը, ոսկեգեղմնի մանեակն և հինգ վեց զանազան շքանշանք իւր կուրծքը կը պճնէին. իւր մազերն խարտեաչ էին, ինչպէս նաև զինուորական կերպիւցցուած երկար պեխերն, որ իւր դէմքին աւելի խիստ երեւոյթ մը կուտային. իւր կապոյտ, սուր և արտեւանունքներովը կիսափակ աչուրներն շատ բարձր յօնքերու ներքեւ շրջափակեալ էին, որով իշխանն կարծես միշտ վերէն կը նայէր. այս խիստ և արհամարական նայուածքն, իւր հպարտ դիրքն և գլխուն բռնուածքը, սէգ և ցուրտ իշխանութեան նշանաւոր երեւոյթ մը կուտային արքիդքսին:

Իշխանին կառքն հաղիւ քառորդէ մը ի վեր էլիզէ հասեր էր, երբ Ֆռանսացի պաշտօնէի մը և Հիւսիսային մեծ պետութեան մը դեսպանին կառքերն հետզհետէ գալով, պետական մարդն ու քաղաքագէտը պալատը մտան:

Գրեթէ նոյն միջոցին այս պատմութեան գլխաւոր անձանց մին հետիոտն եկաւ էլիզէ Պուրպօնի բակը:

Պ. Բասքալ (մեր դիւցազնին անունն այս էր) 36 տարու կ'երևնար. միջահասակ և շատ թուխ էր. բաւական երկար մօրուք մ'ունէր՝ յօնքերուն պէս սև, որոց ներքև կը փայլէին երկու մանր ու խիստ փայլուն. քիչ մը կոր կը քալէր, ոչ թէ հասակին տձեւութենէն, այլ տեսակ մը անհոգութենէ. ասկից զատ միշտ գրլուխը ծռելու եւ ձեռքերը տափատին գրպաններուն մէջ դնելու սովոր ըլլալով, այս դիրքն ի հարկէ իւր լայն ուսերն կը

կըրցնէր . իւր դէմքն գլխաւորաբար նշա-
նաւոր էր տեսակ մը հեգնական խտու-
թեամբ , որու կը միանար այն անողոր
յանձնապատանու թեան կերպարանքն , որ
իրենց ամենազօրութիւնն համարուող ան-
ձանց յատուկ է . Քօլէնի ձեւով կապուած
նեղ սեւ փողպատ մը , սկովտիական կը-
տաւէ երկայն բաճկոն մը , բաց դոյն ա-
մառուան թեթեւ թիկնոց մը , հինցած
գլխարկ մը և նանքինէ լայն տափատ մը ,
որու գրպաններուն մէջ դրեր էր պարօն
Բասքալ իւր ձեռքերն . այս էր ահա՛ իւր
հագուստն , բաւական աղտոտ և ըստ ա-
մենայնի համաձայն օդին չափազանց տա-
քութեանն և այս անձին սովորական ա-
ճուրդներ :

Պահնորդը երբ տեսաւ Պ . Բասքալի
իւր օթեկին առջեւէն անցնիլն , դռչեց .

— Է ինձ նայեցէ՛ք , պա՛րօն ,
ո՛ւր կ'երթաք :

Սեպէ՛ թէ Պ . Բասքալ զինուորին ը-
սածը չի լսեց եւ կամ թէ չ'ուզեց ա-
նոր պատասխանել , առանց ձայն հանելու՝
սկսաւ դէպ ի սանդուղը երթալ :

Այն ատեն զինուորը տեղէն ելլելով
վազեց այս համը սյցելուին ետեւէն եւ
սրտներդութեամբ ըսաւ անոր .

— Բայց . պարօ՛ն , ո՛ւր կ'երթաք : Կո-
նէ պատասխան տուէ՛ք :

Պ . Բասքալ կանգ առաւ , արհամար-
հանօք իւր խօսակիցն չափեց յօտից ցգը-
լուխ , ուսերը ցնցեց և դէպ ի սանդուղն
երթալով՝ ըսաւ .

— Արքիդքսին քով կ'երթամ :

Պ . պահնորդը գործէ կը հասկնար . չի
կրցաւ երեւակայել որ այս ամառուան
թիկնոցով և Քօլէնի փողպատով այցելուն
իրաւցնէ իշխանին պիտի ներկայանայ , մա-
նաւանդ որ համարձակի այդ հագուստ-
ներով անոր դէմ ելնել , վստն զի բոլոր

այն անձինք որ պալատն ընդունուելու
պատիւն ունէին , ընդհանրապէս սեւ կը
հագնէին . ուստի Պ . պահնորդը , Պ . Բաս-
քալը պարզ մատակարար մը կարծելով ,
որ սխալ կողմ եկեր էր , ետեւէն դնաց՝
բարձրաձայն ըսելով .

— Բայց , պա՛րօն Ն . վեհափա-
ռութեան բերել տուած խանութպանները
մեծ սանդուղէն չ'են ելներ . հունա՛ , աջ
կողմը , հասարակաց դուռը կայ , անկից
պէտք է մտնէք :

Պ . Բասքալ անօգուտ խօսքերը չէր սի-
րեր , նորէն ուսերը ցնցեց , եւ առանց
պատասխանելու՝ դէպ ի սանդուղ գնաց :

Զինուորն , անոր լռութեանն ու յամա-
ռութեանը բարկանալով , պարօն Բասքալի
թեւէն բռնեց , և ձայնը բարձրացնելով՝
գոչեց .

— Նորէն կ'ըսեմ , պա՛րօն , անկից մըտ-
նել չ'ըլլար

— Ի՞նչ ըսել է , ապո՛ւշ , դռչեց Պ .
Բասքալ տեսակ մը բարկութեամբ և զար-
մանօք , իբրեւ թէ զինուորին ըրածը յան-
դրգնութիւն եւ միանգամայն անմեկնելի
երեւնար իրեն , գիտե՞ս որու հետ կը խօ-
սիս

Այս խօքերուն և Պ . Բասքալի ձայնին
մէջ անասկ սպառնական ձեւ մը որ , խեղճ
զինուորն , պահ մը սոսկալով , թոթովեց .

— Պարօ՛ն չը՛ չը՛
չ'գիտեմ :

Այն միջոցին անդրասենեկին մեծ դու-
ռը բացուեցաւ . իշխանին զինակցաց մին
սրահին պատուհանէն տեսնելով զանուո-
րին և այցելուին միջեւ ծագած կռիւն ,
չտապաւ սանդուղէն վար իջաւ , յարգա-
նօք Պ . Բասքալի մօտեցաւ , եւ մաքուր
Ֆռանսերէնով ըսաւ անոր .

— Ա՛հ , պարօ՛ն , Ն . վեհափառու-
թիւնն ապահով եմ թէ շատ պիտի ցաւի

այս դիւրիմացութեան : Բարեհաճեցէ՛ք հետս գալ . . . անմիջապէս ներս մտցընեմ զձեզ . . . : Իշխանը քիչ մ'առաջ ձեր մասին մասնաւոր հրամաններ տուաւ ինձ, պարոն :

Պ. Բասքալ գլուխը ծռեց ի նշան հաւանութեան և զինակցին ետեէն գնաց, զինուորն իւր անյաջողութեանն վրայ ապշած ու վշտացած թողլով :

Երբ Պ. Բասքալ և իւր առաջնորդը հասան սպասելու դահլիճն, ուր կը գտնուէին ուրիշ թիկնապահներ, նորատի ըսպայն յարեց .

— Ն. արքունի վեհափառութեան ներկայանալի անձինք խիստ շատ են այս առաւօտ, վասն զի իշխանը կարծածէն շատ աւելի ուշացաւ : ուստի ուղելով ձեզ կարելի եղածին չափ քիչ սպասեցնել, պարոն, հրամայեց ինձ որ դալերնուդ պէս ձեզ իւր սենեկին քովի սենեակն տանիմ : Ն. արքունի վեհափառութիւնն այս միջոցին արտաքին գործոց վսեմաշուք պաշտօնէին հետ ունեցած տեսակցութիւնն լնցնելուն պէս՝ ձեզ պիտի ընդունի :

Պ. Բասքալ նորէն հաւանութեան նշան մ'ըրաւ, և զինակցին հետ անցաւ բաւական մութ ձեմելիէ մը և հասաւ սրահ մը, որ էլիզէի սքանչելի պարտէզին վրայ կը նայէր :

Զինակիցն քաշուելու միջոցին նշմարեց Պ. Բասքալի հագուստին անկարգութիւնն, զոր մինչեւ այն ատեն չէր նշմարած՝ պահ. նորդ զինուորին և Պ. Բասքալի կուռյն պատճառաւ : Նորատի պալատականն, որ վարժուած էր խիստ պատշաճութեանց, նեղացաւ այս անձին անպատկառ հագուստներուն . մէկ կողմէ կը վախնար որ Պ. Բասքալի պէս մարդ մը կը նեղացնէ, միւս կողմէ ալ կ'ուզէր երեսին զարնել իր հագուստներուն անվայելչութիւնն, որ

տեսակ մը նախատինք էր իշխանին, բայց առաջին վախն յաղթեց և մտածելով թէ ալ ժամանակ չկար այդ մարդուն ըսելու որ երթայ պատշաճօրէն հագուի, ըսաւ .

— Արտաքին գործոց պաշտօնեայն՝ Ն. վեհափառութեան սենեակէն դուրս ելնելուն պէս, պարոն, իշխանին իմաց պիտի տամ որ դուք իւր հրամանին պատրաստ էք :

Այս վերջին բառերն « հրամանին պատրաստ էք », կարծես գէշ զարկին պարոն Բասքալի ականջին . հեղնական կիսաժպիտ մը իւր շրթունքներուն վրայէն անցաւ . բայց, ինչպէս որ կ'ըսեն, իւր հոնը պէտք չուէր, և սրահը չափազանց տաք գըտնելով, պատուհան մը բացաւ, վանդակին կռթնեցաւ, և գլխարկը գլուխը, սկսաւ պարտէզը դիտել :

Բ.

Ամէն մարդ դիտէ էլիզէի սքանչելի պարտէզը, ուր անկուած են աշխարհի ամենէն գեղեցիկ ծառերն, և որու թարմ դալարիքն կ'ուռոգէ անկլիական գետակ մը . այս պարտէզին մէկ դին, Մարինի ծառուղոյն կողմէն բարձրկեկ ճամբայ մը կայ, զոր կը հովանաւորեն դարեւոր կնձնիներ . նմանօրինակ ճամբայ մ'ալ կայ զուգահեռաբար՝ դիմացի կողմը . ցած պատ մը կը զատէ զայն շրջակայ պարտէզներէն :

Այս վերջին ճամբան պարոն Բասքալի կեցած սրահին պատուհանին մօտն էր . քիչ վերջն իւր ուշադրութիւնը սաստիկ զրգուռեցաւ՝ քանի մը պատճառաւ :

Բարտուղարաց և ազնուականաց սրահէն անցնող և իւր ամօթխածութեամբն

չատ մը դիտողութեանց առարկայ եղող երիտասարդն այն պահուն ծանր ծանր կը պտըտկէր հովանուտ ճամբուն մէջ : Ասի վայելուչ հասակ մ'ունէր . ատեն ատեն կանգ կ'առնէր , գլուխը կը ծռէր , պահ մ'անշարժ կը կենար , ապա նորէն շրջագայելու կը սկսէր . երբ ճամբուն ծայրն հասաւ , գրեթէ գաղտագողի մօտեցաւ մօտակայ պարտէզի մը սահմանակից պատին , և որովհետեւ այդ պատը հազիւ չորս ոտք բարձրութիւն ունէր , անոր կռթնեցաւ , և մտածմանց մէջ ընկղմեցաւ :

Այս շրջագայողն ցայն վայր կռնակը դարձուցեր էր Պ . Բասքալի , որ հետաքրքրութեամբ կը մտածէր թէ ի՞նչ կը դիտէ կամ կ'ըսպասէ այս անձն , որու դիրքը դեռ չէր կրցած նշմարել . բայց երբ երիտասարդն , անշուշտ բընտուածը չի գտնելով , ետ դարձաւ , Պ . Բասքալ դէմքը տեսաւ :

Արդէն ըսինք թէ Նէօպէրկի Ֆրանց կոմսը արքիդքսին սանը կը համարուէր , և իշխանը սաստիկ կը սիրէր զինքը : Եթէ արքունեացմ էջ ըսուածներուն նայուէր , կ'ըսէին թէ իշխանն , Սաքս — Թէչէնի մէկ իշխանուհւոյն հետ ամուսնանալէն ի վեր զաւակ չ'ունենալով , հօր «է» կը սիրէր Ֆրանց տը Նէօպէրկը , որ առաջին և խորհրդաւոր սիրոյ մը գաղտնի պտուղն էր :

Ֆրանց , որ այս պատմութեան ատեն հազիւ 20 տարու կար , հիւսիսային մելամաղձոտ գեղեցկութեան կատարեալ տիպարն էր . իւր երկայն ու խարտեաշ մազերն , որք աղջկան ճակտի նման անբիծ եւ սպիտակ ճակտին մէջտեղէն երկուքի բաժնուած էին , կը շրջապատէին իւր կանոնաւոր դէմքն . իւր երկնակապոյտ մեծ աչքերուն մէջ , անուշ և խոհուն նայուածքին հետ կարծես կը ցոլանար հոգւոյն մաքրութիւնը . նորաբոյս մօրուքն՝ մետաք-

սանման թելերովն ծածկելով նորա թուշն եւ վերին շրթունքն , առնական երեւոյթ մը կուտար այս չքնաղ դէմքին :

Ֆրանց , ցորչափ կը յառաջանար ճամբուն մէջ , այնքան Պ . Բասքալի ուշադրութիւնը կը գրաւեր : Այս անձը տեսակ մը հիացմամբ և զարմանօք կը դիտէր զայն , վասն զի դժուարին էր Ֆրանցի դէմքին հազուադիւտ կատարելութիւնը չի նշմարել : Երիտասարդն , երբ պատուհանին մօտեցաւ , Պ . Բասքալի անխախտ նայուածքը նշմարեց , շփոթեցաւ , նեղացաւ , կարմրեցաւ , աչքերը ծռեց և մէկէն ի մէկ ետ դառնալով՝ շրջագայութիւնը շարունակեց , քիչ մը քայլերը փութացնելով մինչև ճամբուն կէսը . հոն սկսաւ նորէն ծանր քալել , և ի հարկէ կը նեղուէր , մտածելով որ օտարական մը իւր բոլոր քայլերը կը դիտէր : Ի սկզբան հազիւ թէ համարձակեցաւ մօտակայ պարտէզին պատին մօտենալ . բայց յանկարծ , ամէն ինչ մոռնալով , դէպ ի պատը վազեց , երբ անոր ետեւէն տեսաւ փոքրիկ յարդեայ գլխարկ մը , որ վարդագոյն մետաքսով կրկնուած եղերքներովն Ն տարեկան ամենաթարմ և ամենաչքնաղ դէմք մը կը շրջապատէր :

— Օրիորդ Անթօնին , ըսաւ Ֆրանց աշխուժիւ և ցած ձայնիւ , մեզ դիտող կայ :

— Այս իրիկո՛ւն , մրմնջեց անուշ ձայն մը :

Եւ յարդեայ փոքրիկ գլխարկն աներեւութացաւ կարծես հմայութեամբ , նորատի աղջիկը թեթեւութեամբ վար ցատկելով այն նստարանէն , որու վրայ ելեր էր ի հարկէ՝ պատին միւս կողմը :

Բայց , կարծես այս յանկարծական հեռացման իբր փոխարինութիւն , գեղեցիկ վարդ մ'ինկաւ Ֆրանցի ոտքերուն առջև , որ , անմիջապէս զայն գետնէն վերուց և գորովանօք շրթանցը տարաւ . ապա ծա-

դիկը բաճկոնին մէջ պահելով, փոխանակ շրջագայութիւնը շարունակելու ճամբուն երկայնքը՝ թփոց ետեւ աներեւութացաւ :

Հակառակ այս տեսարանին արագութեանն, հակառակ յարդէ գլխարկին անմիջական աներեւութանալուն, Պ. Բասքալ կատարելապէս նշմարեր էր այն աղջկան հիանալի դէմքն և Փրանցի՝ վարդը սիրահարաբար համբուրելը :

Այն ատեն Պ. Բասքալի հեգնական դէմքը սոսկալի կերպիւ մթնցաւ : Բացայայտ կը տեսնուէր անդ նախանձով, ատելութեամբ և ցաւօք խառն բուռն ցասում մը . քանի մը վայրկեան երեւան ելաւ ինա այն մարդը որ, ամէն բանի իւր առաջըը խոնարհիլը տեսնելու վարժուած ըլլալով, սատանայական զգացումներ կ'իմանայ և անդի ծայր չար գործեր կըրնայ ընել, երբ անակնկալ արդեւք մը իւր երկաթի կամքին դէմ կը կենայ :

— Ինքը՛, ինքը՛, էլիզէի մօտակայ պարտէզին մէջ, կ'ըսէր կատաղութեամբ, ի՞նչ գործ ունի . . . : Անմիտ, անշուշտ սա խարտեաչ պատանիին քծնելու եկեր է : Կարելի է քովի տունը կը բնակի : Անիծած, այսպէս մէկէն ի մէկ իմանալ իւր բնակարանը, թէ և ամէն բան ըրեր էի զայն գտնելու համար, յորմէ հետէ սա անիծեալ աղջիկը զիս խենթեցուց, զիս որ ինքզինքս մեռած կը կարծէի ասանկ վայրկեանական մտահաճութեանց համար, որոց բաղդատմամբ սրտի ամենէն բուռն կիրքերն սառ են . վասն զի այս պզտի աղջիկը երեք անգամ միայն տեսայ, և երիտասարդի մը պէս ինքզինքս ամէն բան ընելու կարող կզգամ՝ զինքը ձեռք ձգելու համար, մանաւանդ այս ժամուս որ նախանձը՝ կը լափէ ու կը տոչորէ զիս : Ա՛հ, ասի անմտութիւն է, ապշութիւն է, բայց կը տառապիմ :

Եւ զայս ըսած միջոցին, Պ. Բասքալի դէմքին վրայ տեսակ մը ատելութեամբ խառն կատաղի ցաւ նշմարուեցաւ . ապա, կռուին երկնցնելով դէպ ի այն կողմն, ուսկից երեւցեր էր յարդէ գլխարկը, կատաղութեամբ մոմուաց :

— Ես քեզի կը սորվեցնեմ, անիծեալ աղջիկ, և ի՛նչ որ ալ ըլլայ՝ դու իմս պիտի ըլլաս :

Իւ վանդակին կռթնած, աչքերը չի կրնալով զատել այն կողմէն, ուր Փռանց երկու խօսք փոխանակեր էր այս աղջկան հետ, Պ. Բասքալ տակաւին այս մթին հայեցողութեան մէջ ընկղմած էր, երբ սրբահին դռներէն մին բացուեցաւ կամաց մը և արքիդուքսն ներս մտաւ :

Իշխանը գիտնալով որ իրեն սպասող անձին դէմ պիտի գտնուի, առաջուց կարելի եղած անուշութիւնն տուեր էր իւր դէմքին, որ սովորաբար հպարտ ու ցուրտ էր . ուստի ժպտելով սրահը մտաւ :

Բայց Պ. Բասքալ; կիսովին պատուհանէն դուրս ծռած ըլլալուն դրան բացուիլը չէր լսած և իշխանին ներկայ ըլլալը չէր գիտեր . ուստի կռնակն անոր դարձուցած և պատուհանին կռթնած կեցաւ :

Դիմագէտ մը, եթէ ներկայ գտնուէր այս տեսարանին, պիտի կարենար իշխանին դէմքին վրայ՝ իւր զգացմանց ազդեցութիւնը տեսնել :

Արքիդուքսն քար կտրեցաւ տեսնելով զՊ. Բասքալ՝ պատուհանէն վար ծռած, ամռան թիկնոցով և գլխարկ ի գլուխ . իւր կեղծ ժպիտը աներեւութացաւ շքրթանցը վրայէն, և սովորականէն ալ աւելի սիւզօրէն կանգնելով իւր զիստերուն վրայ, բարկութենէն կարմրեցաւ, յօնքերն պըռստեց, և աչքերէն ցասման կայծակներ կ'արձկուէին : Բայց ընդ հուպ, անշուշտ մտածումն այս ներքին մրրիկն հանդար-

տեցնելով, իշխանին դէմքն դառն ու վրշտագին համակերպութեան երևոյթ մ'առաւ, և գլուխը ծռեց՝ դժնդակ հարկաւորութեան մը ծանրութեանն ներքեւ կըքելու պէս:

Ս. յն ատեն հառաչանքն զսպելով եւ տակայն քինախնդիր ու արհամարհոտ նայուածք մը ձգելով Պ. Բասքալի վրայ, որ միշտ պատուհանէն վար ծռած էր, իշխանը ժպիտն նորէն առաւ, դէպ ի պատուհանն յառաջացաւ բաւական բարձրկէկ հաղալով, որպէս զի իւր ներկայութիւնն իմացուի և չի պարտաւորի նոր նուատութիւն մ'ալ յանձն առնելու, այսինքն ձեռօք դպչիլ այս ընտանի մարդուն ուսին, որպէս զի անոր ուշադրութիւնն հըրաւիրէ:

Պ. Բասքալ իշխանին ուժգին հէ՛՛՛, հէ՛՛՛-ները լսելով, մէկէն ի մէկ ետին դարձաւ: Իւր դէմքին խոժոռութեանն յաջորդեց տեսակ մը վայրագ և հեգնական գոհունակութիւն, իբր թէ առիթը զո՛հ մը բերած ըլլար իրեն, որմէ կրնար իւր զըսպուած բարկութեանն ու տանջանաց վըրէժն առնուլ:

Ուստի Պ. Բասքալ իշխանին մօտեցաւ և անվութօրէն բարեւեց զայն՝ մէկ ձեռօք գլխարկը բռնելով և միւս ձեռքը գըրպանը դնելով:

— Ներեցէ՛ք, տէր, ըսաւ, չէի գիտեր որ հոս էք . . . :

— Համոզուած եմադոր, Պ. Բասքալ, պատասխանեց իշխանն այնպիսի հպարտութեամբ մը, զոր դժուարաւ կը ծածկէր: Ապա յարեց .

— Հաճեցէ՛ք հետս իմ սենեակս գալ, պարո՛ն, քանի մը պաշտօնական թղթեր ունիմ ձեզ հաղորդելու:

Եւ դէպ ի իւր սենեկին դուռը կ'երթար, երբ Պ. Բասքալ առերևոյթ հան-

դարտութեամբ մ'ըսաւ անոր, վասն զի այս մարդը, պէտք եղած ատեն, հաղուագիւտ իշխանութիւն մ'ունէր ինքզինքին վրայ:

— Տէ՛ր, կը ներէ՞ք որ հարցում մը ընեմ:

— Խօսեցէ՛ք, պարո՛ն, պատասխանեց իշխանն կանգ առնելով, և զարմանօք ետին դառնալով:

— Տէ՛ր, ո՞վ է այն դրեթէ քսան տարու երկայն խարտեաչ մաղերով երիտասարդը, որ քիչ մ'առաջ սա ճամբուն մէջ կը պատկէր:

— Կ'երեւնայ որ ըսածնիդ ֆռանց տը Նէօպէրկ կոմսն է. պարո՛ն, իմ սանս:

— Վայ, ադ երիտասարդը ձեր սա՛նն է, տէր, իմ անկեղծ շնորհաւորութիւններս կ'ընեմ ձեզ. անանկ սիրուն աղայ մը հաղուագիւտ է:

— Չէ՞ մի, յարեց իշխանն, որու համար այս գովեստն շատ անուշ էր, նոյն իսկ Պ. Բասքալի բերնէն. սրտի հաղուագիւտ ձիրքեր ունի և շատ քաջ է:

— Շատ ուրախ եմ, տէր, որ այդպիսի ազնիւ սան մ'ունիք: Շատո՞նց է որ Բարիդ է:

— Ինձի հետ եկաւ:

— Եւ անշուշտ ձեզի հետ ալ պիտի մեկնի, տէր, վասն զի ի հարկէ ձեզի համար դժուար է ասանկ սիրուն տղէ մը գատուիլ:

— Ս. յո՛, պարո՛ն, ուստի ֆրանց կոմսը հետս Գերմանիա տանելու մտադիր եմ:

— Ներեցէ՛ք, տէր, իմ անպատեհ հետաքրքրութեանս. բայց ձեր սանն այն տեսակ էակ մ'է որ, մարդ ահամայ կը սիրէ զինքը: Հիմա պատրաստ եմ. . . :

— Հաճեցէ՛ք ուրեմն հետս գալ, պարո՛ն:

Բասքալ գլխովն հաւանութեան նշան

մ'ըբաւ և արքիդքսին քովէն քալելով՝ մինչեւ սենեկին դուռն հասաւ . հոն , յարդական շարժամբ մը կանգ առնելով որ ուրիշ բան չէր , բայց եթէ նոր լրբութիւն մը , թեթեւ մը խոնարհեցաւ և իշխանին ըսաւ , իբրու թէ նա վարանած ըլլար առաջ անցնիլ :

— Անցէ՛ք , տէ՛ր , անցէք :

Իշխանն զգաց այս լրբութիւնն , բայց ձայն չի հանեց և սենեակը մտաւ , նշան ընելով Պ. Բասքալի որ ետեւէն գայ :

Սա , թէ և վարժուած չէր արքունիքի պատշաճութեանց , բաւական մտացի ըլլալով , կրնար իւր գործոցն ու խօսքերուն իմաստն զգալ , ոչ թէ միայն գիտէր իւր լրբութիւնն , զոր աւելի ևս կը գըրգըռէին վերջին գէպքերը , այլ և այդ լրբութիւնն կը քննէր , կ'ուսումնասիրէր , և նոյն իսկ այս պարագային մէջ ինքնիրենն մտածեր էր թէ արդեօք իշխանը պարզապէս «ու» կոչէ՞ մի . բայց յետին ծայր սատանութեամբ մտածեց որ «ե» մակդիրն ա՛լ աւելի պիտի ծանրացնէ իւր ընտանութիւնն իշխանին համար , վասն զի մեծ հակապատկեր մը պիտի ընծայէ առերեւոյթ յարդանաց հետ :

Արդէն վերջէն պիտի խօսինք Պ. Բասքալի նկարագրին վրայ , որ առջի բերան երեցածին չափ արտակերտն չէր : Միայն սա ըսենք թէ այս մարդը , որ ստորին վիճակի մը մէջ ծնած էր , տասը տարի տոկացեր էր ամենածանր նուաստութեանց , նախատանաց և արհամարհանաց : Ասանկով անողոք ատելութեան ոխեր դիզուեր էին իւր սրտին մէջ և երբ եկաւ այն օրն որ ինքն ալ հզօր եղաւ , անդժօրէն անձնատուր եղաւ վրիժառութեան կատաղի հաճոյից , առանց փոյթ ընելու որ վրէժն անմեղներէ կ'առնու :

Արքիդուքսն , որ գերագոյն մտքի մը

տէր չէր , իւր երկրին զինուորական նուիրապետութեան մէջ մեծ պաշտօն մ'ուսնենալով՝ վարժուած էր մարդիկը ճանշնալու . ուստի Պ. Բասքալի հետ երկրորդ տեսնուելուն , (որու ներկայ ենք մենք) հասկցեր էր այս մարդուն լրբութեան չափը , և երբ իր հետ սենեակը մտնելով գրեթէ առանց իւր նստեցէ՛ք ըսելուն ըստաւելու , ընտանեբար բազմեցաւ այն թիկնաթուին վրայ , ուր քիչ մ'առաջ առաջին պաշտօնեայ մը նստեր էր յարգանօք , իշխանին սիրտը վերստին սեղմուեցաւ :

Պ. Բասքալի թափանցիկ նայուածքը այս տպաւորութիւնը նշմարեց արքիդքսին ճակտին վրայ , և յաղթական արհամարհանքով մը ըսաւ .

— Ահաւասիկ գահու աստիճաններուն վրայ ծնած իշխան մը , Եւրոպայի բոլոր թագաւորաց մէկ ազգականն , 100 հազար հոգւոյ բանակի մը ընդհանուր զօրապետը , ահա՛ իւր պատերազմի համազգեստը հագեր , շքանշաններով զարդարուեր է . այս մարդը զիս կ'անարգէ իւր տոհմային հպարտութեամբը : Ձիս կ'ատէ , վասն զի ինձի պէտք ունի եւ գիտէ որ պէտք է խոնարհի , և սակայն այս մարդն , հակառակ իւր ատելութեանն ու արհամարհանայն , իմ ձեռքս է , իմ զօրութեանս տակ է , եւ այս բանն աղէկ մը պիտի զգացնեմ իրեն , վասն զի այսօր սիրտս թոյնով լի է :

Գ.

Պ. Բասքալ ոսկեզօծ թիկնաթուի մը վրայ նստելով՝ այն սեղանին դիմացը , որու քով կեցեր էր իշխանն , առաւ ձեռքին տակ գտնուած սատափէ թղթի դա-

նակ մը և սկսաւ երերցնել զայն՝ ըսելով .

— Տէ՛ր , եթէ կը բարեհաճիք՝ գործի վրայ խօսինք , վասն զի ճիշդ ժամը մէկին Սէն — Մարսօի արուարձանը պէտք է գրտնուիմ , բարեկամներէս գործարանապետի մը տունը :

— Դիտել կուտամ ձեզ որ , պարո՛ն , պատասխանեց իշխանը՝ հազիւ թէ ինքզինքը բռնելով , բարեհաճեցայ այսօրուան ընդունելիք անձինքս բոլոր վաղուան թողուլ , որպէս զի ամբողջ ժամանակս ձեզ նուիրեմ :

— Շնորհակալ եմ , տէ՛ր , բայց գործի նայինք :

Իշխանը սեղանին վրայէն մեծ թերթ մը թուղթ առաւ և Պ. Բասքալի տալով զայն՝ ըսաւ .

— Այս ծանօթագրութիւնը ձեզ պիտի ապացուցանէ որ , պարո՛ն , ինձ առաջարկուած գործին մէջ շահ ունեցող բոլոր անձինք ոչ թէ միայն բացէ ի բաց թոյլ կուտան ինձ այդ զոհողութիւնն ընել , այլ և կը ստիպեն որ ընեմ և իմ ընդունելութեանս բոլոր պարագայները կ'երաշխաւորեն :

Պ. Բասքալ , առանց տեղէն շարժելու , ձեռքը սեղանին մէկ կողմէն միւսը երկընցուց՝ ծանօթագրութիւնն առնելու համար և ըսաւ .

— Արդէն առանց այդ երաշխաւորութեան բան մը չ'էր կրնար ըլլուիլ :

Եւ սկսաւ ծանր ծանր կարդալ , շարունակ սատափեայ դանակին ծայրը խաժատելով :

Իշխանն անհանգստութեամբ կը նայէր Պ. Բասքալի երեսը , ջանալով անոր դէմքէն հասկնալ թէ արդեօք ուղած երաշխաւորութիւնները կը գտնէ՞ր մի ծանօթագրութեան մէջ :

Քանի մը վայրկեան վերջը Պ. Բասքալ

ընթերցումն ընդհատեց և նեղացած կերպով մը ու իբր թէ ինքնիրեն խօսելով՝ ըսաւ .

— Հը՛ . հը՛ . . . սա Ղրղ . յօդուածը գործիս չ'եկաւ , ամենեւին չ'եկաւ :

— Մեկնեցէ՛ք , պարո՛ն , գոչեց իշխանն անձկութեամբ :

— Սակայն , շարունակեց Պ. Բասքալ՝ նորէն կարդալու սկսելով և առանց արքիդքսին պատասխանելու , այս Ղրղ . յօդուածը քիչ մը շտկուեր է Տրղ . ին մէջ . . . այո՛ . . . : Է՛հ , այո՛ , գէշ չ'է , բաւական աղէկ է :

Իշխանին ճակատը պարզուեցաւ , վասն զի միտքը զբաղած ըլլալով այն մեծամեծ շահերուն , որոց դատաւորն էր Պ. Բասքալ , այս անձին շարութիւնն ու լրբութիւնը կը մոռնար , և Պ. Բասքալ կատարի վայելք մը կ'զգար իւր զօհն հետզհետէ վախի և յուսոյ անձկութեանց ենթարկելով .

Քանի մը վայրկեանէն՝ իշխանը նորէն անձկութեան մէջ ինկաւ , վասն զի պարոն Բասքալ գոչեց .

— Անհնա՛ր է , անհնա՛ր է . . . այս յաւելուածին առաջին յօդուածն ամէն բան կը ջնջէ ինձ համար :

— Բայց վերջապէս , պարո՛ն , գոչեց իշխանը , յայտնի խօսեցէք :

— Ներեցէ՛ք , տէ՛ր , այս պահուս ես ինքզինքիս համար կը կարդամ : Վերջէն , եթէ կուզէք , երկուքնուս համար կը կարդամ :

Արքիդուքսը գլուխը ծռեց , բարկութենէն կարմրեցաւ , յուսաթափ երեւցաւ և գլուխը ձեռքին կռթնցուց :

Պ. Բասքալ իւր ընթերցումը շարունակելով , գաղտնի նայուածք մը ձգեց իշխանին վրայ , և քիչ մը վերջը գոհ ձայնով մը յարեց .

— Ահա ստոյգ և անժխտելի երաշխաւորութիւն մը :

Եւ երբ իշխանը քիչ մը յոյս առնուլ կ'երեւնար, Պ. Բասքալ ըսաւ .

— Դժբախդաբար այս երաշխաւորութիւնն ալ զուրկ է . . .

Խօսքը չաւարտեց և լռիկ մնջիկ իւր ընթերցումը շարունակեց :

Ո՛չ, երբէք հպարտ պաշտպանի մը դիմող թախանձող մը, խոնարհաբար խիստ փոխատուի մը աղաչող փոխառու մը, դատաւորին աչացը մէջ իւր դատապարտութիւնն կամ թողութիւնը կարդալու աշխատող ամբաստանեալ մը զգացած չեն այն տանջանքներն, զորս զգաց իշխանը մինչդեռ Պ. Բասքալ կը կարդար այն ծանօթագրութիւնը, զոր պէտք էր քննել և զոր քիչ վերջը սեղանին վրայ դրաւ :

— Է՛, պարոն, ըսաւ իշխանն՝ իւր անհամբերութիւնը զսպելով, ի՞նչ կ'որոշէք :

— Տէ՛ր, կը բարեհաճի՞ք քիչ մը թուղթ ու գրիչ տալ ինձ :

Իշխանը կաղամար մը, գրիչ մը եւ թուղթ հրեց Պ. Բասքալի առջեւ : Սա սկսաւ խել մը թուանշաններ գրել, երբեմն աչքը ձեղունը վերցնելով՝ իբրու թէ մտքէն հաշուելու համար, երբեմն ալ կիսկատար պարբերութիւններ մրմնջելով, ինչպէս .

— Ո՛չ . . . սխալեցայ, վասն զի . . . բայց մոռցայ . . . սա յայտնի է . . . կը շիւղ հաւասար կ'ըլլար, եթէ . . .

Իշխանն երկար ատեն սպասելէ վերջը, Պ. Բասքալ գրիչը սեղանին վրայ նետեց, ձեռքերը տափատին գրպանը խօթեց, գլուխը ետի ծռեց և աչքերը գոցեց, իբրու թէ մտքէն վերջին հաշիւ մ'ընելու համար, ապա, շտկուելով, սուր և հատու ձայնով մը ըսաւ .

— Անհնար է, տէր :

— Ի՛նչպէս, պարո՛ն, գոչեց իշխանը յուսահատ . մեր առաջին տեսակցութեան ատեն ապահովեցիք զիս որ այս գործը կրնայ ըլլալ :

— Կրնայ ըլլալ, պարոն, և ոչ թէ եղած :

— Բայց այս ծանօթագրութիւնն, պարո՛ն, և իմ տուած երաշխաւորութիւններս . . .

— Այո՛, գիտեմ որ այս ծանօթագրութիւնն ասանկ գործի մը համար անհրաժեշտ եղած ապահովութիւններն կ'ամբողջացնէ :

— Ուրեմն, պարո՛ն, ինչո՞ւ կը մերժէք :

— Մասնաւոր պատճառներ ունիմ, տէ՛ր :

— Բայց, նորէն կ'ըսեմ, չէ՞ մի որ ամէն երաշխաւորութիւն կուտամ ձեզ :

— Այո՛, տէր : Սա ալ ըսեմ որ այս գործն ոչ միայն կրնայ ըլլալ, այլ և բնօրին համար ալ ապահով ու շահաւոր է : Ասոր համար ապահով եմ թէ պիտի կարենաք մէկը գտնել որ . . .

— Է՛հ, պարո՛ն, գոչեց իշխանը՝ Բասքալի խօսքն ընդմիջելով, գիտէք որ այս դրամական տագնապի միջոցին և ուրիշ պատճառներով, զորս աղէկ գիտէք, դուք միայն կրնաք ընել այս գործը :

— Ձեր արքունի վեհափառութեան ընտրութիւնը մեծ պատիւ է ինձ, ըսաւ Պ. Բասքալ՝ հեգնական երախտագիտութեան ձայնով մը, ասոր համար կրկնակի կը ցաւիմ որ չպիտի կարենամ անոր պատասխանել :

Իշխանը զգաց այս խայթոցն և ըսաւ .

— Անիրաւ էք, պարոն : Այս գործը ձեզի հետ լմնցնել ուղեւուս ապացոյցը սա է որ Տիւրանի տանը առաջարկութիւնները մտիկ չ'ըրի :

— Ասոր գրեթէ սուտ ըլլալուն ապա .

հով եմ, ըսաւ Պ. Բասքալ ինքնին. բայց նորէն գործը պիտի հասկնամ, վասն զի այդ տունը երբեմն զիս անհանգիստ կ'ընէ : Բարեբաղդաբար սա խարերայ Մարսլանժի շնորհիւ ձեռքս սքանչելի միջոց մը ունիմ ապագային մէջ այս անպատեհութեան առաջքն առնելու :

— Այս գործը ուղղակի և անձնականապէս ձեզի հետ տեսնել ուղեւորս մէկ ուրիշ ապացոյցն ալ սա է որ, շարունակեց իշխանն, միջնորդ չուղեցի, վասն զի ապահով էի թէ՛ պիտի համաձայնինք : Այո՛, յարեց արքիդուքսն՝ ևս քան զեւս շողոմ ձայնիւ, կը յուսայի որ ձեր հանրածանօթ դրամական տաղանդին մատուցուած արդարացի պատիւն . . . :

— Ս'հ, տէ՛ր . . . :

— Եւ ձեր պատուաւոր բնաւորութեան համար . . . :

— Տէ՛ր . . . շիտակը . . . :

— Կը յուսայի, կ'ըսեմ, սիրելիս պարոն Բասքալ, որ անկեղծօրէն ձեզ դիմելով և այսպիսի գործ մ'առաջարկելով, որու ապահովութիւնն ու օգուտները դուք ալ կը խոստովանիք, պիտի բարեհաճէիք մտիկ ընել, վասն զի ես ոչ միայն դրամատէրին դիմեցի, այլ և պատուոյ տէր մարդուն. կը յուսայի նաև որ, բաց ի դրամական շահերէ, իմ համարմանս և երախտագիտութեանս մասնաւոր ցոյցերուն վստահելով :

— Տէ՛ր . . . :

— Կը կրկնեմ, սիրելիս պարոն Բասքալ, իմ երախտագիտութեանս, վասն զի ասով ամենամեծ ծառայութիւն մը պիտի մատուցանէք՝ ինձ. վասն զի չէք կրնար կարծել թէ խնդրած փոխառութիւնս ինչ հետևանքներ կրնայ ունենալ իմ ընտանեկան ամենասիրելի շահուցս համար :

— Տէ՛ր, չէի գիտեր . . . :

— Եւ երբ ընտանեկան շահ կ'ըսեմ, գոչեց իշխանն՝ պարոն Բասքալի խօսքն ընդմիջելով և յուսալով որ զայն կը համոզէ, երբ ընտանեկան շահ կ'ըսեմ, մի կարծէք թէ ամէն բան կը լիննայ. պետական մեծ խնդիր մը կայ յարակից ինձ առաջարկուած դքսութեան, զոր չեմ կրնար ձեռք ձգել, առանց ձեր դրամական հզօր օգնութեանն : Ասով թէ՛ ինձ անձնական ծառայութիւն մը պիտի մատուցանէք և թէ ազգիս օգտակար պիտի ըլլաք, և, սիրելիս Պ. Բասքալ, գիտէք որ մեծ կայսրութիւններն ինչպէս կը վարձաւորեն պետութեան ծառայութիւն մատուցանողներն :

— Ներեցէք տգիտութեանս, տէ՛ր, բայց բնաւ չեմ գիտեր :

Իշխանը ժպտեցաւ, պահ մը լուռ մընաց և յարեց անանկ ձայնով մը, զոր անդիմադրելի կը կարծէր .

— Սիրելիս Պ. Բասքալ, նշանաւոր Թօրթօլիա սեղանաւորը կը ճանչնա՞ք :

— Անուամբ միայն, տէ՛ր :

— Գիտէ՞ք որ Սուրբ-Կայսրութեան իշխան է :

— Սուրբ-Կայսրութեան իշխանն, տէ՛ր, յարեց Բասքալ ապշութեամբ :

— Բռնեցի, ըսաւ ինքնիրեն իշխանն և բարձր ձայնիւ յարեց. գիտէ՞ք որ Թօրթօլիա սեղանաւորն ամենէն մեծ կարգի աստիճաններն ու շքանշաններն ունի :

— Կարելի՞ է, տէ՛ր :

— Ո՛չ միայն կարելի է, այլ և այսպէս է, սիրելիս Պ. Բասքալ : Արդ, միթէ չի՞ կրնար ըլլալ որ Պ. Թօրթօլիաի համար եղածը ձեզի համար ալ ընենք :

— Ի՞նչ ըսիք, տէ՛ր :

— Կ'ըսեմ որ, յարեց իշխանը՝ բառերը շեշտելով, կ'ըսեմ որ ինչո՞ւ ձեզ ալ աս .

տիճաններով եւ շքանշաններով չի վար-
ձատրենք :

- Չիս, տէր :
- Այո՛, ձեզ :
- Ես Բասիլ ելեմը ըլլամ :
- Ինչո՞ւ չէ :

Եւրոպայի ազնուապետական բարեկենդա-
նին մէջ ելեմը, որտէ կամ հարեղէ կերպա-
րանք մտնելու չափ անմիտ ըլլայի Ես, տէր
պարզ մարդ մ'եմ, հայրս փողոցները գիւրք
կը ծախէր : Մանր մունր գործեր ընելով
քանի մը ստակ մէկ կողմ գործի լինիմ ուղ-



Նորատի եւ վառվռուն սպասուհի մը . . . (Երես 24)

— Օ՛հ, օ՛հ, կուզէք ձեր խեղճ ծա-
ռայն ծաղրել :

— Ոչ ոք իմ խոստմանցս վրայ տարա-
կուսած չէ, պարո՛ն, և զիս կը նախատէք,
եթէ կը կարծէք որ ձեր վրայ կը խնդամ :

— Այն ատեն, տէր, ես պիտի խնդայի
ինքզինքիս վրայ, և միշտ և ուժով, եթէ

ղամտութենէս զատ բան չ'ունիմ, բայց այդ
ուղղամտութիւնն, տէր, չի թողուր որ թո-
նօնեւեւ հարեղ ըլլամ (ասի վաղեմին մէկ
գեղեցիկ վէպն է, զոր պէտք է կարդալ,
տէր) այնչա՛ռ ի դրօսանս այն չարամիտ
մարդոց, որք մեզի պէս խեղճերը հարե-
ղեցել և ելեմացեցել կը զուարճանան :

900-2003

Արքիդուքսն այս մերժման եւ հեղ-
նութեան չէր սպասեր . սակայն յարեց .

— Պարո՛ն Բասքալ, այդ անկեղծու-
թիւնն ու անշահախնդրութիւնը կը սի-
րեմ: Փա՛ռք Աստուծոյ, իմ երախտագի-
տութիւնս ապացուցանելու ուրիշ միջոցներ
կան, և օր մը իմ բարեկամութիւնս . . .

— Ձեր բարեկամութիւնն ինձի՞, տէ՛ր:

— Բարեկամութեանս արժէքը գիտ-
նալուս համար, ըսաւ իշխանը պատկա-
ռելի արժանապատուութեամբ մը, զայն
կը խոստանայի ձեզ, եթէ . . .

— Դուք իմ բարեկամս ըլլա՛ք, տէ՛ր,
յարեց Պ. Բասքալ՝ իշխանին խօսքն ընդ-
միջելով, իմ որ փոքրիկ հարստութիւն
հարիւրապատկեցի անիրաւ միջոցներով
ինչպէս որ կ'ըսեն չարլեզուները, թէե
աղանիի պէս անբիծ ելայ անոնց զրպար-
տիչ ամբաստանութիւններէն:

— Իրենց աշխատութեամբն ու տա-
ղանդովը բարձրացող անձինք միշտ գար-
շելի զրպարտութեանց կ'ենթարկուին, և
այդ զրպարտութիւններէն անարատ ելլել-
նուդ համար իմ բարեկամական երախ-
տագիտութիւնս պիտի խոստանայի ձեզ,
եթէ խնդրած կարեւոր ծառայութիւնս
մատուցանէիք ինձ:

— Տէ՛ր, շնորհակալ եմ ձեր բարու-
թեանցն, բայց դժբաղդաբար գործը գործ
է, ըսաւ Պ. Բասքալ ոտքի ելլելով, և
այս գործն իմ բանիս չի գար: Ձեր ար-
քունի վեհափառութիւնը կրնայ հասկնալ
թէ ո՛րքան դժուար է ինձ իւր բարեկա-
մութիւնը կորսնցնել . . .

Իշխանն այս նուաստացուցիչ եւ հեղ-
նական սթատասխանը լսելով, քիչ մնաց որ
պիտի պայթէր . բայց ասանկ բարկութեան
մը անօգուտ և միանգամայն անվայել ըլ-
լալը միտքը բերելով՝ ինքզինքը զսպեց,
ուզեց վերջին փորձ մ'ալ ընել և ըսաւ .

— Ըսել է, Պ. Բասքալ, ես պարապ
տեղը ձեզ աղաչեցի, թախանձեցի, պա-
ղատեցայ:

Այս ողաւելի, խիստնչի, պարտաւոր
ուերն անկեղծօրէն արտասանուելով, իշ-
խանը կարծեց որ Պ. Բասքալի վրայ տպա-
ւորութիւն ըրին եւ իրաւցնէ ալ ըրին .
մինչև այն ատեն, ըստ իրեն, արքիդուքսը
պէտք եղածին չափ նուաստացած չէր .
բայց Պ. Բասքալ, այն մերժումէն վերջը,
տեսնելով որ այն արքունի անձը մինչեւ
խոնարհաբար պաղատելու կը զիջանի, մեծ
հաճոյք մը զգաց:

Իշխանը, տեսնելով որ լուռ կը մնայ,
կարծեց որ հաւանեցաւ և ըսաւ .

— Օ՛ն, սիրելիս Պ. Բասքալ, պարապ
տեղը դիմած չպիտի ըլլամ ձեր վեհանձն
սրտին:

— Շիտակը, տէ՛ր, պատասխանեց դա-
հիճը որ, գործին շահաւոր ըլլալը գիտ-
նալով, տրամադիր էր զայն ընելու, բայց
միանգամայն դուարճութիւնն ալ կորսնցը-
նել չէր ուզեր . շիտակը դուք այնպէս մը
կը խօսիք որ . . . Գործը գործ է, բայց
ահաւասիկ ակամայ սիրտս կը շարժի, տը-
ղու մը պէս: Այնքան տկար եմ որ . . .

— Կը հաւանի՞ք, գոչեց իշխանն ուրա-
խութեամբ և դրամատիրոջ ձեռքերը բըռ-
նելով: Կը հաւանի՞ք, սիրելիս Պ. Բասքալ:

— Ի՞նչպէս մերժեմ, տէ՛ր:

— Վերջապէ՛ս, գոչեց արքիդուքսն,
ուրախութեամբ շունչ առնելով և կարծես
ծանր բռնէ մ'ազատելով, վերջապէս . . .

— Միայն թէ, տէ՛ր, յարեց Պ. Բաս-
քալ, փոքրիկ պայման մը պիտի դնեմ:

— Ո՛հ, այդ պայմանն ինչ որ ալ ըլ-
լայ՝ կանխաւ կ'ընդունիմ:

— Կարելի է որ առանց մտածելու չա-
փէն աւելի կը խոստանաք:

— Ի՞նչ ըսել կուզէք, գոչեց իշխանը

Թեթեւ մը մտահոգութեան մէջ իյնալով ,
ի՞նչ պայման է այդ :

— Երեք օրէն կ'ըսեմ, տէր :

— Ինչպէս , ըսաւ իշխանն ապշելով ,
դարձեալ յապաղում . վերջնական խօս-
քերնիդ չ'է՞ք ըսեր :

— Երեք օրէն կ'ըսեմ, տէր , եթէ պայ-
մանս ընդունիք :

— Բայց գոնէ այդ պայմանն ըսէք :

— Անկարելի է , տէր :

— Սիրելիս Պ. Բասքալ . . .

— Տէ՛ր , յարեց միւսը հեզնական և
ծանր ձայնիւ , մէկ նստի մէջ երկու ան-
գամ խանդաղատելու սովորութիւն չ'ու-
նիմ : Ահաւասիկ Սէն-Մարսօյի արուար-
ձանին ժամագրութեանս ատենը եկաւ .
յարգանօք Ձեր Վեհափառութիւնն ողջու-
նելու պատիւն ունիմ :

Պ. Բասքալ , իշխանն անձկութեան մէջ
ձգելով , դուռը պիտի բանար , երբ ետին
դարձաւ ու ըսաւ .

— Այսօր երկուշաբթի է , ըսել է հինգ-
շաբթի օր կէս օրին պատիւ պիտի ունե-
նամ Ձեր արքունի Վեհափառութեանը
ներկայանալ և պայմանս առաջարկել :

— Լա՛ւ , պարո՛ն , հինգշաբթի :

Պ. Բասքալ բարեւեց և դուրս ելաւ :

Երբ անցաւ այն սրահէն , ուր կեցեր
էին զինակիցներն , ամէնքն ալ յարգանօք
ոտքի ելան , վասն զի իշխանին ընդունած
անձին կարեւորութիւնը գիտէին : Պ. Բաս-
քալ գլխովը բարեւեց այն ապուշներն և
պալատէն դուրս ելաւ՝ ինչպէս որ ներս
մտեր էր , երկու ձեռքը գրպանը դրած և
(այս մարդը բան մը չ'էր կորսնցներ) պահ-
նորդին օթեկին առջև կենալով և ըսելով .

— Է՛ , ապո՛ւշ , ուրիշ անգամ զիս պի-
տի ճանջնա՞ս :

Ձինուորը շուարելով՝ խոնարհեցաւ և
թոթովեց .

— Օ՛ , հիմայ պարոնը կը ճանջնամ : Կ'ա-
ղաչեմ որ պարոնը բարեհաճի ինձ ներելու :

— Կ'աղաչէ , ըսաւ Պ. Բասքալ ցած
ձայնիւ և հեզնական դառն ժպտով մը ,
ամէնքն ալ աղաչելէն զատ բան չ'են գի-
տեր , իշխանէն սկսեալ մինչև դռնապանը :

Պ. Բասքալ , էլիզէէն դուրս ելած ա-
տեն , ինկաւ վերստին այն դժնդակ մտա-
գրադութեանց մէջ , որոց ծնունդ տուեր
էր այն նորատի աղջկան և Ֆրանց տը Նէօ-
պէրկ կոմսին գաղտնի տեսակցութիւնն :
Ուզելով գիտնալ թէ արդեօք պալատին
կից տո՛ւնը կը բնակի , տեղեկութիւն հար-
ցընել փափագեցաւ , բայց մտածելով որ
վի գուցէ դիտաւորութեանը վնասէ , որո-
ւց առանց անխոհեմութեան իւր նպա-
տակին հասնիլ և երեկոյեան սպասել :

Այն ատեն պարապ կառք մը տեսնե-
լով , կառապանին նշան ըրաւ որ կենայ ,
կառքը նստաւ և ըսաւ .

— Սէն-Մարսօ արուարձանը , թիւ 15
գործարան մը , որու ծխնելոյզը փողոցէն
կ'երեւնայ :

— Պ. Տիւթէրթի գործարա՞նը , Գի-
տեմ , պարո՛ն , գիտեմ , ամէն մարդ գի-
տէ զայն :

Կառքը հեռացաւ :

7.

Ըսինք որ Պ. Բասքալ իւր կենաց մէկ
մասը ստորին և խեղճ վիճակի մը մէջ ան-
ցուցեր էր , ատելութեամբ և ռիսակալու-
թեամբ տոկալով ամենէն նախատական
անարգանաց :

Հայրը փողոցները գիրք կը ծախէր և
զրկմամբ ու ապօրինի կամ կասկածելի
առևտուրներով քանի մը ստակ ժողուած
էր . ինքն ալ ի սկզբան իբր ծառայ մտած

էր տեսակ մը գաւառացի վաշխառուի քով, որու կը յանձնէր Պ. Բասքալի հայրն իւր ստակը շահեցնելու հոգը:

Ըսել է մեր դիւցազին առաջին տարիները դժուարին և նուաստացուցիչ ծառայութեան մը մէջ անցան: Սակայն որովհետև շատ խելացի և նրբամիտ էր, որովհետև իւր հազուադիւտ կերպիւ հաստատուն կամքն ի հարկին շողոքորդութեան և նուաստութեան ցոյցերու տակ ծածկելու ճամբան գիտէր, Բասքալ առանց տիրոջը գիտնալու, գրեթէ առանձինն ուսաւ գրել, կարդալ և հաշուել. թիւերու և դրամական հաշուոց կարողութիւնը մէկէն ի մէկ զարմանալի կերպիւ զարգացաւ իւր մտքին մէջ: Իւր արժէքն զգալով, մտածեց թէ արդեօք կրնայ զայն ծածկելով՝ օգտիլ անկից և զայն վտանգաւոր զէնք մ'ընել իւր տիրոջը դէմ, զոր կ'ատէր:

Բասքալ, յետ հասուն մտածմանց, շահաւոր դտաւ իւր ընդունած դաստիարակութիւնն երեւան հանել. վաշխառուն իր սպասաւորին մտաց կարողութեանը հիանալով, զայն իր տօմարակալն ըրաւ, քիչ մ'աւելցուց նորա չնչին ամսականն և շարունակեց անասնական անարգանօք վարուիլ անոր հետ, ջանալով որ առաջուց աւելի նուաստացնէ զինքն, որպէս զի չի հասկցնէ անոր թէ՛ որքան կարեւորութիւն կուտայ իւր նոր պաշտօնին:

Բասքալ որ աշխատութեան մէջ անխոնջ էր և կուզէր օր ըստ օրէ իւր դրամական ուսումն աւելցնել, շարունակեց տոկալ այս նախատանաց, և ինքն եւս իւր ստորնութիւնը կը կրկնապատկէր, ցորչափ տէրն իւր նախատինքներն ու խրատութիւնը կ'աւելցնէր:

Քանի մը տարի այսպէս անցնելէ վերջը, գաւառէն ելնելու և իրեն արժանագոյն ասպարէզ մը բնտուելու ոյժ զգաց վրան. տիրոջն անուամբը գործի թըղ-

թակցութեան մտեր էր Բարիզու սեղանաւորի մը հետ, և առաջարկեց անոր քով մտնել. սա շատոնց ի վեր Բասքալի արժէքը հասկցած ըլլալով, առաջարկութիւնն ընդունեց և Բասքալ իւր փոքրիկ քաղքէն ելաւ, ի մեծ ցաւ իւր առաջին տիրոջն, որ աշխատեցաւ զանազան շահեր ցոյց տալով զինքը վար դնել, բայց ալ ուշ էր:

Մեր մարդուն նոր տէրն գլուխ էր այն մեծ տուներէն մէկուն որք, թէև բարոյապէս կորսուած, բայց (և ասի հազուադիւտ չ'է) առևտրականութեան մէջ իբր պատուաւոր կը նկատուին, վասն զի թէև այդ տուներն երբեմն անանկ գործեր կ'ընեն, որք գողութեան կը նմանին, թէև ճարտարահիւս սնանկութիւններով կը հարստանան, սակայն, ինչպէս որ կ'ըսեն, ինչպէս «... բարեբախտը որ էն», թէև այդ ստորագրութիւնն անպատիւ է բարի մարդոց համար:

Աշակերտ ըլլալով մեր ժամանակին սա գեղեցիկ սկզբան՝ ՀԱՐՍՏԱՅԷՔ, Խորհրդարանը կը բազմին, դիւցազնաբար պարտաճան տիտղոսը կ'առնուն և պաշտօնեայ ըլլալու կը ձգտին: Ինչո՞ւ չէ:

Նախկին հարկահաններու եւ ընդհանուր հողատեարց այնքան գովուած պերճութիւնը Պ. Թօմս Ռուսսըլէի շքեղութեանը բաղդատմամբ աղքատութիւն էր:

Բասքալ այս մեծ տանը մէջ մտնելով, աւելի դառն ու կծու նուաստութիւններ կրեց քան թէ այն սրիկայ ծերուկ վաշխառուին քով, որ իրեն հետ նուաստ վարձկանի մը պէս կը վարուէր, բայց շատ անգամ գրեթէ ընտանեբար կ'աշխատէր անոր հետ:

Արդ, անհնար է ազնուականաց հրպարտութեան և ազնուապետական սնապարծութեան մէջ գտնել անանկ բան մը որ նմանի այն ծանր անարգանաց, որով կը վարուէին Պ. և Տիկին Ռուսսըլէ իրենց ստորակարգեալներուն հետ, զորս իրենցմէ

անչափ հեռու կը համարէին : Այս տանը աշխատաւորք, իրենց մութ գրասենեակներուն մէջ փակուած, ուսկից կը տեսնէին Ռուսըլէի ապարանաց փայլն, իբր դիւթական աւանդութիւն կամ իբր առասպել իմացած էին այն սրահին և ճաշատան հրաշալիքներն, ուստի բացարձակապէս կ'արտաքսէր զիրենք տիկին Ռուսըլէի արժանապատուութիւնը, վասն զի այս կինը Լօրէնի կամ Ռօհանի իշխանուհւոյ մը առաջին սպասուհւոյն չափ սէգ և հրպարտ էր :

Այս նուաստութիւնք, թէև տեսակաւ նոր, սակայն սոսկալի ազդեցութիւն մը ունեցան Բասքալի վրայ. հոն ամէն ատենուրնէ աւելի զգաց իւր ոչնչութիւնն. և պերճ սեղանաւորին լուծն աւելի ծանր եկաւ իրեն քան թէ վաշխառուինը : Բայց մեր մարդն, իւր դրութեանը հաւատարիմ մնալով, վէրքերն ծածկեց, ժպտիլ ձեւացուց, լղեց այն փայլուն կօշիկն, որ երբեմն զինքը հարուածելով կը զբօսնուր, աշխատութիւնն ու ուսմունքը կրկնապատկեց և այս տանը գործերուն մէջ սովբեցաւ վերջապէս ինչ որ գործոց ճշմարիտ ոգին կը նկատէր, այսինքն՝

« Կարելի եղածին չափ քիչ ստակով և կարելի եղած միջոցներով կարելի եղածին չափ շատ ստակ վաստկիլ, խնամք տանելով որ ոստիկանութեան և դատարաններու ձեռք չ'իյնայ » :

Լուսանցքը լայն է, և մարդ կրնայ ուղածին պէս շարժիլ հոն :

Հինգ վեց տարի ալ այսպէս անցան. մարդուս միտքը սոսկմամբ կ'ընկրկի, երբ կը մտածէ թէ ո՞րքան ռիսեր, ատելութիւններ, բարկութիւններ և թոյն դիզուեցան այս քինախնդիր հոգւոյն անդունդներուն մէջ, որ դրսէն միշտ հան-

դարտ էր ճախճախուտ ճահիճի մը սեւ մակերեւութին պէս :

Պ. Բասքալ օր մը իւր հօրը մահը իմացաւ :

Այս ծերունւոյն խնայած ստակն, վաշխառուին ճարտար գործածութեամբը մեծնալով, շատ խոշոր գումար մ'եղեր էր : Բասքալ երբ այս դրամագլխոյն տէր եղաւ, և զգալով իւր գործունէութեանն ու յանդգնութեանը չափը, պատուոյն վրայ երդում ըրաւ որ մեծ հարստութիւն մը ձեռք ձգէ, մինչև իսկ, եթէ շուտ հասնելու համար (վերջապէս մարդ բան մը աչք առնելու է) հարկ ըլլայ՝ ուղղութեան ճամբէն քիչ մը շեղիլ :

Մեր մարդն իր երդումը պահեց : Ռուսըլէի տունէն ելաւ. ապա ճարպիկութիւնը, դիպուածը, նենգութիւնը, բաղդը, խաբէութիւնն և ժամանակին ուղղութիւնն օգնելով, ահագին գումարներ շահեցաւ, կանխիկ ստակաւ գնեց պաշտօնէի մը բարեկամութիւնն, որ ամէն բան կանխաւ իմաց կուտար անոր և Բասքալ ուրիշ անլուր խաղերով երկու միլիոն դիզեց : Քիչ ատեն վերջը, անկլիացի միջնորդ մը նկատել տուաւ անոր թէ անհուն շահեր կրնար առնուիլ յանդգնօրէն նետուելով երկաթուղւոյ գործերու մէջ, որք գեռ նոր ծագում կ'առնէին յԱնկլիա : Բասքալ Լօնտրա գնաց, ամէնուն իր վրայ ունեցած հիացումէն օգտեցաւ, ամբողջ հարստութիւնը վտանգի դրաւ եւ ժամանակին ստակները գանձելով՝ Ֆրանսա դարձաւ ՎՅ միլիոն ստակով : Այն ատեն որքան յանդուգն, նոյնքան ալ խոհեմ և ցուրտ ըլլալով, ուրիշ բան չի մտածեց բայց եթէ շարունակ աւելցնել այս անյուսալի հարստութիւնն, և յաջողեցաւ, ամէն առթէ օգտելով : Բասքալ ճոխ կ'ապրէր, իւր զգայարանաց բազմաթիւ մտա-

հաճութիւնները կը գոհացնէր ամէն միջոցաւ, բայց բնաւ չուայլութիւն ցոյց չէր տար և գինեւտուներ կ'ընթրէր: Ասանկով իւր եկամուտին հազիւ մէկ հինգերորդը կը ծախսէր, և մնացորդը տարուէ տարի գիզուելով, անդադար իւր հարստութիւնը կ'աւելցնէր:

Այն ատեն Բասքալի համար հասաւ վրէժխնդրութեան մեծ և սոսկալի օրը:

Այս հոգին, որ տարիներով նուաստութեան և ատելութեան մէջ մնալով կարծրացեր էր, անողոք եղաւ, և հազար հաճոյք կզգար այլոց զգացնել տալով այն ստակի լուծին ծանրութիւնը, զոր ինքն երկար ատեն կրեր էր:

Հաճոյք կզգար իր նախկին վիճակին մէջ ձգելով ուրիշներն: Ոմանց բնական ստրկութենէն օգտելով, զոմանս չքաւորութեան ենթարկելով, վերջապէս ստակին անհապառնան անձնաւորելով յինքեան, և իւր ձեռքին մէջ ունենալով պզտիխանութպանէն սկսեալ մինչեւ արքունի իշխանն, որ կը նուաստանար՝ փոխառութիւն մ'ընդունելու համար:

Պ. Բասքալ ի գործ կը դնէր այն սոսկալի բռնութիւնը, զոր փոխառան կրնայ ի գործ դնել ի հարկէ ստիպեալ փոխառան գիմող մարդուն վրայ և ամենանուրբ բարբարոսութեամբ մը կը ճաշակէր նորա հաճոյքն:

Կ'ըսեն թէ Սարանան հոգիներու վրայ իշխանութիւն ունի: Բաց ի Սատանաէն, Պ. Բասքալ ալ կրնար նորա չափ և աւելի իսկ հոգիներ կորսնցնել և լլկել:

Երբ մի անգամ մարդ մը իւր ձեռքն իյնար փոխառութեամբ մը կամ վարձով մը, զորս անուշութեամբ կը շնորհէր եւ կամ թէ կեղծ վեհանձնութեամբ ինքը կ'առաջարկէր, (բայց ամէն ատեն բարոյական և նիւթական հարկ եղած երաշ-

խաւորութիւններն առնելով), ան մարդն ալ եւս ինքզինքին տէրը չէր, նա իւր հոգին ծախած կ'ըլլար Սարանա — Բասքալի:

Դժոխային վարպետութեամբ մը կը սկսէր սակարկութեան:

Սեպենք թէ առևտրական տաղնապ մը կայ, դրամագլուխներ չ'են գտնուիր կամ այնպիսի չափազանց տոկոս կը պահանջեն որ, հատուցանող և պատուաւոր վաճառականներ սաստիկ կը նեղուին և սնանկանալու վիճակի մէջ կ'իյնան: Պ. Բասքալ, ամէն տեղեկութիւն առնելով, եւ ապահով ըլլալով որ ապրանքներն կամ գործիքներն իւր փոխ տուած ստակին տեղ կրնան բռնել, կ'առաջարկէր փոխառութիւն ընել պարագային նկատմամբ չնչին տոկոսով մը, որ սակայն իրեն համար շատ շահաւոր էր. միայն թէ այս փոխառութեան սա պայմանը կը դնէր որ, հատուցումն էր ուղած արեւ պիտի ըլլայ, և կ'ըսէր որ այդ իրաւունքն ի գործ չպիտի դնէ, որովհետեւ շահը այնպէս կը պահանջէ. ասկից զատ իւր մեծ հարբստութիւնը 50 կամ 100 հազար սկուտի վճարման պէտք չէր ձգել իրեն. բայց կ'ըսէր իր սովորութիւնն է անպատճառ սա պայմանաւ ստակ փոխ տալ որ, հարստան էր ուղած արեւն ըլլայ:

Սատանայ — Բասքալի ձեռքն իյնողներու համար այս վիճակը սոսկալի էր. մէկ կողմէ անանկութիւն, միւս կողմէ անյուսալի օգնութիւն մը, որ կրնար վեհանձն ծառայութիւն մը համարուիլ, ուրիշ տեղ կրկին տոկոսով դրամագլուխ գտնելու դրեթէ անկարելիութիւնն, և վերջապէս Պ. Բասքալի ներշնչած վստահութիւնն, փորձութիւնը կ'աւելցնէին. այս միլիոնատէրը կ'ըսէր թէ նախանձախնդիր է, իբրեւ դրամական նախախնամութիւն, օգ-

նութեան հասնիլ բոլոր աշխատասէր եւ պարկեշտ անձանց :

Վերջապէս ամէն բան կ'օգնէր այն անխոհեմները կորսնցնելու և կ'ընդունէին :

Յայնմ հետէ Բասքալի յեւէ էին :

Մէկ մը որ իյնային ամէն վայրկեան նախկին յուսահատ կացութեան մէջ իյնալու վտանգին տակ, այլ ևս մէկ նպատակ միայն կ'ունենային, պարօն Բասքալի հաճելի ըլլալ, և մէկ վախ, այն է պարօն Բասքալի անհաճոյ ըլլալ, որով նոցա ճակատագիրն այն մարդուն ձեռքը կ'ըլլար :

Շատ հեղ մեր Սատանան ի սկզբան իւր իշխանութիւնն ի գործ չ'էր դներ և հեզնական չարութեամբ մը՝ նախ բարեբեռն կը կեղծէր, օրհնութեանց անձրեւները կը ճաշակէր և ասանկով իւր զոհերն երկարատեն իրենց սխալանացը կը վարժեցնէր : Ապա, քիչ քիչ ինքզինքն երեւան կը հանէր, երբէք սպառնալիք, խստութիւն կամ բարկութիւն չ'էր բանեցնէր, ընդհակառակն անուշ նենգութիւն մը կը գործածէր, որ երբեմն սոսկալի կ'ըլլար :

Ըստ երևոյթին ամենէն աննշան և չընչին պարագաներն հազար միջոց կ'ընծայէին իրեն՝ ձեռքին տակ գտնուողները տանջելու :

Օրինակի համար իւր հպարտներէն մէկուն տունը կ'երթար. սա իր կնոջն ու զաւակացը հետ ճամբայ կ'ելէր շատոնց ի վեր պատրաստուած ընտանեկան հանդէսի մը ներկայ գտնուելու համար :

— Ձեզի հետ ընթրելու եկայ, բարեկամներս, կ'ըսէր Սատանան :

— Աստուած իմ, Պ. Բասքալ, ո՛րքան կը ցաւինք : Այսօր մօրս ծննդեան տարեդարձն է, մենք ալ անոր տունը կ'երթանք ընթրելու. այս տարեդարձն ամէն տարի կը տօնենք :

— Ա՛հ, ես ալ կը յուսայի այս երեկոյ ձեզի հետ ժամանակ անցնել :

— Հապա մենք որքան կը ցաւինք, Պ. Բասքալ :

— Պա՛հ, ձեր ընտանեկան հանդէսն կրնաք ինձ դոհել : Մէկ տարի տարեդարձը չի տօնուելով՝ մայրերնիդ չի մեռնիր ա՛ :

— Ո՛հ, Պ. Բասքալ, ադ անկարելի է : Մեր ամուսնութենէն ի վեր առաջին անգամը պիտի ըլլայ որ այս ընտանեկան փոքր հանդէսին չպիտի գտնուինք :

— Օ՛ն, այսքան բան մը չ'էք ըներ ինձի համար :

— Բայց, պարո՛ն Բասքալ . . .

— Ես ապահով եմ որ այս զոհողութիւնը պիտի ընէք Պ. Բասքալին համար, չ'է՞ մի :

— Շատ կուզէինք, բայց . . .

— Ի՛նչպէս, կը մերժէք այս բանն, է՛նչ, առաջին խնդրած բանս :

Եւ Պ. Բասքալ անանկ հնչում մը կուտար այս է՛նչ բառին որ, ամբողջ ընտանիքը կը սոսկար. կզգար որ նա իւր տէրն է, և առանց բան մը հասկնալու դրամատիրոջ մտահաճութենէն, կը համակերպէր անոր, որպէս զի զինքը չի վշտացնէ : Ուստի ճաշ մը կը պատրաստէին : Կը ջանային ժպտիլ, զուարթ երևնալ : Բայց քիչ վերջը սրտերնուն մէջ վախ մը կը ծնէր. ընթրիքն երթալով կը տխրէր : Պ. Բասքալ այս բանին կը զարմանար և հառաչելով կը գանդատէր .

— Օ՛ն, կ'ըսէր, ձեզ վշտացուցի. կը տեսնեմ որ ինձի ոխ ունիք :

— Ա՛հ, պարօն Բասքալ, կը գոչէին խեղճերը, կրնա՞նք ատանկ բան մը մտաբերել :

— Օ՛, ես չ'եմ սխալիր : Է՛հ, ամէն տեսն յանձանք է բարեկամներդ փորձել,

նոյն իսկ ամենափոքր բանով մը , վասն զի երբեմն այդ ամենափոքր բաներէն մեծ բաներ կը հասկցուին : Ես որ ձեզ ճշմարիտ բարեկամներ կը կարծէի :

Դարձեալ սխալեր եմ եղեր :

Եւ Սատանա — Բասքալ ձեռքը աչքին կը տանէր , սեղանէն կ'ելլէր , և վշտացած դիմօք տունէն կը մեկնէր , այս խեղճերը սոսկալի անձկութեանց մէջ ձգելով . վասն զի եթէ այլ ևս անոնց բարեկամութեանը չի հաւատար , կրնայ ըլլալ որ զիրենք անդունդի մը մէջ գահավիժէ՝ վեհանձնաբար փոխ տուած ստակն ետ առնելով . . . :

Անոնցմէ սպասած երախտագիտութիւնն միայն կրնար իր պաշտպանութիւնն երաշխաւորել :

Դիտմամբ խօսեցանք այս ըստ երևութիւն չնչին պարագայից վրայ , որոց հետեւանքը սակայն սոսկալի է , ցոյց տալու համար պարոն Բասքալի՝ իր զոհերուն քաշել տուած տանջանաց առաջին աստիճանն :

Ասոր համեմատ երևակայեցէք թէ ի՞նչ սոսկալի տանջանքներու կրնար ենթարկել զանոնք , երբ ընտանեկան հանդէսի մը նման չնչին դէպք մը այնքան ճարակ կը շնորհէր իր բարբարոսութեանն :

Նա հրէշ մ'էր :

Դժբաղդաբար ամէն դարու և ամէն աստիճանի մէջ ներոններ կան . բայց ո՞վ կը համարձակի ըսել թէ Բասքալ այս վիճակին պիտի հասնէր , եթէ թունաւոր օրինակներ չունենար իւր դէմն և տարիներով հոգւոյն մէջ ոխ չի դիպուեր :

Վրէժաւորի՞ն բառն այս մարդուն կատաղութիւնը չ'արդարացներ , բայց կը մեկնէ : Մարդս առանց պատճառի չար չ'ըլլար : Չէ՞ է որ միշտ չար կ'արտադրէ :

.

Պ. Բասքալն այսպէս նկարագրելէ վերջը , իրմէ ժամ մը առաջ երթանք Պ. Շարլը Տիւթէրթրի տունը :

Ե .

Պ. Տիւթէրթրի գործարանը , որ երկաթուղւոյ մեքենաներ շինելու սահմանեալ էր , ընդարձակ տեղ մը կը գրաւէր Սէն — Մարսօի արուարձանին մէջ , և իւր շարունակ ծխացող աղիւսէ բարձր ծխնելոյզներն հեռուէն կ'երեւնային :

Պ. Տիւթէրթրը և իւր ընտանիքն մասնաւոր շէնք մը կը բնակէին , որ ընդարձակ պարտէզով մը բուն գործարանէն զատուած էր :

Ընթերցողն այս համեստ բնակարանը մտցուցած միջոցնիս , անոր մէջ տօնի երեւոյթ մը կայ . կարծես պատրաստութիւններ կ'ըլլան հիւր մ'ընդունելու համար . նորատի և վառվռուն սպասուհի մը սեղանը կը շտկէր փոքրիկ սեղանատան մէջ , որու պատուհանը պարտէզին վրայ կը նայէր և որու մօտ էր խոհանոցն . պառաւ խոհարար մը աճապարանօք կ'երթար կուգար այս խոհարարական գործատան մէջտեղ , ուսկից անուշահոտ շոգիներ կ'ելլէին եւ մինչեւ սեղանատան մէջ կը տարածուէին :

Սրահին մէջ , որ զարդարուած էր իւթերէխդի թաւիչով ծածկուած ընկուզենիէ կահերով և սպիտակ քալիքօէ վարագոյրներով , ուրիշ պատրաստութիւններ կ'ըլլուէին : Վառարանին վրայի երկու սպիտակ յախճապակեայ անօթներն թարմ ծաղկօք լեցուեր էին . այս երկու անօթներուն մէջ տեղ ապակիի մը տակ կը տես-

նուէր փոքրիկ վայրաշարժ մը , որ մեքե-
նագիտութեան և դարբնութեան ճշմարիտ
մէկ հրաշակերտն էր . այս երկաթի , պը-
ղընձի և պողպատի գոհարին սեւ պատ-
ուանդանին վրայ սա բառերն փորագ-
րուած էին .

ծերունի մը , որու սպիտակ մազերն ու-
սերուն վրայ կ'էյնային , թիկնաթուռի մը
վրայ նստեր էր , և ծնգացը վրայ երկու
տղայ բռներ էր . երեք տարու մանչ մը
և հինգ տարու աղջիկ մը , սիրուն և շը-
նորհալի երկու հրեշտակներ :



Շարլը Տիֆերբը

ԸՌ Գ. ՅԱՐԼԸ ՏԻՒԹԵՐԹՐԸ

Գործատուի իւր երախտագիտ

Թէնիէ և Ժերար Տօս , կրնային չքնաղ
խմբանկար մը շինել այս պահուն սրահին
մէջ գանուող դէմքերէն :

Յարգելի և մեղամաղձօտ դիմօք կոյր

Թուխ և վարդագոյն մանչն խոշոր սեւ
աչքեր ունէր , և երբեմն գոհ նայուածք
մը կը ձգէր իւր բաց կապոյտ ասուի պը-
լուզին և նոր սպիտակ տափառին վրայ .
բայց ամենէն աւելի զինքն հպարտացնողը
սպիտակ մետաքսէ կարմիր գծերով գուլ-
պայն էր :

Փոքրիկ աղջիկն , որ մօրը մէկ մտերմութեամբ անուամբն Մատլէն կը կոչուէր , և այդ մտերմութեամբ աղջկանը կնքամայր եղած էր . աղջիկը , ըսինք , խարտեաշ էր , կապոյտ աչքերով եւ սպիտակ շրջաքղ-գետտ մը հագեր էր . ուսերն ու թեւերը մերկ էին , եւ միայն սրունքներն կիսովին գոցուած էին սկովտիական սիրուն կօշիկներով : Մայր մը միայն կրնար գիտնալ թէ ո՞րքան բաներ կային այս ուսերուն , թեւերուն և այտերուն վրայ , եւ այս երկու սիրուն տղոց մայրն ի հարկէ գիտէր :

Տիկին Տիւթէրթըրը , կոյրին թիկնաթոռին յենարանին կռթնած , մօր մը լրջութեամբ մտիկ կ'ընէր ծերունւոյն ծնդացը վրայ թառած այս երկու թռչնոց դայլայիկը , որք անշուշտ շատ կարեւոր բանի մը վրայ կը խօսէին անոր հետ , վասն զի երկուքը միատեղ կը խօսէին այն մանկական լեզուաւ , զոր մայրերը միայն կըրնան լաւ թարգմանել :

Տիկին Սօֆի Տիւթէրթըրը շուրջ 23 տարու էր . թէև ծաղկի թեթեւ հետքեր կը կրէր դէմքին վրայ , և իրմէ շատ աւելի գեղեցիկ կիներ կրնային գտնուիլ , սակայն անկարելի էր աւելի շնորհալի դէմք մը , աւելի անուշ ժպիտ մը երեւակայել , սա անուշութեան և հրապուրի իտէալն էր : Սքանչելի մազեր , մարդարտանման ակուայներ , փայլուն մորթ մը , վայելուչ հասակ մը նորա մարմինը կ'ամբողջացնէին . և երբ իւր խոշոր սեւ աչքերը կը վերցընէր իւր ամուսնոյն վրայ , որ այն միջոցին ծերունւոյն թիկնաթոռին միւս կողմը կեցեր էր , սէրն ու մայրութիւնն անոր անուշ նայուածքին անբացատրելի հրապոյր մը կուտային , վասն զի Սօֆի եւ Շարլը Տիւթէրթըրը սիրահարութեամբ ամուսնացեր էին :

Սօֆի Տիւթէրթըրի միակ պակասութիւնն էր զարդարանքին անյարմարութիւնը , վաստն զի զաւակացը զարդարանքէն ուրիշ զարդարանք չէր գիտեր նա : Անշահ կերպասէ և գեշ շինուած շրջաքղետտ մը իւր հասակին վայելչութիւնը կը կորսնցնէր . ոտքի կօշիկներն աղէկ չ'էին , և իւր ըսքանչելի մազերն աւելի խնամօք կրնայի յարդարուիլ :

Անկեղծութիւն և հաստատամտութիւն , իմաստութիւն և բարութիւն , ասոնք դըրոշմուած էին Պ . Տիւթէրթըրի դէմքին վրայ , որ այն ատեն գրեթէ քսան և ութ տարեկան էր , աշխոյժ աչքերն , հուժկու մարմինն , գործօն եւ եռանդուն բընութիւն մը իմաց կուտային : Ատենով երկրաչափ , հմուտ և փորձառու մարդ , ամենադժուար խնդիրներն գրչով լուծելու և միանգամայն խարտոցը , ճախարակն ու մուրճը վարպետութեամբ գործածելու կարող , հրամայել գիտցող : Որովհետեւ գործադրելու ճամբան գիտէր , ձեռաց աշխատութիւնը կը պատուէր ու կը բարձրացնէր՝ երբեմն իբր օրինակ կամ իբր քաջալերութիւն աշխատելով , անդի ծայր ուղիղ , ազնիւ և վստահ , իւր բազմաթիւ գործաւորաց հետ հայրաբար և արդարօրէն կը վարուէր . պարզ բարուց տէր , աշխատութեան մէջ կրակոտ , իւր երկաթի , պղնձի և պողպատի «բարձր» սիրահար , նորա կեանքն մինչեւ այն ատեն մարդուս երեք մեծագոյն երջանկութեանց մէջ բաժնուած էր . — «Եր . — ըստնի . — աշխատութիւն :

Շարլը Տիւթէրթըրը մէկ վիշտ ունէր միայն . հօրը կուրութիւնն , և այս հիւանդութիւնն ալ անանկ փափուկ անձնուրութեանց անանկ զանազան խնամոց առիթ կուտար որ , Տիւթէրթըրը և իւր կինը կը ջանային մխիթարուիլ , ըսելով որ կըր-

նային իրենց սէրն կրկնակի ապացուցանել ծերունւոյն : Հակառակ հանդիսին պատ-
 րաստութեանցն , Շարլը Տիւթէրթըը յա-
 ջորդ աւուր ձգեր էր ամիլուելու հոգը և
 հագեր էր իւր գործի հագուստները ,
 մոխրագոյն կտակէ պլուզ մը , որ տեղ
 տեղ սեւցած ու այրած էր դարբնոցին
 մէջ : Իւր ազնիւ և բարձր ճակատը , իւր
 սպիտակ և շղուտ ձեռքերն քիչ մը սեւ-
 ցած էին գործարանին մուխէն : Իւր աշ-
 խատութեանն կամ անոր յաջորդող հան-
 գըստի միջոցին կը մոռնար այն անձնական
 խնամքներն , զորս ոմանք բնաւ դանց չ'են
 ըներ իրաւամբ :

Ասոնք էին գործարանին համեստ սրա-
 հին մէջ խմբուած անձինք :

Երկու տղաք միշտ կը դայլայէին , եր-
 կուքը միասին կը ջանային մտքերնին հաս-
 կըցնել իրենց պապուն . ծերունին ալ կը
 ջանար հասկնալ և ժպտելով կը հարցնէր .

— Տեսնե՛նք , ի՛նչ կ'ըսես , Օկիւսթս ,
 և դո՛ւ , պղտիկ Մատլէնս :

— Տիկին թարգմանուհին կը բարե-
 հաճի՞ այս սիրուն դայլայիկն հասարակ
 լեզուով մեզ թարգմանելու շնորհն ըներ ,
 ըսաւ Շարլը Տիւթէրթըը զուարթօրէն իւր
 կնոջը :

— Ի՛նչ , Շարլը , չե՞ս հասկընար :

— Ամենեւին :

— Դո՛ւք , հա՛յր իմ , հարցուց նորատի
 կինը ծերունւոյն :

— Առջի բերան կիրակի և զգեստի
 պէս բան մը լսեցի , պատասխանեց ծե-
 րունին ժպտելով , բայց վերջէն այնպէս
 կնճռոտեցաւ որ հասկնալէ ետ կեցայ :

— Սակայն գրեթէ այդ է , կ'երևնայ
 որ մայրերն ու պապերը միայն կրնան տը-
 ղոց լեզուն հասկնալ , ըսաւ Սօֆի յաղ-
 թական կերպիւ :

Ապա խօսքը տղոցն ուղղելով՝

— Սիրելիներս , դուք ձեր պապուն
 աս չէ՞ք ըսեր . « Այսօր կիրակի է , քանի
 որ մեր գեղեցիկ նոր հագուստներն հա-
 գեր ենք :

Մատլէն խարտեաշն իւր խոշոր կա-
 պոյտ աչքերն բացաւ և գանգուր գլուխն
 ծռեց ինչան հաստատութեան :

— Դու մայրերու Շամբօլիօնն ես , գո-
 չեց Շարլը Տիւթէրթըը , Մինչդեռ ծե-
 րունին տղոց կ'ըսէր .

— Ո՛չ , այսօր կիրակի չէ , տղաքս , այլ
 տօնի օր մ'է :

Այն ատեն Սօֆի ստիպուեցաւ նորէն
 միջամատել և թարգմանել :

— Կը հարցնեն թէ այդ տօնը ի՛նչ է
 հայր իմ :

— Վասն զի բարեկամ մը պիտի գայ
 յարեց ծերունին բռնազրօսիկ ժպտով մը ,
 և երբ բարեկամ մը գայ՝ միշտ տօն է ,
 տղա՛քս :

— Բայց քսակն ո՞ւր է , ըսաւ Տիւ-
 թէրթըը իր կնոջ :

— Ահաւասիկ , պարո՛ն , պատասխա-
 նեց Սօֆի զուարթօրէն՝ ամուսնոյն նշանա-
 ցի ցոյց տալով սեղանին վրայ խաւաքար-
 տի փոքրիկ տուփ մը , կը կարծես որ ես
 մեր բարերարը , այն ազնիւ Պ. Բասքալը
 կը մոռնա՛մ :

Պապը , խօսքը փոքրիկ Մատլէնին ուղ-
 ղելով և անոր ճակատն համբուրելով՝ ը-
 սաւ .

— Պ. Բասքալը պիտի գայ , Պ. Բաս-
 քալը չե՞ս գիտեր :

Մատլէն արդէն աչքերը բացաւ , դէմ-
 քը գրեթէ երկչոտ արտայայտութիւն մը
 առաւ , և գլուխը տխրութեամբ մը ցըն-
 ցելով՝ ըսաւ .

— Ան չար է :

— Պ. Բասքալը , ըսաւ . Սօֆի :

— Այո՛ , շատ չար է , պատասխանեց տղան :

— Բայց , յարեց մայրն , ինչո՞ւ կ'ըսես որ Պ. Բասքալ չար է , Մատլէն :

— Օ՛ն , Սօֆի , ըսաւ Շարլը Տիւթէրթը , այս տղայական խօսքերն բանի տե՛ղ կը դնես :

Զարմանալի բան , ծերունւոյն կերպարանքը տեսակ մը մտահոգութեան մէջ երեւցաւ . և կամ տղոց բնազդին անվրիպութեանն հաւտալով և կամ ուրիշ մշտածմամբ մը , առանց Մատլէնի խօսքերն կատակի զարնելու , ինչպէս որ ըրեր էր իւր որդին , անոր ըսաւ .

— Ըսէ՛ նայիմ՝ զաւակս , Պ. Բասքալ ինչո՞ւ չար է :

— Չեմ՝ գիտեր , բայց չար է :

Սօֆի , որ տղոց զարմանալի հեռատեսութեանը մասին քիչ մը ծերունիին համակարծիք էր , թեթեւ սարսուաց , վասն զի գաղտնի և խորհրդաւոր յարաբերութիւններ կան մօրն և իւր արիւնէն ծնած արարածոց մէջտեղ . անբացատրելի կանխազգացում մը , որու Սօֆի բոլոր ուժով դէմ կ'ուզէր դնել , վասն զի զայն անիրաւ կը դռնէր , կ'ըսէր ինքնիրեն թէ իւր աղջկան բնազդը զինքը չէր խաբեր Պ. Բասքալի մասին , թէ և մինչեւ այն ատեն նորատի մայրն , առանց այդ մարդու վրայ ամենափոքր կասկած մ'ունենալու , զայն ազնիւ և վեհանձն մարդ մը կը նկատէր :

Շարլը Տիւթէրթը , հօրն ու կնոջը զգացած տպաւորութիւնն չգիտնալով , ինդաց ու ըսաւ .

— Հիմայ ալ ես դաս պիտի տամ սա պապուն և սա մօրը , որոց տղոց շաղփաղփանքը հասկնալ կը կարծեն : Մեր ազնիւ բարեկամն դէմքով տղեղ է , յօնքերն հաստ , մօրուքը սեւ , դէմքը թուխ , ձայ-

նրն հաստ է , և այսչափը բաւ է տղոց կողմէն չար տիտղոսին արժանանալու համար :

Այս պահուն նորատի սպասուհին ներս մտաւ և տիրուհւոյն ըսաւ .

— Տիկին , օրիորդ Հիւպէր դուրսն է իւր ծառային հետ , և . . . :

— Անթօնի՛ն , ի՛նչ երջանկութիւն , ըսաւ Սօֆի աշխուժիւ ոտքի ելլելով՝ որպէս զի նորատի աղջիկը դիմաւորէ :

— Տիկին , ըսաւ սպասուհին ցած ձայնիւ , Ակաթ կը հարցնէ թէ Պ. Բասքալ ոսպը շաքարով կը սիրէ թէ ճարպով :

— Շարլը , ըսաւ Սօֆի խնդալով իւր ամուսնոյն , սա ծանր խնդիր է . դու ի՛նչ կ'ըսես :

— Պնակ մը շաքարով և պնակ մ'ալ ճարպով եփելու է , պատասխանեց Շարլը խոհուն դէմքով :

— Խնդիր լուծելու համար չափադէտներուն ոտքը համող չկայ , յարեց Սօֆի , վերջը , երկու տղոցը ձեռքէն բռնելով , ըսաւ .

— Կ'ուզեմ Անթօնիին ցոյց տալ թէ ի՛նչպէս աղւորցան ու մեծցան .

— Բայց յուսամ թէ , ըսաւ Պ. Տիւթէրթը , օրիորդ Հիւպէրի պիտի աղաչես որ հոս գայ , ապա թէ ոչ ես կուգամ զինքը կ'առնեմ :

— Տղաքը դայեակնուն ձգեմ և Անթօնիին հետ գամ :

— Շարլը , ըսաւ ծերունին ոտքի ելլելով՝ երբ նորատի կինը աներեւութացաւ , կաղաչեմ , թեւդ ինձի տո՛ւր :

— Պատրաստ եմ , հայր իմ . բայց Պ. Բասքալ հիմայ կուգայ :

— Եւ կ'ուզե՞ս որ ե՞ս ալ հոս ըլլամ սիրելիս :

— Հայր իմ , գիտէք որ մեր բարեկամն շատ կը յարգէ զձեզ և ինքզինքը

երջանիկ կը համարի՝ երբ կարենայ իւր
յարդանքն յայտնել ձեզ :

Ծերունին պահ մը լուռ կենալէ ետքը,
ըսաւ .

— Գիտե՞ս որ սա Մարտիանոս գանձա-
պետդ վաճառելէդ ի վեր , շատ անգամ գա-
ցեր է Պ. Բասքալը տեսնելու :

— Առաջին անգամն է որ կը լսեմ,
հայր իմ :

— Եւ այս բանը զարմանալի չե՞րևնար
քեզ :

— Հարկաւ :

— Ձիս մտիկ ըրէ՛, Շարլը , ես . . . :

— Ներեցէ՛ք , հայր իմ . յարեց Տիւ-
թէրթըրը ծերունուն խօսքն ընդմիջելով ,
հիմայ միտքս եկաւ . Մարտիանոս վաճառ-
տելէս ի վեր՝ մեր բարեկամը չի տեսայ .
Մարտիանոս աղեկ գիտէ որ Պ. Բասքալը
շատ կը սիրեմ , և կարելի է որ գացած
աղաչած է անոր որ միջնորդութիւն ընէ
զինքը քովս առնելու համար :

— Կարելի է , ըսաւ ծերունին մտա-
ծելով : Սակայն . . . :

— Ի՞նչ կայ հայր իմ . . . :

— Քիչ մ'առաջ աղջկանդ ըսածը զար-
մացուց զիս . . . :

— Օ՛ն , հայր իմ , յարեց Տիւթէրթըրը
ժպտելով , դուք կնոջս աչքը մտնելու
համար կ'ըսէք այդ խօսքը : Դժբաղդաբար
այս պահուս չի կրնար ըսածնիդ լսել ,
բայց ես կը զրուցեմ իրեն . . . :

— Շարլը , ըսաւ ծերունին տխուր
ձայնով մը , այս բանս քեզ ըսելուս պատ-
ճառը սա է որ , աղջկանդ զգացած տը-
պաւորութիւնն որքան ալ որ չնչին երևի
քեզ , ինձ համար քիչ շատ կարեւորու-
թիւն ունի , և երբ այս միջոցիս զայն կը
բաղդատեմ քանի մը պարագայից հետ ,
երբ միտքս կը բերեմ վերջապէս Մարտի-
անոսի և Պ. Բասքալի յաճախակի տեսակ-

ցութիւններն , կը խոստովանիմ թէ այդ
մարդուն վրայ տեսակ մ'անորոշ կասկած
կ'զգամ ահամայ :

— Հայր իմ , հայր իմ , ըսաւ Տիւ-
թէրթըրը այլայլմամբ , առանց ուղեւու եւ
նոյն իսկ զիս շատ սիրելնուդ զիս կը վշտա-
ցընէք : Պ. Բասքալէն կասկածի՛լ , կաս-
կածի՛լ մեր վեհանձն բարերարէն : Ա՛հ ,
հայր իմ , երկար ատենէ ի վեր առաջին
անգամն է որ վիշտ մը կ'զգամ : Առանց
ապացոյցի կասկածի՛լ , տղումք անհիմն
տպաւորութեան ազդեցութեանն կարե-
ւորութիւն տալ , գոչեց Տիւթէրթըր՝ իւր
վեհանձն բնութեանն եռանդեամբ , ադ-
անիրաւութիւն է :

— Շարլը՛ , ըսաւ ծերունին՝ տղուն
խօսուածքէն վիրաւորուելով :

— Ներեցէ՛ք , ներեցէ՛ք , աղնի՛ւ հայ-
րքս , գոչեց Տիւթէրթըր՝ ծերունուն ձեռ-
քերը բռնելով , ներեցէ՛ք որ պահ մը բա-
րեկամութիւնս որդիական յարդանքէս ա-
ւելի ուժով գտնուեցաւ :

— Խեղճ Շարլս , պատասխանեց ծե-
րունին գորովանօք , Աստուած տար որ ես
անիրաւ ըլլամ և դու իրաւունք ունենաս :
Բայց մարդ կուգայ , օ՛ն , տա՛ր զիս :

Տիւթէրթըրը կոյրը սենեակ մը մտցնելէ
վերջը , երբ անոր դուռը կը փակէր , օ-
րիորդ Անթօնին Հիւպէր սրահը մտաւ՝ տի-
կին Տիւթէրթրի հետ :

2.

Ներուի մեզ դիցարանական հինցած
բաղդատութիւն մ'ընել . Ողիմպոսի վրայ
մատուակութիւն ընող դիցուհին այնքան
թարմութիւն և գերմարդկային գեղեց-
կութիւն չ'ունէր , որչափ որ ունէր օրիորդ

Անթօնին Հիւպէր , որու Ֆրանցի հետ ունեցած գաղտնի սիրահարութեանն ակաւնատես եղեր էր Պ . Բասքալ :

Այս աղջկան վրայ ամենէն հրապուրիչ բանն էր տասնևհինգուկէս տարուան այն նորափթիթ գեղեցկութիւնն , որ թէ՛ տրդու մը և թէ՛ նորահաս աղջկան մը գեղեցկութեանը կը նմանի . հրապուրիչ տարիք , որ տակաւին լի է խորհուրդներով եւ անբիծ տգիտութիւններով , մաքուր արշալոյս , սպիտակ և թափանցիկ , զոր անուշ գոյնով մը կը նկարեն անմեղ սրտի մը առաջին բարաղխումներն :

Այս էր ահա՛ Անթօնինի տարիքը , եւ այս աղջիկը նոյն հասակին հրապոյրներն ունէր ամբողջ :

Մեր աստուածուհին մարդացնելու համար , իջեցնենք զինքն իւր պատուանդանէն , և իւր կուսական փափկաձեւ մարմարեայ սիրուն մարմինն համեստօրէն քողարկելով , հագցնենք իրեն ամուսն վայելուչ շրջազգեստ մը , սև մետաքսէ թիկնոց մը թո՛ղ ծածկէ իւր իրանն , և այտերուն պէս վարդագոյն սնդուսով կրկնուած յարդէ գլխարկ մը , իւր բաց շագանակագոյն մազերուն գիսակները բաց թողլով , թող պսակէ՛ այս հիանալի փոքրիկ գլուխն , որ նորատի աղջկան համբուրած տղոց գլխուն պէս սպիտակ և բեհեզանման է :

Օրիորդ Հիւպէր , Սօֆիի հետ սրահը մտած ատեն՝ թեթեւ մը կարմրեցաւ վասըն զի տակաւին երկչոտ էր . ապա , Տիւթէրթրի և կնոջն անկեղծ ընդունելութենէն քաջալերուելով , տեսակ մը ակնածութեամբ ըսաւ տիկին Տիւթէրթրի :

— Գիտէ՞ք ինչ յաջող բանի համար եկայ , սիրելիս Սօֆի :

— Վա՛յ , պզտիկ Անթօնինաս , ըսէ՛ տեսնեմ :

— Սրբօրհայն — Մատչէն նամակ մ'առի ,

ըսաւ աղջիկը՝ գրպանէն պահարան մը հանելով :

— Իրա՛ւ , գոչեց Սօֆի , զարմանքէն և ուրախութենէն կարմրելով և ձեռքն երկընցնելով , որպէս զի նամակն առնէ :

— Վա՛յ , օրիորդ Անթօնին , ըսաւ Շարլը Տիւթէրթրը , արքայութեան հետ թըղթակցութեան մէջ էք : Սակայն այդ բանն ինձ զարմանք պատճառելու չ'է . . .

— Լուեցէ՛ք , պարո՛ն հեգնաբան , յարեց Սօֆի , և Անթօնինի ու իմ լաւագոյն մտերմուհւոյն վրայ կատակ մի՛ ընէք :

— Շատ աղէկ : Սակայն այդ Սրբուհի — Մատչէն անունն ի՞նչ է :

— Շա՛րլը , միթէ հազար անգամ խօսած չ'ե՞մ քեզ իմ դպրոցի ընկերոջս օրիորդ Մատչէն Սելվէյրսի վրայ , որ բացակայ բլլալով , հեռուէն միայն կրցաւ կընքամայր բլլալ մեր փոքրիկ աղջկանն : Միտքըդ չի՞ դար :

— Շատ լաւ կը յիշեմ , սիրելի Սօֆի , յարեց Տիւթէրթրը , վասն զի միտքս է որ այդ Մէքսիկացի նորատի կինն անանկ տարօրինակ գեղեցկութիւն մ'ունի կ'ըսէիր որ , որքան հիացում , նոյնքան եւ զարմանք ու հրապոյր կը պատճառէ :

— Նոյն ինքն , բարեկա՛մս . ինձմէ վերջը Մատչէն մայրութիւն բրաւ Անթօնինի , վասն զի դպրոցի մէջ մէն մի մեծ աշակերտուհիի 10 — 11 տարու տղէկ մը կը յանձնեն , ես դպրոցէն ելած ատենս սիրելի Անթօնինը Սրբուհի — Մատչէնի խընամոցը յանձնեցի :

— Զիս շուարեցնողն այդ մակդիրն էր , յարեց Տիւթէրթրը , և կը խոստովանիմ թէ այդ մակդիրն շատ փառասիրական և կամ շատ խոնարհ կը գտնեմ ատանկ սիրուն անձի մը համար , վասն զի գրեթէ քեզի տարեկից բլլալու է :

— Դպրոցին մէջ Մատչէնը Սրբուհի կո-

չեցին՝ վասն զի արժանի էր , Պ . Տիւթէրթը , ըսաւ Անթօնին , իւր հնգետասանամեայ լրջութեամբն :

— Ըսել է այդ օրիորդ Սըքուհի — Մարտինը շատ բծախնդիր ջերմեռանդ մ'էր :

— Մատլէն , ինչպէս իւր երկրին գըրեթէ բոլոր բնակիչներն (իւր Մակտալէնա անունը մենք ֆռանսացուցեր էինք) մասնաւոր ջերմեռանդութիւն մ'ունէր : Նա Քրիստոսն ընդունած էր , և Փրկչին համար ունեցած պաշտամունքն երբեմն հիացման կը դառնար , ըսաւ Սօֆի : Ասկից զատ Մատլէն սիրալիր բնութիւն մը , կաթողին սիրտ մը եւ սուր միտք ունէր : Բայց կ'աղաչեմ , Շարլը , թո՛ղ որ իւր նամակը կարդամ . գիտնա՛ս որքան անհամբեր եմ : Երկու տարի է որ բաժնուեր ենք , և առաջին անգամն է որ իրմէ նամակ կ'ընդունիմ : Ես ու Անթօնին կ'ուզէինք իր լռութեանն համար ռիս պահել իրեն դէմ . բայց կը տեսնես որ այդ շարահօտ Սըքուհի միտքերնիս գալուն պէս , զինաթափ եղանք ,

Սօֆի օրիորդ Հիւպերի տուած նամակն առնելով և կարդալով՝ այլայլմամբ ըսաւ .

— Սիրուն Մատլէն , միշտ սիրալիր , միշտ զուարթ և մտացի , անցելոյն յիշատակաց համար միշտ զգայուն : Վենետիկէն ելլելէն վերջը , քանի մ'օր Մարսիլիա կենալով՝ անկէց Բարիզ պիտի գայ՝ գրեթէ իւր նամակին հետ միասին , և մեծ երջանկութիւն կ'զգայ որ պիտի կարենայ տեսնել իւր Սօֆի մտերմուհին և Անթօնին աղջիկը . նամակն ալ Սըքուհի — Մարտին ստորագրեր է :

— Ըսել է դեռ չէ՞ ամուսնացած , հարցուց Շարլը Տիւթէրթը :

— Չեմ գիտեր , բարեկամս , պատասխանեց կինը , քանի որ միմիայն աւաղանի անուամբն ստորագրեր է :

— Ես ալ , յարեց Շարլը ժպտելով , ի՞նչ անմիտ հարցումներ կ'ընեմ : Սրբուհի մը ամուսնանայ :

Այս պահուս նորատի սպասուհին ներս մտաւ , և դրան սեմին վրայ կենալով՝ տիրուհւոյն նշան մ'ըրաւ . բայց Սօֆի պատասխանեց .

— Խօսէ՛ , ժիւլի , Օր . Անթօնին մենէ է :

— Տիկի՛ն , ըսաւ սպասուհին , Ակաթ կը հարցնէ թէ հաւը շիշք անցնէ՞ , թէ և Պ . Բասքալ տակաւին չ'եկաւ :

— Անշուշտ , ըսաւ տիկին Տիւթէրթը , Պ . Բասքալ քիչ մ'ուշացաւ , բայց ուր որ է կուգայ :

— Ըսել է մարդո՞ւ կը սպասէք , Սօֆի , ըսաւ Անթօնին՝ երբ սպասուհին հեռացաւ . ուրեմն ցտեսութիւն , յարեց թեթեւ մը հառաչելով , միմիայն Սրբուհի — Մատլէնի նամակը բերելու համար չ'էի եկեր ես , այլ կուզէի երկար բարակ խօսիլ հետերնիդ . վաղը նորէն կուգամ , սիրելիս Սօֆի :

— Բայց չ'ըլլար , սիրելի Անթօնինս , և ես իմ նախկին մօր իրաւունքս ի դործ պիտի դնեմ՝ աղջիկս կերակուրի չի ձգելու համար : Այսօր տեսակ մը ընտանեկան խնջոյք ունինք : Միթէ ընտանեաց մէջ դու ալ տեղ չ'ունի՞ս , սիրելիս :

— Օ՛ն , օրիորդ Անթօնի՛ն , ըսաւ Շարլը , այս զոհողութիւնն ըրէ՛ մեզ :

— Շատ շնորհակալ եմ , պարոն Տիւթէրթը , բայց ճշմարիտ կ'ըսեմ թէ չ'եմ կրնար ընդունիլ :

— Ուրեմն , ըսաւ Շարլը , ես ալ մեծ միջոցներու կը դիմեմ , օրիորդ Անթօնին , եթէ կերակուրի կենալու պատիւն ընէք մեզ , պիտի կարենաք տեսնել այն վահանձն մարդն որ , տարի՛մ՝ առաջ մեզ օգնութեան հասաւ . վասն զի այսօր այն ազ-

նիւ գործին տարեդարձն է որ կը տօնենք :

Սօֆի մտադած բլլալով իւր աղջկանն ըսածներէն սիրտը մտած տեսակ մը կասկածը , յարեց .

— Այո՛ , սիրուն Անթօնինս , այն սուկալի տաղնապին և գործոց ներդուծեան միջոցին , Պ . Բասքալ Շարլին ըսաւ . « Պարո՛ն , ես անձնականապէս ձեզ չեմ ճանչնար , բայց դիտեմ որ խելացի , աշխատասէր և ուղիղ էք : Գործերնիդ յառաջ տանելու համար 50 հազար սկուտի պէտք ունիք . ես իբրեւ բարեկամ այդ գումարը կուտամ ձեզ , դուք ալ իբրեւ բարեկամ ընդունեցէք . իսկ շահու պայմանները վերջէն կը կարգադրենք , դարձեալ իբրեւ բարեկամ » :

— Իրաւ , յարեց Անթօնին , այդ աղնիւ գործ մ'է :

— Այո՛ , յարեց Պ . Տիւթէրթը՝ խոր յուզմամբ մը , վասն զի այդ մարդն ասով միմիայն իմ արուեստս չի փրկեց , այլ իմ քովս աշխատող բազմաթիւ գործաւորաց աշխատութիւնը , հօրս ծերութեան անգորրութիւնը , կնոջս երջանկութիւնն եւ զաւակացս ապագայն ապահովեց : Ա՛հ , կեցէ՛ք , կեցէ՛ք , օրիորդ Անթօնին : Բարերար մարդիկ հազուադիւտ են . բայց ահա՛ ինքն , յարեց Պ . Տիւթէրթը՝ տեսնելով որ Պ . Բասքալ սրահին պատուհաններուն տակէն կ'անցնի :

— Սօֆիի և ձեր ըսածներն սաստիկ գրաւեցին սիրտս , պարոն Տիւթէրթը , և կը ցաւիմ որ այդ վեհանձն մարդուն հետ չպիտի կարենամ գտնուիլ , վասն զի շատ կուշանամ , պէտք է որ կանուխ տուն դառնամ : Հօրեղբայրս ինձի կը սպասէ . այս գիշեր նորէն շատ գեշ էր . ցաւը բռնած ատեն , կուզէ որ քովը գտնուիմ , և կարելի է որ նորէն ցաւը բռնէ :

Ապա , ձեռքը Սօֆիի երկնցնելով , ըսաւ .

— Քիչ ատենէն պիտի կարենամ ձեզ տեսնել , չէ՞ մի :

— Վաղը կամ միւս օր , սիրելիս Անթօնին , ես քեզի կուգամ , և ուզածիդ չափ երկար կը խօսինք :

Դուռը բացուեցաւ . Պ . Բասքալ ներս մտաւ :

Անթօնին իւր բարեկամուհին գրկեց , և Սօֆի սիրալիբ մտերմութեամբ մ'ըսաւ դրամագէտին .

— Անշուշտ կը ներէք որ օրիորդն յուղարկեմ , Պ . Բասքալ : Ապա անմիջապէս կը վերադառնամ :

— Ինէ քաշուիլ պէտք չէ , սիրելիս տիկին Տիւթէրթը , թօթօվեց Պ . Բասքալ , որ ապշած էր հոն տեսնելով զԱնթօնին , զոր բոցավառ աչօք դիտեց , մինչեւ որ սենեակէն դուրս ելաւ :

Է .

Ըսինք թէ Պ . Բասքալ Անթօնինը տեսնելով պահ մը զարմացեալ ու հիացեալ կեցեր էր այս անբիծ ու մաքուր գեղեցկութեան առջեւ :

— Վերջապէս եկա՛ք , ըսաւ Շարլը Տիւթէրթը եռանդեամբ և ձեռքերն Պ . Բասքալի երկնցնելով . երբ անոր հետ առանձին մնաց : Գիտէ՞ք որ քիչ քիչ ձեր խոստմանը վրայ կասկածելու սկսանք : Շաբաթ մ'է որ կինս ու ես այս առտուան համար պատրաստութիւն կը տեսնէինք , վասն զի , մեր զաւակաց ծննդեան տարեդարձէն վերջը ամենէն աւելի երջանկութեամբ տօնած օրերնիս այն օրն է որ ,

ձեր շնորհիւ, նոցա ապագայն ապահովուեցաւ :

Պ. Բասքալ Պ. Տիւթէրթրի ըսածները չի լսելու զարկաւ և անոր ըսաւ ,

— Ասկէ դուրս ելնող աղջիկն ո՞վ է :

— Օրիորդ Անթօնին Հիւպէր :

— Արդեօք ազգականն է այն Հիւպէր նախագահին , որ վերջերս ծանր հիւանդ էր :

— Անոր եղբորաղջիկն է :

— Ա , ըսաւ Բասքալ մտածելով :

— Գիտէք որ եթէ հայրս հոս չըլլայ , խնջոյքնիս կատարեալ չըլլար : Երթամ ձեր գալուստն իմացնեմ իրեն , սիրելիս Պարոն Բասքալ :

Եւ երբ դէպ ի ձերունուոյն սենեակը կերթար , Պ. Բասքալ նշանացի կեցուց զինքն և ըսաւ .

— Հիւպէր նախագահը ո՞ւր կը բնակի : Տիւթէրթրը ըսաւ .

— Սէնթ-Օնօրէ արուարձանն , պարտէզը էլիզէ-Պուրպօնի պարտիզին կից է :

— Շատո՞նց է որ այս աղջիկն իւր հօրեղբորը հետ կը բնակի :

Տիւթէրթրը , բաւական զարմանալով Պ. Բասքալի՝ Անթօնինի մասին ըրած հարցմանցն , պատասխանեց .

Երեք ամիս կայ որ Պ. Հիւպէր գնաց օրիորդ Անթօնինը բերաւ Նիսէն , ուր մընացեր էր ազգականաց մէկուն մեռնելէն վերջը :

— Կերևնայ որ տիկին Տիւթէրթրը շատ աղեկ է այդ աղջկան հետ :

— Դպրոցին մէջ Սօֆի անոր մայրն էր գրեթէ և անկից ի վեր ամենափափուկ սէր մը ունին իրարու վրայ :

— Ա . . . ըսաւ նորէն Բասքալ և քանի մը վայրկեան խորունկ մտածեց :

Այս մարդը մեծ և հազուադիւս կարողութիւն մ'ունէր , որ մեծապէս նպաս-

տած էր իւր հարստանալուն . ինչպէս որ մարդ ուղածին պէս այս ինչ դարակը կը բանայ և այն ինչը կը գոցէ , նոյնպէս Պ. Բասքալ կրնար մէկէն ի մէկ իւր ամենախորին մտազբաղութիւններն թողլով , բոլորովին հակառակ գաղափարաց շարք մը ձեռք առնուլ : Օրինակի համար Պրանցի և Անթօնինի տեսակցութենէն վերջը , որ սաստիկ յուզեր էր զինքն , մտաց ամենայն հանդարտութեամբ գործի վրայ խօսեցաւ արքիդքսին հետ և զայն շարչրկեց :

Նոյնպէս նաև Տիւթէրթրի տունը Անթօնինի պատահելէն վերջն նորատի աղջկան մասին ունեցած դիտաւորութիւնն ուրիշ ատենի թողուց , և բոլորովին ուրիշ բան մտածելով , Սօֆիի ամուսնոյն ըսաւ .

— Մինչեւ որ ձեր ամուսինն գալու ըլլայ , բարեկամս , ես ձենէ փոքրիկ ծառայութիւն մը պիտի խնդրեմ :

— Վերջապէս , գոչեց Տիւթէրթրը , ուրախութեամբ ձեռքերն շփելով , վերջապէս :

— Մարտանժ անունով գանձապետ մը ունէիք :

— Դժբաղդարար :

— Դժբա՞ղդարար :

— Այս տեղ անանկ բան մը ըրաւ որ , հասկցայ թէ այդ մարդն թշուառականին մէկն է և վճատեցի զայն :

— Այո՛ , Մարտանժ ինձ ըսաւ որ զինքը վճատեր էք :

— Դուք զինքը կը ճանչնա՞ք , յարեց Տիւթէրթրը , որ հօրը խօքերն յիշելով՝ կը զարմանար :

— Բանի մ'օր առաջ ինձ եկաւ : Կո՛ւզէ Տիւրանենց քով մտնել :

— Նա՛ , անանկ պատուաւոր մարդոց քո՞վ :

— Ինչո՞ւ չէ : Միթէ ատենով ձեր քովը չէ՞ր :

— Բայց , սիրելիս Պ. Բասքալ , արդէն ըսի ձեզ որ ի՛նչ բարուց տէր ըլլալն հասկընալուս պէս՝ վռնտեցի :

— Հասկցայ : Միայն թէ որովհետեւ պարապն է և որպէս զի կարենայ Տիւրանենց քով մտնել , որք պատրաստ են զինքն ընդունելու , այդ խեղճ տղան յանձնարարական գրի մը պէտք ունի ձեր կողմէն . այդ երաշխաւորութեամբ՝ անմիջապէս կ'ընդունուի . ես ալ բացէ ի բաց այդ յանձնարարագիրն ուղղելու եկայ ձեռնէ :

Տիւթէրթըրը , պահ մը շանթահար մընալէ վերջը , ժպտելով ըսաւ .

— Բայց զարմանալու չեմ , վասն զի դուք բարեսիրտ էք , և այդ մարդն իւր նենգամտութեամբն ու կեղծաւորութեամբը ձեզ խաբած ըլլալու է :

— Այո՛ , ես ալ այնպէս կը կարծեմ որ Մարսլանտ շատ նենգամիտ և կեղծաւոր է . բայց ասի արդեւք մը չէ ուզած յանձնարարագիրս տալու :

Տիւթէրթըրը կարծեց թէ սխալ լսեց և կամ չի կրցաւ իւր միտքն հասկցնել Պ. Բասքալի . ուստի յարեց . . .

— Ներեցէ՛ք , ըսի որ . . . :

— Այդ տղան անպատիւ բան մ'ըրաւ ձեր քովն , աղեկ . բայց ի՛նչ կ'ըլլայ :

— Ի՛նչպէս , Պ. Բասքալ , ի՛նչ կ'ըլլայ մի : Բայց ըստ իս այդ մարդուն ըրածը գողութենէ աւելի մեծ յանցանք մ'է :

— Կը հաւատամ , սիրելիս Տիւթէրթըրը , կը հաւատամ , պատուոյ խնդիրներու մէջ ձեռնէ աղեկ դատաւոր չի կրնար ըլլալ . Մարսլանտ մեծ խաբեբայ մը կ'երենայ ինձ , և , շիտակն ըսելու համար , այդ է պատճառ որ աս մարդուն ձեր կողմէն յանձնարարուիլը կ'ուզեմ :

— Շիտակը Պ. Բասքալ , եթէ Մարս-

լանտի օգնեմ որ ըստ ամենայնի պատուաւոր տուն մը մտնէ , անպատիւ բան մը ըրած պիտի համարիմ ինքզինքս :

— Օ՛ն անդր , այս բանն ըրէք ինձի համար :

— Լըջօրէ՛ն կը խօսիք , Պ. Բասքալ :

— Բողորովին լըջօրէն :

— Բայց քիչ մ'առաջ ըսածս :

— Ի՛նչ փոյթ .

— Դո՛ւք , դո՛ւք որ , այնքան պատուաւոր և ազնիւ էք . . . :

— Այո՛ , ես որ այնքան պատուաւոր և ազնիւ եմ , այս յանձնարարագիրն կը խնդրեմ ձեռնէ :

Տիւթէրթըրը նախ ապշութեամբ նայեցաւ Պ. Բասքալին . ապա , պահ մը մտածելէ վերջն , կէս յանդիմանութեամբ մը ըսաւ .

— Ա՛հ , պարո՛ն , տարի մ'անցնելէ վերջը՝ այս փորձը պէ՛տք էր մի :

— Ի՛նչ փորձ :

— Անպատիւ գործ մ'առաջարկել ի՛նձ , որպէս զի հասկնաք թէ ձեր վստահութեանն արժանի՞ եմ մի :

— Սիրելիս Տիւթէրթըրը , նորէն կ'ըսեմ թէ այդ յանձնարարագրին պէտք ունիմ , խնդիրն ինձ համար խիստ փափուկ և խիստ կարեւոր գործի մը վրայ է :

Պ. Բասքալ լըջօրէն կը խօսէր : Տիւթէրթըրը այլ ևս չէր կրնար տարակուսիլ ասոր . այն ատեն յիշեց հօրը խօսքերն , աղջկանը նախազգացումն , և անստոյգ վախ մը գալով վրան՝ թոթովեց :

— Ուրեմն կը մոռնա՞ք թէ ի՛նչ ծանր պատասխանատուութիւն պիտի ծանրանայ վրաս , եթէ ուզածնիդ ընեմ :

— Է՛հ , սիրելիս , եթէ մարդ իւր բարեկամներէն դիւրին բաներ ինդրէ . . . :

— Բայց դուք անկարելի բան մը կը պահանջէք , պարո՛ն :

— Ըսել է այս բանն կը մերժէք, ինձի . . . :

— Պարոն Բասքալ, ըսաւ Տիւթէրթըրը հաստատուն ձայնիւ, ես ամէն բան ձեզ պարտաւոր եմ: Ամէն օր հայրս, կինս ու ես կը յիշենք թէ տարի մ'առաջ, եթէ ձեր անակնկալ օգնութիւնն չըլլար, մեր և մեր մարդոց կործանումն անխուսափելի էր: Այնքան սէր և յարգանք կ'զգանք ձեզ համար, որքան որ կրնայ ներշնչել երախտագիտութիւնն: Պատրաստ ենք անձնուիրութեան ամէն կարելի ապացոյց տալ ձեզ ուրախութեամբ և երջանկութեամբ, բայց . . . :

— Խօսք մ'ալ ըսեմ և այն ատեն միտքքս կը հասկնաք, ըսաւ Պ. Բասքալ՝ Տիւթէրթրի խօսքն բնդմիջելով: Իմ շահս կը պահանջէ որ Տիւրանենց քով մարդ մ'ունենամ, բոլորովին ինձի յատկացած մարդ մը. արդ, կրնաք ըմբռնել որ, եթէ այդ յանձնարարագիրն տաք ինձ և Մարտլանժի անցելոյն վրայ գիտցածներովս, նա իմ կոյր գործիքս կ'ըլլայ: Այս խօսքը մէջերնիս մնայ, սիրելիս Տիւթէրթրը, և ձեր գաղտնապահութեանը վրայ վստահ ըլլալով, սա ալ ըսեմ ձեզ որ . . . :

— Այս մասին ալ մի խօսիք, պարոն, կ'աղաչեմ, գոչեց Տիւթէրթրը զարմանօք և վշտազին, վասն զի մինչեւ այն ատեն Պ. Բասքալն անգիտի ծայր ուղիղ մարդ մը կը կարծէր: Կը բաւէ: Գաղտնիքներ կան զորս մարդ չի կրնար մտիկ ընել:

— Ինչո՞ւ համար:

— Վասն զի կրնան շատ նեղութիւն պատճառել, պարոն:

— Վայ, հինաւուրց բարեկամի մը գաղտնիքներն կրնան նեղութիւն պատճառել: Լա՛ւ, կը պահեմ զանոնք: Ուրեմն, առանց բացատրութիւն խնդրե-

լու այդ յանձնարարագիրն տուէ՛ք ինձ:

— Վերստին կ'ըսեմ թէ անհնար է պարոն:

Պ. Բասքալ շրթունքն խաճաւ և աննըշմարելի կերպիւ յօնքերն պռստեց. Տիւթէրթրի մերժմանը զարմանալով և միանգամայն բարկանալով, չէր կրնար հաւատալ թէ իւր ձեռքին տակ գտնուող մարդ մը յանդգնի իր կամացը դէմ դնել և ներկայն ու ապագայն պատուոյ խնդրի մը զոհել:

Սակայն, որովհետեւ Պ. Բասքալ իրաւցրնէ մեծ շահ մ'ունէր այդ ուղած յանձնարարագիրն բնդունելու, յանդիմանութեան ձայնով մը ըսաւ.

— Ինչպէ՛ս, սիրելիս Տիւթէրթրը, այս բանն կը մերժէ՞ք ինձ, ձեր բարեկամին:

— Մանաւանդ թէ ձեզ կը մերժեմ, պարոն, ձեզ որ իմ ուղղութեանս հաւատալով, առանց զիս ճանչնալու, մեծ գումար մը փոխ տուիք ինձ:

— Օն, սիրելիս Տիւթէրթրը, զիս չափէն աւելի անխօհեմ մի կարծէք: Չէ՛ մի որ ձեր ուղղութիւնը, տաղանդն ու ձեր անձնական շահն (և գլխաւորաբար ձեր գործարանին մեքենայներն) իմ ստակս կ'երաշխաւորէին: Չէ՛ մի որ իմ կացութիւնս միշտ աղէկ է, քանի որ իմ կամքէս կախեալ է վճարման ժամանակն որոշել, թէ և այդ որոշումն տակաւին երկար ատեն պիտի յետաձգեմ . . . վասն զի կը սիրեմ զձեզ, փութաց ըսել Պ. Բասքալ՝ տեսնելով որ մէկէն ի մէկ անձկութիւն ու զարմանք նկարուեցան Տիւթէրթրի դէմքին վրայ. բայց վերջապէս ենթադրենք թէ, հրապարակի այս շափազանց անձկութեան և տագնապի պահուն օր մը ըսեմ ձեզ. պարոն Տիւթէրթրը, մինչեւ ամիս մը ստակիս պէտք ունիմ և

վարկս կը գոցեմ ձեզ :

— Տէ՛ր Աստուած , գոչեց Տիւթէրթրը վշտագին և ասանկ աղեա մը ենթադրելով իսկ , բայց կը սնանկանամ , արուեստս կը կործանես այն ատեն . եթէ գործ գտնեմ , պիտի ստիպուիմ ձեռօքս աշխատիլ , որպէս զի հիւանդ հայրս , կինս ու զաւկներս ապրեցնեմ . . . :

— Լռէ՛ , չար մարդ , և ատանկ սըրտակեղէք գաղափարներ մի ձգեր՝ միտքս , գոչեց Պ. Բասքալ՝ Տիւթէրթրի ձեռքերն բռնելով : Այսօր ադանկ խօսքեր ընե՛լ , և ե՛ս որ ձեզի պէս այս առտուան խընջոյքը մտածելով՝ կ'ուրախանայի . . . բայց ի՞նչ ունիք , կը դեղնիք . . . :

— Ներեցէ՛ք , պարո՞ն , ըսաւ Տիւթէրթրը՝ ճակտէն վազած պաղ քրտինքը սրբելով . բայց ատանկ սոսկալի հարուած մը , որ պատիւս , ընտանիքս , աշխատութիւնս , ամէն բան կ'ոչնչացնէ . . . ա՛հ , պարո՞ն , իրաւունք ունիք , մէկդի ընենք այս գաղափարն , վասն զի շատ սոսկալի է :

— Հապա՛ , ի՞նչ պէտք է մեր ուրախութիւնն պղտորել : Ուստի , յարեց պարոն Բասքալ զուարթօրէն , գործերնիս լըմընցնենք , այն յանձնարարագիրն տուէք ինձ :

Տիւթէրթրը սարսուած , ահուելի անձկութիւն մը տիրեց սրտին և պատասխանեց .

— Ձեր այդպէս պնդելն զարմանք եւ ցաւ կը պատճառէ ինձ , պարո՞ն : Նորէն կ'ըսեմ թէ բացարձակապէս անկարելի է որ ուղածնիդ ընեմ :

— Բայց , տղայ դո՛ւ , պնդելէս պէտք էր հասկնայիք որ այս գործը մեծ կարեւորութիւն ունի ինձ համար :

— Կրնայ ըլլալ , պարո՞ն :

— Եւ այսքան կարեւորութիւն տալուս

պատճառն դիտէք ի՞նչ է , սիրելիս Տիւթէրթրը . վասն զի որքան ինձ , նոյնքան ալ ձեզ կը վերաբերի :

— Ի՞նչ կ'ըսէք , պարո՞ն :

— Հապա՛ : Քանի որ չէք ուզեր օգնել ինձ որ աս սրիկայ Մարտանժն ուղածիս պէս գործածեմ , Տիւրանենց մասին ունեցած դիտաւորութիւնս չպիտի յաջողի , և այն ատեն թերևս , այլ և այլ պատճառներով , յարեց Պ. Բասքալ հետևեալ բառերն շեշտելով ու ցուրտնայուածք մը նետելով իր զոհին վրայ , թերևս պիտի ստիպուիմ ակամայ ստակս ետ ուղել եւ վարկս գոցել ձեզ ,

— Ո՛հ , Աստուած իմ , գոչեց պարոն Տիւթէրթրը , ձեռքերը միացնելով և ուրուականի մը պէս դեղնելով :

— Ուստի տեսէ՛ք թէ դուք ի՞նչ սոսկալի կացութեան մէջ կ'իյնաք : Հարկադրե՛լ զիս անանկ գործ մը ընելու , որ սիրտս կը կեղեքէ . . . :

— Բայց , պարո՞ն . . . դեռ քիչ մը առաջ . . . կապահովէիք զիս թէ . . . :

— Ի՛հ , իմ դիտաւորութիւնս այդ ըստակն տակաւին երկար ատեն ձեր քով ձգել է . անոր տոկոսն ճիշդ ժամանակին կը վճարէք . . . դեռ ի՞նչ կ'ուզեմ . . . և մեր պայմանին համեմատ՝ տասը տարիէն ձեր պարտքը վճարած պիտի ըլլանք , որով ես թէ ձեզ ծառայութիւն մը մատուցած թէ շահաւոր գործ մ'ըրած պիտի ըլլամ :

— Արդարեւ , պարո՞ն , մրմնչեց Տիւթէրթրը , այսպէս էր ձեր խոստումս , և ձեր վեհանձնութիւնն ու ուղղութիւնն ըստ ամենայնի կը վստահացնէին զիս : Աստուած տար որ այդ վստահութիւնն անմըտութեան և անխոհեմութեան չի դառնայ :

— Այս մասին, սիրելիս Տիւթէրթըրը, սա լաւ գիտցիք որ, այն առևտրական տաժանելի տաղնապի միջոցին բնաւ տեղէ մը ստակ չէիք կրնար գտնել այսքան չափաւոր տոկոսով:

— Գիտեմ, պարո՛ն:

— Ադոր համար կրցիք ի հարկէ ըստիպեալ, պարտաւորեցաք դրած պայմանս ընդունիլ:

— Ըայց, պարո՛ն, գոչեց Տիւթէրթըրը անբացատրելի սոսկմամբ, ձեր պատուոյն կը դիմեմ. բացարձակապէս խոստացաք ինձ որ . . . :

— Այո՛, խոստացայ, բայց անդիմադրելի պատճառներ կան, և այդ յանձնարարադիրն չտալով՝ անդիմադրելի պատճառ մը կ'արտադրէք, որ կը հարկադրէ զիս . . . ստակս ետ ուղերու:

— Բայց, պարո՛ն, դուք անպատիւ բան մը կ'առաջարկէք ինձ. մտածեցէք անգամ մը:

Այս միջոցին դրսէն լսուեցաւ Սօֆի Տիւթէրթրի անոյշ խնդուածքն:

— Ա՛հ, պարո՛ն, գոչեց ամուսինը. այս մասին խօսք մը մի՛ ընէք կնոջս առջեւ, վասն զի յուսամ թէ այս չէ ձեր վերջին որոշումն . . . :

Շարլը Տիւթէրթըրը չի կրցաւ խօսքը լըմընցնել, վասն զի Սօֆի սրահը մտաւ:

Խեղճ մարդն պաղատական նշան մ'ըրաւ Բասքալի, որ անոյշ նշանով մը պատասխանեց:

Ը.

Երբ Սօֆի Տիւթէրթըրը մտաւ սրահը, ուր կը գտնուէին իւր ամուսինն և պարոն Բասքալ, նորատի կնոջ գէմքին սովորա-

կանէն աւելի կարմրութիւնն, կուրծքին թեթեւ փափախումն և աչացը թացութիւնն կ'ապացուցանէին թէ շատ խնդացեր էր:

— Ա՛, ա՛, տիկին Տիւթէրթըրը, ըսաւ Պ. Բասքալ զուարթօրէն, ես լսեցի, չափազանց կը խնդայիք:

Ապա, Պ. Տիւթէրթրի դառնալով, որ կը ջանար իր սոսկալի անձկութիւնն ծածկել և տակաւին յուսալ, յարեց:

— Երջանկութիւնն ի՛նչպէս կը զուարթացնէ սա նորատի կիներն: Մարդ զանոնք տեսնելով՝ ուրախութիւն կ'զգայ, անանկ չէ՞, սիրելիս Տիւթէրթըրը:

— Այո՛, քիչ մ'առաջ խնդացի, բայց հաւատացէ՛ք որ ակամայ էր, Պ. Բասքալ յարեց Սօֆի:

— Ակամայ՞, ըսաւ մեր մարդն. ի՛նչպէս, արդեօք վի՛շտ մը . . . :

— Վի՛շտ մը, ո՛հ, ոչ, Փառք Աստուծոյ: Բայց աւելի տրամադիր էի խանդադատելու քան թէ խնդալու: Շարլը, յարեց նորատի կինն այլայլելով, գիտնայիր թէ այս սիրելի Անթօնինը որքան յուզեց զիս, անբիծ և ստագրաւ խոստովանութիւն մ'ընելով, վասն զի խեղճ աղջկան սիրտը չափազանց լի էր, և չիկրցաւ առանց ամէն բան ինձ ըսելու՝ երթալ:

Եւ խանդադատանաց արտասուք մը Սօֆիի գեղեցիկ աչքերն թրջեց:

Պ. Բասքալ, Անթօնիսի անունը լսած ատեն, թէ և ինքզինքին վրայ մեծ ազդեցութիւն ունէր, սարսուաց. այն աղջկան համար ունեցած գաղափարներն նորէն միտքը եկան և միևչդեռ Սօֆի իւր աչքերը կը սրբէր, նա սուր նայուածք մը ձգեց անոր վրայ, ջանալով հասկնալ թէ ի՛նչ կրնար յուսալ իրմէ:

Տիկին Տիւթէրթըրը, խօսքը ամուսնոյն ուղղելով՝ ըսաւ,

— Բայց, Շարլը, այս բանը վերջէն կը պատմեմ քեզ, բայց տակաւին Անթոնինի պատմութեան իմ վրայ ըրած տպաւորութիւնը չէր գացած, երբ պզտիկ Մատրլէնս եկաւ և իր սիրուն լեզուան անանկ բաներ ըսաւ որ, չի կրցի խնդալս բռնել: Բայց ներեցէ՛ք, Պ. Բասքալ, ձեր սիրտն կրնայ մայրական տկարութիւններն հասկնալ ու ներողամիտ գտնուիլ, անանկ չէ՞:

— Ինձի՞ կը հարցնէք այդ բանն, յարեց Բասքալ մտերմօրէն, ինձի՛, որ բարեմիտ մարդ մ'եմ:

— Իրաւ է, ըսաւ Սօֆի խանդաղատանօք, այս տեղ ձեզ այսչափ սիրելնուս պատճառն այս է որ, ինչպէս որ կ'ըսէք, «բարեմիտ մարդ մ'էք...»: Հարցուցէ՛ք Շարլին, տեսնենք կրնա՞յ ըսածս ժխտել:

Տիւթէրթը բռնադբօսիկ ժպիտով մը պատասխանեց և յաջողեցաւ քաջութեամբ բաւական բռնել ինքզինքն կնոջն առջեւ, սա ևս, ի սկզբան բնաւ ամուսնոյն անձկութեանցը վրայ տեղեկութիւն չունենալով՝ դէպ ի սեղանը գնաց և բանած քրտակն առնելով՝ Պ. Բասքալին ներկայացուց և ըսաւ:

— Սիրելիս Պ. Բասքալ, այս քտակն լաւագոյն գիշերներուս աշխատութեանց արդիւնքն է, այսինքն ամուսնոյս, նորահօրն ու զաւակացս հետ անցուցած գիշերներուս: Եթէ այս պողպատի մարգարիտներն լեզու ունենային, յարեց Սօֆի ժպտելով, պիտի ըսէին ձեզ թէ ձեր անունը քանիցս յիշուեր է մեր մէջն, բոլոր արժանի եղած գորովանօք և երախտագիտութեամբ:

— Ա՛հ, շնորհակալ եմ, շնորհակալ եմ, սիրելի տիկին Տիւթէրթը, պատասխանեց Բասքալ, չեմ կրնար ըսել թէ այս սիրուն ընծայն որքան սիրտս կը գրա-

ւէ. միայն թէ քիչ մը կը շփոթեցնէ զիս:

— Ինչպէս:

— Դուք հիսայ բան մը տուիք ինձ և ես նորէն պիտի ուզեմ:

— Ի՛նչ երջանկութիւն: Ուղեցէ՛ք, ուղեցէ՛ք, սիրելիս պարո՛ն Բասքալ:

Ապա զարմանօք ամուսնոյն դառնալով ըսաւ:

— Շարլը, ի՞նչ կ'ընես այդ գրասեղանին առջեւ նստած:

— Պ. Բասքալ կը ներէ ինձ. միտքս եկաւ որ շատ կարևոր գործի մը վերաբերեալ ծանօթագրութիւններ կան, որ մուցեր էի, պատասխանեց Տիւթէրթը, ըստ դիպաց այլ և այլ թղթեր թղթատելով, որպէս զի դէմքին այլայլութիւնը ծածկէ կնոջմէն:

— Սիրելիս, ըսաւ Սօֆի յանդիմանօրէն, չէի՞ր կրնար այդ աշխատութիւնն յետաձգել և սպասել որ...

— Տիկին Տիւթէրթը, կը սրդողիմ, թէ որ իմ պատճառաւ ձեր ամուսինը վրդովէք, գոչեց Պ. Բասքալ. միթէ գործը ի՞նչ է չեմ գիտեր: Ա՛հ, դուք երջանիկ կին մ'էք. գիտցիք որ Տիւթէրթը իւր անխոնջ աշխատութեամբն է որ այսօր գործարանին գլուխը կը գտնուի:

— Այդ աշխատութիւնն ո՞վ քաջալերեց, ո՞վ վարձատրեց. ո՞չ ապաքէն դուք, պարո՛ն Բասքալ: Եթէ Շարլը այս պահուս իւր գործարանին գլուխն է, եթէ մեր և մեր զաւակաց ապագայն առ յաւելտ ապահովեալ է, ձեր շնորհիւն չէ՞ մի:

— Սիրելիս տիկին Տիւթէրթը, զիս պիտի շփոթեցնէք և չպիտի կարենամ յուսացած փոքրիկ ծառայութիւնս խնդրել ձեռնէ:

— Ես ալ մոռցայ, յարեց Սօֆի՛ ժրպտելով, բարեբաղդաբար ձեր մեզ մատու-

ցած մեծագոյս ծառայութեանց վրայ կը խօսէի . ուստի ներեցէ՛ք : բայց տեսնենք խնդիրն ի՞նչ է , յարեց նորատի կինն հըրապուրիչ աճապարանքով մը :

— Ըսելիքս թերևս մեծ զարմանք պատճառէ ձեզ :

— Աւելի աղեկ . ես զարմանք պատճառող բաները կը սիրեմ :

— Ամուրիի կենաց մենութիւնն անտանելի է ինձ այլ ևս , և . . . :

— Ե՛ւ . . . :

— Կ'ուզեմ ամուսնանալ ,

— Իրա՛ւ :

— Կը զարմանա՞ք : Ասոր ստոյգ էի :

— Կը սխալէի , վասն զի իմ կարծիքս այն էր որ վերջապէս ասոր պիտի յանդէիք :

— Ի՞նչպէս :

— Շատ անգամ ինքնիրենս կ'ըսէի : վաղ կամ անագան Պ. Բասքալ , որ այնքան զգայուն սիրտ մ'ունի , պիտի ուզէ ընտանեկան անուշ բերկրութիւններն ճաշակել , և կ'ուզէ՞ք որ իմ հպարտութիւնս խոստովանիմ ձեզ , յաւել Սօֆի ժպտելով : ինքնիրենս կ'ըսէի ալ թէ՛ անկարելի է որ Շարլի ու իմ երջանկութիւնս տեսնելով , որ մը չի փափագի ամուսնանալ : Հիմայ կրնաք հասկնալ թէ ո՛րքան երջանիկ եմ ձեր դիտաւորութիւնն կանխաւ զգացած ըլլալուս :

— Յաղթանակեցի՛ք ուրեմն , սիրելիս տիկին Տիւթէրթըրը , վասն զի իրաւցնէ ձեր և ձեր ամուսնոյն օրինակէն հրապուրուելով , կ'ուզեմ ձեզի պէս սիրահարութեամբ ամուսնանալ :

— Միթէ ուրիշ տեսակ ամուսնութիւն կրնա՞յ ըլլալ : Ըսաւ Սօֆի ուսերն ցնցելով և ի սկզբան առանց յիշելու որ պարոն Բասքալ երեսուն և ութ տարեկան է , և ապա յարեց ,

— Ձեր սիրած անձն ալ ձեզ կը սիրէ՞ :

— Այդ ձենէ կախումն ունի :

— Ինէ՞ :

— Բացարձակապէս :

— Ինէ՞ , յարեց Սօֆի ևս քան զեւս զարմանալով , Շարլը , կը լսե՞ս Պ. Բասքալի ըսածն :

— Կը լսեմ , պատասխանեց Տիւթէրթըրը որ , կնոջը չափ զարմանալով՝ անձկութեամբ մտիկ կ'ընէր .

— Ի՞նչպէս , պարոն Բասքալ , ես կըրնամ ձեզ սիրցնել , յարեց Սօֆի :

— Այո՛ , սիրելիս տիկին Տիւթէրթըրը :

— Թէև ասի անհասկնալի կ'երեւնայ ինձ , բայց քանի որ այդ ձեր ենթադրած դիւթական կարողութիւնն ունիմ , սիրելիս Պ. Բասքալ , ըսաւ Սօֆի անուշ ձայնով մը , դուք ալ պիտի սիրուիք , ինչպէս որ արժանի էք :

— Ձեր խօստմանն վրայ վստահելով , բացէ ի բաց պիտի խոստովանիմ ձեզ , սիրելիս տիկին Տիւթէրթըրը թէ , օրիորդ Անթօնին Հիւպէրը խենթի պէս կը սիրեմ :

— Անթօնի՛նը , գոչեց Սօֆի ապշութեամբ . մինչդեռ Տիւթէրթըրը , իւր գըրասեղանին առջեւ նստած , մէկէն ի մէկ կնոջը դարձաւ . որու չափ ինքն ալ ապշած էր :

— Ձինքը կը սիրեմ : Հիմայ չորրորդ անգամն է որ տեսայ զինքը . բայց բնաւ հետը խօսած չեմ . սակայն որոշումս ըրեր եմ , վասն զի ես այն մարդերէն եմ , որոնք իրենց որոշումն շուտ և բնազդմամբ կուտան : Օրինակի համար երբ այս ազնիւ Տիւթէրթրին օգնութեան գալ մտաբերեցի , երկու ժամուան մէջ ամէն բան լմնցաւ : Օրիորդ Անթօնիին հիանալի գեղեցկութիւնն , դէմքին անբծութիւնը , չեմ գիտեր ի՞նչ բան մը , որ կ'ապահովէ զիս թէ այս աղջիկն լաւագոյն ձիրքերու տէր

է : վերջապէս ամէն բան նպաստեց զինքն ինձ սիրցնելու և ձեզի պէս , սիրելի տիկին Տիւթէրթըրը , ամուսնութեան մէջ փնտռելու այն ներքին երջանկութիւնը և սրտի վայելքներն , զորս ճանչնալու եւ վայելելու արժանի կը կարծէք զիս :

— Պարո՛ն , ըսաւ Սօֆի շփոթելով , ներեցէ՛ք ինձ որ . . . :

— Պիտի ըսէք թէ ասի վայրկենական սէր մ'է . բայց առանկ վայրկենական եւ միանգամայն խորունկ սէրեր շատ տեսնուած են : Ասկէց զատ բնագոյմանց եւ կանխազգացմանց հնազանդող մարդ մ'եմ .

միշտ դործի մը աղեկ կամ գէշ ըլլալը մէկ նայելով հասկցած եմ . ինչո՞ւ ամուսնանալու ատենս ալ չի հետեւիմ այս դժբախտութեան , որ մինչեւ ցայսօր յաջողած է :

Ըսի թէ ձեր ձեռքն է Օրիորդ Անթօնինի զիս սիրելը : Կեցի՛ք որ բացատրեմ , տասն և հինգ տարեկան աղջկունք , և կարծեմ անկէց աւելի չկայ , մասնաւոր կամք մը չունին . Պ. Տիւթէրթըրը ըսաւ ինձ թէ

դուք օրիորդ Անթօնինի մայրութիւն ըրած էք . քանի որ գաղտնիքներն ձեզ կը վրստահի , ըսել է մեծ ազդեցութիւն ունիք իր վրայ . ուստի վաղուքն չունալ չկայ , զիս իրեն ներկայացնելով եւ իմ վրաս գովեստիւ խօսելով , կրնաք դիւրաւ համոզել զինքն որ սիրոյս մասնակցի և հետս ամուսնանայ :

Եթէ այս երջանկութիւնը շնորհէք ինձ , սիրելիս տիկին Տիւթէրթըրը յարեց Պ. Բասքալ անկեղծ ձայնիւ , իմ ձեզ համար զգալիք երախտագիտութիւնս այնքան մեծ պիտի ըլլայ որ , ձեր ինձ համար զգացածն ապերախտութիւն պիտի սեպուի անոր բաղդատմամբ :

Սօֆի ցաւօք և զարմացմամբ մտիկ ըրեր էր Պ. Բասքալի ըսածներն , վասն զի կը հաւատար և իրաւունք ունէր հաւատալու այս մարդուն սիրոյն կամ գէթ

տենջանացն իրականութեանը . ուստի վըշտագին ձայնիւ , վասն զի ծանր կուգար իրեն Պ. Բասքալի յոյսերն տալալել , ըսաւ .

— Սիրելիս պարո՛ն Բասքալ , կը տեսնէք որ չափազանց կը վշտանամ ձեր առաջին խնդիրքն չի կարենալ կատարելու :

— Բայց ի՞նչ անկարելիութիւն կայ :

— Հաւատացէք խօսքիս , այս ամուսնութիւնն մտքերնուդ հանեցէ՛ք :

— Արդեօք օրիորդ Անթօնին արժանի չէ . . . :

— Անթօնին հրեշտակ մ'է , ես տղա յուծենէն ի վեր կը ճանչնամ զինքը : Աշխարհի մէջ լաւագոյն սիրտ և ընտրելագոյն բնաւորութիւն չկայ :

— Այդ ըսածներնիդ , սիրելիս տիկին Տիւթէրթըրը : իմ փափագս աւելցնելէ ուրիշ օգուտ չունին :

— Նորէն կ'ըսեմ թէ այս ամուսնութիւնն անկարելի է :

— Բայց վերջապէս ինչո՞ւ :

— Նախ և առաջ մտածեցէք որ Անթօնին հազիւ տասն և հինգ տարու կայ , և դուք . . . :

— Եւ ես երեսուն և ութ տարու եմ , ա՞ս է :

— Խոստովանեցէ՛ք թէ տարիքներու տարբերութիւնն մեծ է , և որովհետեւ առանկ անհամեմատ ամուսնութիւն մը ոչ քրոջս և աղջկանս կրնամ խորհուրդ տալ , չեմ կրնար նաև Անթօնինի ըսել որ ամուսնանայ ձեզի հետ , վասն զի ո՛չ ձեր և ո՛չ իր թշուառ ըլլալն կ'ուզեմ :


— Ո՛հ , մի՛ վախնաք , ես իմ երջանկութեան համար խօսք կուտամ ձեզ :

— Հապա Անթօնի՞նք :

— Պա՛հ , քանի մը տարի աւելի կամ պակաս . . . :

— Ես սիրահարութեամբ ամուսնացայ, սիրելիս Պ. Բասքալ, և ուրիշ տեսակ ամուսնութիւն չեմ կրնար բմբունել: Թերևս ասի սխալ է. բայց վերջապէս իմ կարծիքս այս է և ձեզի ալ կը հաղորդեմ, քանի որ ինչ խորհուրդ կը հարցնէք:

— Դարձեալ կ'ըսեմ, սիրելիս տիկին Տիւթերթը, տասն և հինգ տարու աղջիկ մը որոշ գաղափար չ'ունի ամուսնութեան վրայ: օրիորդ Անթօնին կոյր վրատահութիւն մ'ունի ձեր վրայ: Զիս իրեն ներկայացուցէ՛ք և վրաս աղեկ խօսեցէ՛ք:



Շարլը Տիւթերթի գործարանը

— Ըսել է ձեր կարծիքն այն է որ ես չեմ կրնար օրիորդ Անթօնինի հաճելի ըլլալ, հէ՞:

— Կը կարծեմ որ նա ևս, ինձի ու Շարլին պէս, ամէն վեհանձն սրտերու պէս, պիտի գնահատէ ձեր բնաւորութեան աղնութիւնն, բայց . . . :

Գործը ապահով է, և եթէ ուզէք կրնաք:

— Ահ, սիրելիս պարոն Բասքալ, այս խօսակցութիւնն չափէն աւելի կը վշտացնէ դիս: Ուստի այս խնդիրն վերջացնելու համար գաղտնիք մը պիտի փստահիմ՝ ձեզ:

— Ի՞նչ է տեսնենք այդ գաղտնիքը:

— Անթօնին մէկը կը սիրէ և անկէ կը սիրուի : Ա՛հ , պարոն Բասքալ , այս սէրն խիստ մաքուր և սրտազրաւ է , ու շատ պատճառներով ապահով եմ թէ Անթօնինի երջանկութիւնն կրնայ ապահովել : Հօրեղբայրն հիւանդ է . եթէ նա մեռնի , խեղճ տղան պիտի ստիպուի այնպիսի ազգականաց հետ բնակիլ , որոցմէ իրաւամբ կը դարչի : Բայց երբ իւր սրտին համեմատ ամուսնանայ , կրնայ խիստ երջանիկ ապագայ մը յուսալ , վասն զի իւր սիրած անձն արժանի է այդ սիրոյն : Ուստի կը տեսնէք որ , սիրելիս Պ. Բասքալ , նոյն իսկ եթէ ես ալ աջակցիմ ձեզ , յաջողելու յոյս չկայ , և ես ալ , որ հոգի և խիղճ ունիմ , կրնամ աջակցիլ ձեզ , քանի որ ստոյգ եմ թէ , բաց ի տարիքի անհամեմատութենէ , որ ըստ իս անկարելի է , Անթօնինի ըզգացած ու ներշնչած սէրն զինքն ցմիշտ երջանիկ պիտի ընէ :

Պ. Բասքալ , երբ լսեց որ այսպէս կը հաստատուէր Անթօնինի և Ֆրանցի սիրահարութիւնն , զոր ինքն քիչ մը նշմարած էր , կատաղութիւն և վիշտ զգաց և աւելի ևս բարկացաւ տիկին Տիւթէրթըրի մերժմանն , որ չէր ուզէր իւր դիտաւորութեանցն օգնել . բայց ինքզինքն զբայեց՝ վերջին փորձ մ'ալ ընելու , և եթէ չի յաջողի , աւելի ահարկու վրէժ մ'առնելու համար :

Ուստի առերեւոյթ հանդարտութեամբ մ'ըսաւ :

— Վա՛յ , օրիորդ Անթօնին մէկը կը սիրէ . լաւ . բայց նորահաս աղջկանց այդ բանն սիրոյն ինչ բան ըլլալը գիտենք , սիրելիս տիկին Տիւթէրթըր , ճիշդ յարդի կրակ մ'է : Եթէ անոր վրայ փշելու ըլլաք՝ կը մարի և այդ գեղեցիկ սէրը չի կրնար ձեր ազգեցութեանն դիմանալ :

— Նախ սա կայ որ այս մասին Անթօնինի

նինի վրայ ազգեցութիւն չեմ կրնար բանեցնել , պարոն Բասքալ , վասն զի անօգուտ է :

— Այդպէս կը կարծէք :

— Ապահով եմ :

— Լա՛ւ , բայց անգամ մը փորձեցէք :

— Բայց , պարոն , արդէն ըսի որ Անթօնին . . .

— Մէկը կը սիրէ , հասկցանք . ասկից զատ Բասքալ երեսուն և ութ տարեկան ու տգեղ է , աս ալ յայտնի է . բայց ասոնց փոխարէն աղւոր միլիոններ ունի , և երբ այս երեկոյ , (վասն զի յուսամ թէ այս երեկոյ պիտի երթաք) այդ մատղաշ աղջկան հասկցնէք թէ , սէրը թէ և աղւոր բան մ'է , բայց ստակն աւելի աղւոր է , վասն զի սէրը կ'անցնի ու ըստակը կը մնայ , նա ձեր խրատուն պիտի հետեւի , վաղն իւր սիրահարը պիտի ճամբէ և այն ատեն ես ալ փառք ձեզ , պիտի գոչեմ , սիրելիս տիկին Տիւթէրթըր :

Սօֆի զարմանօք և մտահոգութեամբ նայեցաւ պարոն Բասքալին . իւր կնային փափուկ դիւրազգածութիւնն վիրաւորուեր էր . բնազդն իրեն կ'ըսէր թէ պարոն Բասքալի պէս խօսող մարդ մը չէր կրնար իւր կարծած սրտի , պատուոյ և ուղղութեան տէր մարդն ըլլալ :

Այս միջոցին Տիւթէրթըր ևս ոտքի ելաւ ցաւազին անձկութեամբ մը . կինը այն ատեն նշմարեց նորա դիմաց այլայլութիւնն և գոչեց .

— Շա՛րլը , ի՛նչպէս դեղներ ես . ի՞նչ ունիս :

— Ոչի՛նչ , Սօֆի , բան չունիմ , թեթև գլխու ցաւ մը :

— Ո՛չ , դու ուրիշ բան մ'ունիս : Այդ դեղնութիւնն բնական չէ : Պ. Բասքալ , նայեցէ՛ք անգամ մը Շարլի երեսը :

— Իրաւ , սիրելիս Տիւթէրթըր , կ'երեւի թէ բան մ'ունիք :

— Ա՛չ, պարո՛ն, պատասխանեց Տիւթէրթըրը անանկ ցուրտ ձայնով մը, որ Սօֆիի անստոյգ կասկածներն աւելցան:

Մէկ մը ամուսնոյն և մէկ մ'ալ պարոն Բասքալի երեսը կը նայէր, ջանալով այս փոփոխութեան պատճառն հասկնալ, փոփոխութիւն մը, որ զինքը կ'ահաբեկէր:

— Սիրելիս Տիւթէրթըրը, յարեց Պ. Բասքալ, մեր խօսակցութիւնն լսեցիք, ուստի ինձի օգնեցէք ձեր ազնիւ կնոջն հասկցնելու թէ՛ օրիորդ Անթօնին ինձմէ շնորհքով պատառ մը չի կրնար գտնել:

— Պարո՛ն, այս մասին ըստ ամենայնի համակարծիք եմ կնոջս:

— Ի՛նչպէս, դու՞ք ևս:

— Ա՛յո՛, պարո՛ն:

— Մտածեցէ՛ք որ . . .

— Արդէն կինս ըսաւ ձեզ, պարո՛ն. մենք սիրահարութեամբ ամուսնացանք, և իմ կարծիքս ալ այն է որ այս տեսակ ամուսնութիւնք միայն կրնան երջանիկ ըլլալ:

— Անթօնինը ծախու հանե՛լ, ըսաւ Սօֆի դառնութեամբ, խրատե՛լ իրեն որ վատութիւն մը գործէ, շահադիտութեամբ ամուսնանայ, երբ դեռ քիչ մ'առաջ իւր անբիծ և ազնիւ սէրը խոստովանեցաւ ինձ. ա՛հ, պարո՛ն, կը կարծէի որ լաւագոյն կարծիք ունիք իմ վրաս:

— Բայց, սիրելիս Տիւթէրթըրը, դուք որ դրական մարդ մ'էք, խոստովանեցէք թէ ասոնք վիպական պատճառներ են. օգնեցէ՛ք ինձ որ ձեր կինն համոզեմ:

— Նորէն կ'ըսեմ որ ես ալ իրեն համակարծիք եմ, պարո՛ն:

— Ա՛հ, գոչեց Պ. Բասքալ, չէի կարծեր որ դուք այդքան ցուրտ և անտարբեր գտնուիք ինձ վերաբերեալ բանի մը մէջ:

— Պարո՛ն, գոչեց Սօֆի, այդ յանդիմանութիւնն անիրաւ է:

— Անիրաւ . . . ամիսո՛ս, ես ալ կու-

զէի անիրաւ ըլլալ, բայց դժբաղդարար իրաւունք ունիմ: Քիչ մ'առաջ ձեր ամուսինն իմ մէկ խնդիրս կը մերժէր, հիմայ ալ դուք: Ա՛հ, ցաւալի՛ բան: Ի՛նչ բանի վրայ յոյս դնելու է ասկից վերջը:

— Ի՛նչ խնդիր, ըսաւ Սօֆի, ամուսնոյն հետզհետէ մտահոգութեան մէջ ինչնալը տեսնելով. ի՛նչ է ըսածն:

— Անօգուտ է ադոր վրայ խօսիլ քեզ, սիրելիս Սօֆի:

— Ընդհակառակն ես կը կարծեմ որ յարեց պարոն Բասքալ, աղեկ կ'ըլլայ եթէ խնդիրն հասկցնենք ձեր կնոջն. որպէս զի անոր կարծիքն ալ հասկնանք:

— Պարո՛ն, գոչեց Տիւթէրթըրը, սոսկմամբ ձեռներն կցելով:

— Օ՛ն, միթէ սիրահարութեամբ կատարուած ամուսնութեանց մէջ՝ ամուսինք իրարմէ բան կը պահեն:

— Շարլը, կ'աղաչեմ, բացատրէ՛ ինձ թէ ի՛նչ կը նշանակէ այս: Ա՛հ, ես հասկըցայ որ դու բան մ'ունիս: Բայց պարո՛ն, ըսել է ձեր ու Շարլին միջեւ բան մ'անցաւ, ըսաւ Բասքալի՛ պաղատական ձայնիւ, պատասխանեցէք, կ'աղաչեմ:

— Պա՛հ, շատ պարզ բան մը: Հիմայ կը տեսնէք, սիրելի տիկինս:

— Պարո՛ն, գոչեց Տիւթէրթըրը, յանուն այն երախտագիտութեան, զոր կը պարտիմք ձեզ, յանուն Աստուծոյ, լուեցէք, կ'աղաչեմ. վասն զի չեմ կրնար հաւատալ որ ձեր որոշմանը մէջ անխախտ մնաք: Ուստի ի՛նչ օգուտ ունի անտեղի վախ մը տալ կնոջս:

Ապա, խօսքը կնոջն ուղղելով, ըսաւ.

— Մի՛ վախնար, Սօֆի, բան չկայ:

Հայր Տիւթէրթըրը, որ սենեակէն լսեր էր ձայներուն հետզհետէ բարձրանալն, մէկէն ի մէկ դուռը բացաւ, ձեռքերն դէպ յառաջ երկնցնելով՝ սրահը մտաւ և այլայլեալ դիմօք գոչեց.

- Շարլը՝ Սօֆի, ի՞նչ կայ :
- Հայրս, մրմնջեց Տիւթէրթըրը ու ժաթափ :
- Ծերունի՛ն, ըսաւ Բասքալ : Լա՛ւ, ան իմ՝ գործիս կուգայ :

Թ.

Կոյր ծերունին սրահը մտնելէն վերջը, պահ մը լռութիւն տիրեց :

Տիւթէրթըրը աշխուժիւ հօրը դէմ ելաւ, անոր դողդոջուն ձեռքէն բռնեց և գորովանօք սեղմելով՝ ըսաւ .

— Մի՛ վախնաք, հայր իմ, բան չկայ, պարզ գործի վէճ մը . ներեցէ՛ք որ ձեզ վերստին ձեր սենեակը տանիմ :

— Շարլը, ըսաւ կոյրը՝ գլուխը տըխրութեամբ զնցելով, ձեռքդ պաղ է, կը դողաս, ձայնդ այլայլած է, հոս բան մը կայ, զոր կ'ուզես ինէ ծածկել :

— Չէք սխալիր, պարո՛ն, ըսաւ Բասքալ ծերունւոյն, ձեր որդին բան կը ծածկէ ձեռնէ, զոր պէտք է իմանաք նոյն իսկ ձեր, ձեր որդւոյն, ձեր հարսին և ձեր թոռանց շահուն համար :

— Բայց, պարո՛ն, դուք բնաւ գուժ չ'ունի՞ք, գոչեց Շարլը Տիւթէրթըրը, դուք ազիք չ'ունի՞ք :

— Սիրելիս, ձեր և ձեր կնոջն անմիտ յամառութեանը վրայ գթալուս համար է որ կուզեմ ձեր պատկառելի հօրն ուղղախոհութեանը դիմել :

— Շարլը, գոչեց Սօֆի, ճշմարտութիւնն ըսէ՛ մեզ, որքան սոսկալի կուզէ ըլլայ : Այս տարակոյսն, այս անձկութիւնն իմ կարողութենէս վեր է :

— Զաւա՛կս, ըսաւ ծերունին, ամէն

ատենուան պէս անկեղծ եղիր . իսկ մենք քաջութեամբ մտիկ կ'ընենք :

— Կը տեսնէ՛ք, սիրելիս Տիւթէրթըրը, ձեր ազնիւ հայրն ալ կուզէ ճշմարտութիւնն իմանալ :

— Պարո՛ն, գոչեց Տիւթէրթըրը սըրտակեղեք ձայնիւ և արտասուածոր աչքերն յառելով Բասքալի վրայ, վեհանձն ու բարի եղիք, ինչպէս որ եղաք ցայսօր : Գիտեմ որ ամենամեծ կարողութիւն մ'ունիք ի ձեռին . մէկ բառով կրնաք ամէնքս սգոյ և յուսահատութեան մէջ ձգել . բայց մէկ բառով կրնաք նաև վերստին դարձընել մեզ այն երջանկութիւնն ու հանգըստութիւնը, զոր ձեզ պարտաւոր ենք : Կը պաղատիմ, անգուժ մի՛ ըլլաք :

Սօֆի տեսնելով որ Տիւթէրթըրը, այն հաստատամիտ եւ քաջ մարդն ակամայ կուլար, զգաց վտանգին մեծութիւնն և սրտառուչ ձայնիւ ըսաւ Պ. Բասքալի .

— Չեմ գիտեր թէ ի՛նչ վտանգ կը սպառնայ մեզ, բայց կը սոսկամ, եւ ես ալ կը պաղատիմ ձեզ, Պ. Բասքալ :

— Ատենով մեր փրկիչի՛ ըլլալէ վերջը, գոչեց Տիւթէրթըրը՝ արցունքները սրբելով, հիմայ չէք կրնար մեր դահիճն ըլլալ :

— Չեր դահիճն, յարեց Բասքալ, Աստուած չ'ընէ՛, խեղճ բարեկամներս . ես չեմ որ կուզեմ ձեր դահիճն ըլլալ, այլ դուք : Այն բառը, զոր ինձմէ կը սպասէք, այն բառը որ կրնայ ձեր երջանկութիւնն ապահովել, ըսէ՛ք այն բառը, սիրելիս Տիւթէրթըրը, եւ մեր փոքրիկ խընջոյքն իւր պատշաճ զուարթութիւնը կը գտնէ, ապա թէ ոչ ձեր գլխուն գալիքէն մի գանգատիք, վասն զի դուք ձեռքովնիդ կ'ընէք :

— Բայց, Շարլը, քանի որ քու ձեռքըդ է, գոչեց Սօֆի՝ անբացատրելի անձկութեամբ մը, ըսէ՛ Պ. Բասքալի ուզած

բառն , որպէս զի հայրդ եւ զաւակներդ փրկես :

— Կը լսէ՞ք ձեր կնոջն ըսածը , սիրելիս Տիւթէրթըրը , յարեց Բասքալ , անոր ձայնն ալ մտիկ չպիտի ընէք :

— Լաւ ուրեմն , գոչեց Տիւթէրթըրը՝ դեղնած և յուսահատ , քանի որ այս մարդըն գութ չունի , դուք ալ , հայր իմ և Սօֆի , ամէն բան իմացէք : Մարտլանծը քովէս վաճակեցի : Պ . Բասքալի շահը կը պահանջէ եղեր որ այս մարդը Տիւրանենց քով մտնէ և կուզէ որ իբր պատուաւոր երաշխաւորեմ այդ խաբեբայ սրիկայն , զոր ասկից դուրս ըրի :

— Ա՛հ , պարո՛ն , ըսաւ ծերունին դէպ ի Բասքալի կողմը դառնալով , ադ անհր- նար է . այդպիսի վատութիւն մը մի՛ յուսար զաւկէս :

— Եւ եթէ այս վատութիւնը մեր- ժեմ , յարեց Տիւթէրթըրը , Պ . Բասքալ ետ պիտի առնէ յանդգնութեամբ փոխ առած ստակս , վարկը պիտի դադրեցնէ և այս տագնապի միջոցին , այս բանը մեր կոր- ծանումն է :

— Տէ՛ր Աստուած , մրմնջեց Սօֆի սոսկ- մամբ :

— Ամէնն այս չէ , հայր իմ , յարեց Տիւթէրթըրը , կուզէ որ կինս ալ իւր կող- մէն վատութիւն մը գործէ : Պ . Բասքալ օրիորդ Անթօնիսի սիրահարեր է եղեր , և կուզէ որ Սօֆի օգնէ այս սիրոյն , որու անկարելիութիւնը գիտէ և հաւանութիւն չի տար՝ ազնիւ նկատումներով . բայց եթէ չօգնէ , վերստին սպառնալիք մը կայ մեր գլխուն վրայ : Ահա՛ ճշմարտութիւնն , հայր իմ : Սոսկալի և անակնկալ կործանման մը ենթարկուիլ կամ անպատիւ գործ մ'ը- նել , ահա՛ այս կացութեան մէջ կը ձգէ զիս այն մարդը , զոր երկար ատեն ազնիւ ու վեհանձն կարծեցիկք :

— Այո՛ , ատանկ է , մի՛շտ ատանկ է : Աշխարհս այսպէս է , յարեց Պ . Բասքալ հառաչելով և ուսերը ցնցելով : Երբ ծա- ուայութիւններ կ'ընդունին՝ առանց փոխա- րէն մը մատուցանելու , քեզ կը շոյեն , կը պատուեն , « շէ՛ն - քարերս » , վեհանձն « շո՛ւն » կը կոչեն , քսակներ կը բանին քեզ , և ին : Պզտի տղաքներն շնորհաւորութեան խօսքեր կարտասանեն . ապա կուգայ օր մը որ այն խեղճ բարերարը կը յանդգնի ինքն ալ մէկ երկու շնչին ծառայութիւն խնդրել , այն ատեն վատութիւն , ան- պատուութիւն կը գոչեն . . .

— Եթէ պատուոյս չի մնասող ո՛ր և է զոհողութիւն ուզէիք ինէ , պարո՛ն , գո- չեց Տիւթէրթըրը , ուրախութեամբ կը կա- տարէի :

— Այն ատեն , յարեց Բասքալ՝ առանց Տիւթէրթրի պատասխան տալու , այդ բա- րերարն ալ , ո՛րքան որ ապուշ և տխմար ըլլայ , վերջապէս կը ձանձրանայ , մանա- ւանդ ապերախտութիւնն՝ իւր սիրտը կը յօշօտէ , վասն զի ինքը զգայուն , շատ զգայուն ծնած է :

— Ապերախտութիւն , գոչեց Սօֆի ար- տասուելով , մենք ապերա՛խտ : Ո՛հ , Աստ- ուած իմ :

— Եւ որովհետեւ ապուշը քիչ մը ուշ կը հասկնայ որ սխալեր է , ըսաւ Բաս- քալ՝ առանց Սօֆիի պատասխանելու , ո- րովհետեւ ցաւօք կը նշմարէ թէ իւր դի- մացիներն անկարող են երախտագիտա- կան բարեկամութիւնը մէկ քանի շնչին նը- կատումներէ վեր բռնել , ինքնիրենն կ'ըսէ թէ ալ ապշութեան չափը կ'անցնի , եթէ տակաւին իւր քսակը բանայ ասանկ թոյլ բարեկամաց : Ուստի ստակն ու վարկը ետ կ'առնու անոնցմէ , ինչպէս որ ես կ'ընեմ , մանաւանդ որ ստիպուած եմ ընելու սի- րելի Տիւթէրթրի մերժումէն յառաջ եկած

պատճառներով: Վերջին խօսք մ'ալ բ-
սեմ, յարեց Բասքալ խօսքը ծերունւոյն
ուղղելով, անկեղծօրէն նկարագրեցի ձեզ
իմ և ձեր որդւոյն վարմունքն. բայց որով-
հետեւ շատ ծանր է ինձ Տիւթէրթրի սի-
բոյն վրայ ունեցած համոզումս կորսնցը-
նել, որովհետեւ գիտեմ թէ իւր այս յան-
ցանքն կրնայ ահարկու աղետներ տեղալ
իւր և իւր ընտանիքին գլխուն, քառորդ
մը միջոց կը շնորհեմ իրեն խորհելու հա-
մար: Թող յիշեալ յանձնարարագիրն տայ
ինձ, տիկին Տիւթէրթրը ուղած խոստումս
թո՛ղ ընէ, և ամէն բան վերստին կարգի
կը մտնէ ու կը նստինք բարեկամաբար կը
հաշենք: Դուք Տիւթէրթրի հայրն էք,
պարո՛ն, և իր վրայ մեծ ազդեցութիւն
ունիք, դատեցէ՛ք և որոշեցէ՛ք:

— Շա՛րլը, ըսաւ ծերունին իւր որդ-
ւոյն՝ այլայլեալ ձայնիւ, իբր պատուաւոր
մարդ վարուեցար: Լա՛ւ, բայց դեռ բան
մը կայ ընելու. բաւական չէ թշուառա-
կանի մը պատուաւորութիւնն չերաշխա-
ւորել . . .

— Վա՛յ, ըսաւ Բասքալ, հապա դեռ
ի՛նչ ընելու է:

— Եթէ Պ. Բասքալ իւր նենգամիտ
գիտաւորութիւնը շարունակէ, յարեց ծե-
րունին, դու, զաւակս, պէտք է Տիւ-
րանենց գրես թէ, այնպիսի պատճառնե-
րով, որք քեզ անձանօթ, բայց դուցէ
վտանգաւոր են, Պ. Բասքալ կուզէ այս
Մարսլանժը իրենց քով մտցնել եւ թէ
պէտք է զգուշանան, վասն զի ասանկ վատ
գիտաւորութեան մը մասին լուռ կենալը,
անոր մեղսակից ըլլալ է:

— Չեր խրատուն պիտի հետեւիմ,
հա՛յր իմ, ըսաւ Տիւթէրթրը հաստատուն
ձայնիւ:

— Աս աւելի՛ ազէկ, յարեց Բասքալ
հառաչելով, ապերախտութիւնը բաւ չէ

եւ անոր վրայ վստահութեան դարչելի
զեղծում մ'ալ կը բարդեն: Օ՛ն, բաժակը
ցմրուր խմելու է: Միայն թէ, ո՛վ ի՞նչ
կին Բարեկամե՛րս, յաւել՛ ներկայ եղողներուն
վրայ տարօրինակ և սոսկալի նայուածք
մը ձգելով, կը վախնամ որ խմելէս վերջը
սրտիս մէջ շափազանց դառնութիւն եւ
թոյն պիտի մնայ, և այն ատեն, երբ օրի-
նաւոր ատելութիւն մը կը յաջորդէ փա-
փուկ մտերմութեան մը, դժբաղդաբար
այդ ատելութիւնը սոսկալի կ'ըլլայ:

— Ո՛հ, Շարլը, այս մարդը կը սոս-
կացնէ զիս, մրմնջեց նորատի կինն՝ ա-
մուսնոյն մօտենալով:

— Իսկ դուք, սիրելիս Սօֆի, յաւել
ծերունին անխախտ հանդարտութեամբ մը
և առանց Պ. Բասքալի սպառնալեաց ա-
կանջ կախելու, ոչ թէ միայն բնաւ ձե-
ռընտու պէտք չէ դտնուիք այդ ամուս-
նութեան դիտաւորութիւններուն, այլ և,
եթէ Պ. Բասքալ յամառի իւր մտադրու-
թեանը մէջ, պէտք է օրիորդ Անթօնինի
և իւր ծնողացը յայտնէք՝ զինքն ամուս-
նութեան ուղող մարդուն բնաւորութիւնն,
և այս մասին ձեզ ըրած բարեացը փո-
խարէն պահանջածը յայտնելնիդ բաւա-
կան է:

— Այդ իմ պարտքս է, պատասխա-
նեց Սօֆի այլայլեալ ձայնիւ, և պիտի կա-
տարեմ, հա՛յր իմ:

— Դո՛ւք ալ, սիրելիս տիկին Տիւ-
թէրթրը, պատասխանեց Պ. Բասքալ ծա-
ծուկ կատաղութեամբ մը, իմ ամենասի-
րելի յոյսերուս պիտի վրասէ՛ք. ի՛նչ վե-
հանձնութիւն: Աստուած տա՛ր որ ես ալ
կատաղի վրէժխնդրութիւն մը ձեռք չ'առ-
նում: Երկու տարուան բարեկամութենէ
վերջը այսպէս զատուիլ իրարմէ: Ըսել է
ամէն բան լմնցա՞ւ մէջերնիս, հէ՞, յաւել
Բասքալ Տիւթէրթրի և կնոջը նայելով:

Սօֆի և Տիւթէրթըը հաստատամտութեամբ եւ արժանապատուութեամբ լուսեցին :

— Օ՛ն , ըսաւ Բասքալ գլխարկն առնելով , ահա մարդոց ապերախտութեան մէկ ապացոյցն ալ , ափսո՛ս :

— Պարո՛ն , դոչեց Տիւթէրթըը , որու համբերութիւնն հատաւ Բասքալի հեղնական զգայնութենէն , զմեզ ասանկ սուկալի հարուածով մը հարուածելէ վերջն , անգթութիւն է այդպէս ծաղրել : Թողէ՛ք մեզ , թողէ՛ք :

— Հիմայ ալ ահա՛ կը վռնտուիմ՝ այս տունէն այնպիսի մարդոց ձեռօք , որք երկար ատեն իմ պատճառովս երջանիկ ապրեցան , յարեց Բասքալ՝ ծանրաքայլ դէպ ի դուռը ելծալով , ես ասկից վըռնտուիմ : Ահ , այս նուաստացուցիչ վիշտը պակաս էր ինձ :

Ապա կանգ առնելով՝ գրպանը խառնեց և դուրս քաշեց քիչ մ'առաջ Սօֆիի տուած փոքրիկ քսակն ու զայն նորատի կնոջ երկնցնելով՝ իւր հեգնական անողոք ձայնիւ ըսաւ .

— Բարեբաղդաբար համբ են սա պողպատեայ մարդրիտներն որք ամէն վայրկեան պիտի ըսէին ինձ թէ անունս ո՛րքան կ'օրհնուի այս տան մէջ , ուսկից կը վըռնտեն զիս :

Բայց , կարծես միտքը բան մը գալով , քսակը գրպանը դրաւ , մեղամաղձոտ ժրպտով մը զայն դիտելով և բսելով .

— Ո՛չ , ո՛չ , քովս կեցիր , անմե՛ղ քրտակ : Դու պիտի յիշեցնես ինձ ըրած դոյզըն բարիքս և գտած վարձատրութիւնս :

Պ. Բասքալ զայնս ըսելով՝ ձեռքը դըրաւ դրան կոճակին վրայ , դուռը բացաւ և դուրս ելաւ , Սօֆին , ամուսինն և նորա հայրը մահացու լուութեան մը մէջ թողլով :

Այս անտանելի լուութիւնը տակաւին կը շարունակէր , երբ պարոն Բասքալ , ետ դառնալով և դուռը կէս մը բանալով , կիսաբաց փեղկերէն ըսաւ .

— Աղէկ միտքս եկաւ : Մտիկ ըրէք , սիրելիս Տիւթէրթըը . . .

Յուսոյ նշոյլ մը Տիւթէրթրի դէմքը լուսաւորեց . պահ մը կարծեց թէ , Պ. Բասքալի ցոյց տուած ցուրտ եւ հեգնական անգթութեանը հակառակ , կը սկսէր կարեկցիլ :

Սօֆի եւս նոյն յոյսն ունեցաւ . նա ալ իւր ամուսնոյն պէս անմեկնելի անձկութեամբ մը սպասեց այս մարդուն խօսքերուն , որու ձեռքն էր իրենց բաղդը : Պ. Բասքալ յարեց .

— Շարաթ օր ձեր վճարման օրն է , անանկ չ'է՞ , սիրելիս Տիւթէրթըը . թողէ՛ք որ , հակառակ մեր մէջն անցած դէպքերուն , տակաւին այսպէս կոչեմ զձեզ :

— Փա՛ռք Աստուծոյ , կը դիտայ , մըտածեց Տիւթէրթըը , և բարձր ձայնիւ ըսաւ . այո՛ , պարո՛ն :

— Չեմ ուզեր , սիրելիս Տիւթէրթըը , դժուարին կացութեան մը մէջ ձգել զձեզ : Բարիզու հրապարակը ծանօթ է ինձ , եւ այս դրամական տաղնապի միջոցին , բնաւ վարկ չ'էք կրնար գտնել , մանաւանդ եթէ իմանան թէ ես իմ վարկս գոցած եմ ձեզ . և որովհետեւ իմ սնտուկիս վրայ յոյս դըրած էիք՝ ձեր պարտքերն վճարելու համար , անանկ չ'է . . .

— Շարլը , ազատեցանք , մրմնջեց Սօֆի դողդոջուն ձայնիւ , ըրածը փորձ մ'է եղեր :

Տիւթէրթըը , որ ի սկզբան մի և նոյն կարծիքն ունեցեր էր , ա՛լ չի տարակուսեցաւ իւր ազատութեանը վրայ . սիրան ուժգին բարախեց , դէմքը պարզուեցաւ , և այլայլութենէն թոթովելով՝ ըսաւ .

— Արդարեւ , պարո՛ն , կուրօրէն ձեր խոստման հաւատալով , սովորականին պէս յոյսս ձեր վրայ դրի :

— Լա՛ւ , սիրելիս Տիւթէրթրը , որպէս զի նեղ կացութեան մէջ չի գտնուիք , ինչպէս որ ըսի , և որովհետեւ տակաւին ութ օր ժամանակ ունիք , ուստի լաւ կ'ընէք թէ որ ուրիշ տեղ մը նայիք և ոչ իմ և ոչ Բարիզու հրապարակին վրայ յոյս չի դնէք :

Պ. Բասքալ դուռը գոցեց և հեռացաւ :

Այս յոյսին ի դերեւ ելլելն անանկ սուկայի հարուած մ'եղաւ Տիւթէրթրի որ , ակնարկ մը վրայ ինկաւ դեղնած , անշընչացած , ուժաթափ և դէմքը ձեռքերուն մէջ ծածկելով ու հառաչանքներն կուլ տալով՝ գոչեց .

— Կորսուեցա՛նք , կորսուեցա՛նք :

— Ո՛հ , զաւակներս , գոչեց Սօֆի սըրտակեղեք ձայնիւ ամուսնոյն ոտքը նետուելով , խեղճ զաւակներս :

— Շարլը , ըսաւ ծերունին՝ ձեռքերն երկնցնելով և խարխաբելով դէպ ի իւր որդին յառաջանալով , Շարլը , զաւակս , քաջութի՛ւն :

— Հա՛յր իմ , կործանեցայ , սնանկացայ , կ'ըսէր թշուառն՝ ջղաձգական հառաչանօք : Չքաւորութի՛ւն , ո՛հ , Աստուած իմ , ամէնուս համար չքաւորութի՛ւն :

Սոսկայի հակապատկեր մը այս վիշտն ի կատար բարձրացուց . երկու փօքրիկ տըզաքն խնդալով ու ցատկելով՝ սրահը վազեցին ու գոչեցին .

— Մատլէնն է՛ , Մատլէնն է՛ :

Ժ .

Մատլէն ներս մտնելուն պէս (որ նոյն խակ Միրանտայի մարքիզուհին էր) տիկին Տիւթէրթրը այնքան երջանիկ եղաւ որ , պահ մը իւր բոլոր վշտերն ու ապագային համար զգացած վախերն մոռցուեցան . իւր անուշ և շնորհալի դէմքն ուրախութեամբ կը ցոլար և հազիւ կրնար կիսատ ձայնիւ սա բառերն ըսել .

— Մատլէ՛ն , սիրելի՛ս Մատլէն , այնքան երկար բացակայութենէ մը ետքը՝ վերջապէս կը տեսնե՛մ զքեզ :

Երկու նորատի կանայք զիրար գրկելէ և համբուրելէ ետքը , Սօֆի , Տիւթէրթրն և ծերունին ցոյց տալով իւր բարեկամուհւոյն , ըսաւ անոր .

— Մատլէ՛ն , ամուսինս և իւր հայրն է , այսինքն մեր հայրը , վասն զի զիս ալ իւր աղջիկը կը կոչէ :

Մարքիզուհին ներս մտած ատեն անանկ բուն կերպով մը Սօֆիի վիզը նետուեր էր որ , Շարլը Տիւթէրթրը չէր կրցած անոր դէմքը նշմարել . բայց երբ Մատլէն , տիկին Տիւթէրթրի այս վերջին խօսքերը լսելով , դէպ ի նա դարձաւ , Շարլը յանկարծական և տարօրինակ տպաւորութիւն մը զգաց , անանկ ուժգին տպաւորութիւն մը որ , ինքն ալ կնոջը պէս քանի մը վայրկեան մոռցաւ Պ. Բասքալի քինախնդիր խօսքերն :

Շարլը Տիւթէրթրի զգացածն զարմացման , հիացման և գրեթէ անհանգստութեան խառնուրդ մ'էր , վասն զի ասանկ կնճռոտ պարագայի մը մէջ իւր կործանումէն զատ ուրիշ բան մտաբերելուն համար խիղճն կարծես կը խայթէր զինքը :

Մի րանտայի մարքիզուհին ի սկզբան ասանկ ոյժգին և վայրկենական տպաւո-
րութիւն մ'ընելու անձ մը չէր երեւնար :
Հասակը բաւական բարձր էր , մէջքն ու
իրանք կատարելապէս կ'աներևութանային
գարնան կերպասէ լայն թիկնոցակի մը
տակ . շրջազգեստին երկար ծալքերն հա-

պատէր նորա ձուածել դէմքն ու անոր
գոյնն աւելի եւս դուրս կը ցայտեցնէր ,
վասն զի Մատէն անդիի ծայր թուխ կըն-
կան մը պէս թալուկ էր , սեւ յօնքերով
ու թարթիչներով զարդարուն խոշոր կա-
պոյտ աչքեր ունէր , մինչդեռ իւր մա-
ղերն , որք խել մը գանգուրներ կը ձե-



Օրիորդ Անրօնիկ

զիւ իւր կօշիկներուն ծայրերը ցոյց կու-
տային . նոյնպէս նաև ձեռքերն գրեթէ
ամբողջապէս գոցուած էին թեզանիքնե-
րուն տակ , որք՝ իւր սովորութեանն հա-
կառակ , երկար ու լայն էին . ձիւնասպի-
տակ րեթե փոքրիկ գլխարկ մը կը շրջա-

ւացնէին , ունէին այն գեղեցիկ խարտ-
եաշ գոյնն , որու ծոպերն կը հեղու թիւ-
պէնս իւր սպիտակ Նայեադներուն ուսե-
րուն վրայ :

Այս գեղին գոյնն , այս կապոյտ աչ-
քերն , այս սև յօնքերն ու խարտեաշ մա-

զերը յափշտակիչ երեւոյթ մը կուտային Մատլէնին . իւր երենոսեայ թարթիչներն այնքան հաստ ու խիտ էին որ , կարծես արեւելքի կանանց պէս , որք ասանկով հրավառ հաճոյից երեւոյթ մը կուտան իրենց նայուածքին , սեւ ներկեր էր գրեթէ միշտ կիսաբաց արտեւանունքներուն տակը . իւր վարդագոյն , դիւրաշարժ , ջրլուտ ունգունքն բարեձեւ յունական քթի մը երկու կողմն կը զարդարէին , մինչդեռ իւր շրթունքն , այնքան կարմիր որ , կարծես բարակ մորթին ներքեւ արեան շրջան ընեչն կը տեսնուէր , բաւական հաստ և քիչ մը դուրս ցցուած էին նախկին երկգոնի շրթանցը պէս և երբեմն նոցա ծիրանեգոյն եզերաց միջեւ կարգ մը սպիտակ ակուաներ կը տեսնուէին :

Բայց ի՞նչ հարկ է այս կենդանագիրն շարունակել : Մեր նկարագրութիւնն որքան ալ որ ճշգրիտ ըլլայ , անոր և իրականութեան միջեւ միշտ պիտի գտնուի այն անչափ հեռաւորութիւնն , որ կայ նրկարի մը և շնչաւոր էակի մը միջեւ : Անկարելին փորձել է ջանալ որ շօշափելի ընենք այն անդիմադրելի և մագնիսական ձգողութեան մթնոլորտն , որ կարծես այս տարօրինակ արարածին մարմնէն կը բուրէր : Օրինակի համար , ինչ որ ուրիշ ո և է անձի վրայ եղած ատեն անախորժ տըպաւորութիւն պիտի ընէր , կարծես հրապուրանաց միջոցներն կը հարիւրապատկեր ի նմա . այսինքն հազուատներուն լայնութիւն ու երկայնութիւնն , որոց տակէն մարմնոյն ամենափոքր մէկ մասն չէր երևնար , կօշիկներուն և մատներուն ծայրն հազիւ կը նշմարուէր . վերջապէս , եթէ հնօրեայ մտախոհ և անաչառ գիմօք Մուսայի մը վրայ ձգուած պատմութեանն նորա պատկառելի երեւոյթն կ'աւելցնէ , և Ափրոդիտէ Աստղկան չքնաղ մարմնոյն վը-

րայ ձգուած քօղն մեր երեւակայութիւնը կը գրգռէ ու կը վառէ :

Ահա՛ այս տպաւորութիւնն ըրաւ Մատլէն Շարլը Տիւթէրթրի վրայ որ , լուռ ու շփոթած , քանի մը վայրկեան զայն դիտեց :

Սօֆի , չկրնալով ամուսնոյն լուծեանն ու շփոթութեանը պատճառն մակարերել , կարծեց որ իւր կործանման անխուսափելիութիւնը կը մտածէր . և այս գաղափարն իւր միտքն ալ ձգելով իրենց կացութիւնը , զոր պահ մը մոռցեր էր , ժրպտելու ջանաց և մարքիզուհւոյն ըսաւ .

— Ներեցէ՛ք Շարլի մտազբաղութեանը , սիրելիս Մատլէն : Քու ներս մտած միջոցիդ շատ ծանր գործոց վրայ կը խօսէինք :

— Արդարեւ , տիկին , բարեհաճեցէք ներել ինձ , յարեց Տիւթէրթրը , դողալով և կնոջը մտերմուհւոյն իր վրայ ըրած տըպաւորութենէն սոսկալով . բարեբաղդաբար ձեր մասին Սօֆիէն իմացածներս յոյս կուտան ինձ որ ներողամիտ պիտի դըռնուիք :

— Ներողամիտ գտնուիմ , բայց ես ձեր նմանն պէտք ունիմ , պարո՛ն , յարեց մարքիզուհին ժպտելով , վասն զի սիրելի Սօֆիս ժամ առաջ տեսնելու անզուսպ վափաքով , անոր վիզը նետուեցայ , աւանց ձեր և ձեր Պ. հօրը ներկայութիւնը նկատողութեան առնելու : Բայց անշուշտ ինքն ալ պիտի բարեհաճի ներել ինձ որ իբր քոյր վարուեցայ Սօֆիի հետ , ինքն որ աղջիկանը պէս կը սիրէ զայն :

Եւ Մատլէն , այս խօսքերն ըսելով , ծերունոյն դարձաւ :

— Աւա՛ղ , տիկին , ըսաւ ծերունին աւկամայ , խեղճ զաւկներս գուցէ երբեք այս աւուր չափ պէտք ունեցած չեն ի-

րենց բարեկամաց սիրոյն : Գուցէ Աստուած
կը զրկէ ձեզ . . .

— Հայր իմ, զգուշացէ՛ք, ըսաւ Տիւ-
թէրթըրը ցած ձայնիւ իւր հօրը, թեթեւ
մը յանդիմանելով անոր որ իրենց ընտա-
նեկան վիշտերն կը հաղորդէ օտար կնկան
մը, վասն զի Մատլէն մէկէն ի մէկ զար-
մացական և հարցական նայուածք մը ձը-
ղեր էր Սօֆիի վրայ :

Մերունին հասկցաւ տղուն միտքը եւ
ցած ձայնիւ պատասխանեց .

— Իրաւունք ունիս, պէտք էր լռէի .
բայց սրտիս ցաւէն . . . : Օ՛ն, եկո՛ւր, Շար-
լը, զիս սենեակս տար, վասն զի հանգ-
չելու պէտք ունիմ :

Եւ տղուն թեւը մտաւ : Այն պահուն
որ Տիւթէրթըրը սրահէն դուրս պիտի ել-
նէր, մարքիզուհին անոր մօտեցաւ և ը-
սաւ .

— Յտեսութիւն, պարո՛ն Տիւթէրթ-
րը, վասն զի գիտցած ըլլաք թէ որոշած
եմ Բարիզ գտնուած միջոցիս ստեպ Սօ-
ֆին տեսնելու դալ : Բաց յաստի ձենէ
ծառայութիւն մը պիտի խնդրեմ, և որ-
պէս զի հաւանիք, Սօֆիի պիտի յանձնեմ
իմ կողմէս այդ խնդիրը ձեզ մատուցա-
նելու պաշտօնը : Կը տեսնէ՞ք որ ես հին
բարեկամի մը պէս կը վարուիմ, վասն զի,
Պ. Տիւթէրթըրը, ես ձեր բարեկամուհին
եմ այն օրէն ի վեր որ Սօֆին երջանիկ ը-
րիք : Յտեսութիւն ուրեմն, յաւել մարքի-
զուհին՝ շնորհալի մտերմութեամբ մը ձեռ-
քը Տիւթէրթրի երկնցնելով :

Առաջին անգամն ըլլալով՝ Սօֆիի ամու-
սինն խայնեցաւ իւր աշխատութենէ սեւ-
ցած ձեռքերէն եւ հազիւ թէ համար-
ձակեցաւ Մատլէնի վարդագոյն մատանց
ծայրը սեղմել : Այն ատեն թեթեւ մը
սարսուաց, հրակէզ տաքութիւն մը տա-
րածուեցաւ ճակատին վրայ և իւր շփոթու-

թիւնը ծածկելու համար՝ մարքիզուհւոյն
առջեւ խոնարհեցաւ և հօրը հետ դուրս
ելաւ :

Այս տեսարանին սկիզբէն ի վեր Սօ-
ֆիի երկու տղաքը ձեռք ձեռքի բռնած
և մօրերնուն ետին պահուրտած, աչուը-
նին բացեր և անձայն կը դիտէին այն քե-
ղքը ամենամեծ հետաքրքրութեամբ :

Մարքիզուհին, այն ատեն նշմարելով
նոցա ներկայութիւնն, մտերմուհւոյն ե-
րեսը նայեցաւ և գոչեց .

— Ասո՞նք են տղաքդ : Աստուած իմ,
ո՛րքան գեղեցիկ են և ո՛րքան կը հպար-
տանաս արդեօք անոնց վրայ նայելով :

Եւ անոնց առջև ծունդի եկաւ, ապա,
մէկ ձեռքով մէկդի ընելով սանուհւոյն
ճակատին վրայի խարտեաշ գանգուրներն և
միւս ձեռք անոր ծնօտն վեր առնելով,
պահ մը դիտեց այս թարմ ու վարդագոյն
փոքրիկ դէմքը, և մայրական գորովանօք
համբուրեց տղուն այսերն, աչքերը, ճա-
կատը, մազերն ու վիզը :

— Դու ալ մի՛ նախանձիր, սիրուն քե-
րովբէ, ըսաւ, եւ փոքրիկ տղուն թուխ
գլուխը փոքրիկ աղջկան խարտեաշ գլխուն
մօտեցնելով՝ սկսաւ երկուքն ալ շոյել :

Սօֆի Տիւթէրթըրը, սաստիկ խանդա-
ղատելով, մելամաղձութեամբ կը ժըպ-
տէր, երբ մարքիզուհին աչքերն անոր վը-
րայ վերուց և առանց տղոց գլուխն ձգե-
լու, ըսաւ .

— Կը հաւատամ որ, Սօֆի, այս փոք-
րիկ հրեշտակներն համբուրած ատենս,
գրեթէ կզգամ ու կը հասկնամ այն եր-
ջանկութիւնը զոր դու կ'իմանաս զանոնք
գգուանօք լափելով, և կարծես թէ քու
երջանիկ, կատարելապէս երջանիկ ըլլալդ
գիտնալով, ա՛լ աւելի կը սիրեմ զքեզ :

Սօֆի, լսելով որ այսպէս իւր երջան-
կութիւնը կը գովէ Մատլէն, վերստին յի-

չեց ներկայ կացութիւնը . զոր պահ մը մոռցեր էր , գլուխը ծռեց , դեղնեցաւ և գէմքը մէկէն ի մէկ անանկ անձկութեան մը մէջ ինկաւ որ Մատլէն աշխուժիւ ոտքի երաւ և գոչեց .

— Տէ՛ր Աստուած . Սօֆի՛ , ի՞նչ ունիս , կը դեղնիս :

Տիկին Տիւթէրթըը հառաչանքն զսպեց , գլուխը տխրութեամբ ցնցեց և պատասխանեց .

— Բան չունիմ , Մատլէ՛ն , ասանկ երկար հեռաւորութենէ մը վերջը քեզ տեսնելու ուրախութիւնն ու այլայլութիւնը . . .

— Ուրախութիւն , այլայլութիւն , ըսաւ մարքիզուհին երկբայանօք . ո՛չ , ո՛չ , քիչ մ'առաջ այնպէս էր , բայց այս միջոցիս թշուառ կ'երեւնաս , խեղճ Սօֆիս :

Տիկին Տիւթէրթըը պատասխան չի տրուաւ , տղաքն համբուրեց և ցած ձայնիւ ըսաւ անոնց .

— Իայեակնուդ քով դացէ՛ք , սիրուն տղա՛քս :

Մատլէն և Օկիւսթ հնազանդեցան և սրահէն դուրս ելան՝ քանի մ'անդամ ետեւնին դառնալով և դիտելով այն «Էլէ՛ն» , զոր շատ վայելուչ կը գտնէին :

Ժ Ա .

Երկու տղաք հազիւ թէ սրահէն դուրս ելեր էին , որ Մատլէն աշխուժիւ ըսաւ իւր մտերմութեամբ .

— Ահաւասիկ մինակ ենք , Սօֆի : Կ'ազաչեմ . պատասխանէ՛ ինձ . ի՞նչ ունիս : Ինչո՞ւ մէկէն ի մէկ տխրեցար : Արդեօք հեռաւորութիւնն քու վստահութիւնդ յափրշտակց ինէ :

Սօֆի բոլոր ոյժը ամփոփելով՝ տխրու-

թեանն յաղթեց և յաջողեցաւ ծածկել այն տաժանեղի գաղտնիքն , որ իւր գաղտնիքը չէր : Չի համարձակելով Տիւթէրթրի հաւանական և մօտալուտ անանկութիւնքն խոստովանիլ նոյն իսկ իւր լաւագոյն բարեկամութեան , առերեւոյթ հանդարտութեամբ մը պատասխան տուաւ Մատլէնի .

— Կ'ուզե՞ս որ յանցանքս խոստովանիմ քեզ , սիրելիս . երբեմն չափազանց վախ կը բերեմ ինքզինքիս՝ այս միջոցին հրապարակի վրայ տիրած դրամական տաղնապի մասին ամուսնոյս զգացած մթտահոգութիւններն չափազանցելով , վասն զի , յաւել Սօֆի՛ ժպտելու ջանալով . տիկին մարքիզուհին ի հարկէ չդիտեր որ մենք համետ արուեստագէտքս , տաղնապի մը մէջ ենք :

— Բայց այդ տաղնապն անցաւոր է , անանկ չէ՞ , սիրելի Սօֆիս : Չեմ կարծեր որ շատ ծանր ըլլայ և եթէ է իսկ , ի՞նչ ընել պէտք է քեզ ու ամուսինդ ազատելու համար : Առանց շատ հարուստ ըլլալու , բաւական լաւ վիճակ մ'ունիմ . արդեօք չե՞մ կրնար . . . :

— Ազնի՛ւ սիրտ , ըսաւ Սօֆի , այլայլութեամբ Մատլէնի խօսքն ընդմիջելով , միշտ նոյն ես : Մի՛ վախնար . յուսամ որ այս տաղնապն շուտ կ'անցնի . ուստի ա՛լ այս խօսքը դոցենք և թող որ մի՛ միայն քեզ տեսնելուս ուրախութեանն անձնատուր ըլլամ :

— Բայց վերջապէս , եթէ քու մտահոգութիւններդ . . . :

— Մատլէ՛ն , յարեց Սօֆի անուշութեամբ ժպտելով և մտերմութեամբ խօսքը ընդմիջելով , նախ քու վրադ խօսիմք :

— Անձնասէ՛ր :

— Այո՛ , քեզի պէս , բայց ըսէ՛ տես .

նեմ, երջանիկ ես, անանկ չէ՞ վասն զի, որքան որ մարքիզուհի ես, անշուշտ ինձի պէս դու ալ սիրահարութեամբ ամուսնացար, ամուսինդ ի՞նչ կ'ընէ :

— Այրի եմ :

— Ա՛հ, տէր Աստուած, ի՞նչ շուտ :

— Հարսանիքիս գիշերն այրի մնացի, սիրելիս Սօֆի :

— Ադ ի՞նչ ըսել է :

— Ասի որքան որ տարօրինակ երեւի քեզ, սակայն շատ պարզ է : Ձիս մտիկ բրէ . դպրոցէն ելնելով և Մեքսիկո վերադառնալով, ուր կը կոչէր զիս հայրս, հոն ուրիշ մարդ չի գտայ, բայց եթէ մօրս ազգականներէն մին, Միրանտայի մարքիզը, որ այն միջոցին Լիմայի մէջ ճարակեալ ախտէն բուտեր էր . նա իմ տղայութիւնս տեսեր էր, զաւակ չունէր, գիտէր որ հօրս հարստութիւնն գրեթէ ամբողջապէս սպառեր էր երկարատեւ դատերու մէջ : Ձիս զաւկին պէս սիրեց : Մահուան անկողնոյն մէջ առաջարկեց որ իւր կինն ըլլամ : « Ընդունէ՛, սիրելի Մակտալինաս, խեղճ որբս, ըսաւ : Անունս ընկերական կացութիւն մը կը շնորհէ քեզ, հարստութիւնս քու անկախութիւնդ կ'ապահովէ, և երջանիկ ըլլալդ գիտնալով՝ գոհ պիտի մեռնիմ : »

— Ազնիւ սիրտ, ըսաւ Սօֆի :

— Այո՛, յարեց Մատլէն այլայլելով, նա մարդոց ազնուագոյնն էր : Վիճակիս աւանձնութիւնն ու իւր թախանձանքն համոզեցին որ նորա վեհանձն առաջարկութիւնն ընդունիմ : Քահանայն եկաւ նորա անկողնոյն քով մեր միութիւնն օրհնեց եւ արարողութիւնն հազիւ կ'աւարտէր, երբ Պ. տը Միրանտայի ձեռքն իմ ձեռքիս մէջ սառեցաւ :

— Մատլէն, ներէ, ըսաւ տիկին Տիւթէրթըրը ահամայ տաժանելի յիշատակներ

միտքդ բերելով՝ տխրեցուցի զքեզ :

— Տաժանելի՛, ո՛չ, ամէն ատեն անուշ մելամաղձութեամբ մը կը յիշեմ Պ. տը Միրանտան : Մարդուս սրտին համար ապերախտութիւնը միայն դառն է :

— Եւ այդ երիտասարդ հասակիդ մէջ ազատութիւնդ նեղութիւն չի՞ պատճառեր քեզ : Ըսել է վարժուեցար այդպէս առանձին և առանց ընտանիքի՝ մենաւոր կեանք մ'անցնելու :

— Քենէ վերջը կանանց երջանկագոյնն կը համարիմ ինքզինքս, պատասխանեց Մատլէն ժպտելով :

— Բայց երբէք չի փափագեցա՞ր նորէն ամուսնանալ, կամ մանաւանդ, ըսաւ Սօֆի ժպտելով, ամուսնանալ, վասն զի, թէ և այրի, բայց տակաւին աղջիկ ես :

— Ես քենէ բան չեմ պահեր, սիրելիս Սօֆի, անգամ մը ուղեցի ամուսնանալ, բայց ասի երկար վէպ մ'է, մեծ սէր մը ըսաւ Մատլէն զուարթութեամբ :

— Այդ ազատութեանդ մէջ ի՞նչ բան արգելք եղաւ քեզ :

— Աւա՛ղ, իմ սիրահարս հինգ վայրկեան միայն տեսայ, այն ալ իմ պատըշգամէս :

— Այդչա՞փ միայն :

— Այոչափ :

— Եւ անմիջապէս սիրեցի՞ր զինքը :

— Տենջանօք :

— Ուրիշ անգամ չի տեսա՞ր զայն :

— Բնաւ : Անշուշտ նորէն բարձրացաւ իւր եղբարց՝ հրեշտակաց քով, որոց նման իտէական գեղեցկութիւն մ'ունէր :

— Մատլէն, լրջօրէ՞ն կը խօսիս :

— Մտիկ բրէ, վեց ամիս առաջ Վիէննա էի . քաղքին արուարձաններուն մօտ գեղ մը կը բնակէի : Առտու մը քէօչք մը նստեր էի, որու պատուհանէն դաշտը կ'երեւնար : Յանկարծ ականջիս սուրբու

ընդհարման ձայն մ' եկաւ . մենամարտու-
թիւն մ' էր :

— Ո՛ր , Աստուած իմ :

— Առ առաւելն 19 — 20 տարեկանե-
րիտասարդ մը , հրեշտակաց նման գեղե-
ցիկ , կատաղի դէմքով տեսակ մը հսկայի
հետ կը կռուէր : Առաջին իղձս այն եղաւ
որ խարտեաշ քերովբէն (վասն զի իմ սի-
րելիս խարտեաշ է) յաղթէ ահարկու հը-
րէշին և թէև մենամարտութիւնն հազիւ
երկու վայրկեան տեւեց , այդ կարճ մի-
ջոցն բաւ եղաւ իմ դիւցազնիս անվեհե-
րութիւնն , հանդարտութիւնն ու ճարպի-
կութիւնը նշմարելու համար . իւր սպի-
տակ կուրծքը կիսաբաց , երկար խարտեաշ
մազերը հովուն տուած , ճակատը պայ-
ծառ , աչքերը փայլուն , ժպիտ ի շրթունս
կարծես առ ոչինչ կը գրէր վտանգն եւ
այն պահուն կը խոստովանիմ թէ իւր գե-
ղեցկութիւնն գերբնական երեւցաւ ինձ .
մեկ մ' ալ , սուրբու ճարճատմանց ինձ
պատճառած շացմանը միջոցին , տեսայ որ
հսկայն երերաց և գետին ինկաւ : Գեղե-
ցիկ դիւցազնս անմիջապէս սուրը հեռուն
նետելով՝ ձեռները միացուց և իւր ոտ-
խին առջեւ ծունգի դալով , յերկինս բարձ-
րացուց իւր հրապուրիչ դէմքն , ուր մէ-
կէն ի մէկ անանկ սրտագրաւ և անբիժ
արտայայտութիւն մը կարգացուեցաւ որ ,
զինքը պարտեալ թշնամւոյն վրայ խոնար-
հած տեսնողը պիտի կարծեր թէ վշտա-
գին կոյս մ' է , որու աղաւին վիրաւորուեր
է , եթէ ներելի է սակայն աղաւնիի մը
բաղդատել այն անշահ հսկայն որ , ծանր
վիրաւորուած չէր երեւնար , վասն զինքս-
տաւ եւ իւր հաստ ձայնովն , որ վանդակ-
ներուն ետեւէն մինչեւ ինձի կը հասնէր ,
ըսաւ իւր երիտասարդ ոտխին .

— Մունգի եկած ներումն խնդրելու
էի ձենէ , պարո՛ն , իմ անվայել վարմանցս

համար . եթէ զիս սպաննէիք՝ արդարու-
թիւն գործած կ'ըլլայիք : »

Գրեթէ անմիջապէս կառք մը մտեւ
ցաւ , վիրաւորը մէջը դրին . քանի մը
վայրկեան վերջը՝ ամենքն ալ աներեւու-
թացան : Այս դէպքն այնքան շուտ ան-
ցաւ որ , պիտի կարծէի թէ երազ մ' եմ
տեսեր . եթէ իմ մատաղ դիւցազնիս յի-
շատակն միշտ աչացս առջեւ չըլլար իբրեւ
գեղեցկութեան , քաջութեան և վեհանձ-
նութեան իտէալը :

— Հիմայ , Մատլէն , կ'ըմբռնեմ որ
այսպիսի պարագայից մէջ մարդ կարենայ
մէկէն ի մէկ խոր , գուցէ իսկ անջինջ տը-
պաւորութիւն մը կրել : Ըսել է վերջը ալ
բնաւ քու դիւցազնդ չի տեսա՛ր :

— Բնաւ : Անունն անգամ չեմ գիտեր ,
և եթէ երբեք ամուսնանամ՝ անոր հետ
կ'ամուսնանամ :

— Մատլէն , գիտես որ մեր նախկին
մտերմութիւնն թոյլ կուտայ ինձ հետդ
անկեղծութեամբ վարուելու :

— Հարկաւ :

— Ինձի անանկ կուգայ որ դու խիստ
զուարթութեամբ կը տոկաս այդ մեծ սի-
րոյն :

— Ինչո՞ւ համար տխուր ըլլամ :

— Բայց երբ մարդ սաստիկ սիրէ , ի-
րեն համար բացակայութենէ , բաժանու-
մէն և մանաւանդ սիրած անձն ալ ևս չի
տեսնելու վախէն աւելի սոսկալի բան չի
կայ :

— Իրաւ է , և սակայն կ'երդնումթէ
այս խոր սէրն բոլորովին տարբեր արդիւնք
յառաջ կը բերէ յիս :

— Ի՞նչ ըսեմ , ես երբ Շարլն սիրելու
սկսայ , ցաւէս կը մեռնէի . թէ որ զիս
իրմէ զատէին :

— Չարմանալի՛ է . իմ սէրս բոլորովին
հակառակն է : Ամէն որ իմ դիւցազնս իմ՝

խտէականս կը մտածեմ. ամէն օր սիրով միտքս կը բերեմ այն միակ առիթն, յորում չկրցի տեսնել զինքը. ամէն օր միտքս առ նա կը բարձրանայ. ամէն օր զինքը ուրիշներուն հետ բաղձաւորով կը հպարտանամ. վասն զի ամենէն գեղեցիկներէն աւելի վեհանձն է. վերջապէս ամեն օր իւր շնորհիւն, անոյշ երազներու մէջ կը ծփամ: Այո՛, ինձի անանկ կուգայ որ իմ հոգիս իւր հոգւոյն կցուած է խորհրդաւոր եւ անքակտելի կապերով: Վերջապէս չեմ գիտեր թէ բնաւ պիտի տեսնեմ զինքն, և սակայն սրտիս մէջ հրապոյր և ուրախութիւն միայն կզգամ:

— Հիմայ ալ, սիրելիս, ես քեզի պէս պիտի ըսեմ թէ՛ զարմանալի է:

— Սօֆի, անկեղծութեամբ խօսիմք, առանձին ենք և կանայք (թէ և ես տակաւին հարսնցու օրիորդ եմ,) ամէն բան կ'ըսեն իրարու: Իմ սէրս քիչ մը պզտու նական կ'երևի քեզ, չէ՞ մի: Կը զարմանաս թէ տակաւին չեմ զգացած կամ փոյթ չեմ ըներ այն յափշտակիչ այլայլութիւնն զոր զգացիր դու, երբ առաջին անգամ Շարլը գորովանօք քու ձեռքդ սեղմեց, չէ՞ մի:

- Ա՛, Մատլէն, դու խենթ ես:
- Անկեղծօրէն խօսէ՛, ես հասկցայ:
- Քիչ մը, բայց կարծածիդ շափ չ'է:
- Այդ քիչն բաւ է ինձ քու գաղտնի մտածումդ հասկնալու համար, տիկին նիւթապաշտ:

— Նորեն կ'ըսեմ, Մատլէն դու խենթ ես:

— ո՛չ:

Սպա, պահ մը լռութենէ վերջը, Մարքիզուհին խնդալով յարեց.

— Գիտնա՛ս, Սօֆի, թէ կենացս մէկ քանի պորագայներուն մէջ որքան տարօրինակ, զարմանալի և նոյն իսկ ինձ հա-

մար անհասկնալի բաներ կան: Իրարմէ զատուելնուս ի վեր ո՛րքան անհեղեղ արկածներ պատահեցան ինձ: Իմ բժիշկս ու բարեկամս, նշանաւորն տօքթօր Կոնստանտին որ միանգամայն մեծ փիլիսոփայէ, հազար անգամ ըսած է ինձ որ աշխարհի վրայ ինձի պէս զարմանալի էակ չկայ:

- Մեկնէ ըսածդ:
- Գուցէ ուրիշ տեսն:
- Ինչո՞ւ հիմայ չ'ես ըսեր:
- Եթէ վիշտ մ'ըլլար հաղորդելիքս, միթէ կը վարանէի՞, Բայց, թէ և կենացս մէջ շատ տարօրինակ բաներ կան, և դուցէ նոյն իսկ այս պատճառաւ կանանց ամենէն երջանիկն եմ: Դեռ վիշտ չ'եմ ըզգացած: Բայց, տէ՛ր Աստուած, այս վայրկենիս գրեթէ վիշտ մը կզգամ, վասն զի յիշողութեան պակասութիւնն ալ վիշտ մ'է:

— Յիշողութեան պակասութիւնն:

— Հապա՛, գալէս ի վեր ինքզինքիս վրայ խօսեցայ քեզ, և Անթօնիսը մոռցայ, աս կը վայլէ՞:

— Ես ալ քեզի չափ յանցաւոր կըրնամ համարուիլ, բայց իրարու ըսելիք չ'ունինք այս առաւօտ հոս եկաւ՝ քու վերագարձդ ինձ իմաց տալու համար: Տեսնէիր ո՛րքան ուրախ էր, վասն զի շատ կը սիրէ զքեզ:

— Խեղճ պզտիկ. ինչ փափուկ և ազնիւ բնութիւն: Բայց նա հիմայ, որ տասնևհինգ տարու է, հրեշտակի մը պէս գեղեցիկ ըլլալու է:

— Իրաւունք ունիս, վարդի կոկոնի մը պէս թարմ'է: Իւր ամենէն մօտ ազգականին մեռնելէն վերջը, անշուշտ գիտես որ հօրեղբօրը, Հիւպէր նախագահին քով եկաւ. որ զինքը շատ լաւ կը նայի: Իբժբաղդաբար հիմայ ծանր հիւանդ է, և եթէ նա ալ մեռնելու ըլլայ, Անթօնին պիտի ստիպուի հեռաւոր ազգականն.

բուն քով երթալ և այս գաղափարն զինքը կը տխրեցնէ : Բայց դու զինքը պիտի տեսնես , նա ամէն բան կը զրուցէ քեզ : Գաղտնիք մը կայ , զոր գրեթէ ամբողջապէս բսաւ ինձ , որպէս զի ինէ խորհուրդաւունու , վասն զի պարագայներն բաւական ծանր էին :

— Ադ ի՞նչ է նայինք :

— « Եթէ դուք Մատլէնն ինէ առաջ տեսնելու բլլաք , բսաւ ինձ Անթօնին , իրեն բան մը մի՛ բռնէք , սիրելիս Սօֆի : Կը փափագիմ ես ինքս ամէն բան յայտնել իրեն . ասկեց զատ ուրիշ պատճառներ ալ ունիմ այս մասին : » Կը տեսնես որ , սիրելիս , ստիպուած եմ լռել :

— Աղե՛կ : Այսօր կամ վաղը ես զինքը տեսնելու պիտի երթամ , պատասխանեց Մարքիզուհին ոտքի ելլելով , որպէս զի մեկնի :

— Կ'երթա՞ս , Մատլէն :

— Դժբաղդարար ստիպուած եմ : Ժամը երեքէն մինչև չորս ժամադիր եմ Մէքսիկոյի նուիրակին հետ , որ իմ հայրենակիցս է . վաղը չեմ գիտեր որ իշխանին պիտի ներկայացնէ զիս : Կը տեսնես որ հիմայ գործս մեծերու հետ է :

— Իշխա՞ն մը :

— Այնքան իշխան որ , բոլոր արքունի ընտանիքէ եղող օտարազգի իշխանաց պէս , նա ալ էլիզէ - Պուրպօն կը բնակի հոս գտնուած միջոցին :

Տիկին Տիւթէրթը զարմանքը չի կրցաւ ծածկել , և պա՛հ մը մտածելէ վերջը՝ ըսաւ .

— Տարօրինակ բա՛ն :

— Ի՞նչ :

— Անթօնին էլիզէի կից տուն մը կը բնակի : Ասիկայ շատ զարմանալի չ'է , բայց . . .

— Ի՞նչ :

— Ասկեց աւելին չ'եմ կրնար բսել , Մատլէն . երբ Անթօնին իր գաղտնիքն հաղորդէ քեզ , իմ զարմանալուս պատճառն կը հասկնաս այն ատեն :

— Բայց Անթօնիի և էլիզէի մինչև ի՞նչ վերափերութիւն կայ :

— Սիրելի՛ս , Անթօնիի բսելիքներուն սպասէ՛ :

— Լա՛ւ , Սօֆի : Բայց չ'էի գիտեր որ պալատին քով կը բնակի . ես նամակներս իր հին հասցէին կ'ուղղէի : Աս շատ աղեկ պատահեցաւ . վաղը իշխանին ներկայանալէս առաջ կամ վերջը զինքը տեսնելու կ'երթամ :

— Ահա՛ բոլորովին մեծ տիկին մ'եղար :

— Ցաւէ՛ վրաս , սիրելի Սօֆի , վասն զի խնդիրն աղերսագրի մը վրայ է , չ'է թէ ինձ համար , ես աղերսելու սովորութիւն չ'ունիմ , այլ աքսորեալ և համակրութեան արժանի ընտանիքի մը համար , որու մեծ ծառայութիւն մը կ'ուզեմ մատուցանել : Պաշտօնս շատ փափուկ ու դժուարին է . բայց վենետիկէն մեկնած ատենս յանձն առի այս բանը , և կուզեմ գոնէ ձեռքէս եկածն ընել՝ յաջողելու համար :

— Եւ անշուշտ պիտի յաջողիս : Միթէ կարելի՞ է քեզի բան մը մերժել : Մոռցա՛ր որ դպրոցին մէջ , երբ խնդիրք մ'ունենայինք վարժուհիին , քեզ դեսպանուհի կ'ընտրէինք իրաւամբ . վասն զի կարծես թէ դու ամէն բան ընդունելու համար հմայեակ մ'ունէիր :

— Սիրելիս Սօֆի , պատասխանեց Մատլէն ահամայ ժպտելով , կ'երգնում որ շատ անգամ վհուկ եմ՝ առանց գիտնալու : Ա՛հ , յաւել Մարքիզուհին խնդալով , այս մասին ո՛րքան յիմարութիւններ

ունիմ քեզ պատմելու, բայց ուրիշ ատեն:
Մնաս բարով, Սօֆիս, ցտեսութիւն . . .

— Այո՛, ցտեսութիւն, և կ'աղաչեմ
որ չ'ուշանաս . . .

— Գրեթէ ամէն օր պիտի դամ, վասն
զի շուտ պիտի մեկնիմ, և կ'ուզեմ ժա-

բայց որովհետեւ միշտ լաւ խորհուրդ կու-
տայ, ապահով եմ թէ պիտի ստիպէ զիս
որ կարելի եղածին չափ շատ ատեն կե-
նամ քովդ :

— Ա՛, Մատլէն, ըիչ մ'առաջ ամուս-
նոյս ըսիր որ Ծ առայութիւն մը պիտի



Միրանտայի Մարբիգուիին

մանակս աղեկ գործածել :

— Ի՛նչպէս, ե՛րբ պիտի մեկնիս :

— Չեմ գիտեր. ատի իմ դիւցազնիս,
իմ իտէականիս տալիք ներշնչումէն կախ-
եալ է, վասն զի առանց մտովի անոր
հարցնելու, երբեք բան մը չեմ որոշեր :

խնդրես իրմէ :

— Իրա՛ւ, մոռցայ : Շատ պարզ բան
մ'է. ես ստակի վերաբերեալ գործերէ
չեմ հասկնար : Վերջին անգամ Ալմանիոյ
մէջ նշմարեցի զայս : Վիէննացի Ալօյսիսո
Շմիտ անուն սեղանաւորի մը վրայ փոխա-

նակագիր մ'ունէի, անիծածը զիս խաբեց: Ասոր համար միտքս դրի որ ապագային մէջ ամէն զգուշութիւն ձեռք առնեմ: Այս անգամ Բարիզու վրայ փոխանակագիր մը առի, կը փափագիմ որ ամուսինդ, պէտք ունեցած ատենս, երթայ ինձի համար ստակ առնէ. ասանկով իմ շահերուս կը հսկէ և անոր շնորհիւ նորէն Ալջոսիս Եմիտի մը ճիրաններուն տակ իյնալու վրտանգին չեմ ենթարկուիր:

— Ատ շատ դիւրին է, սիրելիս Մատլէն. փոխանակագիրը Եարլի կը դարձնես և ինքք քու բոլոր հաշիւներայ կը ճշդէ:

— Ասի շատ կարեւոր է, մանաւանդ թէ կ'ըսեն որ փոխանակագիրն վճարող մարդը շատ հարուստ, բայց վերջին ծայր խաբեբայ է եղեր:

— Աղեկ որ իմաց տուիր. Եարլը աչքը թո՛ղ բանայ:

— Բայց ամուսինդ, որ գործի մէջ է, այդ մարդը ճանչնալու է. կ'ըսեն թէ Ֆրանսայի մեծագոյն զբամատեարց մին է:

— Անունն ի՞նչ է:

— Պ. Բասքալ:

— Բասքալ, կրնեց տիկին Տիւթէրթըրը, եւ ահամայ դեղնեցաւ ու սարսուաց:

Մարիքիզուհին իր մտերմուհւոյն այլայլութիւնն նշմարելով, աշխուժիւ ըսաւ.

— Սօֆի, ի՞նչ ունիս:

— Ո՛չինչ, ոչինչ . . .

— Կ'աղաչեմ, պատասխանէ՛, ի՞նչ ունիս . . .

— Ամուսինս այդ Պ. Բասքալին հետ բաւական գործ ունեցաւ: Դժբաղդարար մէջերնին մեծ անհամաձայնութիւն մը ծագեցաւ և . . . :

— Ի՛նչպէս, Սօֆի, ամուսինդ Պ. Բասքալին հետ անհամաձայնութեան մէջ ըլլալուն՝ չպիտի կարենայ իմ խնդրած ծառայութիւնս մատուցանել և ադոր համար

այդքան կը յուզուիս:

Տիկին Տիւթէրթըրը չուզելով Մատլէնի սխալն ուզել, ջանաց նորէն իւր հանդարտութիւնը ձեռք առնուլ և ըսաւ.

— Այո՛, շատ կը ցաւիմ՝ մտածելով որ Եարլը չպիտի կարենայ առաջին խընդիրդ կատարել:

— Սօֆի, կ'ուզե՞ս որ մտերմարար քեզ դիմելուս զղջամ:

— Մատլէ՛ն . . . :

— Չնայի՛ս, ի՛նչ մեծ դժբաղդութիւն: Չի խաբուելու համար՝ ես ինքս պիտի երթամ Պ. Բասքալին, բայց շաբթէ շաբաթ հաշիւս պիտի ուղեմ իրմէ. ամուսինդ զանոնք կը քննէ, և եթէ ուղիղ չըլլան, սեղանաւորս կը փոխեմ:

— Իրաւունք ունիս, Մատլէն, ըսաւ Սօֆի՝ քիչ քիչ իր պաղարիւնութիւնն ձեռք առնելով, մանաւանդ թէ ամուսնոյս քրննութիւնն կարծածէդ աւելի պիտանի է քեզ:

— Ըսել է Պ. Բասքալ խաբեբայ անձ մ'է:

— Մատլէն, ըսաւ տիկին Տիւթէրթըր՝ այս անգամ չկարենալով իւր այլայլութիւնն զսպել, կ'աղաչեմ, իբր քոյր մտիկ ըրէ՛ ըսածս, և ի՛նչ պատրուակաւ որ ըլլայ, Պ. Բասքալի ձեռքին տակ մ'իյնա՛ր:

— Ի՞նչ ըսել կ'ուզես, Սօֆի:

— Եթէ առաջարկէ քեզ ծառայութիւն մը մատուցանել՝ մերժէ:

— Բայց ես իրմէ բան մը չպիտի խընդրեմ: Իր վրայ փոխանակագիր մ'ունիմ. պէտք ունեցած ատենս պիտի երթամ և կամ մարդ պիտի զրկեմ իրմէ ստակ առնելու, այնչափ:

— Աղե՛կ, բայց վերջապէս կրնայ ըլլալ որ, մոռնալով կամ չզիտնալով, փոխանակագրէդ աւելի ստակ առնես, եւ այն ատեն . . . :

— Ի՞նչ կ'ըլլայ :

— Այս բանս մէկն ըսաւ մեզ : Անգամ մը որ Պ. Բասքալի ձեռքն անցնիս , ա'լ նա իւր իշխանութիւնն չարսչար կը գործածե :

— Մհ , սիրելիս Սօֆի , կը տեսնեմ որ դու զիս շուայլ ու անկարգ կին մը կը կարծես : Մի՛ վախնար . այնքան խնայող եմ որ տարուէ տարի եկամուտներէս բան մը կ'աւելցնեմ , և այդ աւելցուցածներս են որ քիչ մ'առաջ քեզ կ'առաջարկէի տալ :

— Աղնիւ Մատլէնս , շնորհակալ եմ , հազար անգամ շնորհակալ եմ : Այս տագնապն յուսամ թէ շուտ կը վերջանայ , բայց նորէն կ'ըսեմ , Պ. Բասքալէն զգուշացիր : Անթօնինը տեսնելէդ վերջը՝ դեռ շատ բաներ ունիմ բսելիք քեզ :

— Դարձեալ Անթօնին : Քիչ մ'առաջ ալ անոր խօսքն ըրիր . . . :

— Այո՛ , ասոնք բոլոր իրարու յարակից են . վաղը չէ միւս օր դու ալ կը հասկընաս :

— Ուրեմն վաղը չէ միւս օր կը տեսնուինք , սիրելիս Սօֆի , կը խոստովանիմ թէ հետաքրքրութիւնս սաստիկ կը դրզուուես , և ի զուր կը ջանամ հասկնալ թէ ի՞նչ վերաբերութիւն կընայ ըլլալ Անթօնինի և էլիզէի , Անթօնինի և այդ անշահ Պ. Բասքալի միջեւ :

Գործարանին ժամացոյցը երեք ու կէս զարկաւ :

— Տէ՛ր Աստուած , ո՛րքան ուշ մնացեր եմ , ըսաւ Մատլէն իւր բարեկամուհւոյն : Ուրեմն երթամ , բայց նախ կ'ուզեմ տղաքդ համբուրել :

Երկու կանայք սրահէն դուրս ելան :

Ընթերցողին հետ երթանք նորէն յէլիզէ - Պուրպօն , ուր արքիդուքսը առանձին ձգեցինք՝ Պ. Բասքալի երթալէն վերջը :

ԺԲ .

Արքիդուքսն մտազբաղ կը շրջէր իւր սենեկին մէջ , մինչդեռ իւր քարտուղարը նոյն օրն ընդունուած նամակները մի առ մի բանալով , կը մեկնէր իրեն :

— Այս նամակն , տէ՛ր , կը վերաբերի Բէրնէթթի գնդապետին , որ իւր ընտանեօք Անկլիա արսորուած է . կը փութան ծանուցանել Ձեր վսեմութեան որ , գընդապետ Բէրնէթթի բարեկամաց աղաչանքներուն մտիկ չընէք :

— Այդ յանձնարարութեան պէտք չը կար : Այս մարդուն հասարակապետական սկզբունքներն չափազանց վտանգաւոր ըլլալով , անկարելի է որ ի նպաստ իրեն եղած ո՛ր և է աղաչանք մտիկ ընեմ : Շարունակեցէ՛ք :

— Ն. վսեմութիւն , Մէքսիկեան հանրապետութեան լիազօր դեսպանն իւր հայրենակցուհիներուն մին Ձեր վսեմութեան ներկայացնելու շնորհն կը խնդրէ : Խնդիրն շատ կարեւոր բանի մը համար է եղեր , և կը խնդրեն որ , եթէ հնար է , վաղն բարեհաճիք զիրենք ընդունիլ :

— Վաղուան ներկայանալի անձինք շատ են :

— Ո՛չ , տէր :

— Գրեցէք որ վաղը , ժամը երկուքին պիտի ընդունիմ Մէքսիկայի Պ. դեսպանն և նորա հայրենակցուհին :

— Բարտուղարը գրեց :

Քիչ մը վերջը արքիդուքսն ըսաւ .

— Նամակին մէջ յիշուած է այն կնոջ անունն , որ կը փափաքի ինձ ներկայանալ :

— Ո՛չ , տէր :

— Ասի ամէն պատշաճութեան դէմ է չեմ ընդունիր զինքը :

Քարտուղարը մէկ կողմ՝ դրաւ գրելու սկսած նամակը , և ուրիշ թերթ մը թուղթ առաւ :

Սակայն իշխանը , թիչ մը խորհելէ վերջը , ըսաւ .

— Թո՛ղ գան :

— Քարտուղարն գլուխը ծռեց և ուրիշ նամակ մ'առնելով , ոտքի ելաւ և առանց բանալու , իշխանին տուաւ և ըսաւ .

— Պահարանին վրայ անշուշտ ու գողտի գրուած է , տէ՛ր :

Արքիգուքսը նամակն առաւ ու կարգաց . այս նամակը , զոր Պ. Բասքալ գըրած էր , հետեւեալ բոլորովին մտերմական տողերն կը պարունակէր :

Լաւ մը խորհեցայ , Տէ՛ր , և փոխանակ հինգ շաբթիի , վաղը , ժամը երեքի միջոցին պիտի գամ ձեզ տեսնելու , և մեր տեսակցութեան միջոցին գործին լմննալն ու ստորագրութիւնը Բուրձնի Յե՛ր Յե՛րն է :

Ձեր անձնուէրն

ԲԱՍՔԱԼ

Իշխանը պահ մը ծայրայեղ ուրախութեան անձնատուր եղաւ , բայց յիշելով Պ. Բասքալի արտակերպոն բնաւորութիւնն , պաղութեամբ ըսաւ .

— Վաղը ժամը երեքին Պ. Բասքալը պիտի ընդունիմ , չի մոռնաք նշանակելու :

Ձինակից մը ներս մտնելով , հարցուց թէ իշխանը կրնա՞յ Պ. Ֆրանց տը նէօպէրկ Կոմսն ընդունիլ :

— Հապա՛ , ըսաւ արքիգուքսն :

Եւ քանի մը վայրկեան ևս իւր քարտուղարին հետ աշխատելէ վերջը , հրամայեց որ Ֆրանցը ներս մտցնեն :

Ֆրանց շիկնելով ներկայացաւ իշխանին որ իւր կնքահայրն էր , վասն զի Ֆրանց չափազանց երկչոտ և այնքան ամօթխած

էր որ մեր քսան տարեկան սրիկայներն պիտի խնդային վրան , եթէ զինքը տեսնէին . արքիգ.քսին բազմաթիւ կալուածներէն միոյն մէկ գիւղին խորը բողոքական հովուի մը ձեռօք մեծնալով , իշխանին սանը 16 տարեկան էր երբ այդ մենութենէն ելնելով մտաւ ազնուականաց սահմանեալ զինուորական դպրոցն :

Անտի Ֆրանց , իշխանին հրամանաւն իբր կամաւոր զինուոր մտաւ Ռուսաց բանակն , Կովկասու պատերազմի միջոցին . բանակին խիստ կարգապահութիւնը , իւր հրամանատարն եղող ծերունի զօրապետին բծախնդրութիւնն , կատաղի պատերազմի մը միջոցին ճակատամարտի դաշտերու տեսքը՝ քաջ , բայց մելամաղձոտ և փափուկ հոգիներու վրայ ըրած տխուր և լուրջ տպաւորութիւնն , մտածմանց այն սովորական ծանրութիւնն , որ մեծամեծ վտանգներու մէջ արհամարհեալ մահուան մը կարելիութեանն արդիւնքն է , իւր ծընընդեանը գաղտնիքը , որու կը միանար հօր կամ մօր գգուանաց անուշութիւնն զգալու անկարելիութիւնն , վերջապէս ամէն բան օգնած էր Ֆրանցն անանկ պարագայից մէջ դնելու միշտ , որք չէին կըրնար իւր բնաւորութեան երկչոտութիւնը և մանկան մը սրտին պէս անկեղծ ու բարի սրտին անբծութիւնը շնջել . Ֆրանցի դիւցազնական քաջութեանն կը յաջորդէր ծայրայեղ և անյաղթելի ամէկոտութիւն մը՝ կենաց առօրեայ յարաբերութիւններուն մէջ :

Ասկէց զատ , խոհեմութիւն համարէ՛ կամ հեռատեսութիւն , իշխանը արքունիքէն հեռու պահեց զՖրանց , երբ սա վեց ամիս Ալմանեա կեցաւ : Այս որոշումն լաւ կը յարմարէր տղուն պարզ և ուսումնասէր ճաշակին , վասն զի անոր երազած երջանկութիւնն հանդարտ ու անձանօթ

կեանքի մը մէջ աշխատին էր, իշխանին համար երախտագիտութիւն, հնազանդութիւն և յարգական սէր կզգար, զորս կը վախնար չափէ աւելի երեւան հանել այս արքունի պաշտպանին առջեւ :

Ֆրանց, քարտուղարին դուրս ելնելէն վերջը՝ իւր կնքահօրն ներկայացած ատեն այնպէս շուարած էր որ, նախ լուռ և անշարժ մնաց, աչքերը գետին խոնարհած :

Բարեբաղդաբար, իշխանը երիտասարդը տեսած ատեն, կարծես մոռցաւ իւր տաժանելի մտազբաղումներն. իւր պաղ և հպարտ դէմքն գորովեցաւ, ճակատն պայծառացաւ. փափուկ ժպիտ մ'անցաւ շրթանցն վրայէն և գորովանօք ըսաւ Ֆրանցի .

— Բարի լոյս, տղա՛ս :

Եւ երիտասարդին խարտեաշ գլուխն երկու ձեռացը կ'մէջ առնելով, ճակտէն համբուրեց. ապա, կարծես թէ սիրտը կիսովին պարպելու պէտքն զգալով՝ ըսաւ .

— Գոհ եմ քեզ տեսնելուս, Ֆրանց. այս առաւօտ շատ գործ, շատ տխուր գործեր ունեցայ : Օ՛ն, թեւս մտիւր, երթանք միասին անգամ մը պարտէզը շրջադայինք :

Ֆրանց պարտէզին սանդուղը տանող ապակիէ դռներէն մին բացաւ և կնքահայր ու սան, թե թեի, սկսան երթալ դէպ ի այն հովանուտ ծառուղին, ուր երիտասարդը երկար ատեն պտտկեր էր առաւօտուն :

— Բայց ի՞նչ ունիս, տղաս, ըսաւ իշխանը, երիտասարդին շփոթութիւնն նըշմարելով :

— Տէ՛ր, պատասխանեց Ֆրանց, ևս քան զեւս շուարելով, գաղտնիք մ'ունիմ Ձեր վսեմութեան յայտնելու :

— Գաղտնի՞ք մը, յարեց իշխանը ժրպտելով : Տեսնենք ստ Պ. Ֆրանցին գաղտնիքն :

— Ծանր գաղտնիք մը, տէ՛ր :

— Տեսնենք այդ ծանր գաղտնիքն :

— Տէ՛ր, ես ծնողք չունիմ. Ձեր վրսեմութիւնն բարեհաճեցաւ ցայսօր խընամել զիս :

— Դու ալ բոլոր խնամքներս ու յոյսերս ի դերեւ չի հանեցիր, սիրելիս Ֆրանց : Երեք տարի առաջ, թէեւ տակաւին շատ մատաղ էիր, քաջութեամբ և իմաստութեամբ մարտնչեցար այն սոսկալի պատերազմին մէջ, ուր զրկեցին զքեզ, որպէս զի վարժուիս : Հոն մկրտուեցար հրով և առաջին վերքդ ընդունեցար, սիրելի տղաս : Ձգենք այն մենամարտութիւնը, զոր չեմ ուզեր յիշել, և որու մէջ ո՛րքան քաջութիւն, նոյնքան ալ վեհանձնութիւն ցոյց տուիր :

— Տէ՛ր . . .

— Կ'աղաչեմ, թո՛ղ որ այս միջոցիս միտքս բերեմ քու բոլոր արժանիքդ, վասն զի ազով կը մոռանամ դառն տաղտկութիւններն, որոց ակամայ և անմեղ պատճառն դու ես :

— Ե՞ս, տէր :

— Դու, վասն զի եթէ այսպէս շարունակ զիս գոհ ընես, չես կրնար գուշակել թէ ի՞նչ ապագայ կը պատրաստեմ քեզ և թէ ի՞նչ անակնկալ վիճակի մը պիտի հասնիս գուցէ :

— Տէ՛ր, գիտէք որ ես պարզ ճաշակի տէր եմ, և . . .

— Սիրելիս Ֆրանց, այդ պարկեշտութիւնը և համեստութիւնը առաքինութիւն կրնան սեպուիլ երբեմն, բայց երբեմն այդ առաքինութիւնները տկարութիւն և վատութիւն են : Բայց գաղտնիքէն հեռացանք : Տեսնենք, ի՞նչ պիտի ըսես ինձ :

— Տէ՛ր . . . :

— Օ՛ն խօսէ՛. միթէ ինէ կը վախնա՞ս : Միթէ քու սրտիդ մէջ կրնա՞յ այնպիսի բան մը գտնուիլ, զոր չի կարենաս ճակատա-

բաց խոստովանիլ :

— Ո՛չ, տէ՛ր : Ուստի բաց է ի բաց պիտի ըսեմ Ձեր վսեմութեան թէ կ'ուզեմ ամուսնանալ :

Եթէ կայծակն իյնար իշխանին ոտիցն առջև՝ այնքան չպիտի շուարէր, որքան որ շուարեցաւ Ֆրանցի այս խօսքերն լսելով . մէկէն իմէկ թևք քաշեց երիտասարդին թևէն, երկու քայլ ետ գնաց ու գոչեց .

— Ամուսնանա՛լ, Ֆրանց :

— Այո՛, տէ՛ր :

— Խե՞նթ էք :

— Տէ՛ր . . .

— Բսան տարու ամուսնանա՛լ, երբ ես ձեզ համար . . .

Ապա, իշխանն իւր հանդարտութիւնն ու պաղութիւնը ձեռք առնելով՝ ըսաւ .

— Որո՞ւ հետ կ'ուզէք ամուսնանալ, Ֆրանց :

— Օրիորդ Անթօնին Հիւպէրի հետ, տէ՛ր :

— Ադ օրիորդ Հիւպէրն ո՞վ է : Անունն ի՞նչ է ըսիք :

— Հիւպէր, տէ՛ր :

— Ատ օրիորդ Հիւպէրն ո՞վ է :

— Պ. Հիւպէր նախագահին եղբորաղջիկը, տէ՛ր :

— Այդ օրիորդն ո՞ւր տեսաք :

— Հոս, տէ՛ր :

— Հո՞ս : Ես երբեք այդ անունով մարդ չընդունեցայ :

— Այս ծառուղւոյն մէջ ըսել կ'ուզեմ, տէ՛ր :

— Յստակ խօսեցէ՛ք :

— Ձեր վսեմութիւնը կը տեսնե՞ սացած պատը, որ քովի պարտէզը կը դատէ . . .

— Է՛յ :

— Այս ծառուղւոյն մէջ կը շրջագայ-

էի, տէր, երբ առաջին անգամ տեսայ օրիորդ Անթօնինը :

— Այս պարտէզին մէջ, յարեց իշխանը՝ մինչև պատը երթալով և քովի պարտէզը նայելով . ապա ըսաւ . . .

— Ըսել է այդ օրիորդը քովի տո՞ւնը կը բնակի :

— Այո՛, տէ՛ր, իւր հօրեղբայրը գետնայարկին մէկ մասը վարձած է :

— Խիտ աղել :

Պահ մը մտածելէ վերջը, իշխանը խստիւ ըսաւ .

— Ողբցիք ձեր գաղտնիքներն յայտնել ինձ, լա՛ւ . բայց անկեղծօրէն խօսելու է, ապա թէ ո՛չ . . .

— Տէ՛ր, ըսաւ Ֆրանց տաժանելի զարմացման ձայնով մը :

— Իրաւունք չունէի ձեր անկեղծութեանը վրայ կասկածելու, Ֆրանց . երբեք կեանքերնուդ մէջ սուտ խօսած չէք . ուստի խօսեցէ՛ք, մտիկ կ'ընեմ :

— Ձեր վսեմութիւնը գիտէ որ, Բարիզ գալերնուս ի վեր, շատ քիչ անգամ երեկոյներն դուրս կ'ելլեմ :

— Իրաւ է . ես գիտէի որ դուք ընկերութիւնը շատ չէք սիրեր և այնքան երկչոտ էք որ, չպիտի համարձակիք Ֆրանսանսական սրահներու մէջ ներկայանալ . այս մասին չուզեցի միջամտել, Ֆրանց, և թողուցի որ երեկոյներն ուղածնիդ ընէք :

— Վեց շաբաթ կայ, տէ՛ր, այսպէս երեկոյ մը օրիորդ Անթօնինը տեսայ քովի պարտէզին մէջ : Նա ծաղիկներ կ'ուռոգէր, ես այս պատին կռթներ էի . զիս տեսաւ և ես զինքը բարևեցի . կարմրելով բարևիս պատասխանեց և սկսաւ ծաղիկ ջրելը շարունակել . երկու անգամ ևս իմ կողմս նայեցաւ : Նորէն զիրար բարևեցինք, ապա, բոլորովին մթնելով, օրիորդ Անթօնին պարտէզէն քաշուեցաւ :

Անկարելի է բացատրել այն անբիծ շնորհն, որով Պրանց պատմեց իւր այս առաջին տեսութիւնը: Չայնին այլայլութիւնը, ճակտին կարմրութիւնը այս անբիծ հոգւոյն բովանդակ անմեղութիւնն ցոյց կուտային:

— Պրանց, բան մը պիտի հարցնեմ, ըսաւ իշխանը. այդ օրիորդին մայրը ո՞ղջ է:

— Ո՛չ, տէ՛ր. օրիորդ Անթօնին օրօրոցին մէջ եղած ատեն մայրը կորոյս, և հօրը մեռնելն ալ շատօնց է:

— Իւր հօրեղբայրն, Պ. Հիւպէր նախագահը, ամուսնացած է:

- Ո՛չ, տէ՛ր:
- Քանի՞ տարու կայ այդ օրիորդն:
- Տասնհինգու կէս, տէ՛ր:
- Գեղեցիկ է:
- Անթօնին, տէ՛ր . . .

Պրանցի այս հարցման մէջ կէս յանդիմանութիւն մը կար, իբրև թէ ներելի չէր օրիորդ Անթօնինի գեղեցկութիւնը չի գիտնալ:

— Պրանց, ձեզի հարցուցի թէ այդ աղջիկը գեղեցիկ է մի, կրկնեց արքիդուքսը:

— Տէ՛ր, Ձեր վսեմութիւնը կը յիշէ Օֆէնպատի պալատին մէջի քնացած Հէրէն:

— Անիկայ Բօրրէթի գեղեցկագոյն գործոց մին է:

— Տէ՛ր, օրիորդ Անթօնին՝ Բօրրէթի այդ պատկերին կը նմանի, թէև աւելի գեղեցիկ է:

- Ատ քիչ մը դժուար է:
- Ձեր վսեմութիւնը դիտէ որ ես միշտ ճշմարիտ կը խօսիմ, պատասխանեց Պրանց:
- Պատմութիւննիդ շարունակեցէ՛ք:
- Չեմ կրնար ըսել ձեզ, տէ՛ր, թէ

ինչ զգացի երբ, իմ սենեակս դառնալով օրիորդ Անթօնինը մտածեցի. թէ յուզուած և թէ երջանիկ էի: Գիշերը քնաչի քնացայ. լուսինը ծագեցաւ, պատուհանս բացի, և մինչև լոյս պատշգամէն օրիորդ Անթօնինի պարտէզին ծառերուն նայեցայ: Ո՛հ տէ՛ր, յաջորդ օրն ո՛րքան երկար երևցաւ ինձ — դեռ արևը մարը չի մտած, հուսա, պատին քովն էի: Վերջապէս օրիորդ Անթօնին եկաւ իւր ծաղիկներն ոռոգելու: Ամէն վայրկեան, կարծելով որ զիս տեսաւ, կը պատրաստուէի զինքն բարևելու, բայց, չեմ գիտեր ինչպէս եղաւ որ զիս չի տեսաւ: Սակայն եկաւ ճիշդ պատին քովի ծաղիկները ոռոգելու: Կուզէի թեթև մը հաղալ, որպէս զի հոն բլլալս հասկցնեմ, բայց չի համարձակեցայ: Կը մթնէր, իմ ալ սիրտս կը սեղմուէր, տէ՛ր, իսկ օրիորդ Անթօնին դեռ զիս չէր տեսնէր: Վերջապէս իւր ցնցուղն աղբիւրին քով դնելով՝ տուն դարձաւ. բարեբաղդաբար, անշուշտ ցնցուղին տեղը գեշ երևնալով իրեն, ետ դարձաւ և պատին քովի նրատարանին վրայ դբրաւ: Այն ատեն դիպուածաւ աչքը իմ կողմս դարձնելով, վերջապէս տեսաւ զիս: Չիրար բարևեցինք, տէ՛ր, և նա շուտ մը տուն դարձաւ: Այն ատեն քանի մը գեղեցիկ վարդ ժողուեցի և, թէև սիրտս ուժգին կը բարախէր, ջանալով ձախաւել չ'երևնալ, յաջողեցայ շինած փունջս օրիորդ Անթօնինի ցնցուղին բերանը նետել: Սենեակս դառնալով, սոսկացի, երբ միտքս բերի թէ ինչ պիտի ըսէ այն ծաղիկները տեսած ատեն, այնքան որ ուզեցի վար իջնալ, պատէն անդին ցատկել և փունջը առնել: Չեմ գիտեր ինչ բան չի թողուց զիս: Յուսացի որ օրիորդ Անթօնին դուցէ չ'առնուիր: Ինչ անհանգիստ գիշեր մ'անցու-

ցի , տէ՛ր : Յաջորդ օրը պարտէզ վազեցի . ցնցուղն ու փունջը նստարանին վրայ էին , բայց ի գուր օրիորդ Անթօնինի գալուն սպասեցի , նա ոչ այն երեկոյին և ո՛չ յաջորդ օրը եկաւ ծաղիկները նայելու : Այս երեք աւուր միջոցին զգացած անձկութիւններս , տէ՛ր , չեմ կրնար նկարագրել ձեզ , և իմ վիշտս պիտի հասկնայիք , եթէ այն միջոցին հոս ըլլայիք :

— Անշուշտ արքունեաց հետ Փօնթէնրպօ գացած ատենս էր :

— Այո՛ , տէ՛ր : Բայց ներեցէ՛ք , մի՛ գուցէ Ձեր վսեմութեան համբերութիւնն հատցընեմ :

— Հ՛չ , ո՛չ , Ֆրանց , շարունակեցէ՛ք . կուզեմ ամէն բան գիտնալ : Օ՛ն , ձեր պատմութիւնն շարունակեցէ՛ք միևնոյն անկեղծութեամբ :

Ժ Գ .

Ֆրանց տը նէօպէրկ , Արքիդքըսին հըրամանաւն , իւր պատմութիւնը շարունակեց հիանալի պարզութեամբ մը :

— Օրիորդ Անթօնին երեք օրէ ի վեր չէր երեցած , տէ՛ր . տըխուր և յուսահատ էի , սակայն սովորական ժամուն նորէն պարտէզ գացի . ի՛նչ եղաւ իմ գարմանքս և ուրախութիւնս երբ տեսայ որ օրիորդ Անթօնին նստարանին վրայ նստեր է : Վարդի փունջն , որ արդէն թօշներ էր , ձեռքն էր բռնած , գլուխը ծռեր էր , վիզն ու մազերուն արմատը միայն կը տեսնէի . ինքը հոն ըլլալս չէր գիտեր . շունչս բռնելով անշարժ կեցայ , վասն զի կը վախնայի որ հոն ըլլալս իմանալով կ'ելլէ կ'երթայ : Վերջապէս սիրտ առի և դողալով ըսի իրեն , որովհետև առջի ան-

գամն էր որ հետը կը խօսէի . « Բարիբիկո՛ւն , օրիորդ : » Նա ևս սարսուաց . այն ատեն թօշնած փունջը ձեռքէն ինկաւ . Անթօնին զայս չի նշմարեց , և առանց դիրքը փոխելու , առանց գլուխը վեր վերցընելու , ցած և այլայլեալ ձայնիւ պատասխանեց . « Բարիբիկո՛ւն , պարո՛ն : » Տեսնելով որ կը բարեհաճի ինձ պատասխանել , տէ՛ր , ըսի . « Երեք օր է որ ձեր ծաղիկները ջրելու չ'եկաք , օրիորդ : — Իրաւ է , պարո՛ն , յարեց դողդոջուն ձայնիւ , քիչ մը . . . տկար էի : — Ո՛հ , տէ՛ր Աստուած , դոչեցի անանկ սոսկմամբ մը որ օրիորդ Անթօնին պահ մը գլուխը իմ կողմս դարձուց : Արդարև զինքը շատ դեղնած տեսայ , տէ՛ր . բայց նորէն իւր առջի դիրքն առաւ և իւր վիզը միայն տեսայ , որ թեթև մը խարմրեցաւ : « Հիմայ , օրիորդ , աղէ՛կ էք : — Այո՛ , պարո՛ն , » ըսաւ ինձ : Ապա , ետէ մը լուռ մնալէ վերջն , ըսի . « Ըսել է պիտի կարենաք ամեն երեկոյ ձեր ծաղիկները ջրելու գալ : — Չեմ գիտեր , պարո՛ն , բայց կը յուսամ : — Չէ՛ք վախնար որ , յիւանդութենէ նոր ելած , երեկոյեան զովութիւնը փնաս է ձեզ : — Իրաւունք ունիք , պարո՛ն , ես չ'էի մտածեր , պատասխանեց , շնորհակալ եմ : » Արդարև , տէ՛ր , առաւօտուն անձրև եկեր էր և օգը շատ զով էր : Նստարանէն ելած միջոցին , ըսի իրեն , « Օրիորդ , կ'ուզէ՛ք ինձի տալ սա թօշնած փունջն , որ ձեր ոտից տակ ինկաւ : » Չայն գետնէն առաւ , առանց ձայն հանելու , առանց գլուխը վեր վերցնելու և առանց երեսո նայելու՝ ինձ երկնցուց զայն . գանձի մը պէս առի զայն , տէ՛ր , և քիչ վերջն օրիորդ Անթօնին ճամբուն ծայրէն աներևութացաւ :

Իշխանը ուշադրութեամբ մտիկ կ'ընէր իւր սանին ըսածները : Այս պատմութեան

անբժութիւնն անոր անկեղծ բլլալը կ'ապացուցանէր : Մինչև այն ատեն չկար կէտ մը որ կարծել տար թէ Ֆրանց խաղալիկ եղած բլլայ օտարաց սոսկում պատճառով բարիզցի պչրուհիներէն մէկուն , կամ բաղտախնդիր աղջկան մը .

քսան տարու էր) , արդէն խոր արմատ բռնած բլլալու էր իրենց սրտին մէջ :

Ֆրանց , տեսնելով որ իշխանին կերպարանքը ևս քան զևս կը խոժոռի , և նայուածքը վերստին ցուրտ երևոյթ մը կ'առնու , շուարած մնաց :



Պիտի մնամ . . . ապահով եղի՛ք , Անթուին . Երես 68

բայց աւելի ծանր վախ մը եկաւ վրան . ասանկ սէր մը , որ ի հարկէ մաքուր ու անբիծ մնացած էր , նոյն իսկ իւր անբժութեանն պատճառաւ , որ ամէն խղճի խայթ ի բաց կը վանէր երկու աղոց սրտէն (մին տասն ևհինգու կէս և միւսը

— Ըսել է , յարեց Արքիդուքսն հեղնարար , կուզէք ամուսնանալ անանկ աղջրկան մը հետ , որու շէնք շնորհք չորս խօսք ըսած չէք , և որու հազուագիւտ գեղեցկութիւնն , ինչպէս որ կ'ըսէք , ձեր գլուխը դարձուցեր է :

— Կը յուսամ որ պիտի յաջողիմ ձեր արքունի վսեմութեան հաւանութիւնն ստանալ օրիորդ Անթօնին Հիւպէրի հետ ամուսնանալու համար, վասն զի կը սիրեմ զինքը, տէր, և մեր ամուսնութիւնը չի կրնար ետ մնալ:

Այս խօսքերն Փրանց, հակառակ իւր սովորական երկչոտութեանն, հաստատամտութեամբ շեշտելուն, իշխանը սարսուաց, և կարծեց թէ սխալեր էր՝ երիտասարդին սէրը գերմանական առածի կարգանցած մարուր սէրերէն մին համարելով:

— Եւ պարո՞ն, գոչեց սպառնալից ձայնիւ, ի՞նչու համար այդ ամուսնութիւնը չի կրնար եղեր ետ մնալ:

— Վասն զի ես պատուաւոր մարդ եմ, տէր:

— Պատուաւոր մա՛րդ: Դուք կամ անպատիւ մարդ մ'էք և կամ զոհ մը:

— Տէ՛ր:

— Կամ տասն և հինգ տարեկան աղջրկան մը անմեղութիւնն շարաշար գործեր էք և կամ ինքը ձեզ խաբեր է: Գիտցէք որ բարեզուհիք շատ ճարպիկ են ամուսիններ ձեռք ձգելու արհեստին մէջ:

Փրանց պահ մը լռութեամբ իշխանին երեսը նայեցաւ, բայց առանց այլայլութեան կամ բարկութեան, և այնպէս մը որ կարծես այդ խօսքերուն իմաստն ո՛չ իր սիրոյն և ո՛չ պատուոյն կրնար մնասել:

— Ներեցէ՛ք, տէ՛ր, ըսաւ, ըսածնիդ չեմ հասկնար:

Փրանց անանկ անկեղծութեամբ արտասանեց այս բառերն որ, իշխանը, ևս քան զևս զարմանալով՝ ուշադրութեամբ երիտասարդին նայեցաւ ու ըսաւ:

— Չ'ըսե՞ք որ այդ օրիորդին հետ ձեր ամուսնութիւնը չի կրնար ետ մնալ:

— Այո՛, տէր, և ձեր արքունի վսեմութեան հրամանաւն՝ չպիտի մնայ:

— Ըսել է եթէ ետ մնայ, ձեր պատուոյն կը դպչի:

— Այո՛, տէր:

— Եւ ինչո՞ւ համար օրիորդ Անթօնին հետ չ'ամուսնանալնիդ ձեր պատուոյն պիտի դպչի:

— Վասն զի առաջի երկնից երդում բրինք որ իարու բլլանք, տէ՛ր, պատասխանեց Փրանց եռանդեամբ:

— Իշխանը կէս մը ապահովեցաւ, բայց յարեց:

— Է՛յ, ի՞նչ պարագայի մէջ ըրիք այդ երդումն:

Վախնալով որ ձեզ դժգոհութիւն կը պատճառեմ կամ կը տաղտկացնեմ, տէ՛ր, պատմութիւնս ընդհատեցի:

— Շարունակեցէ՛ք ուրեմն:

— Տէ՛ր, կը վախնամ որ . . .

— Շարունակեցէ՛ք, բայց ամենևին բան մը զանց մ'ընէք, կուզեմ ամէն բան իմանալ:

— Շատ հեղ օրիորդ Անթօնինի հօրեղբայրն երեկոյնները դուրս կ'ելլէր, և օրիորդն առանձին կը մնար, տէ՛ր: Եղանակն այնքան գեղեցիկ էր որ, օրիորդ Անթօնին այդ երեկոյններն պարտեզը կ'անցնէր: Երկուքս ալ համարձակութիւն առեր էինք. շատ անգամ երկար բարակ կը խօսէինք, ինքը նստարանին վրայ նքստած, ես ալ պատին կռթնած. այսպէսով նա ամբողջ կեանքն պատմեր էր ինձ, ես ալ իմ կանքս նկարագրեցի իրեն, մանաւանդ ձեզ համար ունեցած խոնարհ սէրս, տէր: Այսպէսով օրիորդ Անթօնին ալ այս պահուս խոր երախտագիտութիւն մը կ'զգայ Ձեր արքունի վսեմութեան համար:

Փրանցի պատմութեան այս կտորին ոտքի ձայն մ'ելլելով, իշխանին ուշադրութիւնը գրաւուեցաւ. ետին դարձաւ,

և տեսաւ որ իւր զինակնաց մին կուգար, բայց յարգանօք հեռուն կեցաւ . արքի- գուքսն նշան մ'ընելով՝ սպայն քիչ մը մօտեցաւ :

— Ի՞նչ կայ, պարո՛ն, հարցուց իշխանը :

— Ն. Վսեմութիւն պատերազմական գւրծաց պաշտօնեայն եկաւ, և ըսաւ թէ ձեր Վսեմութիւնն Ապիկար զինուորաց օթեանը տանելու պատրաստէ :

— Ըսէ՛ք Ն. Վսեմութեան որ հիմայ կուգամ :

Երբ զինակիցն կը հեռանար, իշխանը ցուրտ կերպով մը Ֆրանցի ըսաւ .

— Ձեր սենեակը քաշուեցէ՛ք, պարո՛ն, և մինչև մեկնած ատեննիդ անկեց դուրս մի՛ ելլէք :

— Մինչև մեկնած ատեննս, տէր :

— Այո՛ :

— Բայց ո՞ւր պիտի զրկէք զիս, տէ՛ր, հարցուց Ֆրանց յուսահատ :

— Կը տեսնէք. ձեզ Պիւթլէր հազարապետին պիտի յանձնեմ. քսան և չորս ժամ չ'անցած Բարիզէն պիտի հեռանաք :

— Շնորհ, տէր, գոչեց Ֆրանց պաղատանօք և կարծես լսածին չի հաւատալով. գթացէ՛ք ինձի և մի՛ ստիպէք որ մեկնիմ :

— Սենեակնիդ քաշուեցէք, ըսաւ իշխանը զինուորական խստութեամբ, և ձեռօք նշան ընելով որ առաջ անցնի, ես տուած հրամանս բնաւ ետ չ'եմ առներ : Հնազանդեցէ՛ք :

Ֆրանց զլիսիկոր իւր սենեակը գնաց, որ պալատին առաջին յարկն էր, Արքի- գըքսին բնակարանին մօտ և պարտէզին վրայ : Ժամը եօթնին ճաշ բերին երիտասարդ բանտարկելոյն, բայց բնաւ ձեռք չի դպցուց : Երբ գիշեր եղաւ, Ֆրանց

զարմանօք և միանգամայն ցաւօք լսեց որ դուռը վրայէն կը կղպեն . կէս գիշերուն, երբ պալատին մէջ ամէն մարդ կը քնանար, կամաց մը պատուհանը բացաւ, պատշգամը ելաւ, ապա, դուրս ծռելով, գաւազանով մը գետնայարկի պատուհաներէն մէկուն փեղկը բացաւ և հոնջկոխելով, գետին ցատկեց, հասաւ հովանուտ ծառուղին, ցած պատէն անցաւ և Անթօնինի բնակած տանը պարտէզը մըտաւ :

Թէև թանձր ամպեր լուսինը ծածկեր էին, ցայն վայր Անթօնինի և Ֆրանցի ժամադրութեան տեղի եղող մեծ ծառերուն տակ անոյշ լոյս մը կար . քանի մը վայրկեան վերջը, հեռուէն սպիտակ բան մը նշմարեց, որ արագ արագ կը յառաջանար . նորատի աղջիկն շուտ մը հասաւ երիտասարդին քով և հապշտապ ձայնիւ ըսաւ անոր .

— Մէկ վայրկենի համար գոնէ եկայ, որպէս զի անհանգիստ չ'ըլլաք, Ֆրանց : Հօրեղբօրս պահ մը թմրելէն օգուտ քաղեցի, շատ հիւանդ է, ես չ'եմ կրնար երկար ատեն քովէն հեռանալ : Մնաս բարո՛վ, Ֆրանց, ըսաւ Անթօնին հառաչելով, շատ տխուր բան է այսպէս շուտ բաժնուիլն, բայց հարկէ : Մնաս բարո՛վ, կարելի է վաղը կը տեսնուինք :

Երիտասարդը իւր սիրուհւոյն ըսելիքին վրայ մտածելով՝ չի կրցաւ անոր խօսքն ընդմիջել . ապա, հառաչանօք ընդհատեաց ձայնիւ, գոչեց .

- Անթօնի՛ն, կորսուեցանք :
- Կորսուեցանք :
- Պիտի մեկնիմ . . .
- Դո՛ւք . . .
- Իշխանը այսպէս հրամայեց :
- Ա՛հ, Աստուած իմ, միմնջեց Անթօնին գեղնելով և գեղջկական նստարա-

նին կռթնելով, ա՛հ, Աստուած իմ:

Եւ չկրնալով ուրիշ խօսք մ'արտասանել, սկսաւ լալ: Վայրկեան մը լռութեանէ վերջը՝ ըսաւ:

— Ի՞նչ կը յուսայիք որ իշխանը կը հաւանի, անանկ չէ՞, Ֆրանց:

— Աւա՛ղ, կը յուսայի որ, երբ ձեզ որքան սիրելս և ձեր այս սիրոյն ո՛րքան արժանի ըլլալս իմանայ՝ հաւանութիւն կուտայ: Բայց իշխանն անողոր գըտնուեցաւ:

— Մեկնի՛լ, բաժնուի՛լ, Ֆրանց, միմքնչեց Անթօնին՝ վշտաբեկ ձայնիւ, բայց այդ անհնար է. մեզ իրարմէ բաժնել ուզելն, երկուքնիս ալ մեռցնել է . . . : Միթէ իշխանը կրնա՞յ ասանկ բան մ'ընել:

— Իր կամքն անգառնալի է. ինչ որ ալ ըլլայ, գոչեց Ֆրանց՝ նորատի աղջկան ոտքն իյնալով, այո՛. թէ և հոս օտար եմ, ընտանիք չունիմ . . . բայց պիտի մնամ իշխանին կամացն հակառակ: Ապահով եղե՛ք, Անթօնին:

Ֆրանց չի կրցաւ շարունակել. հեռուէն լոյս մը տեսաւ, և ձայն մ'անձկութեամբ կը գոչէր:

— Օրիորդ Անթօնին:

— Աստուած իմ, հօրեղբօրս խնամածուն զիս կը փնտռէ. գոչեց նորատի աղջիկն, և խօսքը Ֆրանցի ուղղելով, ըսաւ. Ֆրանց, թէ որ երթաք, ես ալ կը մեռնիմ:

Եւ Անթօնին վազեց դէպ ի այն կողմն ուսկից լոյսը երեւցեր էր:

Երիտասարդը յուսահատութեամբ ինկաւ նստարանին վրայ և դէմքը ձեռացը մէջ ծածկեց: Քանի մը վայրկեան վերջը, լսեց որ ձայն մը էլիզէի պարտէզէն զինքը կը կոչէր:

— Ֆրանց:

Իշխանին ձայն ճանչնալով՝ սոսկաց չէր

սխալեր, երկրորդ անգամ իւր անունը լսեց:

Վախը, հնազանդութեան սովորութիւնը, արքիդքսին համար զգացած երախտագիտութիւնն ու յարգանքը զինքը մը ղեցին ցած պատին մօտ, այս պատին ետին տեսաւ իշխանը լուսնի լուսով. այս վերջինն ցուրտ հեզնութեամբ մը ձեռքն անոր երկնցուց, որպէս զի վեր ելլէ:

— Քիչ մ'առաջ վերադառնալով ձեր սենեակը մտայ, ըսաւ արքիդուքսն խրստութեամբ, և չի գտայ զձեզ, պատուհաննիդ բաց գտնելով, հասկցայ ամէն բան. հիմա ետեւէս եկէ՛ք:

— Տէ՛ր, գոչեց Ֆրանց իշխանին ոտքն իյնալով և ձեռքերն առ նա երկնցնելով, տէ՛ր, մտիկ ըրէք . . . :

— Պիւթլէր հաղարապետ, ըսաւ իշխանն բարձրաձայն մութին մէջ կեցող անձի մը, կոմս Ֆրանցին հետ իւր սենեակը գացէք, բնաւ քովէն մի՛ զատուիք, և յիշեցէ՛ք որ զինքը ձենէ կ'ուզեմ:



ԺԴ .

Նախօրդ դէպքերու պատահած աւուր յաջորդ օրն, արքիդուքսը, միշտ համազգեւտ հագած, իւր սենեակը կը գտնուուէր, կէս օրէն վերջը ժամը երկուքի միջոցին, իւր զինակցած մին, որ ԿՕՂտարեկան, հանդարտադէմ, հաստատամիտ մարդ մ'էր. ոտքի վրայ կեցեր էր այն սեղանին քով, որու միւս կողմն իշխանը, սովորականէն աւելի խոժոռադէմ և խիստ նստեր գիւր կը դրէր. գրած ատեն, առանց սպային երեսը նայելու: անոր ըսաւ:

— Պիլմ հարիւրապետը Յրանց կոմսին քո՞վն է :

— Այո՛, տէր :

— Բժիշկը տեսա՞ք :

— Այո՛, տէր :

— Ի՞նչ ըսաւ կոմսին համար :

— Ըսաւ թէ շատ գոհացուցիչ վիճակի մէջ է, տէր :

— Կը կարծէ՞ որ Յրանց կոմսն կարենայ անվտանգ տոկալ ճամբու յոգնութեանց :

— Այո՛, տէր :

— Պիւթլէր հազարապետ, հրաման տուր որ անմիջապէս ճամբու կառքերուս մին պատրաստեն :

— Լաւ, տէր :

— Այս իրիկուն ժամը վեցին Յրանց կոմսին հետ ճամբայ պիտի ելլէք, ահա՛ ձեր ուղեցոյցն, ըսաւ իշխանը՝ գրուած թուղթն իր զինակցին տալով :

Ապա յարեց .

Պիւթլէր հազարապետ, գոհունակութեանս ասպացոյցն շուտով պիտի տեսնէք, եթէ անձնուիրութեամբ և հաստատամբութեամբ կատարէք ձեզ յանձնած պաշտօնս :

— Ձեր վսեմութիւնն կրնայ ապահով ըլլալ :

— Գիտեմ, բայց Յրանց կոմսն, երբ մի անգամ իւր առաջին թմրութենէն ըսթափի, անշուշտ պիտի ջանայ ճամբան ձեր հսկողութենէն փախչիլ և Փարիզ վերադառնալ : Եթէ այս դժբաղդութիւնը պատահի, պարո՞ն, զգուշացէ՛ք, բոլոր բարկութիւնս ձեր վրայ կը թափեմ :

— Ապահով եմ որ Ձեր վսեմութեան բարեացն անարժան չպիտի ըլլամ :

— Ես ալ այդպէս կը յուսամ, պարոն : Մինչեւ որ սահմանադրուխ հասնիք, օրը երկու անգամ գրեցէ՛ք ինձ :

— Խիստ լաւ, տէր :

— Երբ Հռենեան նահանգաց վրայ օտք կոխէք, այս նամակն զինուորական իշխանութեան յանձնեցէ՛ք :

— Լա՛ւ, տէր :

— Երբ օրոշեալ տեղն հասնիք, ինձ իմաց տուէք, և այն ատեն իմ հրամաններս կը հաղորդեմ ձեզ :

— Այս միջոցին դուռը թեթեւ մը զարնուելով, իշխանը հազարապետին ըսաւ .

— Տեսէք ո՞վ է :

Ուրիշ զինակից մը նամակ մը տուաւ սպային և ցած ձայնիւ ըսաւ .

— Մեքսիկայի Պ. դեսպանը տուաւ ինձ այս նամակը Ն. Վսեմութեան համար : Եւ դուրս ելաւ :

Հազարապետն նամակը իշխանին տրուաւ և ուսկից եկած ըլլալն ըսաւ :

— Վերստին կ'ըսեմ որ ամենամեծ հրակողութիւն ըներու էք, Պիւթլէր հազարապետ . յարեց արքիդուքսն՝ դեսպանին նամակն առանց բանալու քովը դնելով . Յրանց կոմսն մինչեւ սահմանադրուխ տանելու խօսք կուտա՞ք :

— Պատուոյս վրայ խօսք կ'ուտամ, տէր :

— Գացէ՛ք, պարո՞ն, ես ձեր խօսքին կը հաւատամ, վասն զի անոր արժէքը գիտեմ : Եթէ խօսքերնիդ պահելու ըլլաք, չէք զղջար : Ուստի ժամը վեցին պիտի մեկնիք, ամէն ինչ պատրաստել տրուէք անմիջապէս, ճամբու համար հարկ եղած ստակը Տիէսպախ պիտի տայ ձեզ :

Հազարապետն խոնարհեցաւ :

— Հէյտէլպէրկ գնդապետին ըսէք որ քանի մը վայրկեանէն Մեքսիկայի պարոն դեսպանն ու անոր հետ եկող կինը ներս մտցնէ :

— Լաւ , տէ՛ր :

Սպայն խոնարհաբար բարևեց և դուրս ելաւ :

— Իշխանն առանձին մնալով , սկսաւ ծանր ծանր նամակը բանալ և ինքնիրեն ըսել :

— Սա դժբաղդ երիտասարդը ազատելու է : Ասանկ ամուսնութիւն մը յիմարութիւն է : Ես ալ անմիտ եմ որ Ֆրանցի յիմար սիրոյն հետեւանքէն վախցայ , միթէ ամէն իշխանութիւն չունի՞մ իր վրայ : Իւր վարմունքն բարկութիւն չազդեր ինձ , այլ ՚դու՞թ :

Այս խորհրդածութեան միջոցին իշխանը նամակը բացեր ու աչքէ անցուցեր էր . յանկարծ թիկնաթռուին վրայ ցատկեց իւր դէմքը բարկութեան երեւոյթ մ'առաւ և գոչեց .

— Միրանտայի մարքիզուհին , այն դրժոխային կինը որ դեռ յվերջերս այնքան գայթակղութիւն հաներ էր Պօլօնիոյ մէջ , գրեթէ յեղափոխութիւն մը , խեղճ կարգինալը ժողովրդեան կատաղութեանն ու խուսաբերուն մատնելով : Ո՛հ , չեմ ուզեր այս անչափ արարածն հոս ընդունիլ :

Զայս ըսելով՝ իշխանը դէպ ի դուռը վազեց , որպէս զի հրաման տայ որ մարքիզուհին ներս չի մտցնեն :

Բայց շատ ուշ էր :

Այն միջոցին փեղկերը բացուեցան , և Մատլէն ներս մտաւ՝ Մէքսիկայի դեսպանին հետ :

Դիւանագէտն , արքիդքսին ապշութեանէն յառաջ եկած լուսթենէն օգնելով , յարգանօք խոնարհեցաւ և ըսաւ .

— Տէ՛ր , յուսամ որ Ձեր վսեմութիւնն բարեհաճեցաւ երեկուան խնդրագրոյս մէջ զանց ըրած մէկ կարեւոր կէտս նկատողութեան չառնուլ , որու համար այսօրուան նամակաւս ներումն խնդրելու պա-

տիւն ունեցայ . վասն զի պարտաւոր էի յիշել այն անձին անունը , որու համար ունկնդրութիւն մը կը խնդրէի ! Ձեր վսեմութենէն . այդ զանցառութիւնս դարմանեցի , հիմայ կը մնայ ինձ Ձեր վսեմութեան ներկայացնել տիկին տը (Միրանտա մարքիզուհին , որ մեր երկրին նըշանաւոր անուններէն մին կը կրէ , և զայն Ձեր վսեմութեան յանձնարարել :

Դիւանագէտն , իշխանին երկար լուսթիւնն արձակուող մը համարելով , խոնարհեցաւ և հեռացաւ՝ ասանկ ցուրտ ընդունելութեան մը վրայ ապշելով :

Մարքիզուհին , ըստ սովորութեան , առջի աւուր պէս պարզ ու լայն հագուստներ հագած էր . միայն թէ դիպուած սեպէ կամ դիտմամբ , անկլիական բարակ քօղ մը անցած էր այսօր իւր սպիտակ բոկի գլխարկին վրայ և դէմքը գրեթէ ամբողջապէս կը ծածկէր :

Իշխանը , որու բարքն թէ՛ զինուորական անաչառութեամբ և թէ՛ կրօնական բժախնդրութեամբ տողորեալ էր (Ֆրանցի մօրն համար զգացած սէրը իւր երիտասարդութեան առաջին և միակ յանցանքն եղած էր) իշխանը տեսակ մը զըզուանօք կը նայէր այս կնոջ որ , ըստ իրեն ամէնէն խոր և վտանգաւոր մոլութեան անձնաւորութիւնն էր . վասն զի կ'ըսուէր որ մարքիզուհին գլխաւորաբար պատկառելի և սրբազան անձինքը կը շանար հըրապուրել . ասկէց զատ կարտիսալին նըշանաւոր դէպքը անանկ ցաւալի հետեւանքներ ունեցեր էր՝ որ , քաղաքական վերէթխնդրութեան զգացում մը աւելի ևս կը գրգռէր Մատլէնի դէմ ունեցած ատելութիւնն : Ուստի հակառակ իւր ցուրտ այլ կիրթ քաղաքավարութեանն , ի սկըզբան մտածեց կոպտութեամբ ճամբել այս կարևոր այցելուն , կամ , առանց ձայն

հանելու, արհամարհանօք քովի սենեակը քաշուիլ: Բայց հետաքրքիր էր վերջապէս տեսնելու այս կինն, որու վրայ այնքան տարօրինակ բաներ կ'ըսուէին, և մանաւանդ ըստ արժանւոյն անոր հետ անարգանօք վարուելու փափագ ունենալով, ինքզինքը զսպեց. բայց փոխանակ Մատլէնի աթոռ մը տալու, որ իւր քողին տակէն զինքը կը դիտէր, արքիդուքսը վառարանին կռթնեցաւ, թեւերը ծալլեց եւ գլուխը ետի ծռած, յօնքերն պուտած, հպարտութեամբ յօսից ցգլուխ դիտեց այս այցելուն, և լուռ մնաց, առանց քաջալերութեան կամ դէժ ցուրտ քաղաքավարութեան խօսք մ'ըսելու Մատլէնի:

Մարքիզուհին, որ բոլորովին տարբեր ազդեցութիւն մ'ընելու վարժուած էր, և գուցէ առանց դիտնալու, կ'զգար այն ազդեցութիւնը, զոր կ'ընէ միշտ բարձրաստիճան անձ մը իւր շուրջը գտնուողներուն վրայ, մարքիզուհին կ'ըսենք, այս անարգական ընդունելութենէն շուարեցաւ մնաց:

Սակայն, որովհետեւ իրեն համար խնդրոյն մէջ նուիրական շահ մը կար, և ինքն ալ քաջասիրտ էր, իւր այլայլութիւնն զսպեց, և ինչպէս որ կ'ըսէ ըսպանիական առածը, որ Մէքսիկայի մէջ տեղական եղած է, որոշեց ցուրտ եղևնիներէն բռնել: Ուստի անփութօրէն թիկնաթոռի մը վրայ նստելով, անտարբերութեամբ և ժպտելով ըսաւ իշխանին,

— Տէ՛ր, երկու բան խնդրելու եկայ ձեռնէ, մին զրեթէ անկարելի և միւսը բոլորովին անկարելի:

Արքիդուքսը շուարեցաւ, մինչեւ իսկ կիներն այնքան յարգանօք և ակնածութեամբ կը տեսնուէին հետը որ, Մատլէնի ընտանեկան անփութիւնն զարմացուց

զինքը: Մատլէն զուարթօրէն յարեց.
 — Պատասխան չէք տար, տէ՛ր: Ձեր վսեմութեան լուութեանը ի՞նչ մեկնութիւն տամ: Կը մտածէ՞ք: Կը վախնա՞ք: Կը հաւանի՞ք թէ այդ լուութիւնն պարզապէս անկրթութիւն մ'է: Անկրթութիւնն, ոչ, ադոր չեմ կրնար հաւատալ: Գերիները, Ֆրանսայի հողուն վրայ ոտք կոխելով, կ'ազատագրին, և ամէնէ անկիրթ մարդիկ անգամ քաղաքավարութեան պայմաններն կ'ուսնին:

Իշխանը, որ գրեթէ քարացեալ մնացեր էր այս յանդուգն խօսքերուն իրեն ազդաց զարմանքէն և բարկութենէն, չի կրցաւ խօսիլ:

Մարքիզուհին ժպտելով ըսաւ.

— Եւ ոչ իսկ բառ մը: Բայց տէ՛ր, ի՞նչ կը նշանակէ Ձեր վսեմութեան լուութիւնը: Նորէն կ'ըսեմ՝ եթէ կը խորհիք, լա՛ւ: Եթէ կը վախնաք, յաղթեցէ՛ք ձեր վախին: Եթէ անկրթութիւն է այդ, յիշեցէ՛ք որ Ֆրանսայի մէջ ենք և ես կին եմ: Բայց կրնայ ըլլալ որ ձեր լուութիւնն կոյրզկուրայն հաւանութիւն մ'ըլլայ խընդրելիքներուս. եթէ այնպէս է, ըսէ՛ք, որպէս զի գոնէ յայտնեմ ձեզ թէ ի՞նչ են այն շնորհներն, զորս կանխաւ կը շնորհէք: և որու համար կուզեմ իմ ջերմ շնորհակալիքս յայտնել ձեզ:

Ապա Մատլէն ձեռնոցն հանելով, ձեռքը արքիդ-քսին երկնցուց:

— Այս փոքրիկ, սպիտակ, փափուկ, նուրբ ձեռքը, որու երկար ըզունդներն վարդագոյն խեցիներու կը նմանէին, իշխանին ուշը գրաւեց ակամայ, կենացը մէջ ասանկ ձեռք մը տեսած չէր. բայց ընդ հուպ ասանկ դիտողութիւն մ'ընելուն խպնելով, կարմրեցաւ և անդիի ծայր վերաւորիչ ու անարգական բառ մը բնորոշեց, մէկ հարուածով ջախջախելու հա-

մար այս յանդուգն կինը , որու լրբութիւնը արդէն չափն անցուցեր էր :

Գծբաղդարար իշխանը աւելի վարժուած էր իւր զինուորներն կառավարելու և արքունեաց յարգանքներն ընդունելու քան թէ անմիջապէս ծանր բառ մը գրտնելու , մանաւանդ երբ այդ բառն նորատի և սիրուն կնկան մը դէմ պիտի արտասանուի . և սակայն բնտուեց . . .

Այս իշխանական մտածութիւնն առիթ առաւ Մատլէնի որ իւր փոքրիկ ձեռքն լայն թեզանիքներուն տակ քաշէ և չարամիտ ժպտով մը ըսէ իշխանին .

Ա՛լ տարակոյս չի վերցներ , տէ՛ր , ձեր վսեմութեան լռութեանը պատճառն խպնոտութիւնն է , այն ալ Ալմանիական խպնոտութիւն : Ես ատոր ինչ տեսակ բան ըլլալը գիտեմ : Գիտունի խպնոտութենէն զատ չկայ բան մը , որ անոր չափ անյաղթելի , հետեաքար , յարգելի ըլլայ , բայց ամէն բան չափ ունի : Ուստի , տէ՛ր , ինքզինքնիդ գտէք , կարծեմ անձիս վրայ շատ պակասելի բան մը չկայ , յաւել մարքիզուհին՝ առանց տակաւին վերցնելու երեսի քողն :

Արբիդուքը անբաղդ էր . որչափ որ աշխատեցաւ , չի կրցաւ ուզածին պէս բառ մը գտնել . բայց զգալով որ կացութիւնն շատ ծաղրելի կ'ըլլայ՝ գոչեց .

— Ձեմ գիտեր , տիկին , թէ ի՛նչպէս համարձակեցաք հոս գալ :

— Ձեր հաճութեամբն եկայ , տէ՛ր :

— Երէկ երբ հաւանեցայ ձեզ ընդունիլ , անուննիդ չէի գիտեր , տիկին :

— Անունս ձեզի ի՛նչ է ըրեր , տէ՛ր :

— Անուննի՞դ , տիկին , անուննի՞դ :

— Այո՛ , տէ՛ր :

— Բայց ձեր անունն Ալմանիոյ մէջ գայթակղութիւն ձգեց . մեր բանաստեղծներուն ամենէն հոգեպաշտն , ամենէն կր-

կրօնասէրն նիւթապաշտ , կռապաշտ , հեթանոս ըրիք :

— Է՛հ , տէ՛ր , պատասխանեց Մատլէն միամտօրէն , յանցանքն իմս չէ :

— Յանցանքը ձերը չէ՞ մի :

— Բաց յաստի , ի՛նչ փասս եղաւ տէ՛ր : Ձեր կրօնասէր բանաստեղծն միջակ ոտանաւորներ կը շինէր , այս պահուս հըրաշալի քերթուածներ կը գրէ :

— Միանգամայն աւելի վտանգաւոր , տիկին : Հապա հոգի՛ն , հոգի՛ն :

— Հոգին ոտանաւորներուն մէջ մըտաւ , տէ՛ր , որով կրկին անմահացաւ :

— Հապա կարդինա՞լը , տիկին :

— Գոնէ , տէ՛ր , չպիտի կարենաք ըրսել թէ անոր ալ հոգին կորուսի , վասն զի նա հոգի չունէր :

— Ի՛նչպէս , տիկին , դուք չէ՞իք որ նուաստացուցիք եկեղեցւոյ այդ հովուութեան նուիրական պաշտօնը , այդ քահանայն որ մինչեւ այն ատեն խստակրօն էր , այն Պետական մարդը որ , քսան տարիէ ի վեր ահ և սոսկում կը պատճառէր ամպարշտաց և յեղափոխականաց : Դուք չէիք որ զինքը չարամիտներու անարգանացն ու ատելութեանը մատնեցիք , վասն զի եթէ անակնկալ օգնութիւն մը չի հասնէր , զինքը պիտի սպաննէին . վերջապէս տիկին , դուք չէիք որ քիչ մնաց Պօլօնիան պիտի յեղափոխէիք :

— Ա՛հ , տէ՛ր , կը շողոքորդէք զիս :

— Եւ կը համարձակի՞ք , տիկին , անանկ իշխանի մը ներկայանալ , որ կը փափագի միշտ Ալմանեան ու Իտալիան հանդարտ և հպատակ աեսնել : Կը համարձակի՞ք գալ ինձմէ այնպիսի բաներ խընդրել , որոց համար դուք իսկ կ'ըսէք թէ անկարելի կամ գրեթէ անկարելի են : Եւ այդ անլուր ու անհասկնալի խընդիրքն ալ ի՛նչ կերպով կը ներկայացնէք ինձ .

ընտանեկան և ծաղրական կերպով մը , այնպէս մը որ , կարծես թէ ապահով էք ամէն բան ընդունելու ինձմէ : Սխալ , տիկին , սխալ . գիտցէք որ ես ոչ Մօզէր Հարթման բանաստեղծին կը նմանիմ , ո՛չ կարդինալին և ո՛չ բոլոր անոնց , զորս հըմայած էք եղեր . շիտակը մարդ քօն թէ արթուն ըլլալուն վրայ կը տարակուսի : Բայց ո՞վ էք դուք որ , ինքզինքնիդ ամէն պարտականութենէ և յարգանքէ վեր կը համարիք և կը յանդժնիք իբր հաւասար փորձուիլ հետս . մինչդեռ արքունի ընտանիքէ եղող իշխանուհիք իսկ ակնածութեամբ կը մօտենան ինձ :

— Աւա՛ղ , տէ՛ր . ես խեղճ կին մ'եմ , պատասխանեց Մատլէն :

— Եւ ետի նետեց իւր քօղը , որ , մինչեւ այն ատեն վար ձգուած ըլլալով , դէմքը ծածկեր էր արքիդուքսին նայուածքներէն :

Ժ Ե .

Իշխանը , բարկութեանը միջոցին հետ զհետէ տաքնալով , խօսած ատեն քիչ քիչ մօտեցեր էր մարքիզուհւոյն , որ անփութօրէն նստեր էր թիկնաթոռին վրայ : Երբ սա իւր քօղն նետելով՝ գլուխը քիչ մը ետի ծռեց , որպէս զի կարենայ իշխանին աչքերուն մէջ նայիլ . արքիդուքսն անշարժ մնաց և զգաց զարմացման , հիացման և ակամայ շփոթութեան այն խառնուրդը , զոր գրեթէ ամէն մարդ կ'զգար տեսնելով այս չքնաղ դէմքն , որու դալուկ գոյնն , կապոյտ աչքն , սև յօնքերն ու խարտեաչ մաղերն տարօրինակ հրա-

պոյր մը կուտային :

Իշխանին զգացած այս խոր տպաւորութիւնն՝ Շարլը Տիւթէրթըրը ևս զգացեր էր , թէ և կինը շատ կը սիրէր , և այն պահուն սոսկալի մտահոգութիւն պաշարած էին զինքը :

Քանի մը վայրկեան արքիդուքսն դիւթուած մնաց այս անխախտ և սուր նայնուածքէն , յորում մարքիզուհին կը ջանար կեդրոնացնել անձին վրայ գտնուած բովանդակ ձգողութիւնն ու կենսական ելքատրականութիւնն , և ուղղել զայն իշխանին աչքերուն մէջ . վասն զի Մատլէնի նայուածքին ձգողութիւնն պարբերական էր , և , եթէ հնար է այսպէս ըսել , բաբաղխումներ ունէր . իւրաքանչիւր բաբաղխման՝ արքիդուքսն ակամայ կը սարսուար . նորա ցրտութիւնն կարծես կը հալէր , ինչպէս ձիւնն արեւուն տակ . նորասէգ կերպարանքը կը կախուղնար , հպարտ դէմքը անբացատրելի շփոթութիւն մը կը յայտնէր :

Յանկարծ Մատլէն քօղը երեսին վրայ ձգեց , գլուխը ծռեց և ջանաց աւելի ևս աներեւութանալ իւր վերարկուին լայն ծալքերուն և երկար շրջազգեստին ներքեւ , որ կատարելապէս կը ծածկէր իւր ոտքերն , ինչպէս որ լայն թեղանիքներն ծածկեցին այն սիրուն ձեռքը , զոր մտերմաբար իշխանին երկնցուցեր էր . որով սա անորոշ և համեստօրէն քօղարկեալ ձեւ մը միայն գտաւ իւր դէմ :

Սակայն ամէնէն անխիպ լկտութիւնն ու քծնութիւնն համեստութիւն կը սեպուէին այս խորհրդաւոր անմեղութեան դէմ , որ մինչ իսկ ձեռաց մատներն ու ոտքին ծայրերն ծածկելով դիմացինէն , ազատ ասպարէզ կը թողուր երեւակայութեան , որ ի հարկէ ևս քան զևս պիտի բորբոքէր՝ մարքիզուհւոյն վրայ՝ պատմուած տա-

բորինակ դէպքերն յիշելով :

Երբ Մատլէնի դէմքն վերստին անբեւութացաւ քօղին ներքեւ , իշխանն իւր ակամայ շուարումէն ազատելով , պաղարիւնութիւնն ձեռք առաւ . տկարութեանն համար ինքզինք այպանեց , և վտանգաւոր կացութենէ մը զգուշանալու համար , ջանաց յիշել այն ցաւալի դէպքերն , որք այս կնոջ անողոր և ծանր մարդոց վրայ իսկ ունեցած ազդեցութիւնը կը հաստատէին :

Բայց աւաղ , այս մարդոց անկումն կամ այլափոխութիւնն իշխանին միտքը կը դարձնէր ակամայ՝ մարքիզուհւոյն և նորա անդիմադրելի ազդեցութեանը վերայ : Վտանգին ծանրութիւնը կ'զգար . բայց յայտնի է որ երբեմն վտանգն ալ անդունդի մը պէս առ ինքն կը քաշէ զմարդ :

Իշխանն ի զուր ինքնիրեն կ'ըսէր թէ մինչեւ հասուն տարիքն եկեր էր , առանց զգալու այն յանկարծական և ստորին կիրքերն , որք զմարդ կը նուաստացնեն : Ի զուր կը մտածէր որ արքայազուն իշխան մ'էր , թէ իր աստիճանը կը պահանջէր որ ասանկ ամօթալի կրից անձնատուր չըլլայ . եւայլն : Վերջապէս թշուառ արքիզուքսն շատլաւ կը փիլիսոփայէր , բայց նման այն մարդուն որ , ցից զառ ի վարէ մը գլորած ատեն , հաստատուն ըլլալու մեծամեծ առաւելութեան վրայ կը փիլիսոփայէ :

Դժբաղդաբար տողեր , պարբերութիւններ , էջեր պէտք են՝ մտածման պէս վայրկենական տպաւորութիւններն նշմարելի ընեելու համար . վասն զի Մատլէնի քօղը վերցնելէն մինչեւ գոցելը ինչ որ նկարագրեցինք երկար բարակ . մէկ քանի մանրերկրորդի մէջ անցեր էր , և արքիզուքսն ինքզինքն այպանելով կը ջանար , ի հարկէ առանց գիտնալու , (վասն զի փիլիսոփայութիւնը իւր միտքը նիւթէն կանջատէր)

կը ջանար , կ'ըսենք : Մատլէնի ուրուագրածերն ընդնշմարել՝ զանոնք ծածկող քօղին տակէն ,

— Կ'ըսէի որ , տէ՛ր , յարեց մարքիզուհին՝ գլուխը միշտ խոնարհած բռնելով արքիզուքսին անյագ ու այլայլեալ նայուածքին դէմ , կ'ըսէի որ խեղճ այրի մ'եմ : որ կարծուածին չափ գէշ չէ և որ արժանի չէ ձեր խստութեանն :

— Տիկի՛ն :

— Ո՛հ , այս մասին ձեզ չեմ այպաներ : Դուք ալ , շատերուն պէս , անշուշտ հաւատացած էք խել մը խօսքերու :

— Խօսքե՛ր , տիկի՛ն , գոչեց արքիզուքսն՝ ուրախութեամբ զգալով որ իւր առաջին բարկութիւնը վերստին կը զարթնու սրտին մէջ , խօսքեր . . . : Մօզէր— Հարթման քերթողին գայթակղական այլակերպութիւնն սին խօսք մ'էր , անանկ չէ՞ :

— Այլակերպութիւն ըսածնիդ իրականութիւն մ'է , տէր , այո՛ , բայց . . . :

— Կարելի է կարգինալին խայտառակութիւնն ալ սին աղմուկ մ'է , չէ՞ մի , յարեց արքիզուքսն՝ Մատլէնի խօսքն ընդմիջելով :

— Այդ ալ իրականութիւն մ'է , տէր , լա՛ւ . բայց . . . :

— Ըսել է , տիկի՛ն , զուք ինքնին կը խոստովանիք որ . . . :

— Կ'աղաչեմ , տէ՛ր , զիս մտիկ ըրէ՛ք : Անունս Մատլէն է . գիտէք որ ասի նշանաւոր մեղաւորի մը անունն է :

— Անոր ներուեցաւ , տիկի՛ն :

— Այո՛ , վասն զի շո՞ւ . . . «Էբե եր , սակայն մի՛ կարծեք որ իմ սրբուհի պաշտպանուհւոյս սիրային կեանքին մէջ օրինակ մը կամ արդարացում մը բնտուել ուզեմ : Ես ներողութեան պէտք չունիմ , ամենեւին , տէ՛ր : Ասի կ'երեւնայ թէ ձեզ

շատ կը զարմացնէ : Ուստի, միտքս կատարելապէս հասկցնելու համար ձեզ, ինչ որ բաւական դժուար է պիտի ստիպուիմ Ձեր վսեմութեան դասական յիշատակաց դիմել :

— Ի՞նչ ըսել կ'ուզէք, տիկին :

— Շատ տարօրինակ բան մը . բայց ձեր յանդիմանութեանց կծուութիւնն և դեռ ուրիշ պատճառներ կը հարկադրեն զիս զարմանալի խոստովանութիւն մ'ընել :

— Տիկին . մտքերնիդ պիտի բացատրէ՞ք :

— Գիտէ՞ք . աէր, Հռովմի մէջ ի՞նչ պայմանաւ կ'ընտրէին վեհապետի արձաններն :

— Հարկա՛ւ, տիկին, պատասխանեց իշխանն շիկնելով :

Եւ ապա յարեց :

— Բայց չեմ տեսներ թէ ի՞նչ յարաբերութիւն կայ

— Լա՛ւ, տէ՛ր, յարեց Մատլէն ժըպտելով, եթէ Հռովմի մէջ ըլլայինք, Կեսարներու ժամանակ, ամէն իրաւունք պիտի ունենայի սրբազան հուրն վառ պահելու անբիծ դիցուհւոյն խորանին վրայ : Ի մի բան, ես այրի եմ, առանց երբէք ամուսնացած ըլլալու, տէ՛ր, վասն զի երբ Եւրոպայէն հայրենիքս դարձայ, Միրանտայի մարքիզը, որ իմ ազգականս էր, մեռնելու վրայ էր, և մահուան անկողնոյն մէջ հետս ամուսնացաւ՝ անուսն ու իարստութիւնն ինձ ձգելու համար :

Ճշմարտութեան ձայնն անդիմադրելի է . ուստի իշխանն ի սկզբան Մատլէնի խօսքերուն հաւատաց, թէ և այս գաղտնիքն կատարեալ հակասութեան մէջ էր մարքիզուհւոյն վրայօք զրուցուած զանազան արկածից հետ :

Իշխանին զարմանացն՝ քիչ վերջը խառնուեցաւ նաև անորոշ գոհունակութիւն մը, զոր ինքն ալ չէր հասկնար : Սակայն վախնալով որ դակարթի մը մէջ կ'իյնայ,

ծանրութեամբ ըսաւ .

— Տիկին, դուք զիս չափազանց դիւրահաւան կը կարծէք : Դեռ քիչ մ'առաջ խոստովանեցաք որ . . .

— Ներեցէ՛ք, տէ՛ր, և բարեհաճեցէք քանի մը հարցմանցս պատասխան տալ :

— Խօսեցէ՛ք, տիկին :

— Անուրանալի է որ քաջ պատերազմիկի մը բոլոր արտաքին երեւոյթներն ունիք, տէ՛ր, և երբ վիէննայի մէջ կը տեսնէի զձեզ ձեր գեղեցիկ ձին հեծած և ձեր զինակցաց հետ, որ Բրաթերէն կ'անցնէիք, շատ անգամ ինքնիրենս կ'ըսէի . « Ինձի համար ահա՛ այս է զօրապետի, զինուորաց հրամայելու համար ստեղծուած մարդու տիպարն : »

— Դուք վիէննայի մէջ տեսած էք զիս, հարցուց արքիդուքսն, որու ձայնը զգալի կերպիւ կ'անուշնար, և աչքերնուդ զարկի՞, հէ՛ :

— Բարեբաղդաբար չիմացաք, տէ՛ր, ապա թէ ոչ զիս աքսորել կուտայիք, չէ՞ մի :

— Բայց, պատասխանեց իշխանը ժըպտելով, գուցէ՛ :

— Օ՛ն, այդ խօսուածքնիդ աւելի հաճոյ է ինձ : Կ'ըսէի թէ, տէ՛ր, քաջ պատերազմիկի մը բոլոր արտաքին երեւոյթներն ունիք և այդ երեւոյթներն անտեղի չեն : Սակայն խոստովանեցէք որ ամէնէ քաջ երեւցող պատենի մը տակ երբեմն . . . վատ մը կը գտնուի :

— Հարկա՛ւ, տիկին : Հրամանատարութեանս տակ հազարապետ մը կար, որ ամենակատաղի դէմք մ'ունէր և սակայն անկէց վախկոտ մարդ չկար :

— Նոյնպէս նաև խոստովանեցէք որ, տէ՛ր, ամենաչնչին պատենի մը տակ գիւցազն մը կ'ընայ գտնուիլ :

— Ի հարկէ , Մեծն Ֆրէտէրիք , Էօ-
ժէն իշխանը դրսէն բան մը չէին երև-
նար :

— Աւա՛ղ , տէ՛ր , ես ալ ընդհակառա-
կըն դրսէն շատ կ'երևնամ :

— Ի՞նչ բսել կուզէք , տիկի՛ն :

— Այո՛ , ես նման եմ այն վախկոտին
որ իւր ահարկու դէմքովն զամէնքը կը
վախցնէ , և սակայն իւր վախցուցածնե-
րուն ամէնէն վախկոտէն աւելի վախկոտ
է : Ի մի բան , շատ անգամ ակամայ ա-
նանկ բաներ կը ներշնչեմ , որ ես չեմ ըզ-
գար . երեւակայեցէ՛ք , տէ՛ր , շուրջն հուր
ու բոց տարածող խեղճ սառոյց մը : Ա-
սոր համար երբեմն ինքզինքս մասնաւոր
երեւոյթ մը կարծելու յաւակնութիւնն
պիտի ունենայի , եթէ չյիշէի որ երկրիս
գեղեցիկ , փափուկ , քաղցրահամ և անու-
շահոտ պտուղներն երբեմն սարսափելի
ախորժակ կ'ազդէին ինձ , առանց ինք-
եանք ալ այդ ախորժակն զգալու , առանց
ուտուելու ամենաթեթեւ փափագ մ'ի-
մանալու : Ես ալ այսպէս եմ , տէ՛ր , կ'ե-
րեւնայ որ , երկրիս պտուղներուն նման
անմեղ , երբեմն , այս ինչ նկատմամբ , սաս-
տիկ անօթութիւն կը ներշնչեմ այլոց , ես
որ անդիի ծայր ժուժկալ եմ : Ուստի ո-
րոշեցի այլ ևս չի զարմանալ ակամայ ը-
րած ազդեցութեանս վրայ . բայց որով-
հետև այս ազդեցութիւնն հզօր է , բոս
որում մարդուս ամէնէն բունն կրից մին
կը գրգռէ , կը ջանամ զոհերէս կարելի
եղածին չչափ օգուտ քաղեմ՝ կամ ի-
րենց և կամ այլոց համար , այս ալ ա-
ռանց խաբէութեան , առանց խոստման և
առանց պչրանաց . — « Ձեզի համար կ'այ-
րիմ , կ'ըսեն ինձ : — Լա՛ւ , այրեցէ՛ք ,
կարելի է որ ձեր կրակին տաքութիւնն
սառոյցս հալեցնէ , կարելի է ձիւնին տակ
լավա կայ յիս : Այրեցէ՛ք , այրեցէ՛ք , աչ-

խատեցէք որ ձեր բոցն զիս ալ բռնկցնէ ,
իմ ուզածս ալ այդ է , վասն զի թռչնոյ
նման ազատ և տակաւին քսաներկու տա-
րեկան եմ : »

Մատլէն զայս բսելով՝ գլուխը վերուց
քօղը մէկդի նետեց և արքիդքսին երեսը
նայեցաւ :

Մարքիզուհին ճշմարիտ կը խօսէր ,
վասն զի խարտեաչ Քէրովբէին համար
զգացած սէրը , զոր պատմեր էր Սօֆի
Տիւթէրթըրի : Բնաւ երկրաւոր չէր ցայն-
վայր :

Իշխանն հաւատաց Մատլէնի խօսքին .
նախ՝ վասն զի ճշմարտուտութիւնն գրե-
թէ միշտ կը համոզէ , երկրորդ՝ վասն զի
երջանիկ կ'զգար ինքզինքն նորատի կնոջ
խօսքերուն հաւատալով . այլ ևս չէր շիկ-
նէր այս տարօրինակ արարածին իւր վրայ
ըրած խոր ու յանկարծական տպաւորու-
թիւնն զգալով , վասն զի կ'ըսէր ինքնիրեն
թէ վերջապէս արժանի էր Վեհոյի «բե-
լան հուրն զառ պահելու» . ուստի անխոհեմն ,
աչքերն Մատլէնի աչաց վրայ յառած , կը
ծծէր թիւղիչ թոյնն՝ տուփանօք զայն դի-
տելով :

Մատլէն ժպտելով յարեց :

— Ապահով եմ թէ այս միջոցիս հար-
ցում մը կ'ընէք ինքնիրեննիդ . զոր ես
յաճախ կ'ընեմ ինքզինքիս :

— Ի՞նչ :

— Ինքնիրեննիդ կը հարցնէք թէ (հին
երգի մը բառերովն բսեմ) « Է է այն »
ըն՝ է-ր հըր-ն ղեո՛ւ շու-է : Ես ալ շատ հե-
տաքրքիր եմ այս մասին ապագայն հաս-
կընալու :

— Սակայն այդ ապագայն ձեր ձեռ-
քըն է :

— Ո՛չ , տէ՛ր , որպէս զի քնար մը ձայն
հանէ հարկ է զայն նուագել :

— Այդ երջանիկ մահացուն ո՞վ պիտի ըլլայ :

— Աստուած իմ, ո՞վ գիտէ . թերևս դուք, տէ՛ր :

— Ե՛ս, գոչեց իշխանն այլայլեալ, ե՛ս . . .

— Թերևս ըսի :

— Ի՞նչ պէտք է ընել :

— Ինձ հաճելի ըլլալ :

— Ատոր համար ,

— Մտիկ ըրէ՛ք, տէ՛ր :

— Կ'աղաչեմ, զիս «էջ մի՛ կոչէք . այդ բառն շատ պաշտօնական է :

— Օ՛, օ՛, տէ՛ր, իշխանի մը համար մեծ շնորհ մ'է որ ընտանեբար խօսուի իր հետ . նախ պէտք է արժանանալ այդ շնորհաց, կը հարցնէք թէ ի՞նչպէս կրնաք ինձ հաճելի ըլլալ, Կուզեմ ցոյց տալ ձեզ, չէ՛ թէ օրինակ մը, այլ դէպք մը : Մօզէր - Հարթման քերթողն, զոր այլափոխեր եմ, ինչպէս որ կ'ըսէք, տարօրինակ ձևով մը իւր սէրն յայտնեց ինձ : Օր մը բարեկամուհիներէս մէկուն տունը տեսաւ զիս, երկար ատեն երսս նայեցաւ և ի վերջոյ շփոթած և բարկացած կերպով մ'ըսաւ ինձ . « Տիկին : ձեզ ողջ ողջ թաղել պէտք է, որպէս զի ոգեպաշտութիւնն չվրդովի : » Եւ դուրս ելաւ . բայց յաջորդ օրն տունս եկաւ, և ըսաւ թէ վայրկենական, նոր և հրատուր սիրոյ մը զոհ եղած է : » Այրեցէք, ըսի իրեն, բայց սա խրատս մի՛ մոռնաք, սէրը ձեզ կը տուրէ, այդ սէրն ձեր քերթուածոց մէջ թո՛ղ հոսէ : Մեծ քերթող մ'եղէք, և այն ատեն ձեր փառքը գուցէ չլացնէ զիս : »

— Ձի շլացա՞ք, հարցուց իշխանն :

— Ո՛չ, բայց սիրահարս իբր մխիթարութիւն իւր փառքն ունի, և բանաստեղծ մը ամէն բանի մխիթարութիւն կը

գտնէ, երբ փառք ունի : Արդ, տէ՛ր, ըսէք, ազդեցութիւնս լա՞ւ թէ գեշ գործածեցի :

Արքիդուքսն յանկարծ սարսուաց :

Կծու կասկած մը իւր սիրտն սեղմեծ : Այս տաժանելի անձկութիւնը կեղծելով և ժպտիլ ջանալով Մատլէնի ըսաւ,

— Բայց, տիկին, պատուիրակ Կարդինալին դէպքն ատանկ յաջող վախճան մը չ'ունեցաւ իրեն համար . արդ նա ի՞նչ ունի մխիթարուելու :

— Ձինքը ատող ժողովուրդն իւր ներկայութենէն ազատած ըլլալու գիտակցութիւնը, պատասխանեց Մատլէն զուարթօրէն . աս ալ բան մը չ'է՞, տէ՛ր :

— Բայց, խօսքը մէջերնիս, տիկին, ին՞չ շահ ունէիք այս խեղճ մարդն ասանկ սոսկալի գայթակղութեան մը զոհ ընելով :

— Ի՞նչ շահ, տէ՛ր, բայց լիտի կեղծաւորի մը դիմակը վար առնելու, հարստահարած քաղքէն զինքն վռնտել տալու, վերջապէս զայն արհամարանօք և ամօթով ծածկելու շահն : » Ձեր սիրոյն կը հաւատամ, ըսի իրեն, և թերևս ես ալ զձեզ սիրեմ, եթէ Բանտու ձիաւորի հագուստով հետս Ռիալթօյի պարահանդէսը դաք, սիրելի կարդինալս, այս իմ մէկ անհեղեղ ու անմիտ քմահաճութիւնս է, այո՛, բայց պայման մ'է . ասկեց զատ դիմակին տակին ձեզ ո՞վ կրնայ ճանչնալ : » Այն սոսկալի քահանային խելքը գլխէն գացեր էր . ընդունեցաւ, ես ալ զինքը կորուսի :

— Իսկ զիս չպիտի կարենաք պատուիրակ Կարդինալին պէս կորսնցնել, տիկին, գոչեց Արքիդուքսն ոտքի ելլելով և գերադոյն ճիգ մ'ընելով, որպէս զի վանէ այն հրապոյրն, որու անդիմադրելի զօ-

բուժիւնն կ'զգար : Դակարթը կը տեսնեմ. ես թշնամիներ ունիմ. դուք ձեր նենգաւոր հրապուրանօքն, կուղէք վտանգաւոր քայլ մ'առնել տալ ինձ, և ապա զիս ալ իմ, տկարութեանս արժանի արհամարհանաց և ծաղու ենթակրել : Բայց օրհնեալ է Աստուած, նա իմ աչքերս կը բանայ : Սոսկմամբ կը նշմարեմ այն դժոխային շլացումն, որ մտացս ոյժն կը բառնար, և սակայն սէր չ'էր, ո՛չ, կոշտ ու կոպիտ տրիփ մ'էր, որ կրնայ զմարդ անանոյն հաւասարեցնել, տուիփ մը, որու անունն կուղեմ տալ, յամօթ ինձ և ձեզ, **ԲՂՋԱԽՈՂՈՒԹԻՒՆ**, տիկի՛ն . . .

Մատլէն ուսերը ցնցեց, հեզնական կերպով մը սկսաւ խնդալ, ոտքի ելաւ և մօտեցաւ իշխանին, որ : Խօսած միջոցին, մինչև վառարանը ետ դացեր էր. կամաց մը անոր ձեռքէն բռնեց, և բերաւ քովը նստեցուց, և իշխանն այս քաղցր բռնութեան դիմադրելու ոյժ չ'ունեցաւ :

— Շնորհ ըրէք զիս մտիկ ընելու, տէ՛ր, ըսաւ Մատլէն, քանի մը բառ միայն ունիմ ձեզ ըսելու, և ապա ձեր կենացը մէջ մէկ մ'ալ չպիտի տեսնէք Միւրանտայի մարքիզուհին :

Ժ Զ.

Երբ Մատլէն Արքիդուքսն իր քով նրստեցուց, ըսաւ անոր :

— Մտիկ ըրէ՛ք, տէ՛ր, անկեղծօրէն պիտի խօսիմ՝ այնչափ անկեղծօրէն, որ անկարելի է ինձ չի հաւատալ : Ձեր խելքը գլխէն առնելու յուսով ես հոս եկայ :

— Ըսել է, գոչեց իշխանն յապուշ կրթեալ, ըսել է կը խոստովանի՛ք :

— Անշուշտ : Երբ այս նպատակիս հասնէի, իմ իշխանութենէս օգտելով՝ պիտի ջանայի երկու բան ընդունիլ ձենէ, տէ՛ր, որոց մին, ինչպէս որ ըսի եկած ատենս, գրեթէ անկարելի էր և միւսը՝ բոլորովին անկարելի :

— Իրաւունք ունիք, տիկի՛ն, անկարելի է ձեզ չի հաւատալ, ըսաւ իշխանն բռնազբօսիկ ժպտով մը, կը հաւատամ ըսածնուդ :

— Ձեռնէ ընդունիլ ուզած երկու գործերս մեծ, ազնիւ ու վեհանձնական էին. նոքա ձեզ յարգել ու սիրել պիտի տային : Կարծեմ ասով ես իմ իշխանութիւնս ձեզ չարի կամ անարժան գործ մ'ընելու մղած չ'եմ ըլլար, ինչպէս որ կ'ենթադրէք :

— Բայց վերջապէս, տիկին, խնդիրն ի՞նչ է :

— Նախ և առաջ գթութիւն, կամ մանաւանդ արդարութիւն, որ Լօմպարտայի մէջ շատ մը սիրտեր առ ձեզ պիտի ձգէ. Բէրնէթթի գնդապետին ամբողջական ներումն :

— Երբե՛ք, տիկին, երբե՛ք :

— Բէրնէթթի գնդապետին ամբողջական ներումն, որ բոլոր իտալիոյ ամենէն յարգի անձանց մին է, շարունակեց Մատլէն՝ առանց իշխանին բացագանչութիւնն նկատողութեան առնելու : Այս սրտի տէր մարդն իրաւացի հպարտութեամբ երբեք չպիտի զիջանի ամենափոքր ամօքում մը խնդրել իւր ազիտիցն, բայց դուք վեհանձնաբար գթացէք իրեն, ու նորա երախտագիտութիւնն ու անձնուիրութիւնը պիտի շահիք :

— Կը կրնեմ թէ, տիկին, պետական մեծամեծ պատճառներ այդ ձեր ըսածին

կընդդիմանան : Ասի անկարելի է , բոլորովին անկարելի :

— Գիտե՛մ , և նախ ես ձեզ ըսի զայդ , տէ՛ր : Գանք միւսին , որ աւելի ևս անկարելի է . կը խնդրեմ որ հաւանութիւն չնորհէք ձեր մեծցուցած մէկ երիտասարդին ամուսնութեանն :

— Ե՛ս , գոչեց Արքիդուքսն , կարծես լսածին չկարենալով հաւատալ , ե՞ս Ֆրանց Կոմսին ամուսնութեանն հաւանի՛մ :

— Կոմս ըլլալը չեմ գիտեր . իմ գիտցածս սա է որ անունը Ֆրանց է , ինչպէս որ այս առաւօտ ըսաւ ինձ օրիորդ Անթոնին Հիւպէր , քաղցրութեան և գեղեցկութեան հրեշտակ մը , զոր տղայութեանէն կը սիրեմ , և որու . համար քրոջ և մօր գորով մը կ'զգամ :

— Տիկի՛ն . Ֆրանց Կոմսը երեք ժամէն Բարիզէն պիտի մեկնի . ահա՛ պատասխանըս :

— Բայց , տէ՛ր , ասոնք , բոլոր անկարելի են , բոլորովին անկարելի . ադ լաւ գիտեմ :

— Ուրեմն , տիկի՛ն , ի՞նչու կը խնդրեք :

— Ընդունելու համար , տէ՛ր :

— Ի՛նչպէս , ըսածներէս վերջը , տակաւին կը յուսա՞ք :

— Այդ յաւակնութիւնն ունիմ , տէ՛ր :

— Ատանկ վստահութիւն մը . . .

— Շատ համեստ է , վասն զի իմ յոյսըս իմ ներկայութեանս վրայ չ'է :

— Հապա ի՞նչ բանի վրայ է , տիկի՛ն :

— Բացակայութեանս վրայ , տէ՛ր , ըսաւ Մատիէն ոտք ելնելով :

— Ձեր բացակայութեա՞նը վրայ :

— Իմ յիշատակիս վրայ ըսել կուզեմ :

— Կը մեկնի՞ք , ըսաւ իշխանն աշխուժիւ , չկարենալով դժկամակութիւնը ծածկել , կը մեկնի՞ք :

— Ձեզ հաւանութեան բերելու վերջին և միակ միջոցս այս է :

— Բայց վերջապէս , տիկի՛ն . . .

— Կեցե՛ք , տէ՛ր , կուզէ՞ք որ ըլլալիքըն ըսեմ ձեզ :

— Ըսէք տեսնեմ , տիկի՛ն :

— Ես հիմայ պիտի մեկնիմ : Ի սկզբան մեծ ծանրութենէ մը պիտի ազատիք իմ ներկայութիւնս՝ ալ ևս չպիտի ճնշէ զքեզ ամէն տեսակ փորձութիւններով , որք իրենց հրապոյրն և դառնութիւնը ունին միանգամայն . ըի՛ք բոլորովին յերճութեան պիտի որոտա՛ւէ + Իժբաղբաբաբ + իշ + իշ և ասանց յեր «-ըլլան , նորէն մտերմիտ պիտի գամ : իմ քողարկեալ ու խորհրդաւոր դէմքս ամէնուրեք ձեզ պիտի հալածէ այն ատեն աւելի ևս պիտի զգաք ձեր ինձ համար ունեցած միտման նուազ պաղատոնական մասն , և այդ զգացումն ևս քան զեւս պիտի արծարծի : Ուստի վաղը , գուցէ միւս օր , մտածելով որ վերջապէս ձենէ խնդրածս ազնիւ ու վեհանձնական բան մ'էր , պիտի զղջաք զիս ձգելնուդ և կանչել պիտի տաք , բայց ժամանակն անցած պիտի ըլլայ , տէ՛ր :

— Ժամանակն անցած պիտի ըլլա՞յ :

— Ինձի համար չ'է , ձեզի համար : Ես միտքս դրի որ Բէրնէթթի գնդապետը ներումն գտնէ և Պ . Ֆրանց Անթոնինի հետ ամուսնանայ : Ուստի , տէ՛ր , պէտք է որ ասոնք կատարուին :

— Հակառակ իմ կամացս :

— Այո՛ , տէ՛ր :

— Ատ քիչ մը անհաւատալի է :

— Այս այսպէս է : Նախ , տէ՛ր , ձեր գիտցած դէպքերն յիշենք . նա որ պատուիրակ կարտինալը կրնայ համոզել որ Բանտուր ձիաւորի հագուստով ծպտի , որ մէկ նայուածքի շերմութեամբն մեծ բանաստեղծ մը կը յարուցանէ , որ կրնայ ,

սիրահար ընել (բառին ամենէն երկրաւոր նշանակութեամբ) ձեզի պէս մարդ մը, տէ՛ր, յայտնի է որ ուրիշ բաներ ալ կըրնայ ընել: Խեղճ Պ. Ֆրանցը կը ստիպէք որ Բարիզէն երթայ, անանկ չ'է՞. բայց ճամբան երկայն է, և նա Ֆրանսայէն դուրս չ'ելած՝ ես երկու օր ունիմ դէմս: Բէրնէթթի գնդապետին համար փոքր յապաղում մը նշանակութիւն չ'ունի, և ասկեց զատ միայն դուք չ'էք որ կրնաք ներել իրեն, տէ՛ր. չ'էք կրնար երեւակայել թէ ազդեցութեանց կապն մինչև ուր կը հասնի, և Ֆրանսայի մէջ ամէն ազատութիւն ու միջոց ունիմ գործելու: Ըսել է պատերազմ կ'ուզէք, տէր: Ես կ'երթամ և ձեզ արդէն վիրաւոր կը թողում. . . . այսինքն սիրահար: Է՛հ, Աստուած իմ, (թէև կրնամ այս յաշողութեանս վրայ իրաւամբ հպարտանալ) պարծենկոտութեան համար չ'է որ ձեր վրայ բրած վայրկենական ազդեցութեանս կը վստահիմ, քանի որ շիտակն ամենևին չի քծնեցայ. միշտ քողս ձգուած էր և զգեստմայրապետի զգեստներ են. . . . Օ՛ն, մնաքբարո՛վ, տէ՛ր. գոնէ պիտի բարեհաճի՞ք զիս մինչև առաջին սրահին դուռն առաջնորդելու շնորհն ընել ինձ: Պատերազմն քաղաքավարութեան արգելք մը չ'է:

Սրբիգուքսն անմեկնելի շփոթութեան մը մէջ էր. կզգար որ Մատլէնի ըսածն ճշմարիտ էր, վասն զի արդէն, միմիայն մտածելով թէ գուցէ ցմիշտ կը հեռանայ այս կիսն, ճշմարիտ ցաւ մը կզգար, ապա մտածելով որ եթէ այս կնոջ զարմանալի և գրեթէ անդիմադրելի հրապոյրն զօրաւորապէս կ'ազդէր իւր վրայ, որ զանազան պատճառներով ինքզինքն զերծ կըզգար ասանկ ազդեցութենէ մը, ուրիշներն կրնային այդ ազդեցութեան տեղի

տալ, այն ատեն տեսակ մ'անստոյգ, բայց կծու նախանձ կզգար, և սակայն չ'էր կրնար խընդրուած շնորհն ընելու և Ֆրանցի ամուսնութեան հաւանութիւն տալու զիջանիլ. բայց, ինչպէս ամէն վարանող անձ, նա ևս ջանաց ժամանակ վաստկիլ և այլայլութեամբ ըսաւ Մարքիզուհւոյն:

— Քանի որ այլ ևս ձեզ չպիտի տեսնեմ, գոնէ այս այցելութիւնն քիչ մը երկարեցէք:

— Ի՞նչ օգուտ ունի, տէ՛ր:

— Ձեզ ի՞նչ փոյթ, քանի որ այդ բանն կրնայ զիս երջանիկ ընել:

— Ասի բնաւ ձեզ երջանիկ չի կրնար ընել, տէ՛ր, վասն զի ոչ խնդրածս շնորհելու և ո՛չ զիս ձգելու (ոյժն ունիք:

— Ադ իրաւ է, պատասխանեց իշխանքն հառաչելով, երկուքն ալ իրարու չափանկարելի կ'երևնան ինձ:

— Ա՛հ, երթալէս վերջը, վաղը, կամ թերևս իսկ հիմայ ո՛րքան պիտի զղջաք: Բաւական երկար լուութենէ մը ետքը, իշխանն ճգամբ և իւր ամենէն շողով ձայնիւն ըսաւ:

— Կեցե՛ք, սիրելի Մարքիզուհիս, ենթանդրենք, ինչ որ ենթադրելի չ'է, թէ թերևս օր մը մտաբերեմ Բէրնէթթի գնդապետին ներուժն շնորհել ձեզ:


— Ենթադրութիւն, օր մը թերևս մտաբերէ՞ք մի. . . . Ասոնք բոլոր անբստոյգ ու տարտամ բաներ են, տէ՛ր: Ըսէք պարզապէս. Սեպեցէք որ Բէրնէթթի գնդապետին ներուժն կը շնորհեմ ձեզ:

— Լա՛ւ, սեպեցէ՛ք. . . .

— Աղե՛կ, այդ շնորհն կ'ընէք ինձ, տէ՛ր, և Ֆրանցի ամուսնութեան ալ կը հաւանի՞ք, անանկ չ'է: Վասն զի ես կամ ամբողջ կուզեմ և կամ ոչինչ:

- Ադ բնա՛ւ , բնա՛ւ :
- Բնա՛ւ մի ըսէք , տէ՛ր : Միթէ դուք գիտք :
- Բայց ենթադրութիւն մը վաստ չ'ունի : Վերջապէս սեպենք որ ուզածնիդ ընեմ . . . գոնէ պէտք է վարձատրութեանս

- է , և դուք միայն կրնաք զայն շնորհել :
- Օ՛ , պայման չ'ուզեր , տէ՛ր :
- Ինչպէ՛ս :
- Բայց անկեղծօրէն խօսինք , տէ՛ր , միթէ կրնամ բան մը խոստանալ : Ո՛չ ապաքէն ամէն ինչ ձեռնէ կախումն ունի , և



- ապահով ըլլամ . . .
- Այդ բանն ինձմէ՞ կը խնդրէք , տէր : Ամէն վեհանձն գործ իւր վարձադրութիւնը հետը չի՞ բերեր :
- Այո՛ : Բայց ինձ համար վարձատրութիւն մը կայ , որ ամենէն թանկագին

- ոչ թէ ինձմէ : Ձեզ անկէ ինձ հաճելի ըլլալու աշխատիլ :
- Ո՛հ , ի՛նչ կին , ըսաւ իշխանն դըժկամակութեամբ : Բայց վերջապէս , պիտի կարենամ ձեզ հաճելի ըլլալ : Կը կարծէք որ հաճելի ըլլամ ձեզ :

— Շիտակը, տէ՛ր, չեմ գիտեր : Մինչև ցարդ այդ մասին ուրիշ բան չըրիք, բայց եթէ զիս բաւական խստիւ բնդունիլ :

— Տէ՛ր Աստուած, իրաւունք չունէի, ներեցէք ինձ . բայց եթէ գիտնաք թէ ի՞նչ անհանգստութիւն, գրեթէ երկիւղ կ'ազդէք ինձ, սիրելի մարքիզուհիս :

— Օ՛ն, անցեալը կը ներեմ, տէ՛ր, և կը խոստանամ թողուլ որ ուզածնուդ պէս հրապուրէք զիս . . . և որովհետև խիստ անկեղծ եմ, աս ալ կ'ըսեմ որ կարծեմ գո՛հ պիտի բլլամ, եթէ յաջողիք :

— Իրա՛ւ, գոչեց իշխանն արբշիւ :

— Այո՛, արդէն կէս մը գահակալ էք, թերևս օր մը ամբողջապէս թագաբլլաք, և այն ատեն շատ մը գեղեցիկ ու ազնիւ բաներ կարելի է ընել տալ ձեզ այն բուն սիրոյն ազդեցութեամբն, զոր քիչ մ'առաջ իբր ճշմարիտ «բէ-սէն», ներեցէ՛ք այս բառին, պարսաւեցիք : Օ՛ն, տէ՛ր, եթէ Աստուած այդ կիրքն դրած է իւր արարածոց ներսիդին, ի հարկէ ըրածը գիտէ : Ասի անհուն զօրութիւն մ'է, վասն զի զայն գոհացնելու ակնկալութեամբ, բոլոր այդ սէրն զգացողները ամէն բան ընելու կարող են, նոյն իսկ ամենավեհանձըն գործեր, չէ՞ մի, տէր :

— Ըսել է, յարեց իշխանն՝ ևս քան զևս յափշտակուելով, կրնամ յուսալ . . .

— Ուզածնուդ չափ յուսացէք, տէր, բայց այնչափ, ես բան մը չեմ խոստանար : Այրեցէ՛ք, այրեցէ՛ք, իցի՛ւ թէ ձիւնըս հալէր ձեր բոցսփն :

— Բայց ենթադրենք որ բոլոր խընդրածնիդ շնորհեմ ձեզ, այն ատեն ի՞նչ պիտի զգաք իմ մասիս :

— Կարելի է որ ձեր անձնուիրութեան այդ առաջին ապացոյցն մեծ տպաւորութիւն ընէ վրաս, բայց չեմ կրնար հաս-

տատել. ես այդքան հեռուն չեմ կրնար գուշակել, տէ՛ր :

— Ա՛, շատ անողոք էք, գոչեց իշխանն ընդ ցաւագին դժկամակութեամբ մը, դուք միայն պահանջել գիտէք :

— Միթէ աւելի լա՛ւ է կեղծ խոստումներ ընել ձեզ, տէ՛ր : Ասի ո՛չ ձեզ արժանի է և ոչ ինձ . ասկեց զատ, քիչ մ'ալ իբր սրտի տէր անձինք խօսինք : Նորէն կ'ըսեմ, ի՞նչ է ձենէ խնդրածս . պատուաւոր մարդու մը հետ արդարութեամբ և գթասրտութեամբ վարուիլ . ձեր մեծցուցած որբին համար հայր մ'բլլալ : Գիտնայի՛ք թէ այն խեղճ տղաքն ի՞նչպէս կը սիրեն զիրար : Ի՞նչ անբժութիւն, ի՞նչ գորով, ի՞նչ յուսահատութիւն : Այս առաւօտ Անթոնին իւր ակնկալութեանց փճանալուն վրայ խօսած ատեն, զիս յարտասուս շարժեց :

— Փրանց բարձրաստիճան անձի մը զաւակ է, ես իր վրայ ուրիշ դիտաւորութիւններ ունիմ, յարեց իշխանը նեղսրտութեամբ, չի կրնար այս աստիճան ստորին խնամութիւն մ'ընել :

— Շիտակն աղուոր բա՛ռ : Բայց ես ո՞վ եմ, տէ՛ր : Մակտալէնա Բէրէզ, Մեքսիկացի պարկեշտ բայց սնանկացեալ խանութպանի մ'աղջիկն, որ դիպուածաւ մարքիզուհի եղայ : Եւ սակայն կը սիրէք զիս, առանց վախնալու որ ստորին խնամութիւն մը ըրած կըլլաք :

— Է՛հ, տիկի՛ն, ե՛ս, ե՛ս . . .

— Դո՛ւք ուրիշ, անանկ չէ՞, ինչպէս որ կ'ըսէ կատակերգութիւնը :

— Գոնէ ես ազատ եմ ուզածս ընելու :

— Եւ ի՞նչու Փրանց ազատ չպիտի բլլայ, երբ իւր միակ իղձն պարկեշտ ու համեստ կէտնք մը՝ ազնիւ ու մաքուր սիրով մը պճնեալ : Օ՛հ, տէ՛ր, եթէ իրաւ-

ցնէ զիս սիրէիք, պիտի կարեկցէիք այս երկու տղոց, որք իրենց տարիքին յատուկ անբժութեամբն ու եռանդեամբն կը սիրեն զիրար: Եթէ սէրն զձեզ աւելի վեհանձն չըներ, ըսել է թէ այդ սէրը ճշմարիտ չէ, և եթէ կուզէք որ օր մը այդ սէրն ես ալ զգամ, ջանացէք որ նախ հաւատամ անոր, ինչ որ անկարելի է ինձ, քանի որ կը տեսնեմ թէ Պրանցի հետ անգթութեամբ կը վարուիք:

— Է՛հ, եթէ զինքը այսքան չի սիրէի, փոյթ չէի ըներ:

— Շիտակը ատի սիրելու տարօրինակ դրութիւն մ'է:

— Չըսի՞ որ ես իր մասին մեծ դիտաւորութիւններ ունիմ:

— Ես ալ կ'ըսեմ որ, տէ՛ր, բոլոր այդ մեծ դիտաւորութիւնք զզուանք պիտի ազդեն իրեն: Նա երջանիկ, համեստ ու անդորր կեանքի մը համար ծնած է. իւր պարզ ճաշակը, երկչոտ բնաւորութիւնը, նոյն իսկ իւր ձերքերն զինքը պերճութեանէ և փառքերէ կը հեռացնեն. այսպէս չէ՞:

— Բայց ուրեմն, ըսաւ իշխանը զարմանօք, ուրեմն դուք զինքը կը ճանչնա՞ք:

— Բնաւ տեսած չեմ:

— Հապա ի՞նչէն գիտէք . . .

— Անթօնին ամէն բան ըսաւ ինձ, և ո՞չ ապաքէն մարդու մը բնաւորութիւնը կրնայ գուշակուիլ՝ իւր սիրելու ձեռն: Վերջապէս Պրանցի բնաւորութիւնն ըսածիս պէ՞ս է, այո՛ կամ ո՞չ:

— Ճշմարիտ է, այդ է իւր բնաւորութիւնն:

— Եւ դուք անգթօրէն պիտի բռնադատէք զինքը որ իրեն համար անտանելի վիճակ մը վարէ, մինչդեռ նորա կենացը երջանկութիւնը ձեռքին ներքեւ պատրաստ է:

— Բայց գիացէք որ ես Պրանցը զաւկիս պէս կը սիրեմ, և երբեք չեմ հաւանիր զինքն ինէ բաժնելու,

— Յիրաւի գեղեցիկ հաճոյք մ'է ձեզ համար անդադար աչքերնուդ դեմն ունենալ խեղճ էակի մը վշտաբեկ դեմքն, զոր դուք յաւիտեան թշուառութեան կը դատապարտէք: Ասկեց զատ Անթօնին որք է, կրնայ Պրանցի հետ գալ. փոխանակ մէկի, երկու զաւակ կունենաք: Այն ատեն այս մշտաժպիտտի և քաղցր երջանկութեան տեսքն ո՞րքան պի մեղմացնէ ձեր մեծութեան հոգերն, ո՞րքան ուրախութեամբ պիտի երթաք ձեր սիրտն ու հոգին կենդանացնել այս երկու տղոց քով, որք չափազանց պիտի սիրեն զձեզ, վասն զի իրենց երջանկութիւնը ձեզ պիտի պարտին:

— Օ՛ն: Թողէ՛ք զիս, գոչեց իշխանն այլայլելով: Չեմ գիտեր թէ ձեր խօսքերն ի՞նչ անհասկնալի զօրութիւն ունին, բայց կ'զգամ որ ամենէն հաստատուն որոշումներս կը խախտին և գաղափարներս կը տկարանան:

— Ատոր կը վշտանա՞ք, տէ՛ր: Շիտակըն, առանց գեշ խօսելու իշխանաց վրայ, կարծեմ թէ աղեկ կ'ընեն՝ եթէ իրենց գաղափարները մէկդի թողուն, վասն զի Աստուած գիտէ թէ այդ գաղափարներն ի՞նչ են: Օ՛ն, հնազանդեցէք այդ ձեր զգացած տպաւորութեանն, վասն զի լաւ է:

— Է՛հ, միթէ այս պահուս լաւն ու յօռին զանազանելու չափ կարողութիւն ունիմ:

— Այդ մասին լաւ դիտեցէք այն անձանց դէմքն, որոց երջանկութեանը պատճառ պիտի ըլլաք. երբ միայն ըսէ՛ք « Խեղճ տարագիր, գնա՛ հայրենիքդ տե՛ս. եզրսրքդ գրկերնին բացեր են

քեզ . » և միւսին՝ « Սիրելի տղաս , եր-
 ջանիկ եղի՛ր , ամուսնացիր Անթօնինի
 հետ . » այն ատեն , տէ՛ր , ուշի ուշով նա-
 յեցէ՛ք երկուքին երեսն , և եթէ նոցա
 աչերն արտասուօք կը լե՛նան , ինչպէս որ
 այս պահուս կը լե՛նան ձեր ու իմ՝ աչերն ,
 ապահով եղի՛ք , տէ՛ր , ձեր բրածն բա-
 րիք է , և ձեզ խրախուսելու համար որ
 այս բարիքն ընէք , վասն զի ձեր այլայ-
 լութիւնն սիրտս կը շարժէ , կը խոստա-
 նամ Անթօնինի հետ Ալմանիա երթալ :

— Իրա՛ւ , գոչեց իշխանն յափշտակու-
 թեամբ , կը խոստանա՛ք :

— Հարկաւ , տէ՛ր , ըսաւ Մատլէն
 ժպտելով , զիս հրապուրելու ժամանակ
 տալու է ձեզ :

— Լա՛ւ , ի՛նչ որ ալ ըլլայ , ի՛նչ որ ալ
 ընէք , վասն զի կարելի է որ հետս կը
 զուարճանաք , ըսաւ իշխանը՝ Մատլէնի
 ծնգացը նետուելով , խօսք կուտամ՝ որ
 տարագրին կը ներեմ , և . . .

— Սրահին դրանն ետին բաւական
 սաստիկ աղմուկ մ'ըլլալով՝ Արքիդքսին
 խօսքն ընդմիջեց , աղմուկ մը , յորում շատ
 մը ձայներ կը խօսէին և ի միջի այլոց սա
 բառերն կը լսուէին :

— Կ'ըսեմ որ ներս չպիտի մտնէք ,
 պարո՛ն :

Յանկարծ Արքիդքսը ոտքի ելաւ ,
 բարկութենէն և դժկամակութենէն տրժ-
 գունեցաւ , և ըսաւ Մատլէնի :

— Կ'աղաչեմ , քովի սենեակը մտէք ,
 դուրսը տարօրինակ դէպք մը տեղի կու-
 նենայ : Վայրկեանէ մը ես ալ կուգամ :

Այս միջոցին բաւական բուռն հարուած
 մը դրուեցաւ դրան : Իշխանը քովի սենե-
 կին տուռը բանալով՝ ըսաւ Մատլէնի :

— Մտէ՛ք , կ'աղաչեմ :

Ապա դուռը փակեց , և ուղեւորով այս
 յանդուգն որ անսովոր աղմուկին պատ-

ճառն իմանալ , սրահէն դուրս ելաւ , և
 տեսաւ Պ. Բասքալը , զոր երկու թիկնա-
 պահք կը ջանային բռնել :

Ժ Է .

Թիկնապահք Արքիդքսը տեսնելով՝
 յարգանօք մէկդի քաշուեցան , և Պ. Բաս-
 քալ , որ ինքնիրմէ դուրս ելած կ'երևնար
 գոչեց :

— Կրո՛ղ , հոս զարմանալի ընդունե-
 լութիւն կ'ընեն եկողներուն , տէ՛ր . . .

Իշխանը , այն ատեն միայն յիշելով Պ.
 Բասքալի տուած ժամադրութիւնն և վախ-
 նալով որ այս կոպիտ անձը նոր անկրթու-
 թիւն մը կ'ընէ , նշան ըրաւ անոր որ ե-
 տեէն երթայ ու ըսաւ :

— Եկէ՛ք , տէ՛ր , եկէ՛ք :

Եւ դուռը գոցուեցաւ իշխանին ու
 դրամատիրոջ վրայէն :

— Հիմայ , պարո՛ն , ըսաւ Արքիդքս-
 սըն բարկութենէն դեղնելով և հաղիւ
 ինքզինքը զսպելով , պիտի ըսէ՛ք ինձ ա-
 սանկ խայտառակութեան մը պատճառը :

— Ի՛նչ , տէ՛ր , ժամը երեքին ունկըն-
 դրութիւն խոստացաք ինձ , և ես ժամա-
 նակին եկայ . քառորդ մ'անցաւ , ոչ ոք ,
 կէս ժամ , ոչ ոք . այն ատեն համբերու-
 թիւնս հատաւ և ձեր սպայից մէկուն ա-
 ղաչեցի որ ձեզ յիշեցնէ թէ կըսպասեմ :
 Ըսին թէ քովերնիդ մարդ կայ . ձայն չի
 հանեցի . բայց կէս ժամ ևս անցաւ , այն
 ատեն ձեր պարոններուն յայտնեցի որ ,
 եթէ չի դան ձեզ իմաց չտան , ես ինքս

պիտի դամ:

— Ատի, պարո՛ն, յանդգնութիւն է:

— Ի՛նչպէս յանդգնութիւն: Ա՛հ, տէր, ե՞ս ձեզի պէտք ունիմ թէ դուք ինձի:

— Պարո՛ն Բասքալ . . .

— Ե՞ս ձեզի եկայ, տէ՛ր: Ե՞ս ձենէ ստակ խնդրեցի:

— Բայց, պարո՛ն . . . :

— Բայց, տէ՛ր, երբ կը հաւանիմ գործերս ձգել ու դալ ձեր անդրասենեակին մէջ սպասել, ինչ որ ուրիշին համար բնաւ չեմ ընէր, կարծեմ թէ պէտք չէ որ զիս ժամ մը սպասեցնէք, մանաւանդ Պօրտուգալէ ամենէն կարեւոր ատենը, ուր ձեր շնորհիւն այսօր չպիտի կարենամ երթալ, առանց հաշուելու որ ձեր թիկնապահներն զիս կը հրմշտկեն, երբ ես ինքս կ'ուզեմ դալ ձեզ իմաց տալ թէ ժամագրութեան ատենը եկած է:

— Պատշաճութիւնը կը պահանջէր որ ունկնդրութեանս աւարտելուն սպասէիք, պարո՛ն:

— Կարելի՞ է, տէ՛ր. բայց գժբաղդաբար իմ արդարացի անհամբերութիւնս ատոր բոլորովին ներհակն հրամայեց ինձ, և շիտակը կը կարծէի որ ուրիշ տեսակ ընդունելութեան մ'արժանի էի, քանի որ անանկ ծառայութիւն մը պիտի մատուցանէի ձեզ, որու համար պաղատեցաք ինձ:

Իշխանը իւր բարկութենէ և դժկամակութենէն, ի սկզբան մոռցեր էր որ Միւրանտայի մարքիզուհին քովի սենեակէն կրնար ամեն բան լսել, ուստի ամօթէն շիկնելով և զգալով որ հարկ է դիմացինին բարկութիւնն ամօքել, իշխանը ամեն ճիգ ըրաւ հանդարտ երեւնալու և ջանաց խօսակցելով Պ. Բասքալը պատուհանին կողմը տանիլ, որպէս զի Մատլէն սոյն խօսակցութիւնը չի լսէ:

— Գիտէք որ, Պ. Բասքալ, ըսաւ, միշտ ձեր բնաւորութեանը խստութեանցն համբերած եմ: Այս անգամ ալ նոյնպէս պիտի ընեմ:

— Շիտակը չափազանց բարի էք, տէր, պատասխանեց Բասքալ հեզնօրէն, բայց գիտէք որ ամեն մարդ իւր նեղսրտութիւններն ունի և այս միջոցիս ես ալ շատ նեղացած եմ, որով չեմ կրնար ինքզինքս բռնել:

— Այդ բացատրութիւնն կը բաւէ, Պ. Բասքալ, պատասխանեց իշխանը, որ կը յիշէր թէ մեծ պէտք ունէր դրամատիրոջ օգնութեան: Գիտեմ որ ընդդիմութիւնն երբեմն ամենէն մեղմ բնաւորութիւններն իսկ կը խստացնէ. ուրեմն ա՛լ ասոր խօսքը չընենք: Մեր գործը լմնցընենք: Մեր գործը լմնցնելու համար որոշած պայմանաժամնիս երկու օր փութացընել խնդրեցիք: Յուսամ որ գոհացուցիչ պատասխան մը բերիք:

— Բերածս բացարձակ ԱՅՈ մ'է, տէ՛ր, պատասխանեց մեր մարդը մեղմանալով, և գրպանէն թղթակալ մը հանեց: Ասկէ զատ՝ այս «յի» իբր ապացոյց, ահա՛ Պրուանսայի դրամատան վրայ փոխանակագիր մը, որով ամբողջ գումարին մէկ տասներորդն կրնաք ստանալ, այս ալ փոխառութեան մնացորդն վճարելու խոստմնագիր մ'է իմ կողմէս:

— Ա՛հ, սիրելիս Պ. Բասքալ, գոչեց իշխանն ցնծութեամբ, դուք ոսկիէ մարդ մ'էք:

— Ո՛ւրիշ հարց մը, ճիշդ, տէ՛ր: Կ'երբեւի որ ձեր իմ վրայ ունեցած համակրութեան պատճառն այս է:

Իշխանը այս ականարկութիւնը չի նշմարելու զարկաւ: Ուստի, երջանիկ ըլլալով այն օրն, որ կարծես իւր զանազան իղձերն պսակել կը թուէր, և փափագելով

ժամ առաջ դրամատէրն ճամբել, որպէս զի Մատլէնի քով երթայ, յարեց .

— Քանի որ ամէն բան որոշուած է, սիրելիս Պ. Բասքալ, թղթերն ստորագրենք, և վաղն առտու կամ միւս օր, երբ որ ժամանակ ունենաք, գործը ամբողջապէս կը կարգադրենք :

— Կիմանամ, տէ՛ր, երբ մի անգամ ստակ և ստորագրութիւն ձեռք ձգէք, պիտի փափաքիք ժամ առաջ ձեր գլխէն նետել Բասքալ ծառանիդ, ու վաղը զինքը պիտի յղէք ձեր ստորագրասեալներէն մէկուն, որու պաշտօնն է ձեր գործերը կարգի դնել :

— Պարո՞ն :

— Միթէ բնական ընթացքն այս չէ՞, տէր : Փոխառութենէն առաջ բարեգործող ոգի մը, կէ՛ս կամ արդէ Սպորտի մ'ենք, բայց ստակը տալերնուս վերջը՝ հրեայ ենք, վաշխառու ենք : Ես լաւ գիտեմ, ասի միտալին հակառակ կողմն է : Ուստի այդքան մի՛ աճապարէք յիշեալ միտալը դարձնելու, տէր :

— Վերջապէս, պարոն, ի՞նչ ըսել կուզէք :

— Հիմայ կ'ըսեմ, տէ՛ր, վասն զի ես ալ գործ ունիմ : Ստակն ու ստորագրութիւնս հոս է, թղթակալին զարնելով . գործը լմնցած է, բայց մէկ պայմանաւ :

— Դարձեալ պայմաններ :

— Ամէն մարդ, տէ՛ր, իւր գործը հասկըցածին պէս կը կարգադրէ : Ասկէ զատ իմ պայմանս շատ պարզ է :

— Տեսնենք ի՞նչ է, պարոն :

— Երեկ պարտիզին մէջ գեղեցիկ խարտեալ երիտասարդ մը տեսայ, որու համար ըսիք թէ հոս կը բնակի :

— Անշուշտ, ադի Ֆրանց կոմսն է, իմ սանս :

— Արդէն ըսի թէ շատ սիրուն տղայ

մ'է : Ուստի դուք իւր կնքահայրն ըլլալով, ի հարկէ բաւական ազդեցութիւն ունիք իր վրայ, չէ՞ մի :

— Ի՞նչ ըսել կ'ուզէք, պարոն :

— Տէր, նոյն իսկ ձեր սանին օգտին համար կ'ըսեմ թէ Բարիզու օդն լաւ է իրեն :

— Ի՞նչպէս :

— Այո՛, և աղեկ կ'ընէք, եթէ զինքը Ալմանեա դրկէք . ասի իւր առողջութեանը շատ օգտակար կ'ըլլայ, տէ՛ր, խիստ շատ :

— Կատակ կ'ընէք, պարոն :

— Ընդհակառակն, տէր, և մեր գործին եզրակացութեան միակ պայմանն այս է : Առ առաւելն մինչեւ Ձե՛ս ժամ ձեր սանը յԱլմանեա մեկնելու է :

— Շիտակը, պարոն, զարմանքէս չեմ կրնար սթափիլ : Ֆրանցի մեկնելէն ի՞նչ շահ ունիք : Ասի անհասկանալի է,

— Հիմայ կը հասկցնեմ ձեզ, տէր, և նորա մեկնելէն իմ ունեցած շահս ձեզ ցոյց տալու համար, պէտք է որ գաղտնիք մը խոստովանիմ ձեզ : Արդ, տէ՛ր, ես խենթի պէս սիրահարուած եմ : Այո, սիրահարուած . ասի ծիծաղելի՞ կ'երեւի ձեզ, ինձի սլ : Բայց վերջապէս ասանկ է : Ուստի, ինչպէս որ կ'ըսէի, ձեր դրացուհիներէն օրիորդ Անթօնին Հիւպէր անունով աղջկան մը սիրահարած եմ :

— Դո՛ւք, պարոն, գոչեց իշխանն ապշելով, դո՛ւք :

— Անշուշտ ե՛ս, ե՛ս, Բասքալ, և ինչո՞ւ չէ, տէր : Սերը ասի՛ր ասի՛ր է, կ'ըսէ երգը : Միայն թէ, ձեր սանին՝ Պ. Ֆրանցի տարիքն ըլլալով, այս տղեկն սկսեր է օրիորդ Անթօնին Հիւպէրը սիրելու, աս ևս այն աղւոր տղան սիրեր է, ինչ որ զիս շատ անշահ կացութեան մը մէջ կը դնէ . բարեբաղդաբար դուք կրնաք օգնել ինձ որ այս կացութենէն ազատիմ, տէր :

— Ե՛ս :

— Այո՛, տէ՛ր, ահա՛ ինչպէս . Պ. Փրանցն անմիջապէս ճամբայ հանեցէք, երաշխաւորեցէք ինձ որ քանի մը տարի Փրանսա չպիտի վերադառնայ, և մնացեալն ինձ կը պատկանի :

— Բայց ի՛նչ կ'ըսէք, պարո՛ն . եթէ այդ աղջիկը Փրանցը կը սիրէ . . .

— Մնացեալն ինձ կը պատկանի, ըսի, տէ՛ր . Հիւպէր նախագահը շատ չ'ապրիր, իմ մարտկոցներս պատրաստ են . աղջիկը պիտի ստիպուի անդիւ ծայր ագահ ու ծակաչք պառաւ ազգականուհի մը քով երթալ բնակիլ . հարիւր հազար ֆռանքով այն խռֆածը կրնամ ձեռք ձգել, և աղջիկը մէկ մը անոր ճիրաններուն մէջ որ իյնայ, կ'երգնում թէ պիտի ստիպուի կամայ ակամայ «իկե՛ն Բաստալ ըլլալու, և հաւանական է որ բռնադատելու հարկ չի մնար : Այո՛, տէ՛ր, տասնևհինգ տարեկան տղեկի մը սէրը նշանակութիւն չունի, չեմ՝ ըսեր «իկե՛ն արեգո՛ւն, այլ «իկե՛ն ճիւղո՛ւն»-ի ըլլալու բաղձանքին քով : Հիմայ, տէ՛ր, ահա՛ պայմանս բացէ իբաց յայտնեցի . ձեր բնաւ փոյթը չ'է կարծեմ որ սաներնիդ ստակ մը չ'ունեցող աղջկան մը հետ ամուսնանայ կամ ոչ : Առաջարկած պայմանս շատ դիւրին է : Նորէն կ'ըսեմ . այո՛ թէ ոչ :

Իշխանն շուարած է, ոչ այնքան Բասքալի դիտաւորութիւններէն և գարշելի շնականութենէն, որքան որ այն կացութենէն, ուր կը նետէր զինքը դրամատիրոջ պայմանն :

Եթէ հրամայէր որ Փրանց մեկնի և Անթօնինի հետ ամուսնանալուն դէմ կենար, Մատլէնը կը կորսնցնէր . եթէ Պ. Բասքալի առաջարկած պայմանը մերժէր, կը կորսնցնէր այն փոխառութիւնն, որով պիտի կարենար իւր փառասիրական դի-

տաւորութիւններն կատարել :

Իշխանն՝ այս երկու բուն կրից մաքառման ատեն, իշխանն, իբրև ճշմարիտ իշխան, յիշեց որ աքսորելոյն ներելու միայն խօսք տուեր էր Մատլէնի, վասն զի Փրանցի ամուսնութեանն հաւանութիւն տալու միջոցին Բասքալի բարկութեանը պատճառաւ ծագած աղմուկն իւր խօսքն ընդհատեր էր :

Թէև ասի փախուստի շատ դիւրին միջոց մ'էր, բայց Արքիդուքսն այս միջոցին զգաց թէ մարքիզուհին ի՛նչ աստիճան ազդեցութիւն ունէր իր վրայ, վասն զի նոյն իսկ այն առտուն վայրկեան մը չպիտի վարանէր Փրանցն իւր փառասիրութեանը զոհելու :

Իշխանին վարանումն ու անձկութիւնը ևս քան զիս զարմանք կը պատճառէին Բասքալի, մտքէն իսկ չէր անցած որ Փրանցի մասին ըրած առաջարկութիւնը կարենայ խնդիր յարուցանել . բայց, որպէս զի իշխանին մերժման հետեւանքներն ցոյց տալով՝ նորա որոշմանը վրայ ճնշում բանեցնէ, յարեց .

— Շիտակը, տէ՛ր, ձեր վարանումն անմեկնելի է, ի՛նչպէս . դպրոցականի սիրոյ մը համար թագ մը ձեռք ձգելու ըստուգութենէն պիտի հրաժարի՞ք : Վասն զի վերջապէս ձեզ առաջարկուած դրամութիւնն անկախ է : Այդ դքսութիւնն այս փոխառութեամբ միայն կրնաք ձեռք ձգել, ինչ որ խօսքը մէջերնիս, մեծ պարծանք է բարեմիտ Բասքալին, վասն զի իւր փոքրիկ քսակին իշխանութեամբն կրնայ թագաւորներ շինել և ըստ հաճոյս թոյլատրել կամ արգելուլ այն սիրուն առևտուրն, յորում եզանց կամ դառանց հօտի մը պէս կը վաճառուին ու կը փոխանակուին ժողովուրդներն : Բայց ատոնք ինձ չվերաբերիր : Ես դիւանագէտ չեմ,

խակ ձեր վարանումն չեմ հասկնար : Նորէն կ'ըսեմ, այո՞, թէ ոչ :

— Ո՛չ, ըսաւ Մատլէն՝ մէկէն ի մէկ քովի սենեակէն դուրս ելնելով՝ ուսկից լըսեր էր նախորդ խօսակցութիւնն՝ հաւառակ իշխանին զգուշութեանցն :

Ժ Ը .

Արքիդուքն յանակնկալս տեսնելով Միրանտայի մարքիզուհին, Պ. Բասքալի չափ զարմացաւ . սա նախ ապշած նայուածք մը նետեց Մատլէնի վրայ, կարծելով որ նա ևս պալատը կը բնակի, վասն զի գլխարկն հաներ էր և նորա տարօրինակ գեղեցկութիւնն իւր բովանդակ պերճութեամբն կը փայլէր : Գլխարկին ձգած շուքը, որ մասամբ կը ծածկէր նորա ճակատն ու այտերն, աներևութացեր էր, և սենեկին լոյսը Մատլէնի թուխ դէմքին թափանցիկ մաքրութիւնը աւելի ևս երեսան հանելով, նորա խարտեաշ մազերուն թեթև դանդառներն կ'օսկեզօծէր և սև ու երկար թարթիչներով կապոյտ աչերուն կուտար այն ջինջ տեսքն զոր արևու ճառագայթ մը կուտայ հանդարտ ծովու կապուտին :

Մատլէն, որու այտերն թեթև մը կարմրեր էին՝ Բասքալի զազիր դիտաւորութեան իրեն պատճառած սրտմտութենէն, աչերն բոցավառ, ռնգունքն դողդոջուն, գլուխն սիգօրէն բռնած իւր ճկուն և վայելուչ վզին վրայ, Մատլէն, կ'ըսենք, սրահին մէջ տեղն եկաւ և խօսքն դրամատիրոջ ուղղելով՝ ըսաւ :

— Ոչ, իշխանը չիպիտի ընդունի այն

առաջարկութիւնը, զոր կը յանդգնիք ընել իրեն, պարո՞ն :

— Տիկի՛ն, թոթովեց Պ. Բասքալ, ըզգալով որ իւր սովորական լրբութիւնն ձեռքէն կ'երթար և շփոթած ու հիացած ետ քաշուելով, աիկի՛ն, չ'եմ գիտեր թէ ո՛վ էք և ի՛նչ իրաւամբ . . .

— Օ՛ն, տէ՛ր, ըսաւ մարքիզուհին խօսքը արքիդքսին ուղղելով, եթէ ոչ իշխանի, գոնէ մարդու արժանապատուութիւննիդ ձեռք առէք . ձեզ առաջարկուած նուաստացուցիչ պայմանն իրեն արժանի արհամարհանօք մերժեցէք : Տէ՛ր Աստուած ի՛նչ զոհողութեամբ պիտի ընդունիք այդ թագն : Ի՛նչպէս պիտի համարձակի՞ք այդ թագն այս մարդուն ոտիցը տակէն առնելու : Բայց այն ատեն այդ թագն ձեր ճակատը կ'աղտեղէ . սրտի տէր մարդ մը, ինչ վիճակի մէջ որ ալ ըլլայ, ձեր կրած նուաստութեանց մէկ հազարերորդին իսկ չի հանդուրժեր, տէ՛ր : Եւ դուք իշխան էք, հպարտ էք, այն կարգի մարդոցմէ էք՝ որք ինքզինքնին ռամկէն վեր կը կարծեն : Ըսել է ձեր հպարտութիւնն միմիայն ստրուկ պալատականաց և երկչոտ ժողովրդեան համար է, Պ. Բասքալի մ'առջև կը խոնարհի այդ գերագոյն հպարտութիւնը : Ստակն այդքան զօրաւոր է ուրեմքն, յարեց Մատլէն ևս քան զևս գրքագուելով և նախատական շարժմամբ մը դրամատիրոջ խօսքն ընդմիջելով, տեսէ՛ք որո՛ւ առջև կը խոնարհին, Փա՛ռք Աստուծոյ, այս է ուրեմն այս օրուան արքայից արքայն : Մտածեցէ՛ք, իշխան, ձեր փառասիրութեանն է որ այս մարդն հզօր և յանդուգն է : Օ՛ն, տէ՛ր, փոխանակ ամօթալի նուաստութեամբ մը դնելու բարձր աստիճանի մը դիւրաբեկ խաղալիկն, մէկտի ըրէք այդ եղկելի սնապարծութիւնն, ձեռք առէ՛ք ձեր սրտի

տէր մարդու իրաւունքներն , և պիտի կարենաք այն ատեն խայտառակելով վրանստել սա մարդը որ այնքան լրբութեամբ կը վարուի ձեզ հետ , որքան որ դուք վարուած չէք բնաւ ձեր յետին հարկատուին հետ :

Բասքալ , հարստութեան հասնելէն ի վեր , վարժուած էր բռնապետութեան և երկիւղած յարգանքներ ընդունելու այն անձերէն , որոց բաղդն իւր ձեռքին մէջ էր . երևակայեցէք իւր զարմանքն ու կատաղութիւնն , երբ այսպէս խօսեցաւ Մատլէն , որ մինչև այն ատեն տեսած կանանց եթէ ոչ ամենէն գեղեցիկն , գունէ ամենէն հրապուրիչն էր : Մտածեցէ՛ք իւր յուսահատութիւնը , երբ միտքը բերաւ որ անշուշտ պիտի ստիպուէր Անթօնինէն հրաժարիլ և դքսական փոխառութեան շահը կորսնցնել , ինչ որ իրեն համար սքանչելի գործ մ'էր . ուստի սպառնական կերպով մը գոչեց :

— Զգուշացէ՛ք , տիկին . այդ ստակի իշխանութիւնն շատ միջոցներ կրնայ հայթայթել վրէժխնդրութեան , զգուշացէ՛ք :

— Փա՛ռք Աստուծոյ , գեղեցիկ սպառնալիք , որ զիս շատ կ'ահաբեկէ , յարեց Մատլէն հեգնօրէն խնդալով եւ նշանացի կեցնելով իշխանն , որ քայլ մը կ'առնէր դէպ ի Բասքալ : Կ'ըսէք թէ ձեր իշխանութիւնն մեծ է , պարոն արկղամուր . իրաւ է , ստակին իշխանութիւնը շատ մեծ է . Ֆրանսքֆօրթի մէջ մէկը գիտեմ որ 1830-ին երկու երեք թաղաւորաց ըսաւ . « Կուզէք Ֆրանսայի հետ պատերազմել , ՚ի քոբի ՚ի քոբ , սուստի ո՛չ ես և ո՛չ բնտանիքս ըստակ չպիտի տանք ձեզ : » Եւ պատերազմ չեղաւ : Այս բարի ծերուկն , որ ձենէ հարիւր անգամ աւելի հարուստ է , Պ. Բասքալ , իւր հօրն համեստ տունը կը բնակի և քիչով կ'ապրի , մինչդեռ իւր բարերար

անունն արձանագրուած է հասարակաց օգտակար բաղմաթիւ շքեղ շէնքերու ճակատն : Զինքը ՚ի քոբի քոբ կը կոչեն , և իւր անունն այնքան կ'օրհնուի , որքան ձերն կ'անիծուի ու կը պախարակուի , Պ. Բասքալ : Վասն զի ձեր « ՚ի քոբ և « քոբի քոբ » մարդու համբաւն ինչպէս Ֆրանսայի , նոյնպէս և օտար երկիրներու մէջ հանրածանօթ է : Ո՛հ , այո՛ , դուք շատ ծանօթ էք , Պ. Բասքալ , և չէք կրնար երևակայել թէ ի՛նչպէս կը գնահատեն ձեր ազնուութիւնն և ուղղութիւնը : Մանաւանդ ընդհանուր ակնածութեան առարկայ է այն պատուաւոր դրութիւնն , որով շահեր ու աւելցուցեր էք ձեր անհուն հարստութիւնը : Բոլոր ասոնք մեծ համբաւ մը տուած են ձեզ , պարոն Բասքալ , և ինքզինքս երջանիկ կը համարիմ որ այս պարագային մէջ կրնամ հաստատել ձեզ զայս :

Տիկին , յարեց Պ. Բասքալ անանկ հանդարտութեամբ մը , որ բարկութենէ հարիւր անգամ աւելի ահարկու էր , շատ բան գիտէք , բայց սա միայն չէք գիտեր թէ ի՛նչ տեսակ մարդ է այն մարդը , զոր կը գրգռէք : Զէք գիտեր թէ ի՛նչեր կըրնայ ընել այն արկղամուրն , ինչպէս որ կ'ըսէք :

Իշխանն վերստին սպառնական շարժում մ'ըրաւ , զոր Մատլէն զսպեց . ապա ուսերն ցնցելով ըսաւ :

— Սա միայն գիտեմ որ , Պ. Բասքալ , հակառակ ձեր յանդգնութեանը , լրբութեանն ու արկղամուրին , բնաւ չպիտի ամուսնանաք օրիորդ Անթօնին Հիւպերի հետ , որ վաղը պիտի նշանուի Ֆրանց տը Նէօպէրկի , ինչպէս որ իշխանն հիմայ պիտի ըսէ ձեզ :

Եւ առանց Բասքալի պատասխանին ըստ պատելու , մարքիզուհին հեգնօրէն կէս

բարև մը տուաւ և քովի սենեակը մտաւ :

Արքիդուքսն , Մատլէնի խօսքերուն վեհանձնութենէն յափշտակուելով և ևս քան զևս հրապուրուելով նորա գեղեցկութենէն , Արքիդուքսն , կ'ըսենք , որու սրտին մէջ շատ ոխ ու բարկութիւն կար գիզուած Բասքալի լրբութեանց պատճառաւ , կզգար այն ուրախութիւնն , զոր կզգայ անարգեալ լուծէն ազատող գերին : Նորատի կնոջ կրակոտ ձայնը լսելով այս իշխանին հոգին , որ տոհմային հպարտութեամբ կարծրացած և շողաքորդութեան մթնոլորտին մէջ սառած էր , պահ մը ազնուաբար բարախեց , և ամօթոյ շիկնութիւնն ծածկեց վերջապէս այս սէգ մարդուն ճակատը , երբ չափեց թէ՛ որքան նուաստացեր էր Պ. Բասքալի առջև :

Սա ևս , որ ա՛լ չէր նեղուեր մարքիզուհւոյն ներկայութենէն , գտաւ վերստին իւր յանդգնութիւնն , և խօսքն իշխանին ուղղելով , ըսաւ նմա իր սովորական վայրի հեզնութեամբն , որու կը միանար՝ արքիդքսին ասանկ գեղեցիկ սիրուհի մը ու նենալուն համար զգացած նախանձը , (վասն զի Բասքալ այսպէս կը կարծէր)

— Անիծած . հիմայ չեմ գարմանար , տէր , այնքան երկար ատեն անդրասենեկին մէջ սպասելուս : կը տեսնեմ որ շատ զբաղած էք եղեր : Ես ասանկ բաները աղեկ կը ճանչնամ , և կը շնորհաւորեմ զձեզ . բայց մեզի պէս մարդիկ չեն թողուր որ կին մը իրենց քթէն բռնէ . ուստի , գիտնալով որ դուք ձեր շահերը լուկը ճանչնաք , չեմ կարծեր որ այս փոխառութենէն հրաժարիք և հաւատաք անոր ըսած խօսքերուն , զորս ես չպիտի մոռնամ , տէ՛ր , և , յաւել Բասքալ , որու կատաղութիւնն իւր լրբութիւնը կը կրկնապատկեր , և , հակառակ այն սիրուն կնոջ աննման աչքերուն , պէտք է որ ինձ

ըրած նախատանայ վրէժն առնում :

— Պ. Բասքալ , ըսաւ իշխանն , ուրախ ըլլալով որ վերջապէս պիտի կարենայ վրէժն առնուլ , պարոն Բասքալ , և մատուցել դուռը ցոյց տուաւ անոր , դուրս ելիք , և մէկ մ'ալ հոս օտք մի՛ կոխէք :

— Տէ՛ր , այդ խօսքերն . . .

— Պ. Բասքալ , յարեց իշխանը ձայնը բարձրացնելով և ձեռքը դէպ ի հնչակը երկնցնելով , անմիջապէս դուրս ելէք , ապա թէ ո՛չ ձեզ ես դուրս հանել կուտամ :

— Ընդհանրապէս լրբութեան մէջ այնքան վատութիւն և շահասիրութեան մէջ այնքան նուաստութիւն կայ որ , Պ. Բասքալ , տեսնելով որ յոյսերն կը փճանան և փոխատուութեան շահերն ալ կը կորսնցնէ , զղջաց իւր կոպտութեանն . այնքան նուաստացաւ , որքան որ խրոխտացեր էր մինչև այն ատեն , և ողբալի ձայնով մը ըսաւ իշխանին :

— Կատասկ կ'ընէի , տէր . կը կարծէի որ Ձեր վսեմութիւնն իմ խօսուածքիս ձեռն կ'ախորժէր և ըսածներովս կը զուարճանար , ասոր համար ափեղ ցփեղ խօսեցայ : Ձեր վսեմութիւնն կրնա՞յ կարծել որ այն սիրուն տիկնոջ կատակներուն դէմ բարկացած ըլլամ : Ընդհակառակն , պիտի խնդրեմ Ձեր վսեմութենէն որ , երբ մեր փոխատուութիւնը կնքուի , ինչպէս որ կը յուսամ , նուիրեմ այն ազնիւ կնոջ ինչ որ մենք՝ արկղամուրքս , ինչպէս որ կ'ըսէր քիչ մ'առաջ , զարդարանաց գնդասեղներ կը կոչենք , այսինքն քանի մը հազար ոսկի . տիկնայք միշտ մանր մունր բաներու պէտք կունենան . . .

— Պարոն Բասքալ , ըսաւ իշխանը , որ նորա նուաստութեանը վրայ կը խնդար , դուք թշուառական մ'էք . դուրս ելէ՛ք ,

— Բայց , տէ՛ր , լրջօրէ՞ն կ'ըսէք ինձ

այդ բանն , գոչեց Բասքալ :

Իշխանն առանց պատասխանելու , հըն-
չակը զարկաւ . թիկնապահ մը ներս մը-
տաւ :

— Պարոնը կը տեսնէ՞ք , ըսաւ Արքի-
դուքսը սպային՝ նշանացի Բասքալը ցոյց
տալով : Դիտեցէք զայն :

— Այո , տէ՛ր :

— Անունը գիտէ՞ք :

— Այո՛ , տէր . Պ. Բասքալն է :

— Ուրիշ անգամ եթէ տեսնէք՝ կը
ճանչնա՞ք :

— Կատարելապէս , տէ՛ր :

— Լաւ ուրեմն , այս մարդը մինչև
փողոցին դուռը տարէք , և եթէ երբեք
համարձակի հոս գալ , խայտառակելով
վճնտեցէք :

— Շատ աղեկ՝ տէր , պատասխանեց
թիկնապահը , որ , ինչպէս նաև իր ընկեր-
ներն , Պ. Բասքալի լրբութիւններէն մասն
ունեցեր էր :

Մեր մարդը , տեսնելով որ իւր յոյսե-
րը կը բճանան և ա՛լ ևս քաշուելու կէտ
մը չունենալով , յանդգնութիւնը ձեռք ա-
ռաւ , գլուխը վեր վերուց և ըսաւ իշխա-
նին որ , այսքան վրիժառութեան գոհ ըլ-
լալով , կը փութար Մատլէնի քով երթալ :

— Է՛ , պարոն Արքիդուքս , երկուք-
նուս ալ քաջութիւնը և նուաստութիւնը
միևնոյն ի՞նչե՞ են . անցեալ օր ես հզօր
էի | ձեր վատութեամբն , ինչպէս որ
քիչ մ'առաջ դուք հզօր եղաք իմ վատու-
թեամբը : Հոս միակ քաջ անձը այն անի-
ծեալ կինն է , այն սև ընթուիններով , եւ
խարտեաշ մազերով կինը , բայց ես ձեր
երկուքէն ալ վրէժս պիտի առնեմ :

Իշխանը , բարկանալով որ սպայի մ'առ-
ջեւ այս խօսքերն կ'ընէ իրեն՝ կարմրեցաւ
և կատաղութեամբ ոտքը գետին զարկաւ :

— Դուրս պիտի ելլէ՞ք , պարոն գոչեց

սպայն՝ ձեռքը սուրին տանելով և Բասքա-
լի սպառնալով , դ'ուրս , ապա թէ ոչ . . . :

— Կեցէ՛ք , պարոն կռուասէր , պա-
տասխանեց Բասքալ ետ քաշուելով : Կէ-
ցէ՛ք , հոս մարդ սպաննել չըլլար , գիտէ՞ք
հոս Ֆրանսա է , գիտէ՞ք , և ոստիկանու-
թեան պաշտօնեայներ կան , գիտէ՞ք , որ
հարստահարուող պարկեշտ քաղաքացի-
ներն կը պաշտպանեն :

Պ. Բասքալ պալատէն դուրս ելաւ սիր-
տը թոյնով լի , ատելութեամբ կրծուած
և կատաղութենէն պայթելով . միտքը կը
կը բերէր իւր շահն ու սէրը , որք երկու-
քըն ալ ի դերեւ ելեր էին և մտքէն չէր
կրնար վանել Մատլէնի կրակոտ ու դալուկ
դէմքն , որ , առանց Անթօնի կուսական
գեղեցկութեան անբծութիւնն մոռցնել
տալու իրեն , կարծես աւելի ևս ներկայ
ցոյց կուտար զայն իւր մտաց , վասն զի
այս երկու կատարեալ և սակայն աննը-
ման տիպերն իրարու արժէքն կ'աւելցը-
նէին , նոյն իսկ այն պատճառաւ որ միմ-
եանց հակապատկեր մը կը ձեւացնէին :

— Մարդս տարօրինակ կենդանի մ'է ,
վագրի բնազդումներ կ'զգամ յիս , կ'ըսէր
Պ. Բասքալ ինքնիրեն : Մանրաքայլ յա-
ռաջանալով Փօպուրկ—Սէնթ—Օնօրէ փո-
ղոցին մէջ , երկու ձեռքերը տափատին
գրպաններուն մէջ խոթած : Ո՛չ , յարեց
նա գլխիկոր քալելով և աչքերն մեքենա-
բար յառելով սալայատակին վրայ , ո՛չ ,
ասիկայ ուրիշներուն ըսելու չէ , որպէս զի
մեզ միլիոնատեարցս նտխանձողները չի
մխիթարուին : վասն զի բարեբախտարար
մեզ նախանձողներն ալ սոսկալի կերպիւ
կը տառապին : Բայց վերջապէս իրակա-
նութիւնն այս է , ահաւասիկ ես սըն-
տուկիս մէջ պէտք եղածէն աւելին
ունիմ՝ մարդու մը երազած բոլոր ներելի
կամ արդիլեալ վայելքներովն յագենալու

համար . տակաւին երիտասարդ եմ , ան-
միտ չեմ , առոյգ և առողջ եմ , թռչնոյ
պէս ազատ , երկիրն իմս է , կրնամ ըս-
քանչելի կեանք մը անցնել Բարիզու , Լօն-
տօնի , Վիէննայի , Նաբօլիի մէջ . կրնայի
իշխան , դուքս կամ մարքիզ ըլլալ ու ժա-
պաւէններով զարդարուիլ , այս իրիկուն
կրնամ ննջարանիս մէջ ունենալ Բարիզու
ամենէն գեղեցիկ և ամենէն ըղձացեալ
գերասանուհիները , ամէն օր կրնամ Լու-
կուլլօսի պէս ընթրել : Բարիզու ամենէն
գեղեցիկ ձիերն կառքիս լծել , կամ , մէկ
ամսուան մէջ , շքեղ ապարանք մը ունե-
նալով , ուրիշ խել մը աւանակներու կամ
խարերաներու պէս , տունս ժողուել Բա-
րիզու և Եւրոպայի ընտրելագոյն ընկե-
րութիւնն . սա կէ՞ Բաբարու , զոր քիչ մը
նաց պիտի օժէի Ֆրանսայի դրամատան
սուրբ իւղոմիս , սա Արքիզուքսը ոտքերս
լիղեց : Բայց , յարեց Բասքալ ակռաները
կճրտեցնելով , գրաւ կը դնեմ որ աշխար-
հիս մէջ այս միջոցիս չկայ մարդ մը որ ինձի
չափ տառապի : Գիւղային ծերուկ վաշ-
խառուին կօշիկները մաքրած ատենս հի-
մակուան բաղդատմամբ արքայութիւն էր :
Բարերազգարար կրնամ Տիւթէրթըրը
մինչեւ որ լաւագոյն պատառ մ'անցնի
ձեռքս : Ոստիկանիս երթանք :

Դրամատիրոջ մեկնելէն վերջը Արքի-
զուքսը փութաց երթալ Միրանտայի մար-
քիզուհին գտնել , ինչպէս որ ըսինք . բայց
զարմանօք տեսաւ որ մտած սենեկին մէջ
չէր :

Այս սենեկիս դուռն սպասաւորաց սը-
րահը հանելով , իշխանը թիկնապահնե-
րուն հարցուց թէ տեսեր էին այն անձը ,
որու ունկնդրութիւն շնորհած էր : Պա-
տասխանեցին թէ այս տիկինը սրահէն
դուրս ելաւ և պալատէն մեկնեցաւ՝ Պ.

Բասքալի երթալէն քիչ առաջ :


Արդարեւ Մատլէն հեռացեր էր , թէև
ի սկզբան որոշերէր իշխանին սպասել՝ մին-
չեւ որ Պ. Բասքալի հետ խօսակցութիւնն
աւարտի :

Բայց ահաւասիկ ինչ պատճառաւ հա-
կառակ որոշում մը տուեր էր մարքիզու-
հին :

Պ. Բասքալի հետ ըստ արժանւոյն վար-
ուելէ յետոյ սրահը կը մտնէր , երբ դիպ-
ուածաւ պարտէզը նայելով՝ նշմարեց ըզ-
Ֆրանց , որ շնորհ խնդրեր էր չի մեկնած
քանի մը պտոյտ ընել պարտէզին մէջ՝
Պիւթէր հաղարապետին հետ :

Մատլէն զՖրանց տեսնելով , արձանա-
ցաւ :

Ճանչցաւ իւր Խարտեալ Կեռլէն , այն
խտէական ու մինակ սիրոյն առարկան ,
զոր խոստովաներ էր Սօֆի Տիւթերթրի :



Ժ Թ .

Մատլէն անմիջապէս հասկցաւ որ իւր
տեսած մենամարտութեան դիւցազնը ,
իւր խարտեալ քերովբէն , իւր սիրոյն ի-
տէականը , և Ֆրանց՝ Անթօնինի սիրոյն
առարկայն , մի և նոյն անձն էին :

Մարքիզուհին այն ատեն խոր ցաւ ըզ-
գաց , մինչեւ այն ատեն այս սէրը , որ
խորհրդաւոր և անծանօթ էր , այս անուշ
երազի մը յիշատակին նման գեղեցիկ ու
անորոշ սէրը բաւ եղած էր իւր սիրտն
լեցնելու իւր կենաց շփոթութեանց մի-
ջոցին :

Մատլէն երբէք մտաբերած չէր որ իւր

խտէայն ուրիշ կին մը սիրէր, կամ թէ երբեք իւր միտքն այս կասկածը չընդունած չէր. բայց իրեն, իւր ծիծաղկոտ քերովբէն սպիտակ թեւեր ունէր, որք եթերային անհուն դաշտերուն մէջ ամէն աչքերէ կը կորզէին զինքը, անդադար ոչ պղատօնական թախանձանօք շրջապատեալ ըլլալուն, բարոյական անբացատրելի բերկրութիւն մը կ'իմանար աննիւթ նահանգները բարձրանալ, որ իւր շացեալ աչքերն իւր խտէային սաւառները կը տեսնէին:

Բայց յանկարծ իրականութիւնը քերովբէին թեւերը կտրեց և երկնային օթեւաններէն վար իյնալով, եղաւ գեղեցիկ երիտասարդ մը, որ ԱՅ տարու աղջկան մը սիրահարած և այդ աղջիկն ալ զինքը կը պաշտէր:

Այն ատեն Մատլէն տեսակ մը տրխրութիւն, կամ թէ ըսենք անուշ մելամաղձութիւն զգաց նման այն մելամաղձութեան, զոր կզգայ մարդ գեղեցիկ երազէ մ'արթնցած ատեն. վասն զի ով որ նիւթապէս չի սիրեր, նախանձու տանջանքներն չզգար: Ըսել է Մատլէն չէր կըրնար նախանձիլ Անթօնինի: Վերջապէս, Ֆրանց թէ և միշտ գրաւած էր Մատլէնի միտքն, բայց իւր կենացը մէջ փոքր մաս մը միայն ունեցեր է. ուստի անկարելի էր խզել այն հազարաւոր կապերն, զորս սովորութիւնը, համակրութիւնն ու վստահութիւնը այնքան անուշ կ'ընեն. սակայն տաժանելի նախազգացումներ ունեցաւ, զորս չէր հասկնար. . . յանկարծ դողաց ու ըսաւ.

— Եթէ դժբաղդութիւնն այնպէս բերէ որ բոլոր ինձ մօտեցողներուն վրայ ըրած ազդեցութիւնս Ֆրանցի վրայ ալ ընեմ, եթէ ես ալ մասնակցիմ այդ տպաւորութեան, տեսնելով որ մինչեւ այսօր

սիրտս ու միտքս գրաւող միակ երիտասարդը կը սիրէ զիս, այն ատեն . . .

Ապա ջանալով ապահովել, Մատլէն ըսաւ ինքնին.

— Բայց ո՛չ, Ֆրանց չափազանց կը սիրէ զԱնթօնին, սա իւր առաջին սէրն է, այն սիրուն անբժութիւնն պիտի պահպանեն զինքը: Նա իմ մասիս պիտի զգայ այն պաղութիւնը, զոր ես կ'զգամ ամենուն համար: Այո՛, բայց ի՞նչէն գիտնամ որ Անթօնինի համար ունեցած սուրբ, գրեթէ մայրական սիրոյ պարտականութիւններս մոռնալով, մտաց ու հրապուրանաց ամէն միջոցներն ի դործ չպիտի դնեմ՝ Ֆրանցի անտարբերութեանն յաղթելու համար: Ո՛հ, ոչ, այդ գարշելի բան կ'ըլլայ. բաց յաստի՛ Ֆրանց զանի չափազանց կը սիրէ: Աւա՛ղ, Սօֆիի Քամուսինն ալ չափազանց կը սիրէ իւր կինը . . . և կը վախնամ որ . . .

Մարքիզուհւոյն այս մտածումներն ընդհատեցան Արքիդքսին ձայնէն, որ Բասքալին կը հրամայէր դուրս ելլել. այն ատեն այս վիճաբանութեան ականջ տալով, նա ինքնիրեն ըսեր էր.

— Այս մարդը վունտելէն ետքը իշխանը հոս պիտի գայ, ամենէ ստիպողականը նայինք:

Այն ատեն գրպանէն տետրակ մը հանեց, մէկ թերթը պատռեց ու մատիտով քանի մը բառ գրեց, ապա թուղթը ծալելոց ու գնդասեղով մը դոցեց: Իբր հասցէ իշխանին համար գրելով վրան, այս տոմսը սրահին մէջ տեղը դտնուած մարմարեայ սեղանի մը վրայ դետեղեց և գլխարկը դ՛ընելով դուրս ելաւ՝ Պ. Բասքալի երթալէն քիչ առաջ, ինչպէս որ ըսինք արդէն:

Մինչդեռ արքիդքսն մարքիզուհին չի գտնելուն համար ապշած ու վշտացած, անմեկնելի անձկութեամբ մը կը բանար

նորա տոման , Մատլէն կ'երթար Անթօնի-
նի տունը , ուր պիտի գտնուէր նաև Սօ-
ֆի Տիւթէրթըրը :

Մարքիզուհին Հիւպէր նախագահին
տունը հասնելով , Սօֆի Տիւթէրթըրը դէմն
ելաւ և անձկութեամբ ըսաւ .

— Մատլէն , իշխանը տեսա՞ր :

— Այո՛ , և յոյս ունիմ :

— Կարելի՞ է . . . :

— Այո՛ , սիրելիս Սօֆի , կարելի է ,
բայց այնչափ միայն : Չեմ ուզեր անտեղի
յոյս մը տալ այս խեղճ տղուն : Ինքն ո՞ւր
է :

— Հօրեղբօրը քովն է : Բարեբաղդա-
բար այս առտուան տաղնապը ևս քան
զևս գոհացուցիչ արդիւնքներ կունենայ :
Քիչ մ'առաջ բժիշկը ըսաւ որ եթէ այս-
պէս շարունակէ , Պ. Հիւպէր այս իրիկուն
վտանդէ կ'ազատի :

— Ինձի նայէ՛ , Սօֆի , կը կարծես որ
Պ. Հիւպէր այցելութիւն մը ընդունելու
վիճակին մէջ ըլլայ :

— Որո՞ւ կողմէ :

— Մէկէն : Ասկէց աւելին չեմ կրնար
ըսել առ այժմ :

— Կարծեմ թէ այո՛ , վասն զի Պ. Հիւ-
պէրի բարեկամաց մին հիմայ դնաց : Մի-
այն թէ լրժիշկը ապսպրեր էր իրեն որ
շատ չի կենայ , որպէս զի հիւանդը չի
յողնեցնէ :

— Խիստ լաւ : Անթօնին խիստ մտա-
հոգութեան մը մէջ ըլլալու է :

— Խեղճ տղայ , մարդուս սիրտը կը
յօշօտի : Մատլէն , ապահով եմ որ ցաւէն
կը մեռնի , եթէ ստիպուի Ֆրանցէն զատ-
ուիլ : Ա՛հ , մահը հազար անգամ աղեկ է
քան թէ ուրիշ տեսակ ցաւերը , յաւել
Սօֆի անանկ տխուր ձայնով մը որ աչքե-
րէն արցունքներ վազեցին . ապա՛ զանոնք
սրբելով , ըսաւ , այո՛ , բայց երբ մարդ զա-

ւակներ ունի . . . պէտք է ապրի . . . :

Մատլէն այնքան զարմացաւ տիկին
Տիւթէրթի ձայնին , նորա դեղնութիւնը
զոր չէր նշմարած , նորա թափած ար-
ցունքներուն , որ ըսաւ .

— Սօֆի , ի՞նչ ունիս . ի՞նչ կը նշանա-
կեն , այդ տաժանելի խօսքերը , ինչո՞ւ
կուլաս : Երեկ քենէ զատուած ատենս
հանդարտ ու երջանիկ էիր , ի բաց առ-
եալ ամուսնոյդ գործերուն վրայով ունե-
ցած թեթև մտահոգութիւնդ , ինչպէս որ
ըսիր : Այսօր նոր բա՞ն մը կայ միթէ :

— Ո՛չ . . . չեմ . . . կարծեր , պա-
տասխանեց տիկին Տիւթէրթըրը վարան-
մամբ : Բայց , երեկուրնէ ի վեր . . . ա-
մուսնոյս գործերը չ'են որ ինձ մտահո-
գութիւն կը պատճառեն , այլ . . .

— Ի՞նչ :

— Ո՛չ , ո՛չ , ես անմիտ եմ , յարեց
տիկին Տիւթէրթըրը ինքզինքը զսպելով և
կարծես բերնէն փախչել ուզող խօսքերն
բռնելով , իմ խօսքս չ'ընենք , Անթօնինի
վրայ խօսինք , այս խեղճ տղուն յուսա-
հատութիւնն այնքայն այլայլեց զիս որ ,
իւր վշտերն կարծես իմ վշտերս են :

— Սօֆի , դու ճշմարիտը չ'ես ըսեր
ինձ :

— Իրաւ կ'ըրեմ որ . . .

— Դու փոխուեր և դեղներ ես : Այո՛ ,
երեկուրնէ ի վեր տառապեր , շատ տա-
ռապեր ես , ասոր ստոյգ եմ :

— Բայց ո՛չ , պատասխանեց նորատի
կինը՝ թաշկինակը աչացը վրայ դնելով ,
կը սխալիս :

— Սօֆի , ըսաւ Մատլէն աշխուժիւ՛
Բարեկամուհւոյն ձեռքերն իւր ձեռացը մէջ
առնելով , չ'ես գիտեր թէ վրաս վստա-
հութիւն չ'ունենալդ ո՛րքան ցաւ կը պատ-
ճառէ ինձ . այնպէս կարծել կուտաս ինձ
որ ինէ գանգատ մ'ունիս . . .

— Ի՞նչ կ'ըսես, գոչեց Սօֆի, որու ցաւ կը պատճառէր խոյս կասկածը, դու իմ լաւագոյն մտերմութիւնս ես և պիտի ըլլաս միշտ, ու եթէ իմ ցաւերովս քեզ տաղտկացնելէ չի վախնայի:

— Նորէ՞ն, յարեց մարքիզուհին սիրալիր յանդիմանութեան ձայնով մը:

— Ներէ՛, ներէ՛, Մատլէն, բայց միթէ բաւ չէ՞ որ մարդ իւր բարեկամաց վստահի իւր իրական վշտերն, առանց տխրեցնելու զանոնք՝ խոստովանելով անոնց անստոյգ և սակայն սոսկալի կանխազգացումներ:

— Սօֆի, սիրելիս Սօֆի, տեսնենք ի՞նչ են այդ կանխազգացումներն:

— Երէկուրնէ ի վեր . . . բայց ո՛չ, ո՛չ, զիս յիմար պիտի կարծես:

— Կարելի է, բայց կ'աղաչեմ որ խօսիս:

— Շատ լաւ ուրեմն, ինձի այնպէս կուգայ որ երեկուրնէ ի վեր ամուսինս տեսակ մը հաստատուն գաղափարի իշխանութեանն տակ է, որ ամբողջապէս կը գրաւէ զինքը:

— Կարելի՞ է գործի զբաղումներ են:

— Ո՛չ, ո՛չ, ուրիշ բան ունի, և այս է որ զիս կը սոսկացնէ:

— Ի՞նչ նշմարեցիր ուրեմն:

— Երեկ, քու մեկնելէդ վերջը, որոշեր էինք որ երկու տեղ պիտի ներթար, որք խիստ կարեւոր էին մեզ համար: Տեսնելով որ ժամանակն կ'անցնի, մեր սենեակը գացի, ուր գացեր էր նաև ինքը հագուելու համար: Տեսայ որ դեռ իւր աշխատութեան զգեստներովն է, սեղանի մը առջեւ նստած, ճակատը ձեռքին կրթնընցուած. ներս մտնելս չէր լսած: «Շարլը, ըսի իրեն, ժամանակն անցաւ, դուրս պիտի ելլէիր: — Ինչո՞ւ համար, հարցուց: — Բայց երկու կարեւոր այցե-

լութիւններ ունէիր գործերուդ համար (և զանոնք յիշեցուցի իրեն): — Իրաւունք ունիս, ըսաւ ինձ, մոռցեր էի: — Բայց ի՞նչ կը մտածէիր ուրեմն, Շարլը, » ըսի իրեն: Նա կարմրեցաւ, կարծես չփոթեցաւ և պատասխան չտուաւ:

— Կարելի է նպատակ մը, դիտաւորութիւն մ'ունի, զոր չուզեր քեզ բացատրել:

— Կարելի է, և սակայն երբեք բան չի ծածկէր ինէ, նոյն իսկ իւր ամենէն անստոյգ դիտաւորութիւններն. ո՛չ, ո՛չ, իւր միտքը գրաւողը գործերը չեն, վասն զի փոխանակ երեկ իրիկուն հօրն ու ինձ հետ խօսելու իրաց վիճակին վրայ, որ կը խոստովանիմ թէ քեզ ըսածէս շատ ծանր է, Մատլէն, Շարլը բոլորովին տարբեր բաներու վրայ խօսեցաւ: Եւ միայն այն ատեն չի կրցի զինքը պարսաւել, վասն զի դիտաւորաբար քու վրայօքդ խօսեցաւ մեզ:

Ի՞մ վրաս . . . ի՞նչ ըսաւ:

— Թէ իրեն հետ շատ ազնուաբար վարուեր ես երեկ առտու. վերջէն հազար բաներ հարցուց ինձ քու մանկութեանդ ու կեանքիդ վրայ, հարկաւ կը գուշակես թէ ուրախութեամբ պատասխանեցի իրեն: Վերջը մէկէն ի մէկ ինկաւ տխուր լռութեան մը, անանկ խոր մտազբաղութեան մը մէջ որ, ոչինչ կրցաւ զինքն սթափեցընել, և ո՛չ իսկ իւր զաւակաց գգուանքներն:

Այս միջոցին Պ. Հիւպէրի ծերուկ ծառայն, զոր տիկին Տիւթէրթը կը ճանչնար, զարմացած ու շուարած դէմքով մը ներս մտաւ և Սօֆիին ըսաւ:

— Տիկին, օրիորդ Անթօնին հարկաւ պարոնին քովն է:

— Այո՛, Բիէր, ի՞նչ կայ:

— Ա՛հ, տիկին . . . շատ զարմացայ, և ի՞նչ պատասխանելիքս չգիտցայ:

— Բիէ՛ր , ի՞նչ կըսես :

— Կեցէ՛ք , տիկին : 'Դուրսը սպայ մը կայ , հաւանականաբար Էլիզէի մէջ բնակող իշխանին սպայներէն :

— Վերջը :

— Այդ սպայն կ'ըսէ թէ նամակ մը ունի , զոր կ'ուզէ անձամբ յանձնել պարոն Հիւպէրի , որ պատասխան մը պիտի տայ եղեր : Թէ և ըսի իրեն որ պարոնը շատ հիւանդ է , բայց ինքը պատասխանեց որ խիստ կարեւոր և ստիպողական դործի մը համար է , և թէ Էլիզէ բնակող իշխանին կողմէն կուգայ , այն ատեն վաղեցի ձեզ հարցնելու թէ ի՞նչ պէտք է ընեմ :

Տիկին Տիւթէրթըը իւր վիշտերը մոռնալով՝ Մատլէնին դարձաւ և ուրախութեամբ ըսաւ անոր .

— Յոյսդ անտեղի չ'է եղեր , իշխանին այս նամակն կարելի է իւր հաւանութիւնը կը պարունակէ . խեղճ Անթօնի՛ն , ո՛րքան երջանիկ պիտի ըլլայ :

— Այդքան մի՛ աճապարեր դուարթանալու , սիրելիս Սօֆի : Սպասենք , բայց դու գնա՛ այն սպային քով , որ անշուշտ իշխանին թիկնապահներէն մին է : Ըսէ իրեն որ Պ . Հիւպէր , թէև քիչ մը լաւ է , բայց չի կրնար զինքն ընդունիլ . աղաչէ իրեն որ նամակը քեզ յանձնէ , և ըսէ որ զայն Պ . Հիւպէրի տալով՝ պատասխանը կը տանիս իրեն :

— Իրաւունք ունիս , Մատլէն : Էկո՛ւր Բիէն , ըսաւ Սօֆի՝ ծերունի սպասաւորին հետ դուրս ելլելով :

— Չէի սխալած , ըսաւ մարքիզուհին՝ երբ առանձին մնաց : Պ . Տիւթէրթըը այն նայուածքները . . . Շիտակը աղետալի բա՛ն : Բայց , յաւել կիսովին ժպտելով , յուսամ որ նորա այս անհաւատարմութենէն պիտի կարենամ օգուտ քաղել Սօֆիի և իւր ամուսնոյն համար :

Ապա , պահ մը մտածելէ վերջը Մատլէն յարեց :

— Իշխանը շատ ճշտապահ է : Ո՛ւր էր որ տոմսակիս մէջ դրուած միւս յանձնարարութիւնն ալ նոյնպէս կատարէր :

Այն միջոցին Անթօնին հօրեղբօրը սենեակէն դուրս ելաւ : Խեղճ տղան՝ մարքիզուհին տեսնելով , չի համարձակեցաւ քայլ մ'առնել : Անշարժ , համբ ու դողդոջուն մնաց , անձկութեամբ իւր վիճակին սպասելով , վասն զի Մատլէն խոստացեր էր առաւօտուն բարեխօսել իշխանին մօտ :

Այն ատեն Սօֆի ձեռքը բռներ էր թիկնապահին տուած նամակը , զոր Անթօնիին յանձնեց ու ըսաւ :

— Ա՛ւ , աղջիկս , և անմիջապէս հօրեղբօրդ տար : Շատ կարեւոր է , պատասխանը թո՛ղ քեզ տայ և ես նամակը բերողին կը յանձնեմ զայն :

Անթօնին նամակն առաւ տիկին Տիւթէրթըրի ձեռքէն և հետաքրքիր նայուածք մը նետեց իւր երկու մտերմուհեաց վրայ , որք յուսալիր նայուածք մը փոխանակեցին . նոցա դեմքն այնքան դարմանք պատճառեց Անթօնիին որ , խօսքը երկու նորատի կանանց ուղղելով՝ ըսաւ :

— Սօֆի , Մատլէն , ի՞նչ կայ : Լուութեամբ իրարու երես կը նայիք և այս նամակը . . ի՞նչ կ'անցնի արդեօք , տէ՛ր Աստուած :

— Շուտ գնա , աղջիկս , ըսաւ Մատլէն , մենք հոս կը սպասենք :

Անթօնին , ևս քան զևս այլայլելով . շտապաւ իւր հօրեղբօրը սենեակը մտաւ , տիկին Տիւթէրթըը , տեսնելով որ մարքիզուհին գլուխը կը ծռէ և լուռ ու մտախոհ կը մնայ , ըսաւ անոր :

— Մատլէն , ի՞նչ ունիս :
— Ոչինչ , սիրելիս : Եթէ յոյսերս ի

դերեւ չելեն, Անթօնին շատ երջանիկ պիտի ըլլայ :

— Եւ այդ երջանկութիւնն քեզ պիտի պարտի : Ինքն ու Ֆրանց ինչպէս յափքշտակութեամբ պիտի օրհնեն դքեզ, վասն զի դու նոցա նախախնամութիւնն եղած

ի մէկ դուրս ելաւ քովի սենեակէն, չըքնաղ դէմքը աննկարագրելի զարմացման ու ուրախութեան արտայայտութեամբ մը տողորուած, ապա առանց խօսք մը կարենալ ըսելու, Մատլէնի վիզը նետուեցաւ, բայց կ'երեւի թէ այլայլութենէն



ՖՐԱՆՑ

պիտի ըլլաս :

Մատլէն Ֆրանցի անունը լսելով՝ սարսուռաց, թեթեւ մը կարմրեցաւ և ամպ մը անցաւ ճակտին վրայէն : Սօֆի ժամանակ չունեցաւ իւր մտերմութեան այլայլութիւնը նշմարելու, վասն զի Անթօնին մէկէն

յանկարծ դեղնեցաւ և երկու մտերմութեամբ պարտաւորեցան բռնել զինքը :

— Փա՛ռք Աստուծոյ, ըսաւ Սօֆի, հակառակ քու այլայլութեանդ ու դալկութեանդ, սիրելիս Անթօնին, ապահով եմ որ յաջող լուր մը կայ :

— Մի՛ դողար այդպէս, սիրելիս, յարեց նոյնպէս Մատլէն : Հանդարտէ՛. ինքզինքիդ եկո՛ւր :

— Ո՛հ, եթէ գիտնայի՛ք, մրմնջեց նորատի աղջիկը : Ո՛չ, ո՛չ, դեռ չեմ կըրնար հաւատալ :

Միրանտայի մարքիզուհին Անթօնինի ձեռքերն բռնելով դորովանօք, ըսաւ անոր .

— Պէտք է միշտ երջանկութեան հաւատալ, զաւակս . բայց ըսէ տեսնեմք ի՞նչ է :

— Քիչ մ'ուաաջ, յարեց նորատի աղջիկը ուրախութեան արտասուօք ընդհատեալ ձայնով մը, նամակը հօրեղբօրս տարի, ինձի ըսաւ . « Անթօնին, աչքերս շատ տկար են, կ'աղաչեմ, սա նամակը կարգա : » Այն ատեն պահարանը բացի. չեմ գիտեր ինչո՛ւ սիրտս տակաւին սուկայի կերպով կը տրոփէ, տակաւին հիմայ ալ, յաւել նորատի աղջիկը՝ ձեռքը կուրծքին վրայ դնելով, իբրու թէ նորատրոփումն արգիլելու համար, ապա յարեց :

— Նամակը կարգացի, մէջը գրուած էր թէ . ո՛հ, բառ մ'անգամ չի մոռցայ .

« Պ. Հիւպէր նախագահ, թէ եւ տրկար վիճակի մէջ էք, սակայն կ'աղաչեմ որ, եթէ կարելի է, վայրկեան մը տեսակցութիւն շնորհէք ինձ խիստ կարեւոր և ստիպողական դործի մը համար :

« Չեր անձնուէրն՝
« ԼԵՕՔՕԼՏ-ՄԱՔՍԻՄԻԼԻԷՆ »

— Բայց, ըսաւ հօրեղբայրս անկողնոյն վրայ նստելով, ատիկայ էլիզէի մէջ բնակող իշխանին անունն է : » Կը . . . կը . . . կը կարծեմ . . . : որ այո, հօրեղբայր, պատասխանեցի : — Արդեօք ի՞նչ կ'ուզէ ինէ, յարեց հօրեղբայրս : — Չեմ գիտեր, պատասխանեցի դողալով ու շիկնելով, վասն զի կը ստէի, և կ'ամչնայի որ տակաւին չէի համարձակած խոստովանիլ իրեն որ Պ. Փրանցը կը սիրեմ : Այն ատեն հօրեղբայրս ըսաւ . « Թէ և հիւանդ եմ, բայց անկարելի է որ իշխանը չընդունիմ : Կ'աղաչեմ, Անթօնին, ես դեռ շատ տկար եմ և չպիտի կարենամ գրել իրեն, ուստի ըսելիքս լաւ միտքդ պահէ և գնա գրէ :

« Տէր, տկարութիւնս չի ներելով որ
« անձամբ Ձեր վստմութեան պատասխանելու պատիւն ունենամ, օտար ձեռքի
« մը կը դիմեմ ըսելու համար ձեզ, տէր,
« թէ ձեր հրամանաց պատրաստ եմ : »

— Հիմայ հօրեղբօրս կողմէն այս նամակը պիտի գրեմ, յարեց Անթօնին՝ սեղանին վրայ գրուած գրակալին մօտենալով, բայց, Սօֆի, ո՛չ ապաքէն պէտք է ծունդի գալով օրհնեմ զՄատլէն, վասն զի եթէ իշխանն ուզէր դէմ կենալ Պ. Փրանցի հետ ամուսնանալուս, հօրեղբայրս տեսնելու չէր գար, անանկ չէ՞, Սօֆի : Եւ եթէ Մատլէն չըլլար, միթէ իշխանը երբեք կը հաւանէ՞ր հոս գալ :

— Ես ալ կ'ըսեմ որ պէտք է Մատլէնն օրհնել՝ յարեց տիկին Տիւթէրթըրը, մարքիզուհւոյն ձեռքը սեղմելով : Բայց նորէն կ'ըսեմ որ դու անպատճառ հմայեակ մը ունիս, որ այսպէս ուղածդ կ'ընդունիս :

— Ա.փսո՛ս, սիրելիս Սօֆի, յարեց մարքիզուհին ժպտելով, այդ հմայեակը, եթէ ունիմ ալ, այլոց օգուտ ունի . . . և ոչ ինձի :

Երբ երկու մտեմուհիք այս խօսքերը կը փոխանակէին, Անթօնին գրակալին առջև

նստեր էր . սակայն երկու վայրկեան ի
զուր ճգնելէ վերջը՝ պարտաւորեցաւ գը-
րելէ ետ քաշուիլ . նորա փոքրիկ ձեռքն
անանկ ուժգին կը դողար որ , չէր կրնար
գրիչը բռնել :

— Թո՛ղ որ ես անցնիմ քու տէղդ սի-
րելիս , ըսաւ Մատլէն , քու տեղդ ես
կը գրեմ :

— Ներէ՛ , Մատլէն , ըսաւ նորատի աղ-
ջիկը՝ իւր տեղն մարքիզուհւոյն ձգելով :
Յանցանքն իմն չէ՛ եթէ չեմ կրնար :

— Ո՛չ , յանցանքն սրտինդ է , խեղճ
աղջիկս : Կ'ըմբռնեմ քու այլայլութիւնդ ,
ըսաւ մարքիզուհին հաստատուն ձեռք
գրելով Հիւպէր նախագահին պատաս-
խանը : Հիմայ , յաւել , մէկը կանչէ , Ան-
թօնին , որպէս զի այս նամակը իշխանին
թիկնապահին յանձնուի :

Ծեր սպասաւորը ներս մտաւ և նամակն
առաւ որ սպային տայ :

— Այս ժամուս փոքրիկ Անթօնինս , ը-
սաւ մարքիզուհին նորատի աղջկան , պարտք
մ'ունիս կատարելու , և ապահով եմ որ
Սօֆի ալ ինձ համակարծիք է , իշխանը
չեկած , պէտք է որ ամէն բան խոստո-
վանիս հօրեղբօրդ :

— Մատլէնի ըսածը շատ իրաւ է ,
յարեց Սօֆի . չվայլէր (որ Պ. Հիւպէր իշ-
խանին այցելութեան հաւանական պատ-
ճառը չգիտնայ առաջուց :

— Հօրեղբայրդ բարի ու ազնիւ է , սի-
րելիս Անթօնին , յաւել Մատլէն , և կը
ներէ մինչեւ այսօր վախնալով չի խոստո-
վանելուդ :

— Կզգամ որ երկուքդ ալ իրաւունք
ունիք , ըսաւ Անթօնին . ասկէց զատ այդ
խոստովանութենէն չեմ խպնիր , վասն զի
առանց գիտնալու և ահամայ սիրեցի ես
զՊ. Ֆրանց :

— Ուրեմն գնա՛ պատմէ հօրեղբօրդ ,
զաւակս , վասն զի իշխանը ուր որ է կու-

դայ : Բայց , ինձ նայէ՛ , յաւել մարքիզու-
հին , մասնաւոր պատճառաւ մը չեմ ու-
զեր իշխանին եկած ատենը հոս գտնուիլ .
այս սրահէն քու սենեակդ կ'երթուի :

— Սա նրբուղին իմ սենեակս կը հա-
նէ , պատասխանեց Անթօնին , Սօֆի գի-
տէ ճամբան :

— Այո՛ , եկուր քեզ առաջնորդեմ ,
Մատլէն , յարեց Սօֆի ոտքի ելնելով ,
ինչպէս նաև մարքիզուհին , որ գորովանօք
համբուրելով Անթօնինի ճակատը , հօրեղ-
բօրն սենեկին դուռը ցոյց տուաւ և ըսաւ .
չուտ գնա՛ , սիրելիս , վայրկեաններն թան-
կագին են :

Նորատի աղջիկը փափուկ երախտագի-
տութեան նայուածք մը նետեց երկու մը-
տերմուհեաց վրայ , սոքա սրահէն ելլելով
կ'երթային , երբ ծեր սպասաւորն անոնց
մօտեցաւ և Սօֆիի ըսաւ .

— Տիկին , Պ. Տիւթէրթըրը կ'ուղէ ան-
միջապէս խօսիլ հետերնիդ :

— Ամուսի՛նս՝ , ո՛ւր է :

— Վարը , տիկին , կառքով դրան
առջևն է : Ինձ աղաչեց որ ձենէ խնդրեմ
որ վար իջնէք :

— Զարմանալի՛ բան , ինչո՞ւ վեր չելաւ :
ըսաւ Սօֆի իւր մտերմուհւոյն նայելով :

— Պ. Տիւթէրթըրը քանի մը խօսք մի-
այն պիտի ըսէ տիկնոջ , յարեց Բիէր :

Տիկին Տիւթէրթըրը անհանգստու-
թեամբ անոր հետեւեցաւ և խօսքը մար-
քիզուհւոյն ուղղելով՝

— Հիմայ կուգամ՝ սիրելիս , ըսաւ ,
վասն զի կուզեմ իշխանին այցելութեան
արդիւնքն իմանալ :

Մատլէն առանձին մնաց :

— Աղեկ ըրի որ փութացի , ըսաւ ինքնի-
րեն տեսակ մը դառնութեամբ . աղեկ ը-
րի որ իմ առաջին վեհանձնութեանս ան-
սացի . վաղը ալ ժամանակը անցած պիտի
ըլլար , թերևս ինքզինքս Անթօնինի զոհե-

լու քաջութիւնն չունենայի . ասի զարմա-
նայի է , ժամ մ'առաջ իւր ու Ֆրանցի
վրայ խորհած ատենս՝ բնաւ նախանձ ,
անձկութիւն չէի իմանար , այլ անուշ մե-
լամաղձութիւն մը միայն . բայց քիչ քիչ
սիրտս կ'սեղմուի ու կ'ցաւի և այս վայր-
կենիս կը տառապիմ . . . ո՛հ , շատ կը
տառապիմ . . . :

Սօֆիի շտապալաւ ներս մտնելն մար-
քիզուհւոյն խորհրդածութիւններն ընդմի-
ջեց , և տիկին Տիւթէրթրի դէմքին տըխ-
րութենէն , գրեթէ սոսկումէն հասկցաւ
որմեծ աղէտ մը կար :

Սօֆի շնչասպառ ձայնով մ'ըսաւ .

— Մատլէն , առաջարկեցիր օգնել ,
ինձ ես ակ'ընդունիմ :

— Տէ՛ր Աստուած , ի՞նչ ունի՞ս , Սօ-
ֆիս :

— Մեր վիճակն յուսահատական է :

— Ի՞նչ կ'ըսես :

— Վաղը , թերևս այս երեկոյ՝ Շարլը
պիտի ձերտակալուի :

— Ամուսի՞նդ :

— Այո՛ , այո՛ , կը հասկնամ :

— Բայց ի՞նչէս , ինչո՞ւ :

— Չարութեան հրէշ մը , զոր մեր
բարերարը կը կարծէինք , Պ. Բասքալ . . .

— Պ. Բասքալ :

— Այո՛ . . . երեկ չհամարձակեցայ ,
չի կրցի ամէն բան ըսել քեզ , բայց . . . :

— Պ. Բասքալ , կրկնեց Մատլէն :

— Մեր բաղձն այդ անողոք մարդուն
ձեռքն է . կ'ուզէ և կրնայ յետին ծայր
չքաւորութեան մէջ ձգել զմեզ . ի՞նչ պի-
տի ըլլանք , Աստուած եմ , հապա մեր
տղա՞քը , ամուսնոյս հայրը , ա՛հ , սոսկալի
բան , սոսկալի՛ բան :

— Պ. Բասքալ , յարեց մարքիզուհին ,
զսպուած բարկութեամբ մը , թշուառա-
կանը : Ո՛հ , այո՛ , իւր դէմքին վրայ կար-

դացի , իւր լրբութենէն ու ցածութենէն
հասկցայ թէ այն մարդն անողոք է :

— Կը ճանչնա՞ք զինքը ,

— Այս առտու իշխանին տունը պա-
տահեցայ իրեն : Ա՛հ , այս վայրկենիս կը
զղջամ որ այս մարդուն ինձ ներշնչած ար-
համարհանաց անսացի , ինչո՞ւ աւելի ա-
ռաջ չի խօսեցար ինձ . մե՛ղք , Սօֆի ,
չա՛տ մեղք :

— Ի՞նչ ըսել կուզես :

— Վերջապէս ինչ որ է , անցեալն ան-
դարմանելի է : Բայց Սօֆի , սիրելիս , մի՛
վհատիր , ամէն բան ըսէ ինձ , և կարելի
է ձեզ սպառնացող հարուածին առաջքն
առնելու միջոցը գտնենք :

— Անկարելի է , միայն յանուն Շարլի ,
և զաւակացս կը խնդրեմ քենէ որ . . . »

— Թո՛ղ որ խօսքդ ընդմիջեմ . ինչէ՞ն
գիտես անկարելի ըլլալը :

— Պ. Բասքալ անողոք է :

— Աղեկ , բայց ի՞նչ է ձեր կացու-
թիւնն Պ. Բասքալի նկատմամբ :

— Տարի մ'առաջ ամուսինս տազնա-
պալից կացութեան մը մէջ ինկաւ : Պարոն
Բասքալ առաջարկեց օգնել իրեն : Շարլը
վեհանձն երևոյթներէն խաբուելով , ըն-
դունեց . շատ երկար կ'ըլլայ բացատրել
քեզ թէ Շարլը ինչպէս Պ. Բասքալի խոստ-
մանց վստահանալով , քիչ ատենէն ինկաւ
այս մարդուն բացարձակ իշխանութեան
տակ , որով նա կրնար ուզած ատեն 100,
000 սկուտէն աւելի առնելիքն պահանջել
ամուսինէս , այսինքն նորա գործը ջնջել
և զմեզ չքաւորութեան մէջ գլտորել .
վերջապէս օր մը Պ. Բասքալ , այս սոս-
կալի իշխանութեամբ զինեալ , ստիպեց ա-
մուսինս ու զիս կամ սնանկանալ և կամ
երկու անպատուութիւն գործել :

— Վա՛տը , անամօթը :

— Երեկ երբ դու եկար , դեռ նոր

իւր սպառնալիքն ըրեր էր մեզ : Մենք ալ մեր սրտին ու պատւոյն համեմատ պատասխանեցինք . երդում ըրաւ որ վրէժն պիտի առնու և այսօր իւր երդումն կը կը գործադրէ , կորսուած ենք . չեմ գիտեր ի՞նչ իրաւանց գորութեամբ , Շարլըն պիտի բանտարկել տայ առժամանակեայ կերպիւ : Իմ կարծիքս այն է որ նախ և առաջ ամուսինս պէտք է բանտէն ազատի : Նա կը մերժէ , ըսելով թէ ասի դակարթ մ'է , թէ վախնալու բան չունի բընաւ . . . :

Մատլէն , որ պահ մը մտախոհ մնացեր էր , նորէն մտերմութեան խօսքն ընդմիջեց և ըսաւ անոր .

— Ի՞նչ պէտք է որ այլ ևս Պ. Բասքալէն վախ չունենաք :

— Պարտքերնիս վճարել :

— Ամուսինդ ի՞նչ կը պարտի իրեն :

— Հարիւր հազար սկուտէն աւելի^ն , որու գրաւ տրուած է մեր գործարանը . բայց երբ միանգամ անկէ դուրս ելլենք , ա՛լ աշխարհի վրայ բան մը չունինք : Ամուսինս սնանկացեալ կը հրատարակուի և իւր ապագայն կը կորսուի :

— Եւ բնաւ ուրիշ միջոց չի կա՞յ պարոն Բասքալէն ազատելու :

— Կայ , և ամուսինս այդ միջոցին վրաստահացած էր միշտ այս չար մարդուն խօսքին համեմատ :

— Ի՞նչ է :

— Տասն տարի պայմանաժամ շնորհել Շարլին , որ իւր պարտքը վճարէ :

— Եթէ այնպէս ըլլար . . . :

— Կ'ազատէինք , բայց Պ. Բասքալէն կ'ուզէ վրէժ առնուլ և երբեք չպիտի հաւանի փրկութեան միջոց մը հայթայթել մեզ :

Այս տխուր խօսակցութիւնն ընդմիջուեցաւ Անթոնինի գալովն , որ , ուրա-

խութեամբ արբեցեալ , սենեակ մտաւ ու ըսաւ .

— Մատլէն , ո՛հ , եկէ՛ք , եկէ՛ք :

— Ի՞նչ կայ , տղաս , անշուշտ յաջող լուր մը :

— Ա՛հ , սիրելիներս , յարեց մատղաշ աղջիկը , կը վախնամ որ այսքան մեծ երջանկութեան մը չի կարենամ տոկալ : Հօրեղբայրս ու իշխանն 'ամէն բանի կը հաւանին . դիտնայիք թէ իշխանն ո՛րքան անուշութեամբ վարուեցաւ հետս . վասն զի ուզեց որ հօրեղբօրս հետ ունենալիք խօսակցութեանը ներկայ գտնուիմ : Ներուժն խնդրեց ինէ որ մեր ամուսնութեան դէմ կենալ ուզելով՝ վիշտ պատճառեր էր ինձ : « Իմ միակ արդարացումս սա է որ , օրիորդ Անթոնին , ըսաւ բարեսրտութեամբ , ձեզ չէի ճանչնար . ձեր բարեկամութիւն , տիկին տը Միրանտայի մարքիզուհին , զիս դարձուց . միայն թէ , քանի որ կ'ըսէք թէ հոս է , հաճեցէք ըսել իրեն թէ կը փափագիմ ձեր ներկայութեանն շնորհակալ ըլլալ իրմէ որ միջոց հայթայթեց ինձ ձեր նկատմամբ գործած անիրաւութիւնս դարմանելու : » Ասոնք ազնիւ ու սրտագրաւ խօսքեր չե՞ն , յարեց նորատի աղջիկն : Ո՛հ , եկէ՛ք , Մատլէն , իմ բարերարս , քոյրս . մա՛յրս , դուք , որու պիտի պարտինք մեր երջանկութիւնը՝ Ֆրանց ու ես : Դուք ալ եկէ՛ք , Սօֆի , յաւել Անթոնին տիկին Տիւթէրթրի ձեռքէն բռնելով , դուք ալ միթէ մասնակից չէ՞ք իմ երջանկութեանս , ինչպէս որ մասնակից եղաք գաղտնեացս ու անյուսութեանս :

— Սիրելիս , յարեց տիկին Տիւթէրթրը՝ ջանալով իւր տխրութիւնն ծածկել , այդ բնեղն աւելորդ է , բայց իշխանին ներկայութիւնը զիս կը խպնեցնէ , և ասկէց զատ , ինչպէս որ կ'ըսէի հիմայ Մատլէնի , պէտք է ես տւոն դառնամ : Չեմ կրնար

աւելի երկար ժամանակ տղաքս առանձին թողուլ : Օ՛ն , գրկէ զիս , Անթօնին , քու երջանկութիւնդ ապահովեալ է . այս վրատահութիւնն անուշ պիտի ըլլայ ինձ , եւ եթէ վիշտ մ'ունենամ , "հաւատա որ ոյժ պիտի տայ ընձ անոր տակալու : Մնաս բարով : Եթէ նոր բան մ'ունենաս ինձ իմացնելու , վաղն առտու զիս տեսնելու եկո՛ւր :

— Սօֆի՛ , ըսաւ մարքիզուհին ցած , բայց հաստատուն ձայնիւ իր մտերմուհւոյն . ո՛յժ և յոյս . ամուսինդ թող չի մեկնի , վաղն առտու մինչև կէս օր ինձ սպասէ քու տունդ :

— Ի՛նչ կ'ըսես :

— Ասկէց աւելին չեմ կրնար ըսել . միայն թէ Անթօնինի օրինակն քիչ մը վրատահութիւն թող տայ քեզ : Այս առտու խեղճը յուսահատ էր , և հիմայ ուրախ է :

— Այո՛ , քու շնորհիւդ :

— Օ՛ն , գրկէ՛ զիս , և ո՛յժ , յո՛յս :

Այն ատեն Մատլէն Անթօնինի մօտե՛նալով՝ ըսաւ .

— Հիմա , աղջիկս , իշխանին քով երթանք :

Նորատի աղջիկն ու մարքիզուհին թողուցին զտիկին Տիւթերթըր որ ակամայ վստահելով Մատլէնի համոզեալ խօսուածքին , իւր տխուր բնակարանը կ'երթար , հետը տանելով յուսոյ նշոյլ մը :

Իշխանը Մատլէնի կը սպասէր Հիւպէր նախագահին սրահին մէջ . յարգանօք բարեկեց զայն և Անթօնինի ներկայ ըլլալուն համար քաղաքավարական ձեւերով ըսաւ անոր .

— Կ'ուզէի ձեր ինձ մատուցած մեծ ծառայութեան համար շնորհակալ ըլլալ ձեզ , տիկին մարքիզուհի : Դուք գնահատել տուիք ինձ զօրիորդ Անթօնին Հիւպէր . իմ Ֆրանց սանիս երջանկութիւնն

ապահովեալ է : Պ. Հիւպէր նախագահին հետ որոշեցինք որ Ֆրանցի և օրիորդ Անթօնինի նշանտուքն վաղն առաւօտ կատարուի ալմանական սովորութեան համեմատ , այսինքն ես ու Պ. Հիւպէր նախագահը Ֆրանցի և օրիորդին միութեան դաշնագիրն պիտի ստորագրենք :

— Ինչպէս որ ըսեր էք Անթօնինի , տէր , ես զձեզ ճշմարտութեան ճամբուն վրայ դնելէ ուրիշ բան չըրի : Անթօնին ապացոյց թէ իր վրայ բսածներս ճշմարիտ են :

— Շնորհ մ'ունիմ ձեռնէ խնդրելու : տիկին մարքիզուհի , յարեց իշխանը գըրպանէն նամակ մը հանելով և Մատլէնի երկնցնելով : Բէրնէթթի գնդապետին ընտանիքը կը ճանչնա՞ք :

— Շատ լաւ : տէր :

— Լա՛ւ ուրեմն , բարեհաճեցէք այս նամակն կարդալէ վերջը գնդապետին ձեռքը հասցնել : Ստոյգ եմ որ , յաւել արքիզուքսն այս վերջին բառերն շեշտելով , ստոյգ եմ որ այնքան հաճոյք պիտի ըզգաք այս նամակն շրկելով , որքան գընդապետն երջանիկ պիտի ըլլայ զայն ընդունելով :

— Ադոր չեմ տարակուսիր , տէր , և իմ անկեղծ շնորհակալութիւններս կը կրկնեմ , ըսաւ մարքիզուհին յարգական խոնարհութիւն մ'ընելով :

— Յվա՛ղն , օրիորդ Անթօնին , ըսաւ իշխանն նորատի աղջկան . երթամ այս գեղեցիկ լուրն զգուշութեամբ իմացնեմ խեղճ Ֆրանցիս , որպէս զի շատ շայլայլի , բայց ապահով եմ որ նա ևս պիտի ներէ իրեն վիշտ պատճառելուս , երբ ամէն բան իմանայ :

Եւ Անթօնինն ու մարքիզուհին վերբասին բարեւելով : Իշխանն էլիզէ — Պուրպօն գնաց :

Յաջորդ առաւօտուն , ժամը տասնին , Մատլէն կառք նստաւ և գնաց ախ նօտարի մը , ու ապա Պ. Բասքալի տունը :

Ի .

Պ. Բասքալ Սէն—ժօրժ թաղին մէջ տան մը գետնայարկը կը բնակէր առանձին : Մասնաւոր դուռ մը յատկացած էր դրամատիրոջ սնտուկին , զոր կը վարէր վստահութեան արժանի մարդ մը , օգնական ունենալով նորատի գրագիր մը :

Բնակարանին գլխաւոր դուռը անդրասենեակն ու միւս սենեակները կը հանէր : Այս բնակարանն անպաճոյճ , բայց վայելուչ էր . ներսի համար սենեկապան մը և յանձնարարութեանց համար 15 տարեկան տղեկ մը բաւ էին Պ. Բասքալի . վասն զի այս մարդը աշխատութիւնը ու արուեստները քաջալերելու ծախքեր չէր ընէր :

Այն առտուն , ժամը իննուկէսին միջոցին , Պ. Բասքալ յուզմամբ կը շրջէր , իր սենեկին մէջ . այն գիշեր բնաւ չէր քնացած : Լրտես մը , որ երկու օրէ ի վեր պաշտօն ունէր Անթօնինի տան մէջ եղածներն քննելու , լուր բերեր էր Պ. Բասքալի թէ իշխանն այցելութիւն տուեր էր Հիւպէր նախագահին :

Այս արագ ու նշանակիչ դէպքն բնաւ տարակոյս չէր թողուր դրամատիրոջ որ , նորատի աղջկան վրայ ունեցած դիտաւորութիւններն ոչնչացած էին , այս ցաւալի

պատրանքն ուրիշ ոխեր կը յարուցանէր յինքեան . նախ և առաջ կը կատողէր տեսնելով որ , թէ և միլիօններու տէր էր , և սակայն իւր կամքն ստիպուած էր բնկըրկիլ անյաղթելի անկարելիութեանց առջեւ : Ամէնն այս չէր : Ինքը Անթօնինի համար սէր չէր զգար , եթէ բուն իւր ազնիւ նշակութեամբն առնունք , այլ այն բունն մտահաճութեանց մին , որք թերեւս վաղանցուկ , բայց խիստ ուժով երեստոր համար սա ծայրահեղ անձնասիրական խորհրդածութիւնն ըրեր էր :

« Անպատճառ կ'ուզեմ այս աղջիկը ձեռք ձգել . եթէ պէտք ըլլայ՝ հետք կ'ամուսնանամ , և երբ իրմէ ձանձրանամ , 12—15 հազար ֆրանքի ռսճիկ մը կապելով իրեն՝ կ'ազատիմ : Բաւական հարուստ ըլլալով՝ կրնամ այս մտահաճութիւնն կատարել : »

Ասի , թէ և գարշելի , սակայն կարելի ու օրինաւոր էր արդի ընկերութեան տեսակէտով , և կը կրկնենք թէ այս կարելիութիւնն էր որ անյաջողութիւնը խիստ ցաւալի կընէր Պ. Բասքալին : Ուրիշ բան ալ կար . Անթօնինի համար զգացած ըզգայարանաց տրիփ մ'եթ ըլլալով , սիրոյ բացարձակ ընտրութեան ենթակայ չէր , ասոր համար տուփանօք ըլծալով այս կուսական ու անբիծ գեղեցկութեան տէր աղջկան , ոչինչ նուազ յափշտակուեր էր նաև Մատլէնի գեղեցկութենէն և գիշերն ի բուն իւր երեւակայութեան առջեւ այս երկո պաշտելի արարածներն միմեանց բաղդատեր է :

Այն ժամուն , յորում մենք զինքը կը տեսնենք իւր սենեկին մէջ , Պ. Բասքալ տակաւին նոյն մտազբաղութեան ենթակայ էր :

« Վայ ինձ , կ'ըսէր՝ անհաւասար ու դողդոջուն քայլիւք պտտկելով : Ուսկի՞ց

նիծեալ ու յանդուգն կինը լսեց որ իւր ապուշ իշխանին հետ իբր ստրուկ մը վարուեցայ, և իմ դէմս յանդիմանեց զինքը այն նուաստութեանց համբերելուն: Ինքը այն մարդը կ'անարգէ անշուշտ, և իւր տեսակէ բոլոր կանց պէս, ինքն ալ սիրելու է այն եռանդուն մարդը, որ իւր ոտքին տակ առաւ այս թագապսակ սիրամարդը: Իրաւ է որ իշխանին առջեւ անգթօրէն լուաց զիս, բայց զինքը շողօքորդելու համար էր. մենք այն ճամբաները դիտենք: Ո՛հ, եթէ կարենայի այն կինը ձեռքէն առնուլ, ի՛նչ յաղթանակ, ի՛նչ վրիժառուութի՛ւն, և ամուսնութիւնս չի կատարուելուն պիտի մխիթարուէի այն ատեն: Մխիթարուի՛լ, ո՛չ, վասն զի այս երկու կանանց մին միւսը մոռցնել չտար ինձ: Չեմ գիտեր թէ տարիքէ՞ս է, բայց երբեք այն փոքրիկ աղջկան համար զգացած տենջանացս չափ ոյժով փափագ մը ունեցած չեմ: Վերջապէս, եթէ կարենայի իշխանին հարճն առնուլ ձեռքէն, կամքիս կէսն կատարուած կ'ըլլար և ո՛վ գիտէ, այն կինն Անթօնինը կը ճանչնայ, և կ'երեւնայ որ անոր վրայ ազդեցութիւն ունի: Ա.յո՛, ո՛վ գիտէ թէ, երբ անգամ մը ձեռքս անցնէր, սակի ոյժով չպիտի կարենայի համոզել զինքը որ . . . անէ՛ծք, դոչեց Բասքալ կատաղի ուրախութեամբ մը. ի՛նչ յաղթանակ. սա խարտեաչ պատանեկին կինը ու այն արքիդքսին գեղեցիկ հարճն յափշտակել: Եթէ ամբողջ հարստութիւնս ալ տալ պէտք ըլլայ, այս այսպէս պիտի ըլլայ:

Եւ մեր մարդն շտկուելով կարծես մեծցաւ ու անդիմադրելի կամաց դիրք մը առաւ, մինչդեռ իւր դէմքն դժոխային ուրախութիւն մը կ'արտայայտէր:

— Օ՛ն, օ՛ն, յարեց գլուխը վերցնելով, թէ և իբր անմիտ ու ապերախտ

տեսայ այն խարտեաչ մագերով, սև յօնքերով, կապոյտ աչքերով, դալուկ դէմքով և յափշտակիչ տեսքով անիծեալ կինը: Աւելի ևս փափագելի կ'ընէ ինձ այն նորաբոյս աղջիկը: Վա՛յ ինձ, արդեօք այս երկու դէմքերն շարունակ պիտի հալածե՞ն զիս: Ո՛րքան անմիտ ու ապուշ գտնուեցայ: Ուրիշ միջոց մը բանեցնելով, շիտակը չեմ գիտեմ թէ ի՛նչ միջոց, բայց վերջապէս կարելի ու դիւրին էր (և այս է զիս կատղեցնողն), ի հարկէ կրնայի, քանի որ հարուստ եմ, նորատի աղջկան հետ ամուսնանալ և միւսն ալ հարճս ընել, վասն զի ստոյգ եմ որ նա արքիդքսին հարճն է, բայց տեսնենք իմ տալիքիս չափ ստակ կուտա՞յ իրեն . . . : Ա.յո՛, այո՛, յարեց ձեռքերն կատաղօրէն սեղմելով: Խենթենալու բան է մտածել որ՝ « Վերջապէս չէի ուզեր Ռուսիոյ կայսրուհւոյն սիրահարն ըլլալ կամ Ասկլիոյ թագուհւոյն աղջիկը առնել . . . ի՛նչ էր իմ ուզածս, պարզ շինական աղջկան մը հետ ամուսնանալ, որու հօրեղբայրն մէկ կուտ չունի: Մի՛թէ ասանկ ամուսնութեան հազարաւոր օրինակներ տեսնուած չե՞ն: » Եւ չկրցի յաջողի(, և 30 միլիոնի մօտ հարստութիւն ունի՛մ: Անէ՛ծք, շիտակը մեծ օգուտ ունի ինձ իմ հարստութիւնս, քանի որ սա արմանեացի իշխանին հարճն իսկ չեմ կրնար առնուլ ձեռքէն: Բայց հարկաւ այդ կինը ստակին համար կը սիրէ զինքը. իշխանը 40ի մօտ է, սիրամարդի մը պէս հպարտ, սաղի մը պէս ապուշ և սառոյցի մը նման պաղ է: Ես իրմէ երիտասարդ եմ, թերևս ավելի գեղեցիկ, և եթէ արքիդուքս չեմ, դոնէ արքիմիլիօնատէր եմ: Ասկէց զատ ես սա առաւելութիւնն ալ ունիմ որ զինքը ոտքիս տակ առի, վասն զի այն ա-

գէշ ըսի ստակին , բայց ստակը աղուոր բան է :

Ապա մտածելու համար կանգ առնելով պահ մը լուռթենէ վերջն յարեց .

— Նախ հանդարտինք , գործը լաու յաջող կերպիւ կարգի գնենք : Լրտեսորս այս երեկոյ կ'իմանայ արքիդքսին հարձին ուր բնակիլը , եթէ նա պալատը չի բնակիր , ինչ որ հաւանական չէ : Երբ միանգամ իւր բնակարանը գտնեմ , յաւել խոհուն կերպիւ ծնօտը շոյելով , անմիջապէս սա պառաւ տիկին Տուսէն կը շրկեմ իրեն : Ասի գերասանուհիներու և պահժու կանանց հետ գործը եփելու հին , բայց լաւագոյն միջոցն է , վասն զի վերջապէս իշխանին հարձն ալ պահժու կնոջմէ զատ բան մը չի կրնար ըլլալ : Գլուխը բաց եկաւ մեր խօսակցութեան մէջ նետուեցաւ , ամենեւին չէր քաշուեր : Ըսել է մայր Տուսէնէն լաւ միջնորդ չեմ կրնար գտնել : Անմիջապէս կանչել տանք զինքը :

Պ. Բասքալ իւր գրասեղանին վրայ գըրելու զբաղած էր , երբ սենեկապանը ներս մտաւ :

— Ի՞նչ կայ , հարցուց գրամատղըն , ես մարդ չի կանչեցի :

— Պարոն , տիկին մը . . .

— Ժամանակ չ'ունիմ :

— Պարոն : փոխանակագրի մը համար եկեր է :

— Մնտուկը թող երթայ :

— Այն տիկինը կ'ուզէ պարոնին հետ խօսիլ :

— Անկարելի է :

Սենեկապանը դուրս ելաւ :

Բասքալ իւր գիրը շարունակեց . բայց քանի մը վայրկեան վերջը՝ ծառայն նորէն եկաւ :

— Դեռ չի լմնցա՞ւ , գոչեց Պ. Բասքալ . ի՞նչ կայ նորէն :

— Պարոն , այն տիկինը . . .

— Ա՛ , խաղի՛ էք ելեր , ըսի որ զինքը մնտուկը շրկէք :

— Այն տիկինը իւր այցետոմսը տուաւ ինձ , ըսելով թէ աղաչեմ ձեզ որ վրան մատիտով գրածը կարդաք :

— Տուր նայիմ : Անտանելի բան է , ըսաւ Բասքալ այցետոմսն առնելով , որու վրայ գրուած էր :

ՄԵՐԱՆՏԱՅԻ ՄՍՐՔԻԶՈՒՆԻՆ

Անուանը տակ մատիտով սա բառերը նշանակուած էին :

« Պատիւ ունեցաւ երեկ զՊ. Բասքալ տեսնելու յէլիզէ—Պուրպօն , Ն. Վ. Լէօբօլտ արքիդքսին տունը : »

Եթէ շանթ մ'իյնար Պ. Բասքալի ոտքերուն առջեւ , այնքան չպիտի շուարէր . չի կրցաւ աչացն հաւատալ , և անգամ մ'ալ կարդաց՝ ինքնիրեն ըսելով .

— Մերանտայի մարքիզուհին . . . ըսել է մարքիզուհի՛ է : Պահ Լօլա Մօնթեղէ կոմսուհի ըլլալուն պէս ինքն ալ մարտիզուհի է , բայց վերջապէս ինքն է : Ինքը հո՞ս , իմ տո՞ւնս , նոյն իսկ այն վայրկեանին , որ իրեն հետ յարաբերութեան մտնելու միջոցը կը բնառէի : Ա՛հ , Բասքալ , սիրելիս Բասքալ , քու ոսկի աստղը , որ պահ մը ծածկուած էր , նորէն իւր բովանդակ լուսովն կը փայլի : Եւ փոխանակագրի մը պատրուակաւ եկեր է հէ՛ : Տեսնե՛նք , Բասքալ , սիրելիս . հանդարտէ , մարդս իւր կեանքին մէջ երկու անգամ չի գըտներ ասանկ առիթ մը : Մտածէ՛ որ եթէ ճարպիկ ըլլաս , կրնաս մէկ ձանձով իշխանին հարձն ու այն խարտեաչ պատանեկին կինը ձեռք ձգել : Ա՛հ , սիրտս անդի ծայր ուժով կը տրոփէ , ապահով եմ որ դեղնած եմ :

— Պարոն , ի՞նչ պատասխանեմ այն տիկնոջ , հարցուց սենեկապանը՝ տիրոջը երկարատեւ լռութեանը զարմանալով :

— Վայրկեան մը սպասէ՛ , ապուշ , յարեց Բասթալ : Օ՛ն , հանդարտինք , կ'ըսէր ինքնին . այլայլութեամբ ամէն բան կը կորսուի և միջոցներս կը չքանան : Ասի սոսկալի խաղ մ'է , զոր պիտի խաղամ , վասն զի խաղն շատ գեղեցիկ բլլալով , կ'երդնում թէ կատաղութենէս ըղեղս կը պայթեցնեմ՝ եթէ անյաջողութեամբ կորսնցնեմ զայն :

Բասթալ վայրկեան մը լռու կենալով՝ յաջողեցաւ իւր ներքին յուզումն զսպել և ինքնիրեն ըսաւ .

— Ահա՛ շտկուեցաւ . թող գայ հիմա և խաղերնիս սկսինք :

Եւ բարձր ձայնիւ գոչեց .

— Այն տիկինը ներս մտցո՛ւր :

Ծառայն դուրս ելաւ և քիչ վերջը դուռը բանալով ծանոյց :

— Տիկին տը Միրանտա մարքիզուհին :

Մատլէն , հակառակ իւր սովորութեանըն , այն օրը Թեթ-ժոյ պէս չէր հագուած , այլ թարմ պերճութեամբ մը , որ աւելի անգիմադրելի կ'ընէր իւր գեղեցկութիւնըն . բրինձի յարդէ Բամէլայի ձեւ գլխարկ մը , ցորենի հասկերով զարդարուն , մարքիզուհւոյն դէմքն ու վիզը բաց կը թողուր , ճերմակ ճակատէ թարմ շրջազգեստ մը իւր աննման մարմնոյն շրջազծերն երեւան կը հանէր , որք մէքսիկացի գաղթածիններու յատուկ վայելչութեան և փափկութեան կատարեալ տիպարն էին , մինչդեռ իւր կաշի գօտին թեթեւ մը կը ծփար նորա մարմարեայ լանջաց հանդարտ ելեւէջներուն համեմատ :

ԻԱ .

Բասթալ պահ մը շլացեալ և յափըշտակեալ մնաց :

Մատլէնն առջի օրուրնէ հազար անգամ աւելի գեղեցիկ ու բղձալի կը դըտնէր : Եւ թէև լա-հասկոյ , ինչպէս որ ըսեր էր իշխանին , թէև շատոնց վայելած էր գեղեցկութեան , թարմութեան ու շքնորհաց բոլոր այն գանձերն , զորս չքաւորութիւնը հարկատու կընէ հարստութեան , սակայն բնաւ Մատլէնի նման աւրարած մը երեւակայած չէր կեանքին մէջ , և տարօրինակ բան , այս պահուս Անթօնինի կուսական դէմքն կ'երեւէր մարքիզուհւոյն դէմքին քով . իրեն համար նա չէքէն էր , զոր զԱփրոդիտէ Ստողիկը կ'ամբողջացնէր :

Մատլէն ակամայ լռութենէն օգտելով , ցամաք և հպարտ ձայնով մը ըսաւ իրեն , առանց ամենափոքր ակնարկութիւն մը ընելու առջի օրուան դէպքին :

— Պարո՛ն , ձեր վրայ փոխանակադիր մ'ունիմ , ահաւասիկ : Ուղեցի ձեզ տեսնել մի քանի գործերու կարգադրութեան համար :

Այս արհամարհական ու սուղ խօսուածքն Բասթալը շուարեցուց . ինքը կը սպասէր որ առջի օրուան անցքին վրայ եթէ ներումն ալ չի խնդրէ , գոնէ բացատրութիւն մը տայ . ուստի թոթովելով ըսաւ :

— Ի՛նչպէս , տիկին , հոս եկաք . . . միմիայն . . . այդ փոխանակադրո՞յն համար :

— Նախ անոր և ապա ուրիշ բանի համար :

— Մխտըխս կ'անցնէր , ըսաւ ինքնին

Բասքալ՝ թեթեւ հառաչ մ'արձկելով, փոխանակագիրը պատրուակ է: Ասի աղէկ նշան է:

Ու բարձր ձայնով յարեց .

— Տիկին, փոխանակագիրը գանձապետիս կը վերաբերի. ես կը հրամայեմ իրեն որ ուղածնիդ կատարէ: Գալով ձեր միւս գործին, յուսամ թէ նա ինձ կը վերաբերի:

— Այո՛:

— Անոր խօսքը չի բացած, տիկին, կը ներէ՛ք ինձ որ հարցում մը ընեմ ձեզ:

— Ի՞նչ:

— Ինձ զրկած այցետոմսնուդ վրայ, տիկին, գրեք էիք թէ երէկ զիս յէլէզէ տեսաք:

— Ետքը՞:

— Բայց հիմայ կ'երեւնայ որ մեր տեսակցութիւնը բնաւ չէք յիշեր:

— Չեմ հասկնար:

— Տեսնե՛նք, ըսաւ Բասքալ քիչ քիչ ինքզինքին տէր ըլլալով և մտածելով որ Մատլէնի ցամաք խօսուածքը կեղծիք մը էր, որու նպատակն դեռ չէր հասկնար, տեսնե՛նք, տիկին մարքիզուհի, խոստովանեցէք որ երեկ շատ խիստ վարուեցաք ձեր խոնարհ ծառային հետ:

— Ետքը՞:

— Ի՛նչպէս, միթէ այդ բրածնուդ վրայ փոքր ինչ չէ՞ք զղձար, չէ՞ք ցաւիր որ յանիրաւի բռնկեցաք ինձի դէմ:

— Ո՛չ:

— Շատ աղէկ, հասկցայ, ասի ըսքանչելի ազդեցութիւն կրնար ընել այն ազնիւ արքայ-քիսին վրայ, համարձակեցաւ ըսել Բասքալ, յուսալով որ այս կամ այն միջոցաւ պիտի յաջողի Մատլէնն հանել այն ցուրտ վարմունքէն, որ կը սկսէր զինքըն անհանգիստ ընել. շատ մեծ վարպետութիւն է մեր իշխանութեան տակ

գտնուողներուն արժանապատուութեան շահերը պաշտպանել ցոյց տալ, վասն զի խօսքը մեջերնիս, դուք որ այդքան գեղեցիկ ու պաշտելի էք, հարկաւ ուղածնիդ կ'ընէք այս խեղճ իշխանին, բայց երբէք չպիտի կարենաք մտացի ու վեհանձն մարդ մ'ընել զինքը:

— Շարունակեցէ՛ք:

— Ձիս մտիկ ըրէ՛ք, տիկին Մարքիզուհի, դեռ ձեր փոխանակագիրն չի տեսայ, և Բասքալ բացաւ զայն, գրաւ կը դնեմ որ շատ ջնջին բան մ'է: Կրո՛ղ, ապահով էի, 40 հազար ֆրանք. ձեզի պէս կին մը այսքան ստակով ի՞նչ կրնայ ընել Բարիզու մէջ: Հա՛, հա՛, հա՛, 40 հազար ֆրանք: Ալմանեացի արքիդքսերուն միայն յատուկ է ասանկ նուէրներ տալ:

Մատլէն առջի բերան առանց հասկընալու մտիկ ըրեր էր Բասքալի ըսածներն: Վերջը հասկցաւ. դրամատէրը կը կարծէր որ ինքը իշխանին հարճն է ու նորա նուէրներովն կ'ապրի:

Շիկնութեան ամպ մը պատեց յանկարծ Մատլէնի դէմքը: Բայց վայրկեան մը խորհելով հանդարտեցաւ, ու իւր դիտաւորութեացն յաջողութեանը համար շնորհակալ իսկ եղաւ Պ. Բասքալի այս ենթադրութեանն. ուստի կիսովին ժըպտելով յարեց .

— Պարո՛ն, կ'երեւնայ որ իշխանը չէք սիրեր . . .

— Կ'ատեմ. գոչեց Բասքալ յանդգնօրէ՛ն մարքիզուհւոյն ժպտելէն սիրտ առնելով: Կ'ատեմ այդ անիծեալ իշխանը, վասն զի թանկագին գանձ մ'ունի, . . . զոր կուզեմ ձեռքէն յափշտակել՝ բոլոր իմ գանձերս զոհելով . . .

Եւ Բասքալ բոցավառ նայուածք մը արձկեց Մատլէնի վրայ, որ յարեց .

— Գա՞նձ մը , չէի կարծեր որ իշխանը այդքան հարուստ ըլլայ . . . քանի որ փոխառութիւն մ'ընելու համար ձեզ կը դիմէր , պարո՞ն :

— Է՛հ , տիկին , բաւ Բասքալ ցած ու դողդոջուն ձայնիւ , այդ գանձը դուք էք :

— Զիս կը շողորդէք , պարո՞ն :

— Մտիկ ըրէք , տիկին , յարեց Բասքալ պահ մը լուռ կենալէ ետքը , առանց դարձուածքի խօսինք , այս է լաւագոյն դրութիւնն : Դուք մտացի կին մ'էք , ես ալ ապուշ չեմ , ուստի կը հասկցուինք :

— Ի՞նչ բանի վրայ , պարո՞ն :

— Հիմայ կըսեմ : Օտար երկիրներու մէջ եթէ շատ հարուստ ալ չեմ նկատուիր , գոնէ կըսուի թէ բաւական լաւ վիճակ մ'ունիմ :

— Խիստ հարուստ կը կարծեն ձեզ , պարո՞ն :

— Եւ այդպէս ալ եմ , ու ահա՛ ապացոյցը . մէկ միլիոն կանխիկ՝ նախնական ծախուց համար , հարիւր հազար ֆրանք կենսաաւելեկամուտ , այնպիսի հարսանեկան կողով մը , որու նմանը չեն կրնար տալ՝ եթէ Գերմանիոյ բոլոր արքիդուքսերն միանան , ասոնցմէ զատ տունն ալ ձեզի : Ի՞նչ ըսիք ասոր :

Մատլէն , որ առջի բերան չի հասկըցաւ , զարմանօք նայեցաւ Բասքալի երեսը , որ յարեց :

— Այս առատածեռնութիւնը ձեզ կը զարմացնէ կամ թերեւս չէք հաւատար : Բայց հիմայ ապացուցանեմ ձեզ որ աւանկ յիմարութիւն մը կրնամ ընել : Ահա՛ փոքրիկ տետրակ մը , որ բան մը չ'երեւնար , և զբասեղանին դարակներէն մէկուն մէջէն տետրակ մը հանեց , ասի իմ հաշուեկշիռս է , և առանց դրամական գործողութեանց հմուտ ըլլալու , կրնաք

տեսնել որ այս տարի իմ դրամագլուխս 27 միլիոն 5 հարիւր 60 հազար ֆրանքի բարձրացած է : Հիմայ ենթադրենք որ իմ յիմարութիւնս երեք միլիոնի նստի ինձ , անդին դեռ 24 միլիոն կը մնայ որ , լաւ գործածուելով , միշտ կրնան մէկ ու կէս միլիոն եկամուտ մը բերել ինձ , և որովհետեւ ես 50—60 հազար ֆրանքով շատ հանգիստ կ'ապրիմ , ըսել է երեք տարուան մէջ եկամուտովս կրնամ լեցնել յիմարութեանս պատճառած կորուսար : Ասոնք ըսելուս պատճառն այն է որ , մարքիդուհի , մարդ պէտք է հաշուէ ու ապացուցանէ թէ խոստումն պիտի կարենայ կատարել : Հիմայ խոստովանեցէք որ Բասքալն արքիդքսի արժէքն ունի :

— Ըսել է այդ բաներն ի՞նձ կ'առաջարկէք , պարո՞ն :

— Ատ ի՞նչ հարցում է : Օ՛ն , ձեր արքիդուքսը թողէք , տուհաւատչեայ մը տուէք ինձ . և հիմայ մէկ միլիոնը ձեռքերնիդ կը համբեմ : 100 հազար ֆրանքի կենսաաւելեկամուտն նոտարիս հետ կը կարգադրեմ , և եթէ Բասքալ գոհ ըլլայ , կրնայ դեռ ուրիշ բաներ ալ ընել :

Դրամատէրն ճշմարիտ կ'ըսէր . անկեղծօրէն կ'ընէր այս առաջարկութիւնն . Մատլէնի իւր վրայ ըրած տպաւորութիւնը , իշխանի մը հարձն յափշտակելու պատիւը , Բարիդու մէջ զայն շքեղութեամբ ապրեցնելու և ամէնուն նախանձ ազդելու սնապարծութիւնը , վերջապէս ստակի ուժով մարքիդուհին՝ Անթօնինը ֆրանցի ձեռքէն յափշտակել համոզելու յոյսը , վերջապէս ամէն ինչ կ'ապացուցանէր Բասքալի առաջարկութեան անկեղծութիւնն :

Մատլէն այն ատեն հասկնալով թէ ի՞նչ աստիճան ազդեցութիւն կ'ընէ Բասքալի վրայ , ուրախացաւ , և այս առաւ

Չարկութեան անկեղծութիւնն լաւ եւս հասկնալու համար, վարանում ցոյց տը- ուաւ ու ըսաւ .

— Այդ առաջարկութիւնք, պարո՛ն, իմ ջնջին արժանիքէս շատ վեր են, բայց . . .

— 50 հազար ֆրանք կենսատեւ ե- կամուտ աւելի և գիւղի տան մ'ալ, գո- չեց Բասքալ, այս է իմ վերջին խօսքս, մարքիզուհի :

— Եւ ահա իմս, պարո՛ն Բասքալ, յարեց Մատլէն ոտքի ելնելով ու անանկ նայուածք մը նետելով դրամատիրոջ վը- րայ, որ սա ընկրկեցաւ : Ձիս մտիկ ը- րէ՛ք . դուք ցած ու ազահ էք, հետե- շարար ձեր առաջարկութեան հասկցայ որ մեծ ազդեցութիւն ունիմ վրանիդ :

— Եթէ առաջարկածներս բաւական չեն, գոչեց Բասքալ ձեռքերն միացնելով, ըսէք, և . . .

— Լուեցէ՛ք, ես ձեր ստակին պէտք չ'ունիմ :

— Ամբողջ հարստութիւնս տամ, ե- թէ կուզէք :

— Աղէկ մը երեսս նայեցէ՛ք, պարոն Բասքալ, և եթէ երբէք համարձակած էք պարկեշտ կնիան մը երեսը նայիլ ու նորա ճակտին վրայ կարդալ ճշմարտութիւնն, պիտի հասկնաք որ ճշմարիտ կը խօսիմ : Եթէ ձեր ամբողջ հարստութիւնն հուսա, ոտքերուս տակ դնէք, ձեր ինձ ազդած արհամարհանքն ու զզուանքն չպիտի փոխ- ուին :

— Իզմեցէ՛ք զիս, բայց թողէ՛ք որ ը- սեմ ձեզ թէ . . .

— Լուեցէ՛ք : Ուզեցի պահ մը կարծել տալ ձեզ որ ես իշխանին հարձն եմ. նախ անոր համար որ ձեզի պէս մարդու մը համարումն կարեւորութիւն չ'ունի ինձ համար, և երկրորդ, որովհետեւ այս

բանն կը քաջալերէր զձեզ ձեր անամօթ առաջարկութիւններն ընելու :

— Բայց ուրեմն ինչո՞ւ . . .

— Լուեցէ՛ք : Կուզէի գիտնալ թէ ի՛նչ աստիճան ազդեցութիւն ունիմ ձեր վրայ, գիտեմ և պիտի օգտիմ անկէ :

— Ո՛հ, իմ փափաքս ալ այդ է, եթէ կ'ուզէք . . .

— Ես երկու բանի համար եկայ հոս, նախ սա փոխանակագրոյն համար . . .

— Հիմայ, բայց . . .

— Գալուս երկրորդ պատճառն էր վախճան մը դնել այն վատութեան, զոր կը գործէք իմ լաւագոյն մտերմուհւոյս ամուսնոյն, Պ. Շարլը Տիւթէրթրի նկատ- մամբ :

— Տիւթէրթրները կը ճանչնա՞ք . ա՛, որոգայթը հիմայ հասկցայ :

— Ամէն միջոց լաւ է մասսակար կեն- դանիները բռնելու համար և դուք ալ բռնուեցաք :

— Ո՛հ, դեռ չէ, գոչեց Բասքալ կա- աաղութենէն ու յուսահատութենէն ակ- ուաները սեղմելով, վասն զի Մատլէնի գեղեցկութիւնն իւր տուիլը ցնորքի աս- տիճան կը բարձրացնէր. թերեւս շատ շուտ կը յաղթանակէք, տիկին :

— Հիմայ կը տեսնէք :

— Տեսնե՛նք, ըսաւ Բասքալ՝ ջանալով յանդգնութիւն կեղծել, տեսնենք . . .

— Հիմայ, սա սեղանին վրայ պայմա- նագրութիւն մը պիտի ոտորագրէք, որով Պ. Տիւթէրթրի պիտի տաք այն պայմա- նածամն, զոր բերանացի խոստացեր էիք նմա՛ իւր պարտքը վճարելու համար ձեզ :

— Բայց . . .

— Որովհետեւ կրնար ըլլալ որ զիս խաբէիք և ես գործէ չեմ հասկնար, նօ, տարի մը յանձնեցի այդ պայմանագրին խմբագրութիւնը, որպէս զի միմիայն ըս-

տորագրելիդ մնայ :

— Այդ կատակ է :

— Նօտարն հետս է ու քովի սենեակը կը սպասէ :

— Ի՛նչպէս , հե՛տ բերիք . . .

— Կարելի չէ որ մարդ առանձին գայ ձեզի պէս մէկուն տունը . . . ուստի անմիջապէս այն պայմանագրութիւնն պէտք է ստորագրէք :

— Եւ փոխարէ՛ն :

— Իմ արհամարհանքս ու զգուանքս :

— Շիտակը այդ զարմանալի է :

— Բայց այսպէս է :

— Կուղէք ձեռքէս առնուլ իմ լաւագոյն պարտքս . . . այն վայրկենին որ վրէժխնդրութենէ ուրիշ բան չունիմ քիչ մը մխիթարուելու համար : Ա՛հ , Տիւթէրթըրն ձեր լաւագոյն մտերմուհին է՛ , իւր արցունքներն դա՛ռն են ձեզ համար , այն ընտանեաց ցաւերն ձեր սիրտը պիտի կեղեքէն : Լա՛ւ , աղէկ յարմարեցաւ և ես ալ իմ վրէժս պիտի առնեմ :

— Կը մերժէք :

— Կը մերժե՛մ մի , Տիկին մարքիզուհի , դուք զիս ապո՞ւշ կը կարծէք , և շիտակն այդ բրածնիդ մտացի կնկան մը գործ չէ : Եթէ քիչ մը քծնէիք . . . խոստում մը ընէք . . . կարելի էր որ . . .

— Օ՛ն անդր , միթէ մարդ Պ. Բասքալը հրապուրել ձեւացնելու շափ կը նըռուստանայ : Կը հրամայէ անոր որ իւր մէկ վատութիւնը դարմանէ , ու կը դարմանէ , և Պ. Բասքալը կ'արհամարուի վերջըն՝ , ինչպէս առաջ , այսօր՝ ինչպէս երեկ , վաղը՝ ինչպէս այս օր :

— Անէ՛ծք , այս խենդենալու բան է , գոչեց դրամատէրն ապշելով , դրեթէ իսկ սոսկալով Մատլէնի ձայնէն : Բայց մեր մարդն , որ նենգամիտ ու խոհեմ էր , քիչ քիչ ապահովցաւ ու յարեց :

— Է՛յ , տիկին : պատրաստ եմ հնազանդելու՝ եթէ կարենաք բռնադատել զիս . կը սպասեմ :

— Ադի երկար չպիտի տեւէ :

— Կը սպասեմ :

— Ձեր փողոցին մէջ շատ մը բնակարաններ տեսայ վարձու : Ասի ի՛նչ հարկէ զարմանալի բան մը չէ , Պ. Բասքալ , բայց բարեբաղդարար շատ սիրուն բնակարան մը կայ պարապ ճիշդ ձեր տանը դէմ , գետնայարկը :

Բասքալ զարմանօք Մատլէնի երեսը նայեցաւ :

— Այն բնակարանը կը վարձեմ և վաղը հոն կը տեղաւորուիմ :

Անորոշ նախազգացում մը դողացուց դրամատէրն ու դեղնեցաւ .

Մատլէն իւր հրակէզ նայուածքն այս մարդուն աչաց վրայ յառելով՝ շարունակեց :

— Ցերեկ կամ գիշեր ամէն ատեն պիտի գիտնաք որ ես հոն եմ : Չպիտի կարենաք դուրս ելլել կամ տուն գալ առանց իմ պատուհաններու տակէն անցնելու , ուր շատ անգամ պիտի նստիմ : Ապահով եմ թէ տունէն դուրս չպիտի ելլէք : Անդիմագրելի հրապոյր մը ձեզ հոն պիտի կաշկանդէ ամէն ատեն : Իմ տեսքս ձեզ պիտի տանջէ և սակայն պիտի ուղէք տեսնել զիս : Ամէն անգամ որ ձեր աչերն իմ աչացս հանդպին , ինչ որ շատ անգամ պիտի պատահի , սրտերնուդ մէջ դաշոյնի հարուած մը պիտի զգաք , և սակայն ձեր վարագոյրներուն ետեւ ծածկուած , իմ ամենափոքր նայուածքներս պիտի լրտեսէք :

Մատլէն այսպէս խօսելով՝ քայլ մառաւ դէպ ի Բասքալ , իւր յառեալ իւր յառեալ և հրակէզ աչացն ներքեւ շրջութայուած բռնելով զինքը :

Մարքիզուհին շարունակեց ,

— Ամէնն այս չէ : Որովհետեւ այն բնակարանն ընդարձակ է , Անթօնին ալ ամուսնանալուն պէս , պիտի դայ ինձի հետ բնակելու . շիտակը չեմ գիտեր թէ այն ատեն ի՞նչ պիտի ըլլաք , խեղճ Պ. Բասքալ :

— Ո՛հ , այս կինը դժօխքէն եկած է , մըմնջեց դրամատէրն :

— Մտածեցէ՛ք թէ ի՞նչ տանջանքներ պիտի կրէք : Ի հարկէ շատ կը սիրէիք զԱնթօնին , որ կուզէիք անոր հետ ամուսնանալ . անշուշտ զիս ալ կը սիրէիք , որ կուզէիք միլիոններ տալ ինձ . Լա՛ւ ուրեմն , ո՛չ թէ միայն սոսկայի ցաւեր պիտի իմանաք՝ տեսնելով որ այլք կը վայելեն ձեր խենդի պէս սիրած երկու կիները , (վասն զի ես այրի եմ՝ և կուզեմ նորէն ամուսնանալ) այլ նաեւ պիտի անիծէք ձեր անհուն հարստութիւնն , վասն զի ամէն բան ձեզ պիտի ըսէ թէ նա անկարող եղաւ ու պիտի ըլլայ ձեր ամենէն ջերմ փափաքներն դոհացնելու :

— Թողէ՛ք զիս , թոթովեց Բասքալ Մատլէնի առջեւ ընկրկելով : Թողէ՛ք զիս : Բայց այս կինը սադայէլն է :

— Այո՛ , յարեց մարքիզուհին , ակամայ կը խղճամ ձեր վրայ , խեղճ պարոն Բասքալ , երբ միտքս կը բերեմ ձեր կատաղութիւնն , նախանձն , որք յիմարութեան պիտի դառնան , երբ անդադար միտքերնիդ բերէք Անթօնինի երջանկութիւնը , վասն զի ամէն օր պիտի տեսնէք զմեզ , շատ անգամ գիշերն ալ . այո՛ . օգերը գեղեցիկ են , լուսինն սքանչելի , և շատ անգամ իրիկունները , ստուերին մէջ ծածկուած , աչքերնիդ իմ բնակարանիս վրայ յառած , երբեմն պիտի տեսնէք զիս ու զԱնթօնին՝ մեր պատշգամին կռթնած , որ երեկոյեան զովութիւնը վայելելով

սաստիկ պիտի խնդանք Պ. Բասքալի վերայ , որ անշուշտ այն միջոցին վանդակի մը ետեւէն մեզ կը լափէ աչօք , երբեմն ալ զԱնթօնին ու զՊրանց , որք իրենց պատուհանին առջեւ լուսնի լուսով սիրոյ խօսքեր կընեն , մինչդեռ ես ու իմ ամուսինս ըլլալիք անձն ալ սիրահարութիւն պիտի ընենք ձեր աջացն առջեւ :

— Անէ՛ծք , գոչեց Բասքալ ինքնիրմէ ելլելով , վառ ածուխներով կը տանջէ զիս :

— Դեռ ամէնն այս չէ , յարեց մարքիզուհին ցած և գրեթէ դողդոջուն ձայնիւ . երբ ժամերն անցնին , պիտի տեսնէք որ մեր պատուհաններն կը գոցուին , վարագոյրներն կը քաշուին և նոցա ետեւէն կը պըլպըլայ ալապատրեայ կանգեղին աղօտ լոյսը , որ գիշերային հեշտութեանց համար շատ յարմար է : Ապա մարքիզուհին քարձրածայն խնդալով , ըսաւ . ուստի , խեղճ Պ. Բասքալս , չեմ զարմանար եթէ օր մը յուսահատութեամբ խենթեանաք կամ բղբղնիդ պայթեցնէք :

— Գոնէ վրէժս առնելէ վերջը , մըմնջեց Բասքալ՝ աչքերն դառնալով ու գէպի դրասեղանն վազելով , որու մէջ լեցուն ատրճանակ մը կար :

Բայց Մատլէն , որ գիտէր թէ ասանկ մարդէ մը ամէն բան կը յուսացուի , քիչ քիչ վառարանին մօտեցեր էր . Պ. Բասքալի սպառնական շարժումն տեսնելով , ուժով մը քաշեց զանգակին լարը :

Եւ երբ Պ. Բասքալ դեղնած ու ահարկու գիմօք՝ Մատլէնին կը դառնար , ծառայն աշխուժիւ ներս մտաւ , զանգակին ոյժով զարնուելուն զարմանալով :

Բասքալ դրան բացուիլը լսելով և ըսպասաւորը տեսնելով՝ ինքզինքին եկաւ , ատրճանակը շուտ մը ետին տարաւ ու գորգին վրայ ձգեց :

Այս միջոցին մարքիզուհին դրան մօ-

տեցեր ու բարձր ձայնիւ ըսեր էր նօտարին որ , մօտակայ սենեկի մը մէջ կը սպասէր :

— Ներեցէ՛ք , պարո՛ն , ձեզ այսքան ժամանակ սպասցնելուս և բարեհաճեցէ՛ք ներս մտնել :

Նօտարն եկաւ :

— Դուրս ե՛լ , ըսաւ Բասքալ իւր ծառային :

Եւ դրամատէրը ճակտէն վազած պաղքրտինքը սրբեց :

Մատչէն Բասքալին ու նօտարին հետ առանձին մնալով , այս վերջնոյն ըսաւ .

— Պ. Շարլը Տիւթերթրի վերաբերեալ պայմանագիրն պատրաստեցի՛ք , պարոն :

— Այո՛ , տիկին մարքիզուհի , միայն դիրն պէտք է վաւերացնել ու ստորագրել :

— Շատ լա՛ւ , ըսաւ մարքիզուհին : Ապա երբ Բասքալ իւր գրասեղանին առջեւ գտնուած թիկնաթուին կը կռթնէր , նա թերթ մը թուղթ ու գրիչ մ'առաւ և սա խօսքերը գրեց .

« Պայմանագիրն ստորագրեցէ՛ք , և չէ՛ թէ միայն ձեր տանը դէմ չեմ գար բռնակիլ , այլ և այս երեկոյ Բարիզէն կը մեկնիմ և երկար ժամանակ չեմ վերադառնար : Ես խոստումս կը կատարեմ : »

Մատչէն այս տողերն գրելէ ետքը՝ թուղթը Բասքալին յանձնեց՝ նօտարին ըսելով .

— Ներեցէ՛ք , տէ՛ր , նոյն պայմանագրին վերաբերեալ պայման մ'է , զոր կուզէմ Պ. Բասքալի ներկայացնել :

— Ազատ էք , տիկին մարքիզուհի . պատասխանեց նօտարն խոնարհելով , երբ դրամատէրն կը կարդար ,

կարդաց թէ չէ , կարծես թէ մեծ վտանգէ մը փախչելու պէս և այլայլեալ ձայնիւ ըսաւ նօտարին .

— Ո՛ր է այն պայմանագրութիւնն ,

պարոն . . . օ՛ն , լմնցնենք :

— Նախ կարդամ զայն ձեզ , պարոն . պատասխանեց նօտարն՝ պայմանագիրն հանելով ու ծանր ծանր բանալով :

Բայց Պ. Բասքալ ոյժով մը քաշեց զայն ձեռքէն և ըսաւ .

— Ո՛ր պէտք է ստորագրել :

— Հոս , պարոն , բայց նախ գիրը վաւերացնելու է . սակայն սովորութիւն է որ . . .

Բասքալ դողդոջուն ձայնիւ գրին վաւերացումն գրեց , ստորագրեց , գրիչը գրասեղանին վրայ նետեց ու գլուխը ծռուեց , որպէս զի Մատչէնի նայուածքին չի հանդպի :

— Հսւսա ստորագիծ մը կը պակսի , ըսաւ բժախնդիր օտարը :

Բասքալ ստորագծեց , նօտարն պայմանագիրն առաւ՝ զարմացական , գրեթէ իսկ երկչոտ նայուածք մը նետելով Բասքալի վրայ , վասն զի նորա դէմքն դալուկ ու ահարկու էր :

Մարքիզուհին , միշտ պաղարիւնութեամբ , առաւ իւր փոխանակագիրն , որ գրասեղանին վրայ մնացեր էր , դրամատիրոջ ըսաւ .

— Որովհետեւ ճամբայ ելլելու համար ամբողջ ստակիս պէտք ունիմ , պարոն , և այս երեկոյ պիտի մեկնիմ , եթէ կուզէք այս փոխանակագրին ամբողջ գումարըն առնում :

— Մնտուկը գացէք , պատասխանեց Բասքալ մեքենաբար , աչերն մոլեգին ու արիւնալի . վասն զի իւր գեղնութեանն յաջորդեր էր մէկէնիմէկ ծիրանեգոյն կարմրութիւն մը :

Մատչէն գնաց նօտարին առջեւէն , որ Բասքալը ողջունելու պատրուակաւ անդամ մ'ալ կը դիտէր զայն , ու սենեակէն ելլելով՝ դուռը գոցեց ու ծառային ըսաւ .

— Մնտուկն ո՞ւր է :
 — Բակին վրայ ձախ կողմի առաջին
 դուռը , տիկին :
 Մարքիզուհին սրահէն դուրս կ'ելլէր :
 երբ մեծ աղմուկ մը լսուեցաւ Բասքալի
 սենեկին մէջ :

նստէր նստարին հետ , երբ տեսաւ որ
 ծառայն սարսափած դէմքով մը կառնա-
 դուռէն դուրս կ'ելլէր :
 — Ի՞նչ կայ , տղաս , հարցուց նստարն ,
 սարսափած կ'երևնաք :
 — Ս՛հ , պարոն : ի՞նչ դժբաղդութի՛ւն ,



Պ. ԲԱՍԿԱԼ

կարծես մարմին մը կ'իյնար տախտա-
 կամածին վրայ :
 Ծառայն անմիջապէս Մատլէնն ու նո-
 տարը թողլով , տիրոջը սենեակը վազեց :
 Մարքիզուհին իւր փոխանակագիրն
 ամբողջ ընդունելէ ետքը՝ կառք պիտի

տէրս կաթուածահար եղեր է : Բժիշկ
 կանչելու կերթամ :
 Եւ վազելով աներեւութացաւ :
 — Ես ալ , յարեց նստարը՝ խօսքը
 Մատլէնի ուղղելով , կ'ըսէի թէ այս պա-
 րօնը տարօրինակ վիճակի մը մէջ է , ձեզ

ալ այնպէս շերեւցա՞ւ, Տիկին :

— Իրաւցնէ ես ալ, պարոն, զարմա- նալի գտայ Պ. Բասքալի կերպարանքը :

— Աստուած տայ որ ծանր չըլլայ, տի- կին մարքիզուհի : Անանկ հարուստ մարդ մը այս հասակին մէջ մեռնի, մե՛ղք :

— Ա.յո՛, մե՛ղք : Բայց պարոն, եթէ կ'ուզէք, ձեզ մինչեւ ձեր տունն տանիմ, եւ Պ. Տիւթէրթրի վերաբերեալ պայմա- նագիրն ինձ յանձնեցէք, վասն զի պէտք ունիմ անոր :

— Աւաւսիկ, տիկին մարքիզուհի, բայց չեմ հանդուրժէր որ ինձի համար ճամբանիդ դարձնէք: Իմ տունս սա տեղ է :

— Լաւ : բարեհաճեցէք ուրեմն սա 40 հազար ֆրանքն առնուլ : Կ'ուզէի 10 հա- զար ֆրանքի ոսկի ունենալ ճամբու հա- մար եւ 30 հազար ֆրանքի ալ փոխանա- կազիր մը վիէննայի մէջ :

— Անմիջապէս տիկին մարքիզուհի . Ա.յգ ստակներն ե՛րբ պէտք են ձեզ :

— Ա.յս իրիկուն, ժամը վեցէն առաջ :

— Խիստ լաւ, տիկին մարքիզուհի : Նոտարն յարդանօք բարեւէց եւ Մատ- լէն անմիջապէս Շարլը Տիւթէրթրի գոր- ծարանը գնաց :

Ի Բ.

Ըսինք որ Մատլէն Պ. Բասքալի տու- նէն ելլելով՝ գացեր է աիկին Տիւթէրթրի տունը . սա առանձին քաշուեր էր իւր պառկելու սենեակը, երբ սպասուհին մարքիզուհւոյն գալուստը իմացուց :

Սօֆի, որ այն միջոցին թիկնաթուռի մը վրայ նստած էր, մեծ անյուսուլթեան մը

ենթակայ կ'երեւնար : Իւր բարեկամուհին տեսնելով, աշխուժիւ գլուխը վերուց, նորա տխուր սւ արտասուաթոր դէմքը անդիի ծայր դեղնած էր :

— Ա՛ւ, կարդա՛ ու մի՛ լար, գոչեց Մատլէն՝ Պ. Բասքալի ստորագրած պայ- մանագիրն անոր տալով : Երեկ իրաւունք չունէի՞ քեզ ըսելու թէ « Յուսա՛ : »

— Ա.յս թուղթը . . . յարեց տիկին Տիւթէրթրը : Ի՞նչ է, հասկցո՛ւր :

— Քու եւ ամուսնոյդ փրկութիւնը :

— Մեր փրկութի՛ւնը . . . :

— Պ. Բասքալ հաւանեցաւ շնորհել ամուսնոյդ խնդրած պայմանաժամը :

— Իրա՞ւ, ո՛չ, ո՛չ, այդպիսի երջան- կութիւն մը . . . անկարելի է :

— Կարդա՛ ուրեմն, թերեհաւատ :

Սօֆի շուտ մը պայմանագիրն աչքէ անցուց . ապա՝ զարմանօք մարքիզուհւոյն երեսը նայելով՝

— Ասի հրաշք է, ըստ : չեմ կրնար աչքերուս հաւատալ : Եւ ի՞նչ միջոցաւ . . բայց Աստուա՛ծ իմ, այս դիւթութիւն է :

— Թերեւս, պատասխանեց Մատլէն ժպտելով, ո՞վ գիտէ :

— Ա՛հ, ներեցէք, սիրելիս, գոչեց Սօֆի՝ մարքիզուհւոյն վիզը նետուելով . այնքան զարմացայ որ, պահ մը մոռցայ երախտագիտութիւնս՝ յայտնել քեզ, Դու զմեզ անանկութենէ կ'ազատես, մենք ու մեր զաւակներն ամէն բան քեզ պիտի պարտինք, երջանկութիւն, ապահովու- թիւն, հարստութիւն . ո՛հ, Մատլէն, դու մեր ազատարար հրեշտակն ես

Տիկին Տիւթէրթրի երախտագիտու- թիւնն անկեղծ էր :

Սակայն մարքիզուհին իւր մտերմուհ- ւոյն ձայնին, շարժմանցն ու նայուածքին մէջ տեսակ մը բռնազբօսիկ բան մը նըշ- մարեց : Իւր կերպարանքն զուարթ չէր

երեւնար, ինչպէս որ պէտք էր ըլլալ այս անյուստի փրկութեան լուրն առնելով:

Անշուշտ տիկին Տիւթէրթըրը ուրիշ վիշտ մ'ունէր, ուստի Մատլէն, պահ մը լուռ կենալէ ետքը, յարեց.

— Սօֆի՛, դու բան մը կը ծածկես ինձմէ, քու վիշտերդ դեռ չի լմնցան:

— Ի՞նչ կ'ըսես, երբ քու շնորհիւդ, Մատլէն, մեր ապագայն այսօր այնքան գեղեցիկ ու ապահով է, որքան որ անյոյս էր երեկ, երբ . . .

— Ես ալ կ'ըսեմ որ դու տակաւին վիշտ ունիս, Սօֆի, պէտք է որ լիակատար ուրախութիւն մը կարդայի դէմքիդ վրայ, և դու հազիւ կրնաս վշտերդ ծածկել:

— Արդեօք զիս ապերախտ կը կարծես:

— Կը կարծեմ որ խեղճ սիրտդ վիրաւորեալ է, և այդ վէրքն այնքան ցաւազին է որ, բերած գեղեցիկ լուրս քեզի դոյզն ինչ չի մեղմացնէր զայն:

— Մատլէն, կ'աղաչեմ, թող զիս, այդպէս երեսս մի նայիր, վասն զի կը խրոսովիմ. Մի՛ հարցնէր, բայց հաւատայ որ կենացս մէջ բնաւ չպիտի մոռնամ ըրածդ:

Եւ տիկին Տիւթէրթըրը դէմքը ձեռքերուն մէջ ծածկեց ու սկսաւ լալ:

Մարքիզուհին քանի մը վայրկեան մը տածեց, վարանեցաւ և յարեց.

— Սօֆի, ամուսինդ ո՞ւր է:

Նորատի կինը սարսուաց, դողաց, կարմրեցաւ ու ակամայ, գրեթէ իսկ երկիւղիւ գոչեց.

— Զինքը տեսնել կ'ուզես:

— Այո՛:

Զեմ գիտեր . . . թէ . . . գործարանն է, պտասխանեց տիկին Տիւթէրթըրը թոթովելով. բայց եթէ կ'ուզես, եթէ անպատճառ կը պահանջես, զինքը կան-

չել տամ, որպէս զի այս լուրն քու բերնէդ իմանայ:

Մարքիզուհին մելամաղձութեամբ գըլուխը ցնցեց և ըսաւ.

— Ես ամուսնոյդ շնորհակալութիւններն ընդունելու համար չէ որ ուզեցի զինքը տեսնել, Սօֆի, այլ իրեն ու քեզ մնաս բարով ըսելու համար:

— Մնաս բարով:

— Այս երեկոյ Բարիզէն պիտի մեկնիմ,

— Պիտի մեկնիս: գոչեց տիկին Տիւթէրթըրը, և իւր ձայնին մէջ զարմացման, տխրութեան և ուրախութեան զարմանալի խառնուրդ մը նշմարուեցաւ:

Նոցա և ոչ մին չվրիպեցաւ Մատլէնի աչքէն:

Նաև տաժանելի տպաւորութիւն մը իմացաւ: Իւր աչքերն թըջեցաւ, ապա այլայլութիւնը զսպելով, բարեկամուհւոյն ձեռքերն բռնեց ու ժպտելով ըսաւ:

— Խեղճ Սօֆիս, դու նախանձոտ ես, . . .

— Մատլէն:

— Ինձմէ կը նախանձիս, խոստովանէ:

— Կ'ապահովեմ թէ . . .

— Սօֆի, անկեղծ եղի՛ր, ասի ուրանալով ինձ կարծեցնել կուտաս թէ ես գիտնալով քծներ եմ ամուսնոյդ, և Աստուած գիտէ որ այդ իրաւ չէ, ես զինքը մէկ անգամ միայն տեսայ, այն ալ քու դէմդ . . .

— Մատլէն, գոչեց նորատի կինն եւ ռանդեամբ ու չի կրնալով արցունքներն բռնել, ներէ՛ ինձ, այս զգացումն անարժան ու անվայել է, վասն զի գիտեմ սրտիդ ազնուութիւնն և դեռ այս վայրկենին դու զամենքս ալ ազատեցիր, բայց եթէ գիտնայի՛ր . . .

— Այո՛, բարի Սօֆիս, եթէ գիտնա-

ւակացի սիրովն գրաւեալ, բնաւ փոյթ չըրիր թէ մազերուդ ձեւը կը վայլէ՞ սիրուն դէմքիդ, թէ շրջազգեստդ լաւ կը յարմարի՞ շնորհալի իրանիդ, թէ ոտքիդ ամանները վայելո՞ւչ էին : Ամուսինդ ալ իւր աշխատութեանցը զբաղած, քիչ քիչ ինքզինքը մոռցաւ : Ձեր աչերն անզգալաբար վարժուեցան այս փոփոխութեան, գրեթէ իսկ առանց նշմարելու, ինչպէս որ միասին ապրող երկու հոգի միմեանց ծերանալը չեն նշմարեր : Եւ ասի այնքան ճշմարիտ է, Սօֆիս, որ եթէ այս ժամուս միտքդ բերես այն շքեղութիւնն ու սիրուն խնամքներն, որոցմով կը զբաղէիք, դու և ամուսինդ, ձեր սիրոյն գեղեցիկ ժամանակները : պիտի այլայլիս մնաս՝ ներկայն անցեալին հետ բաղդատելով :

— Ադի շատ ճշմարիտ է, Մատլէ՛ն, պատասխանէց Սօֆի՛ տխուր, գրեթէ ամօթապարտ նայուածք մը նետելով իւր անխնամ հազուստներուն և անկարգ մազերուն վրայ : Այո՛, քիչ քիչ ամուսնոյս հաճելի ըլլալու արուեստն կամ փափազք մոռցայ : Աւա՛ղ, հիմա զղջալու ժամանակն անցած է :

— Ինչո՞ւ : գոչեց մարքիզուհին, քանի որ տակաւին 25 տարու ես, այդպէս հըրապուրիչ դէմք մը, վայելուչ մարմին մը, գեղեցիկ մազեր, մարգարտի պէս ակռաներ, անուշ աչքեր, դքսուհւոյ ձեռքեր և տղու ոտքեր ունիս . . . : Թո՛ղ որ ես կէս ժամ քո սպասուհիդ ըլլամ, սիրելիս, և պիտի տեսնես թէ ամուսինդ առաջուան պէս քեզ սիրահար դարձնելու ժամանակն անցած է մի :

— Ա՛հ, Մատլէն, աշխարհի մէջ քենէ զատ մէկը չկայ որ յուսահատից յոյս տայ, և սակայն բսածներուդ ճշմարտութիւնք կը սոսկացնէ զիս : Ափսո՛ս, իրաւունք ունիս, Շարլը այլ ևս չի սիրեր զիս :

— Միշտ նոյնքան կը սիրէ և թերեւ աւելի, խեղճ անմիտ . վասն զի դու իրեն համար փորձուած կին մը, իւր դաւակացը մայրն ես, բայց ոչ առաջուան յափշտակիչ սիրուհին, ասոր համար ձեր երջանկութեան առաջին օրերուն եռանդագին ու կրակոտ սէրը չունի : Այս բսածներս քիչ մը դրական են : Սօֆիս, բայց վերջապէս Աստուած ըրածը գիտէ, մեզ բոլորովին աննիւթ չէ ստեղծեր : Մեր անձին մէջ ամեն բան նիւթ չէ, այո՛, բայց ամեն բան հոգի ալ չէ, ուստի պէտք է զարդարել ու հոտաւետել զայն : Վերջապէս, ներէ՛ այս այլանդակութեանս : Ընտանիքի մը մէջ քիչ մը քշտահոտութիւն աւելորդ չէ՝ սովորութեամբ ընդարմացեալ զգայարանքներն արթնցնելու համար, ապա թէ ոչ հրապուրիչ սիրուհին միշտ առաւելութիւն մը կ'ունենայ ամուսնոյն վըրայ . և ինչո՞ւ համար կնոջ ու մօր պարտականութիւններն անհամաձայն պիտի ըլլան սիրուհւոյ հրապոյրներուն հետ . ինչո՞ւ ամուսինը, հայրը սիրահար չպիտի կարենայ ըլլալ : Սօֆի, երկու բառով ամփոփեմ քու և իմ կացութիւնն : Ամուսինդ +եղ և «երէ, բայց չի ՓԱՓԱԳԻԻ +եղ, շե՛ւծ «երէ, և ինչ կը ՓԱՓԱԳԻ :

Ապա մարքիզուհին յիմարի մը պէս խնդալով՝ յաւել .

— Ձարմանալի չէ՞ որ ես, օրեօրս, որ խնդրոյն մէջ շահ չունիմ, վասն զի կը նմանիմ ստամոքս չունեցող և գեղեցիկ կերակուրներու վրայ խօսող որկրամոլին, զարմանալի չէ՞ որ ես դաս տամ ամուսնացեալ կնկան մը :

— Ա՛հ : Մատլէն, գոչեց Սօֆի եռանդեամբ, այսօր երկու անգամ փրկեցիր զմեզ, վասն զի ամուսինս քեզ համար զգացածին կրնար քենէ նուազ վահանձն կնկան մը համար ալ զգալ, և մը-

տածէ՛ թէ այն ատեն ո՛րքան պիտի տա-
 ուապէի ու լայի : Ո՛հ , իրաւունք ունիս ,
 իրաւունք ունիս . պէտք է որ Շարլը իւր
 նախկին սիրուհին գտնէ իւր կնոջ վրայ :
 Երկու մտերմուհեաց խօսակցութիւնն
 ընդմիջեցաւ Անթօնինի գալովն :

Ի Գ.

Մատլէնի ու Սօֆիի խօսակցութիւնն
 ընդմիջուեցաւ Անթօնինի գալտեամբն ,
 որ ուրախութեան , երիտասարդութեան
 ու երջանկութեան նման եռանդուն ներս
 մտաւ գոչելով .

— Սօֆի , երեկ դիտէի որ Մատլէն
 այս առտու հոս պիտի գայ , և վազելով
 եկայ ձեզ ըսելու որ . . . :

— Շատ մի խօսիր , յարեց մարքիզու-
 հին զուարթօրէն՝ Անթօնինի ճակատն համ-
 բուրելով , կորսնցնելու ժամանակ չունինք ,
 պէտք է որ Սօֆիի սենեկապանուհիներն
 ըլլանք , ինչպէս որ ատենով կրնէինք դըպ-
 րոցին մէջ :

— Ի՛նչ կ'ըսես , գոչեց նորատի կինը :
 — Բայց , Մատլէն , յարեց Անթօնին ,
 ես եկայ ձեզ իմացնելու որ իշխանն ու
 ու հօրեղբայրս ամուսնութեանս դաշնա-
 գիրն ստորագրեցին այս առտու և . . . :

— Դաշնագիրն ստորագրուեր է , զա-
 ւակս , այս էր կարևորն , մնացեալն կը
 պատմես ինձ՝ երբ մեր սիրելի Սօֆին ա-
 ղեկ մը զարդարենք . այս ալ խիստ կարե-
 ւոր և ստիպողական է :

Ապա մարքիզուհին ցած ձայնիւ տիկին

Տիւթերթրի ականջին ըսաւ :

— Ամուսինդ ուր որ է կուգայ , պէտք
 է որ հիանայ , և հրապուրուի :

Ապա խօսքն Անթօնինի ուղղելով՝ յա-
 րեց .

— Շո՛ւտ , շո՛ւտ , աղջիկս . սա զար-
 դասեղանը բռնէ որ պատուհանին առջեւ
 բերենք և նախ Սօֆիի մազերը շտկենք :

— Բայց , Մատլէն , պատասխանեց
 տիկին Տիւթերթրը ժպտելով , վասն զի
 ականայ յոյսն ու երջանկութիւնը կը տի-
 րէին սրտին . դու յիմար ես :

— Կարծածիդ չափ չէ , պաասխա-
 նեց մարքիզուհին՝ Սօֆին զարդասեղանին
 առջեւ նստեցնելով :

Այն ատեն նորա հիանալի մազերն քա-
 կելով՝ ըսաւ .

— Ասանկ մազեր ունեցողն եթէ հը-
 րէշի մը պէս տգեղ ալ ըլլայ , կ'ուզէ ան-
 դիի ծայր հրապուրիչ երեւնալ . դու հի-
 մայ ինքզինքդ դատէ : Օ՛ն , Անթօնին ,
 օգնէ՛ ինձ , վասն զի այս մազերն այնքան
 երկայն ու խիտ են որ , ձեռքիս մէջ չեն
 սեղմիր :

Հրապուրիչ բան մ'էր այս զանազան
 գեղեցկութեան տէր երեք մտերմուհեաց
 այսպէս խմբուիլն տեսնել : Անթօնինի ամ-
 բիծ դէմքն զարմանք կը յայտնէր այս ա-
 նակրնկալ զարդարանաց վրայ : Սօֆի , ան-
 ցելոյն անուշ յիշատակներէն այլայլած ,
 կ'զգար որ իւր տխուր ու դեղնած դէմքն
 խարտեաչ մազերուն քօղին ներքեւ ակա-
 մայ կը շիկնէր , մինչդեռ Մատլէն , իւր
 մտերմուհւոյն հիանալի մազերէն օգտե-
 լով , հրապուրիչ ձեւ մը կուտար անոնց :

— Հիմայ , ըսաւ մարքիզուհին Սօֆիի ,
 ի՛նչ շրջազգեստ պիտի հագնիս : Բայց եթե
 թէ ամենքն ալ միևնոյն ձեւի վրայ կը տ-
 րուած են , շատ դէշ են :

— Դժբաղդաբար այնպէս են , պա-

տասխանեց Սօֆի ժպտելով :

— Աղեկ , յարեց մարքիզուհին , գըրաւ կը դնեմ որ ամենքն ալ գոց են :

— Այո՛ , ըսաւ խեղճ Սօֆի :

— Աղեկ , ըսաւ Մատլէն , այնպէս որ այս սիրուն ուսերը , հրապուրիչ թեւերը մշտապէս թաղման դատապարտուած են , ողբալի՛ բան : Օ՛ն : գոնէ վայելուչ դիշերազգեստ մը չունի՞ս :

— Գիշերազգեստներս տմենքն ալ պարզ են , իրաւ է որ աւենով . . . :

— Ի՞նչ :

— Շատ գեղեցիկներ ունէի :

— Ո՛ւր են անոնք :

— Ինձի պէս ընտանեաց մօր մը համար շատ զարդարուն ըլլալով , պատասխանեց Սօֆի ժպտելով , սա դարանին վերի աչքը նետեցի կարծեմ ամենքն ալ :

Մարքիզուհին ա՛լ մտիկ չըրաւ , դարանը բացաւ , տակն ու վրայ ըրաւ եւ վերջապէս երկու երեք սիրուն գիշերազգեստ դտաւ դծաւոր սնդուսէ և խիտ թարմ : Անոնցմէ մին ընտրեց , որու մարմինն բաց կապոյտ և դծերն յարդի գոյն էին . բաց ու լայն թեզանիքներն թեւը մերկ պիտի ձգէին արմուկէն վար , և թէ և առջևէն գոց էր , սակայն կրնար ըստ հաճոյս բացուիլ և կուրծքը երեւան հանել :

— Աքանչելի՛ , ըսաւ Մատլէն , այս կերպասը գեղեցիկ ու նոր է , հիմայ ըսպիտակ մետաքսէ գուլպայներ պէտք են , որք արժանի ըլլան սա Սանտրիլեօնի վայելուչ կիսակօշիկներուն , զոր կը գտնեմ այս դարանին մէջ , ուր գէնքերդ պահեր ես , այլ ևս պատերազմի չի դացող զինարի մը պէս :

— Բայց , սիրելի՛ս , ըսաւ Սօֆի , ես . . .

— Բայց մայց չկայ , գոչեց մարքիզուհին սրտնեղութեամբ , կ'ուզեմ որ ամուսինդ վերադարձած ատեն ինքզինքն հինգ տարու պզտիկ կարծէ :

Սօֆի Տիւթէրթըրը թեթեւ մը դէմդընելէ ետքը . հնազանդեցաւ իւր մտերմուհւոյն խրատներուն : Քիչ վերջը , երկար ակնարկ մը վրայ թոյլօրէն ընկողմանած , հաւանեցաւ որ մարքիզուհին վերջին ներկն ալ տայ այս կենդանի նկարին : Մատլէն քանի մը դանգուրներ ցրուեց վըզին շուրջը , որ անդիի ծայր սպիտակ էր , լայն թեզանիքներն վեր առաւ , որպէս զի արմուկն աղէկ մը երեւնայ , հակառակ Սօֆիի դժկամակութեանը , քիչ մը բացաւ գիշերազգեստին կուրծքը , և քղանցքներն ալ այնպէս մը շտկեց որ՝ նորատի կնոջ գիրուկ սրունքներուն վարի մասը ու սիրուն ոտքերն կ'երեւնային :

Պէտք է ըսել թէ Սօֆի Տիւթէրթըրը սքանչելի էր այս դիրքին մէջ . այլայլութիւնը , յոյսը , անորոշ կասկած մը իւր անուշ և հրապուրիչ գէմքը գունաւորելով նորա նայուածքն կ'ողեւորէին և կուրծքը տրոփել կուտային :

— Տէ՛ր Աստուած : ես այսքան գեղեցիկ ըլլալդ չէի գիտէր :

— Սօֆի ինքն ալ չէր գիտեր , պատասխանեց Մատլէն ուսերն ցնցելով . ես եմ որ այս հրապուրներն գերեզմանէ հանեցի :

Տիկին Տիւթէրթրի սպասուհին դուռը զարնելով՝ ներս մտաւ ու տիրուհւոյն ըսաւ .

— Պարոնը կը փափագի տիկնոջ հետ խօսիլ : Ինքը գործարանն է . կը հարցնէ թէ տիկինը իւր սենեակն է :

— Հօս ըլլալդ գիտէ , ըսաւ Սօֆի Մատլէնի՛ ցած ձայնիւ ու հառաչելով :

— Ըսել տուր որ դայ , յարեց մարքիզուհին :

— Իմաց տուէք Պ. Տիւթէրթրի որ սենեակս եմ , ըսաւ Սօֆի սպասուհւոյն , որ դուրս ելաւ :

Այն ատեն Մատլէն խօսքը բարեկամուհւոյն ուղղեց և թևերն երկնցնելով ըսաւ :

— Եւ հիմայ, մնաս բարո՛վ, Սօֆի, բսէ՛ ամուսնոյդ որ Պ. Բասքալէն ազատեցաւ :

— Կը մեկնի՞ս, ըսաւ Սօֆի տխրութեամբ. երբ պիտի տեսնեմ զքեզ անգամ մ'ալ :

— Չեմ գիտեր. թերևս օր մը . . . բայց ամուսինդ կուգայ . . . ես երթամ :

Ապա ժպտելով յարեց .

— Միայն թէ կուզեմ սա դռնակին ետևէն յաղթանակդ տեսնել :

Եւ Անթօնինի նշան ընելով որ հետն երթայ, քովի սրահին դռնակին ետին քաշուեցաւ այն պահուն որ Պ. Տիւթէրթըրը իւր կնոջը ննջարանը կը մտնէր : Քանի մը վայրկեան Շարլի աչքերն աստ և անդ թափառեցան, կարծես այնպիսի մէկն բնառելով՝ զոր կը յուսար հոն գտնել, և չի նշմարեց Սօֆիի կերպարանափոխութիւնն : Կինն իրեն ըսաւ :

— Շարլը, ազատեցա՛նք. ահաւասիկ Պ. Բասքալի ստորագրութիւնը :

— Տէ՛ր Աստուած, իրա՛ւ է, գոչեց Տիւթէրթըրը՝ կնոջը տուած թուղթը կարդալով. ապա աչերն Սօֆիի վրայ դարձրնելով, նշմարեց նորա հրապուրիչ դարդարանքն : Չարմանքէն և հրացումէն պահ մը լուռ կենալէ յետոյ՝ գոչեց .

— Սօֆի՛, ադ ի՞նչ է, այդ ի՞նչ նոր ու գեղեցիկ զարդարանք է. ըսել է մեր ազատութեան օրն կ'ուզե՞ս տօնել :

— Շարլը, յարեց Սօֆի ժպտելով և կարմրելով, այս զարդարանքն նոր չ'է : Եթէ կը յիշես քանի մը տարի առաջ այս վիճակիս մէջ հաճելի էի քեզ :

— Կը յիշե՛մ մի, գոչեց Տիւթէրթըրը լինելով որ հարստութեան մէջ . . .

լի յիշատակներ կը զարթնուին յինքեան ա՛հ, այն մեր սիրոյն գեղեցիկ ժամանակըն կը վերածնի : Առաջուան պէս կը տեսնեմ զքեզ. գեղեցկութիւնդ նոր փայլ մը կ'առնու ինձ համար : Չեմ գիտեր թէ ինչ է պատճառը, բայց այս շգեղութիւնը, այո շնորհն, այս զարդարանքը, քու կարմրութիւնդ, սա հիրիկին անուշ հոտը զոր այնքան կը սիրէինք, վերջապէս ա՛հն բան կը յափշտակէ զիս : Ո՛չ, սրբեք այսքան գեղեցիկ տեսած չ'էի զքեզ, յարեց Տիւթէրթըրը սիրավառ ձայնիւ ու Սօֆիի ձեռքերն համբուրելով : Ո՛հ, այո՛, դու ես, դո՛ւ, ո՛վ իմ առաջին «երջ» պաշտեցեալ առարկայն :

— Հիմայ, աղջի՛կ, կարծեմ թէ քաշուելու ատեն է, ըսաւ Մատլէն Անթօնինի, առանց ժպտը բռնելու :

Եւ երկուքն ալ ոտքերնուն ծայրը կսխտելով՝ սրահէն ելան, և մարքիզուհին անոր դուռը գոցելով, մտան Պ. Տիւթէրթրի սենեակը, ուսկից պարտէզ կ'ելլուէր :

— Մատլէ՛ն, ըսաւ Անթօնին մարքիզուհւոյն, քիչ մ'առաջ չէ՛ թողուցիր որ խօսքս աւարտեմ :

— Խօսէ՛ տեսնեմ, աղջիկս :

— Պ. Ֆրանց հոս է :

— Հո՛ս, ըսաւ մարքիզուհին դողալով և չկարենալով ցաւազին զգացում մը չիմանալ : Եւ ի՞նչպէս, ի՞նչու Պ. Ֆրանց հոս եկաւ :

— Ինձմէ իմանալով որ այս առտու հոս պիտի դանուխ, յարեց Անթօնին, Պ. Ֆրանց եկաւ իւր շնորհակալիքն յայտնել քեզ : Պարտէզին մէջն է, ահաւասիկ :

Նորատի աղջիկն դայս ըսելով Ֆրանցը ցուցուց, որ արդարև պարտէզին մէջ նրս . . .

Մատեն վերջին ու երկար նայուածք մը ձգեց իւր խորտաշ Գերովէին վրայ, և արցունք մը գալարեցաւ աչքերուն մէջ. ապա Անթօնինի ճակտէն համբուրելով, թեթեւ մ'այլալիեալ ձայնիւ ըսաւ նմա.

— Մ'նասբարո՛վ, աղջիկս :

— Ի՛նչպէս, Մատեն, գոչեց Անթօնինն տպշելով, առանց Պ. Ֆրանցը տեսնելու կ'երթա՞ն. բայց այդ անկարելի է, բայց . . .

Մարբիզուհին մատը շրթանցը վրայ դրաւ նշան ընելով Անթօնինի որ լռէ. ապա անգամ մ'ալ աչերն պարտէզին կող-

մը դարձնելով՝ հեռացաւ ու աներևու-
թացաւ :

Երկու ժամ վերջը Միրանտայի մարբի-
զուհին Բարիզէն կը մեկնէր՝ սա տոմար
ձգելով արքիդքսին :

Տե՛ր

« Վիեննա պիտի երթամ յեղ սպասեմ. եկե՛ք
Բուլրովն հրապարեցե՛ք դե՛ս :

« ՄԱՏԼԷՆ »

ՎԵՐՁ



Յ. Յ. ԶԷՆՃԻՐՃԵԱՆ

ՄԱՀՄՈՒՏ — ԲԱՇԱ ԹԻՒ 259

Գրատանս մէջ կը գտնուին Պօլսոյ . Երուսաղիմոյ Զմիւռնիոյ , Վենետիկի և Վիէննայի հայ մամուլն գործերէն զատ . Հայերէն . Տաճկերէն . Գաղղիերէն և Անգղիերէն լեզուաց դասական և այլ գրքեր :

Գրատունս գաւառներու և այլ հեռաւոր տեղից յանձնարարութիւնքը կը ընդունի դիւրութիւն խօստանալով իրենց փոխադրութեան միջոցներուն :

Մասնաւոր ցուցակ Գրատանս վերաբերեալ գրեանց հեղինակր կամ աշխատասիրողր երկասիրութիւնր

- Տիկին Ս . Տիւսաբ Մայտա
- Տիկին Մ . Մամուրեան Փօքրիկ Տղու մը յուշակէտը
- Տ . Տ . Ասլանեան Գ Բնագիտութիւն
- « Տ . Ծերեց Երկունք Թ . գարու
- « Տ . Ծերեց Թէոթորոս ինչուունի
- « Տ . Ծերեց Թորոս Աւոնի
- « Տ . Մամուրեան Մ Գիտելիք պարտիք
- « « « Ընդհանուր ազգաց պատմութիւն
- « « « Ընթերցարան
- « « « Մանկտիք
- « « « Յիշատակք սիպէրիականի
- « « « Պատմութիւն բնական գիտութեան
- « « « Տունէն դուրս
- « « Ռ . Պերպերեան Առաջին տերևք
- « « « Երկու բանախօսութիւն
- « « « Ժողովրդեան զբօսանքներ
- « « « Լամբնէ բանք հաւատացելոց
- « « « Հէրման Դօրէթէա
- « « « Քաղաքական տնտեսութիւն
- « Ն . Պերպերեան . Բուրատան մանկանց 1882-1885
- « « « Մարմնամարդութիւն

ՆՈՐ ՀՐԱՏԱՐԱԿՈՒԹԻՒՆՔ ՇԱՐՈՒՆԱԿԵԼԻ
Պատկերազարդ Մատենադարան
Եօրջ մահացու մեղքեր . Էօթէն Սուր .
ԲԱՐԿՈՒԹԻՆ ԲՂԶԱԽՈՂՈՒԹԻՒՆ
ԸՆԴ ՄԱՄԼՈՎ

Բնութիւն հնտերոպական հին լեզուաց Հ. Ս. ՏԷՎՐԻՇԵԱՆԻ

INDEX

U. S. DEPARTMENT OF THE INTERIOR

General Land Office
Washington, D. C.

Section of the Geological and Geographical Names Commission

Report of the Commission on the Names of the States and Territories of the United States

Alabama	1
Alaska	1
Arizona	1
Arkansas	1
California	1
Colorado	1
Connecticut	1
Delaware	1
District of Columbia	1
Florida	1
Georgia	1
Idaho	1
Illinois	1
Indiana	1
Iowa	1
Kansas	1
Kentucky	1
Louisiana	1
Maine	1
Maryland	1
Massachusetts	1
Michigan	1
Minnesota	1
Mississippi	1
Missouri	1
Montana	1
Nebraska	1
Nevada	1
New Hampshire	1
New Jersey	1
New Mexico	1
New York	1
North Carolina	1
North Dakota	1
Ohio	1
Oklahoma	1
Oregon	1
Pennsylvania	1
Rhode Island	1
South Carolina	1
South Dakota	1
Tennessee	1
Texas	1
Utah	1
Vermont	1
Virginia	1
Washington	1
West Virginia	1
Wisconsin	1
Wyoming	1

U. S. DEPARTMENT OF THE INTERIOR
General Land Office
Washington, D. C.

Section of the Geological and Geographical Names Commission

1901
1902
1903

2013

